

# C U R S U S THEOLOGICO-MORALIS

Ad usum Tyronum elucubratus.

P A R S   S E C U N D A.

## DE PRÆCEPTIS DECALOGI.

### Proœmium.



Ræmisso jam de Legibus universim tractatu, præcipuum Theologiæ Moralis opus aggredimur, explanationem scilicet totius legis, quam naturæ humanæ inscripsit, & Deus lapideis tabulis insculpsit; ut proinde unicuique non utilis modo, sed etiam pernecessaria sit institutio, quam molimur: Sed Confessariis præsertim debet esse familiaris; cum enim omnia omnino præcepta in lege naturali fundentur, omnes omnino conscientiæ casus ex principiis, quæ passim in hoc opere jaciuntur, decidi universim possunt.

In prima itaque quæstione præambula examinabimus, quæ ad notitiam horum præceptorum apte acquirendam præmitti debent. Deinde de primo Decalogi præcepto fusc agemus; atque adeo de Virtute religionis, ejusque præcipuis actibus, Oratione scilicet, & Adoratione, ac de tribus virtutibus Theologicalibus, quibus præsertim Deus colitur; Necnon de Vitiis religioni oppositis, videlicet de Superstitione, Blasphemia, Sacrilegio, &c. Præterea disceptabimus de secundo præcepto, ubi de Voto, & Juramento, necnon de Perfidia, Perjurio, Adjuratione. Tum de tertio præcepto, ubi de Operibus die festo prohibitis, & de Missæ auditione, ac de Jejunio. Postmodum de Charitate proximo de-

*Pars II.*

A

bita,

1  
bita, ac de Honore parentibus, ac maioribus præstando. Demum  
de Octavo præcepto, ubi de iis, quæ ad judicia spectant, brevi-  
ter agendum. De sexto enim, & nono præcepto agendum cum  
de Matrimonio; De quinto vero, septimo, & decimo dicemus.  
Deo dante cum de Restitutione.

QUÆ

# QUÆSTIO PRIMA.

## De Prolegomenis ad Præcepta Decalogi.

**A**Ntequam ad singula Decalogi præcepta descendamus, præmittere oportet, Primo, quæ ad numerum, ordinem, & dispensabilitatem eorundem pertinent. Secundo, Quoniam eorum transgressio vel est mortalis, vel venialis, agere oportet, quomodo peccatum mortale transeat in veniale ratione indeliberationis, aut imperfecti consensus, vel ex materiæ parvitate: Et quomodo peccatum veniale possit in mortale transire, vel ratione contemptus, vel ratione scandalî, aut periculi incidendi in mortale, aut ratione finis ultimi in eo positi. Tertio discutimus, Quinam ad præcepta teneantur? ubi de pueris, amentibus, ebriis, infidelibus, peregrinis. Quarto, de Modo, quo præcepta sunt servanda; videlicet an cum intentione satisfaciendi, & an obligent ad impedimenta removenda? Quinto, Quando ignorantia, metus, impotentia implendi totum præceptum, necessitas, dispensatio excusent transgressorem: Quamvis autem in tractatu de Legibus plurima hisce de rebus fuisse disseruerimus; Nihilominus quia ad hunc etiam tractatum ea apprimè pertinent, idcirco operæ pretium est celebriora, & utiliora hic summam delibare.

### ARTICULUS I.

*VI. Qua ratione dicatur aliquando Deus in his præceptis dispensasse?*

De Numero, Ordine, & Dispensabilitate Præceptorum Decalogi.

- I. Præcepta Decalogi sunt Legum Summa, & Epitome. Tria prima, quæ respiciunt Dei cultum, dicuntur Prima tabula; reliqua, quæ ad homines referuntur, Secunda tabula appellantur.*
- II. His decem præceptis corde, ore, & opere ad Deum, & ad homines ordinantur.*
- III. Cur non plura enumerentur, aut pauciora?*
- IV. Quare duplici præcepto vetatur Adulterium, ac desiderare Uxores alienas, & non vetatur pariter duplici præcepto Homicidium, ac desiderare mortem alterius?*
- V. Num possit Deus in præceptis Decalogi dispensare?*

**P**Ræmitto, nomen græcum, Decalogos, significare latine, Decem verba; Et quia Deuter. 40. dicitur, *Ostendit vobis Deus pactum suum, & decem verba, quæ scripsit in tabulis lapideis*, Hinc factum est, ut nomine Decalogi veniant ea decem verba, quæ locutus est Deus Moyse in monte Sinai, & in duabus lapideis tabulis inscripsit, ut a populo Hebræo servarentur: Hæc autem quia paucis continent, quæ ad hominem recte formandum pertinent, idcirco ab August. Legum Summa, & Epitome nuncupantur. Ex his tria prima dicuntur primæ tabulæ, ex D. Th. 1. 2. quæst. 100., utpote quæ ad Dei cultum pertinent; reliqua septem dicuntur secundæ tabulæ, utpote quæ spectant ad socialem cum hominibus vitam peragendam; Utraque natura

lia sunt, cum natura ipsa distante accipiamus; Sunt etiam Divina, cum Deus ea per Angelum promulgarit.

II. Quæritur nunc primo: Quare Divina hæc præcepta numero denario comprehenduntur? Cur non fuerunt sufficientia duo illa, *Diliges Dominum Deum tuum ex toto corde tuo; & Proximum sicut teipsum*; aut illa, *Declina a malo, & fac bonum*? Cur non adduntur præcepta Fidei, Spei, & Charitatis; aut præcepta a Christo Domino imposita suscipiendi Baptismum, Eucharistiam &c.?

Respondeo cum D. Th. loc. cit., numerum denarium præceptorum fuisse convenientissimum; iis enim apte ad Deum, & homines ore, corde, & opere ordinamur: Ad Deum enim ordinamur Corde per primum præceptum colendi unum Deum; Ore per secundum, non assumendo nomen Dei in vanum; Opere per tertium, sanctificando Sabbata: Præterquamquod fidelitas, reverentia, & obsequium Deo supremo Domino debita iisdem apte præcipiuntur. Deinde ordinamur ad majores per quartum præceptum, honorando parentes; ad reliquos ordinamur opere non occidendo, non mœchando, aut furando; Ore non loquendo falsum testimonium, & Corde non concupiscendo bona, aut uxorem proximi.

III. Verum quidem est, in duobus illis præceptis Charitatis universam legem pendere; At Deus voluit apertius exprimere in Decalogo quæcunque primo intuitu lex naturalis unicuique distat, nec voluit se extendere ad alia præcepta, quæ ex iis deducuntur, ne multitudo mentem rudium opprimeret. Præcepta vero Fidei, Spei, & Charitatis ex August. includuntur in primo colendi Deum; non enim Deus aliter colitur, quam fide, spe, & charitate. Præcepta deum Christi Domini non continentur

in Decalogo; cum non sint naturalia, sed positiva: Est quidem naturale præceptum penitentia; illud tamen in primo Decalogi præcepto includitur, tanquam conclusio in suo principio.

IV. Rogabis, Cum præter duo præcepta non furandi, & non mœchandi dentur duo illa alia non concupiscendi bonum, & uxorem proximi; cur non dantur etiam præter duo illa præcepta non occidendi, & non dicendi falsum testimonium, duo alia, videlicet non concupiscendi mortem alterius, & non optandi falsum testimonium?

Respondeo cum D. Th., non omnia præcepta naturalia in Decalogo expresse contineri, sed ea, quæ maxime inculcanda erant hominibus; non enim expresse in Decalogo prohibetur fornicatio, peccatum contra naturam, mollities, mendacium, superstitio, transgressio voti, & alia huiusmodi; quæ sane jure naturæ prohibentur, & ad præcepta Decalogi solum reducuntur. Quare cum delectatio adulterii, & utilitas divitiarum sint propter se appetibilia, inquantum habeant rationem boni delectabilis, vel utilis, & facile in illa homo inclinetur, contra vero homicidium, & falsitas sint de se odibilia, ideo oportuit illorum etiam concupiscentiam expresse prohibere, non vero istorum.

Quæritur secundo; An præcepta Decalogi sint dispensabilia?

Respondeo cum D. Th. contra nonnullos negative; nemo enim dispensare potest in præceptis naturalibus sub iis circumstantiis, sub quibus ex ipsa natura rei aliquando præcipiuntur, aut prohibentur. Et ratio D. Th. est, quia præcepta Decalogi continent debitum ordinem ad Deum, & ad alios homines; atqui fieri non potest, ut Deus velit hominem non de-



debitæ ad Deum, & alios homines ordinari; ergo nec Deus ipse potest in præceptis Decalogi dispensare.

V. Oppones: Deus potest dispensare universim in iis, quæ sunt juris naturæ; ergo etiam in præceptis Decalogi, licet sint juris naturæ: Præsertim quia de facto dispensavit cum Machabæis in tertio præcepto, permitiendo illis, ut in Sabbato operarentur; Cum Abraham in quinto præcepto dispensavit, ut filium occideret innocentem; In sexto cum Osee, ut assumeret sibi mulierem fornicariam; In septimo cum Hebræis, ut vasa pretiosa acciperent ab Ægyptiis.

Respondeo, Deum non posse in iis, quæ juris naturæ sunt, dispensare sub iis circumstantiis, sub quibus aliquid jure naturæ prohibetur, ut fusc explicabimus in de Matrimonio. Ratio est, quia non potest Deus mutare naturas rerum, & reddere conveniens rectæ rationi, quod natura sua est disconveniens; quod autem jure naturæ prohibetur, disconveniens est rectæ rationi; ergo non potest Deus in eo dispensare, itaut rectæ rationi conveniens evadat. In casibus autem adductis non dispensavit Deus in iis, quæ juris naturæ sunt sub iis circumstantiis, sub quibus rectæ rationi disconveniunt: Nam furtum, verbi gratia, est intrinsece malum, si sit ablatio rei invito Domino, & occisio hominis est intrinsece mala, si fiat auctoritate privata; Fornicatio etiam est intrinsece mala, si sit accessus ad non suam; atque adeo manentibus his circumstantiis, non potest Deus in iis dispensare. Quod si Deus præcipiat Hebræis, ut vasa pretiosa accipiant ab Ægyptiis, tunc mutat circumstantiam in surreptione; & quia surreptio ista non est invito domino, (idest invito Deo rerum omnium domino) ideo talis surreptio non est furtum; unde non dispensavit Deus in præcepto de non

furando. Eodem modo fornicatio est jure naturæ mala, si sit accessus ad non suam; Quod si Deus dicat Osee, ut assumat mulierem fornicariam, mutat circumstantiam, & dando potestatem in corpus mulieris, efficit, ut accessus ad illam sit accessus ad suam, & consequenter non est fornicarius, nec malus; Neque Deus dicitur dispensasse in sexto præcepto. Idem dicas in aliis casibus; Occisio enim innocentis non est contra jus naturæ, si fiat præcipiente Deo, domino vitæ; Nec est contra jus naturæ laborare die festo, si id fiat; ad obediendum Deo præcipienti; nunquam enim tempus sanctificatur magis, quam cum Deo obedimus: Quia tamen aliqua sub quibuscumque circumstantiis sunt intrinsece mala, ut est odium, vel contemptus Dei, mendacium, peccatum contra naturam, &c. non vero in aliquibus tantum circumstantiis, ut occisio innocentis, ablatio rei alienæ, idcirco illa in nullo casu possunt a Deo præcipi, nec potest in iis dispensari; potest vero in istis sub iis circumstantiis, sub quibus non sunt contra jus naturæ.

## ARTICULUS II.

Quanam via Præceptorum transgressio possit de mortali in veniale transire, & econtra?

- I. *Transgressio præceptorum Decalogi secundum se, & ex genere suo est mortalis.*
- II. *Quid importet peccatum esse ex genere suo mortale, & esse ex genere suo veniale?*
- III. *Plures regulæ recensentur ad discernendum, num peccatum ex genere suo sit mortale, an veniale?*
- IV. *Quomodo possit peccatum de se mortale per accidens in veniale transire?*

V. Un-

- V. Undenam conicicere poteris, quod cum imperfecta solum deliberatione, aut consensu peccatum commiseris?
- VI. Num peccet mortaliter, qui plene adversus ad malitiam objecti, præscindat tamen num ea sit gravis, an levis?
- VII. Non quodvis peccatum ex genere suo mortale potest ratione parvitas materia transire per accidens in veniale.
- VIII. Undenam mensuranda sit hac in re materia parvitas, aut magnitudo?
- IX. Materia, quæ tam secundum se, quam relata ad finem a Legislatore intentum est levis, non est capax præcepti graviter obligantis.
- X. Quid si dubitetur, an res præcepta levis graviter conducat ad finem?
- XI. Quotupliciter possit peccatum de se, & ex genere suo veniale per accidens in mortale transire?
- XII. Quando nam contemptus rei levis præcepta est mortalis? Et quando frequentia venialium est mortalis, utpote ad mortale disponens?
- XIII. Potest veniale in mortale transire etiam ratione conscientia erronea, aut perplexa; Necnon ratione scandalis; aut per additionem materia, quæ in unam gravem coalescat.

I. Certum est primo. transgressionem horum præceptorum esse peccatum; Nam ab August. Peccatum definitur, quod sit *Distum, factum, concupiscitum contra legem æternam*, atque adeo contra rectam rationem.

II. Certum est secundo. transgressionem hanc esse ex genere suo peccatum mortale. Dicitur autem peccatum ex genere suo mortale, quod considerato objecto, seu materia, circa quam versatur, fere semper est mortale; & aliquando tantum per accidens est veniale; ut est, verbi gra-

tia, peccatum adversus virtutes theologales, necnon adversus Religionem, iustitiam, castitatem, & alias graves virtutes: Contra vero dicitur peccatum ex genere suo veniale, quod fere semper est veniale, & per accidens aliquando mortale, ut est verbum otiosum, mendacium iocosum, impatientia in laboribus, &c.

III. Regulæ, quæ a Doctoribus assignantur ad discernendum, num aliquod peccatum sit ex genere suo mortale, an veniale? sunt istæ. Prima, si gravem deformitatem contineat a recta ratione, & graviter lædat charitatem Dei, vel proximi, est ex genere suo mortale: Sunt vero ex genere suo venialia, quæ sunt contra proprium bonum, ut vanæ cogitationes, & desidia, immoderatus esus, risus, formus, nisi graviter charitatem debitam lædant, ut ebrietas. Secunda regula est, si alicui operi Deus minetur exclusionem a regno Cælorum; ut quando dicitur ab Apost. ad Galat. 5. *Fornicatio, Immunditia, Contentiones, Emulationes, Ira, Dissensiones, Sella, Invidia, Homicidia, Ebrietates, Commensationes, & his similia: Qui talia agunt, regnum Dei non assequuntur.* Tertia est, si aliqua peccata sint contra graves virtutes, vel contra præcepta Decalogi, vel Ecclesiæ; aut si graviter prohibeantur, puta, In virtute Sanctæ obedientiæ, vel sub interminatione gravis censuræ. Quarta, si Ecclesiâ declaravit aliquod peccatum esse de se mortale, ut in quadagesima ex proscriptis thesibus ab Alex. VII. declaratur de osculo habito ob delectationem carnalem, & sensualem. Quinta, si ita communiter viri docti sentiant.

IV. Quæritur nunc primo; Quæ ratione quod est ex genere suo mortale, possit per accidens in veniale transire?

Respondeo, pluribus de causis id posse

posse accidere: Primo quidem ex liberatione, seu advertentia imperfecta, hoc est ex actu imperfecto intellectus non plene advertentis ad objecti malitiam; ut accidit in semidormiente, & in distracto in alias cogitationes, necnon in invincibiliter ignorante malitiam gravem actus. Secundo, ex imperfecto consensu, quando scilicet voluntas veluti per surreptionem, & non ex toto corde objectum illud amplexatur; Etenim in nobis dantur quidam motus voluntatis erga objectum, qui dicuntur primo primi, qui scilicet rationem omnem prævertunt, nec possunt a voluntate cohiberi, & isti nullo pacto sunt liberi, & sic ne venialiter quidem peccaminosi; Dantur etiam alii motus, qui dicuntur secundo primi, quos impedire quidem possumus, sed sub semiplena, & imperfecta libertate; & isti quando sunt circa objectum malum, sunt venialiter tantum peccaminosi ex imperfectione consensus; Dantur denique motus deliberati, & perfecti, qui sunt plene liberi; & isti quando versantur circa objectum graviter malum, sunt mortaliter peccaminosi. Tertio, peccatum ex genere suo mortale transit in veniale ex parvitate materiæ, ut si quis carolenum furetur a divite. Quarto, ex alia causa excusante, puta si quis ex ignorantia invincibili, aut leviter culpabili putet esse veniale, quod est mortale; Vel si quis necessitate ductus cooperetur materialiter cum peccato alterius; verbi gratia, locando domum meretrici, dummodo necessitas leviter distet ab ea gravitate, & proportionem, quæ requiritur ut possimus cum tali peccato cooperari.

V. Dubium tamen est primo; Quomodo cognosci possit, an peccatum aliquod sit commissum cum imperfecta solum advertentia, seu deliberatione, aut consensu?

Respondeo, apud Sanch. lib. 1. cap.

1., Pal., & Tambur., has regulas assignari; Primo, si animus firmum habeas, & sæpe repetitum nunquam committendi mortale, ita ut nunquam, aut fere nunquam in mortale incidaris, præsumere potes in tali casu te non plene consensisse. Secundo, si statim ac advertisti ad malitiam objecti, actum retractasti. Tertio, si dubites, an perfecte e somno fueris excitatus, vel distractionem mentis aliud cogitantis excusseris. Ex his, & similibus conjecturis regulariter deducere probabiliter possumus, non adjuisse perfectam libertatem, & consequenter nec mortale.

VI. Dubium est secundo; An si quis plene advertat ad malitiam alicuius objecti, præcindat tamen, an sit mortalis, vel venialis, puta in perjurio, mendacio, &c. peccet mortaliterne, an solum venialiter ea committendo?

Respondeo, Navar., Valent., & alios putare, quod solum venialiter; quia non reluctet materia gravis: Valsq. vero, Azor., Sanch., Rodriq. apud Bonac., quod mortaliter; quia exponit se periculo amplectendi malitiam gravem. Equidem censeo cum Joan. Sanch. apud Tambur., pueros, & rudes plerumque solum peccare venialiter. Ratio est, quia ex una parte non advertunt ad obligationem examinandi gravitatem culpæ, ne se exponant periculo committendi mortale; ex altera parte apprehendunt malitiam quandam indeterminatam, seu communem veniali, & mortali; malitia autem, quæ est communis utrique, non potest esse gravis; ergo non graviter peccant: Quod etiam aliquando in subitis casibus accidere potest doctioribus; quamvis universim docti graviter peccent, quia plerumque advertunt ad gravem obligationem examinandi, num malitia illa sit gravis.

Probabilis etiam est opinio Th. Sanch., & Pal., qui docent, ut plurimum do-

doctiores peccare mortaliter, vel venialiter juxta gravitatem objecti; idque præsumendum esse, quia saltem virtualiter apprehendunt objectum, & ejus malitiam sub ea gravitate, vel levitate culpæ, quam habet illud in se.

VII. Dubium est tertio; An quodlibet peccatum ex genere suo mortale possit ratione parvitatis materiæ per accidens transire in veniale?

Respondeo negative; quando enim eadem gravitas offensa, & malitiæ reperitur tam in materia magna, quam in parva, tunc etiam in modicissima quacumque materia committitur peccatum grave: Exempli gratia, quia eadem gravis deformitas habetur, si vendatur res sacra gravis pretio magno, sive parvo, necnon si juretur falso in materia gravi, sive in levi; idcirco in Simonia, & in perjurio non datur parvitas materiæ: Multi autem alii casus a Doctoribus enumerantur, in quibus non datur parvitas materiæ; Primo, in odio, & contemptu directo Dei; Sicut etiam in blasphemia, & in peccatis contra fidem, & spem theologicam. Secundo, in perjurio assertorio, non tamen in promissorio, aut in voto. Tertio, in magia, & superstitione, quæ sit cum pacto expresso cum dæmone: Quarto, in delectatione libidinosa deliberate quæsitæ. Quinto, in irritatione Sacramentorum, in fractione sigilli Sacramentalis, & in jejunio naturali ad Eucharistiam requisito. Sexto, in ætate requisita ad Ordines suscipiendos, vel ad professionem, & in similibus casibus, ut videre est apud Dian. part. 5. tract. 5.

VIII. Dubium est quarto; Unde sit mensuranda hæc in re materiæ parvitas, vel magnitudo?

Respondeo cum Tambur. lib. 1. cap. 1. §. 2., attendendam quidem esse ex ipsa re tum absolute spectata, tum etiam comparative ad totum, quod

præcipitur, sed principaliter mensurandam esse ex fine, propter quem præcipitur. Verbi gratia, dum quæritur an sit materia parva labor unius horæ die festo, vel comestio unius uncie die jejunii, vel omissio unius psalmi in recitandis horis; consideranda sunt hæc tum secundum se, tum in ordine ad totum, sed principaliter in ordine ad finem intentum; Aliquando enim quod est modicum comparative ad totum, secundum se spectatum est magnum; Sicuti etiam si spectetur relate ad finem, ad quem præcipitur; & ideo materia illa dicitur gravis: Verbi gratia, si voveris dare centum aureos, & des tantum nonaginta, decem, qui supersunt, sunt materia gravis, non quidem relate ad totum, sed secundum se, & relate ad finem voti, qui est sublevatio pauperis: Eodem modo communiter docent, omittere Vesperas Sabbati Sancti esse mortale, quia licet illa pars sit modica tam secundum se, quam relate ad totum officium; non est tamen modica relate ad finem cultus Divini pro illa hora. Est etiam mortale, si quis furetur acum Sutori pauperi, qui illius usu sustentatur, quia licet res illa sit modica, magna tamen est relate ad finem intentum a prohibente furtum; gravis enim damnificatio, & magna tristitia in Sutore sequitur ex illo furto: Contra tamen, si quis voveat recitare coronam ex sex decenariis, & omittat recitare duos decenarios, peccabit solum venialiter, quia quamvis hæc non sit modica pars relate ad totum, est tamen modica secundum se; & fini intento, scilicet cultui Virginis, modice nocet.

IX. Ex dictis sequitur, quod si res aliqua sit modica tam secundum se, quam relate ad finem, tunc non sit capax præcepti gravis; Unde si Prælati præcipiat in virtute Sanctæ Obedientiæ, vel sub pœna excommunicati-

onis,

tionis, aut si quis voveat recitare salutationem angelicam, non proferre verbum otiosum, &c. non peccet graviter, si id non faciat: Quod si res præcepta secundum se levis, sit gravis relate ad finem, erit capax præcepti graviter obligantis; Et talis fuit res præcepta Adamo, & Evæ, ne comederent fructus ex illa arbore: Quare si ob indecentiam Prælatus sub excommunicatione præcipiat, ne Clericus, exempligratia, deferat per vias biretum lineum album, quamvis materia sit levis, ob finem tamen gravem tale præceptum graviter obligabit.

X. Quod si dubitetur, an res levis præcepta graviter conducatur ad finem, Sanch., & Pal. apud Tambur. loc. cit. & communius docent, præsumendum esse, quod finis sit gravis, atque adeo quod detur obligatio gravissima; tum quia possessio stat pro lege, quæ certo adest; tum etiam quia communiter contingit, quod Superiores prudentes, qui maturo consilio aliquid leve præcipiunt sub gravi, non decipiantur. Verum ipse Tambur. cap. 3. §. 7. num. 10. putat, in tali casu posse probabiliter judicari, quod finis sit levis, atque adeo quod non detur obligatio gravis, quia donec constet materiam esse capacem obligationis gravis, non constat de constitutivo legis, & obligationis gravis, atque adeo prævalet libertas, quæ stat in possessione: Sicut enim si dubitetur an præceptum obliget sub gravi, vel sub levi, præsumendum, quod obliget sub levi; ita si dubitetur an materia levis præcepta ordinetur ad finem gravem, præsumendum, quod non ordinetur ad finem gravem, quia in utroque casu possidet libertas; dummodo bene id perpendatur, consulendo Doctores, & libros, num res præcepta levis graviter ad finem suum conducatur, & adhuc dubium remaneat.

*PARS II.*

XI. Quæres secundo; Quanam ratione quod est ex genere suo veniale, possit per accidens in mortale transire?

Respondeo cum Bonac. disp. 2. quæst. 3. punct. 5., multipliciter id accidere posse. Primo, ratione finis mortalis; Verbi gratia si quis mentiaturo ad fornicandum, tale mendacium erit mortale, quia actus specificatur a fine; Et eodem modo veniale transit in mortale ratione ultimi finis in eo positi; si scilicet quis ultimum finem in eo constituat, seu si quis adeo amet veniale, ut etiam si esset mortale, illud non odio haberet: Quoniam autem in tali casu plus appetitive amatur talis res, quam Deus, qui est noster ultimus finis, ideo dicitur veniale in tali casu evadere mortale ratione ultimi finis in eo constituti.

XII. Secundo transit veniale in mortale ratione specialis contemptus; quando scilicet contemptus est causa, cur violetur præceptum leve, & Legislator spernatur, nolendo se subicere ejus auctoritati rem illam levem præcipienti. Ubi notandum, aliquando contemptum esse rei levis præceptæ, aliquando vero ipsius Legislatoris; Si quis venialiter peccet, verbi gratia mentiaturo, ex contemptu rei levis præceptæ, quatenus putat rem illam non esse tanti faciendam; dico cum Laym. contra Sanch. apud Tambur., quod peccet solum venialiter, nisi talis contemptus redundet etiam in Legislatorem, videlicet putando, aut illum non habere potestatem prohibendi mendacium, aut male uti ea potestate, vel nolendo se subicere ejus potestati: Si quis vero violet præceptum in materia levi, non quidem ex contemptu rei levis, sed ex contemptu Legislatoris, subdistinguendum est; Nam si contemnatur Legislator formaliter, quatenus Legislator est, hoc est spernendo ejus potestatem, qua;

B

quasi esset nullius momenti, semper est mortale; Si vero contemnatur Legislator materialiter, quatenus scilicet est vir imprudens, & indiscretus, est solum veniale: Sicuti etiam si quis transgrediatur præceptum leve Superioris humani, ne illum in ea re levi solatio afficiat.

Ex quibus sequitur, quod qui ex contemptu peccat mortaliter, verbi gratia furando, duo peccata committit aperienda in confessione, alterum furti contra iustitiam, alterum contemptus; qui est vel contra obedientiam, si spernat Legislatorem qualem, nolendo se ejus potestati subijcere; vel est contra religionem, si spernat Legislatorem materialiter, seu ut imprudentem, & inutiliter prohibentem furtum.

Tertio, veniale transit in mortale ratione proximi periculi incidendi in mortale; ut si quis dicat verbum otiosum scemine, advertens ex simili occasione sæpe alias lapsum esse in delectationem veneream. Ratio doctrinæ est, quia *Qui amat periculum, peribit in illo*: Fieri etiam potest, ut aliquando venialia ratione frequentie disponant proxime ad mortale; & in tali casu ipsa frequentia venialium est mortalis, quando tale periculum advertitur. Hinc Sanch., & Bonac. contra Pal., Sal., & Tambur. docent, peccare mortaliter, ratione periculi proximi incidendi in mortale illum, qui statuit in corde suo nullum veniale vitare; juxta illud Ecclesiast. *Qui spernit modicam, paulatim decideret*.

XIII. Quarto, ratione conscientie erroneæ; ut si quis putans esse mortale mentiri, adhuc mentiatur. Quod si quis haberet conscientiam perplexam, putando scilicet utranque partem contradictionis esse peccatum, verbi gratia, & quod sit peccatum relinquere infirmum ad audiendum sacram, & quod sit peccatum omitte-

re Sacrum, ne relinquatur infirmus; in tali casu tenetur inquirere, quid potius agendum, & ponere debet quod dicamini rationis repræsentatur esse minus malum. Quod si nequeat id discernere, potest facere quodcumque libet, cum non detur libertas ad utrumque omittendum: Et quamvis putet se peccare, si alterutrum faciat, vere non peccat, quia peccatum non sequitur ad iudicium intellectus, sed actum voluntatis; Quis enim dixerit, quod peccet, qui verbi gratia detentus in carcere existimat se peccare, si non audiat Sacrum, quod audire non potest? Contra vero peccaret verbi gratia ægrotus, si putet se peccare omittendo sacrum, cum liber sit ad illud audiendum, quamvis cum impendio sanitatis, & vitæ.

Quinto, ratione scandali; Verbi gratia, si quis loquatur turpia aut intendendo ruinam proximi; (quod dicitur scandalum directum) aut prævidendo, quod ex tali suo peccato facile alii in mortale lapsuri sunt; (quod dicitur scandalum indirectum, seu indirecte volitum) Et sane si quis loquatur turpia, exempli gratia, intendendo ruinam proximi, videlicet intendendo, ut proximus in fornicationem adducatur, duplex peccatum committit in confessione aperiendum, alterum contra castitatem, quæ obligat etiam, ne proximum in fornicationem adducamus; alterum vero contra charitatem intendendo ruinam, seu peccatum proximi. Quando vero scandalum est solum indirectum, putat Lug. contra Sanch., Vasq., & Con. apud Tambur. in *Methodo Confession.* lib. 2. cap. 1. §. 17., quod non sit necesse in confessione explicare speciem peccati, ad quam proximum induxeris, sed satis sit dicere, quod pravis verbis, vel pravo exemplo induxeris proximum in peccatum mortale, non explicando, verbi gratia, adul-

adulterium, immo nec explicando conditionem personæ inducitur ad peccatum, num scilicet fuerit Sacerdos, vel conjugatus, qui in adulterium inductus est. Ratio est, quia tale peccatum est solum contra charitatem, non contra alias virtutes, quæ solum videntur obligare, ne positive inducamus alios ad peccandum contra illas, & ne intendant nostris verbis, aut exemplis alios ad id inducere, non vero obligant, saltem graviter, ad impedienda vitia contra tales virtutes in aliis: Aliter qui verbi gratia prævident ex sua intemperantia alium inducendum esse ad furtum, peccarent contra iustitiam, & tenerentur ad restitutionem, quod nemo dixerit.

Ultimo, veniale transit in mortale per additionem materiæ; ut si quis habeat animum furandi carolenum a divite, & deinde pluries carolenum furetur. Ubi notandum, nunquam plura venialia pertingere ad mortale, nisi materiæ leves possint in unam gravem coalescere: Verbi gratia, quisæpius comedit die jejunii materias leves, peccabit graviter, quia materiæ illæ leves conflant deinde unam gravem: Contra tamen, qui vovit recitare singulis diebus salutationem angelicam per annum, ita ut vota singulis diebus sint affixa, si id omittat, non peccabit graviter, quia ea non videntur per modum unius, quo pacto vovetur rosarium; & ideo omittens rosarium, quod vovit, peccat mortaliter. Eodem pacto non peccat mortaliter, qui singulis diebus festis per annum laborat uno quadrante, nec qui est causa, ut centum personæ eodem die festo laborent uno quadrante, cum illæ materiæ leves non coalescant in unam gravem: Quæ fusius explicavimus in expositione thes. 29. ab Alex. VII. proscriptæ, quæ habet: *In die jejunii qui sapiens modicum quid comedit, etsi notabilem quantitatem in si-*

ne comederit, non frangit jejunium.

### ARTICULUS III.

Quinam ad præcepta teneantur?

- I. Non est idem lege non obligari, & a lege excusari.
- II. Pueri nulla lege obligantur ante rationis usum: Postea vero legibus etiam Ecclesiasticis tenentur, præterquam jejunii, & Communionis, quamvis ante pubertatem pœnas Ecclesiasticas non incurrant.
- III. Num possint pueri Divinis assistere in loco interdicto, aut introduci in Monasteria Monialium?
- IV. Quid si dubitetur, an usum rationis adepti sint?
- V. Quibus legibus teneantur Infideles, Amenes, Ebrii? Num amenes equiparentur infantibus?
- VI. Nec amenes, nec ebrii cogendi sunt ad Missam audiendam die festo: Possunt autem probabiliter amenibus & infidelibus die festo injungi opera servilia.
- VII. Quibus legibus teneantur Peregrini, & Vagi? Num licitum sit recedere a loco, ubi est dies festus, ad exercenda opera servilia? Num debeat tunc mane audiri Sacrum? Num liceat egredienti a loco, ubi jejunatur, mane sumere jentaculum?
- VIII. Probabiliter Peregrini non tenentur, secus si scandalo, legibus loci, ubi brevi morantur; (nisi eadem sint leges in proprio domicilio) tenentur tamen iis Vagi.
- IX. Leges autem juris communis servare tenentur peregrini, quamvis in Patria essent abrogata.

I. P Rænotandum, aliud esse lege aliqua non obligari, aliud vero a legis alicujus transgressione excusari; nam, verbi gratia, infideles

non tenentur lege jejunii Ecclesiastica, ægrotus vero tenetur, esto ratione ægritudinis ab ejus transgressione excusetur: Pariter Peregrini juxta probabilem opinionem non tenentur legibus loci, ubi versantur; Incolæ vero excusantur, si legem loci ignorent. Examinandum nunc, an præceptis Decalogi teneantur etiam Pueri, Ebrii, Amentes, Infideles?

II. Quæritur primo, an pueri teneantur legibus, quibus tenentur adulti?

Respondeo, Pueros ante usum rationis nulla lege Divina, vel Naturali, vel Humana teneri: Ratio est, quia cum non sint capaces usus rationis, nec possunt esse capaces vinculi legalis, quod ratione utentibus imponitur. Nihilominus ubi ad usum rationis pervenerint, (quod plerumque fit septennio completo) tenentur legibus etiam Ecclesiasticis, præterquam jejunii, & Communionis, de quibus suo loco, ut communiter docent apud Sanch. lib. 1. cap. 12. contra Sorum, qui putat ante duodecimum annum pueros non teneri ad præcepta Ecclesiastica, & ad annum confessionem. Verum quamvis ante duodecimum annum non soleat Ecclesia punire pueros censuris; iuxta Sâ, Fagund., & alii apud Tambur. in Methodo Commun. cap. 4. §. 2. putant, decisum esse in cap. 1., & 2. *De delictis puerorum*, quod nullam pœnam Ecclesiasticam latam a jure, vel ab homine incurrant pueri ante pubertatem; at si peccent mortaliter, obligatos esse ad confessionem annum, constat ex cap. *Omnis viri sueque sexus*: Ubi tamen ex contextu habetur, annos discretionis diversimode requiri ad confessionem, & ad Communionem.

III. Hinc docent Cordub., & Sanch. loc. cit., quod pueri doli capaces non possint Divinis assistere in loco interdicto, quia subjacent præceptis

Ecclesiæ: Contra tamen pueri nondum doli capaces possunt iis admitti, sicuti etiam amentes rationis usu omnino destituti; quia sola assistentia moralis, & humana videtur interdicta: Non possunt tamen in loco interdicto sepeliri, quia locus interdictus nullum cadaver admittere potest, ut notat Suar. de Censuris disp. 35. Et ratio a priori est, quia prohibitio sepulturæ Ecclesiasticæ tempore interdicti immediate cadit in sepelientes, non in cadavera sepelienda. Præterea putat Sanch. lib. 6. cap. 16. cum aliis, posse licite in Monasteria Monialium introduci pueros nondum doli capaces; quia Trident. sess. 24. cap. 5. dum prohibet, ne ullus admitatur cujusvis conditionis, sexus, vel ætatis, habet pro fine, ne pax Monialium perturbetur, ac ne ad peccandum incitentur; unde infantes videntur posse admitti; non tamen amentes, qui ad peccandum incitare possunt. In Synodo tamen Neapolitana prohibetur sub pœna excommunicationis, ne per Rotas, aut alia via introducantur in Monasteria Monialium infantes, sive masculi, sive feminae, etiam minores septennio, quamvis non extrahantur a Rota, sed in ipsa remaneant ex parte clausuræ.

IV. Rogabis, si dubitatur an aliquis puer adeptus sit usum rationis, licebitne huic, quæ licent pueris ante usum rationis?

Respondeo, licere, si nondum septennium compleverit, secus vero non licere; cum enim per illud tempus advenire soleat usus rationis, in dubio præsumitur ante illud tempus non advenisse.

V. Quæritur secundo; An ebrii, amentes, & infideles teneantur legibus communibus?

Respondeo certum esse, quod infideles teneantur solum legibus naturalibus, & Divinis, non vero Ecclesiasticis.



ficis; unde ante baptismum possunt die veneris carnes comedere; & sine culpa possunt a fidelibus carnes illis ministrari. Peccant tamen omitendo baptismum, quippe quod a Deo præcipitur; sed probabiliter non peccant omitendo sumptionem Eucharistiæ a Christo Domino præceptam; quia probabiliter hæc non præcipitur, nisi baptizatis, seu ex suppositione Baptismi suscepti.

Certum etiam est, quod amentes, qui aliquando habuerunt usum rationis, obligentur legibus communibus; quamvis ratione amentię excusentur in ea materia, in qua non sunt sui compotes, non secus ac ignorantes legem, vel dormientes; Et idem dicendum de ebriis: Qui vero ita sunt amentes, ut nunquam habuerint usum rationis, probabiliter ex Sanch. lib. 1. cap. 12. obligantur, quamvis excusentur; nec æquiparantur infantibus, qui simpliciter non obligantur. Ratio est, quia infantes per se carent usu rationis; amentes vero per accidens, sicut ebrii: Quare sicut catulus, verbi gratia, ante nonum diem non dicitur cæcus, sed dicitur non videns, quia per se illo tempore est incapax visus; at si post nonum diem non videat, dicitur cæcus; Ita qui post septennium caret usu rationis propter dementiam, vel ebrietatem, dicitur excusatus a legum observantia, non vero non obligatus.

VI. Dubium est; An curam gerentes amentium, & infidelium teneantur efficere, ut sacro intersint die festo, & ab opere servili abstineant, necnon ut jejulent, &c.

Respondet, omnibus amentibus tum ex consuetudine introducta, teste Azor., tum ne in deteriorem statum amentię decident, posse ministrari cibos veritos, ut docet Sanch.: Ebriis tamen ministrari non possunt, cum iis non indigeant. Præterea nec amentes,

nec ebrii cogendi sunt ad assistendum Sacro; quia non possunt assistere morali, & humano modo, prout præcipitur; Qui tamen sunt semisati, nec in iis, quæ ad Missam pertineant, desipiunt, proculdubio debent Sacro interesse.

An autem amentibus, sicut & infidelibus injungi possint opera servilia die festo? Sanch. promittit materiam hanc se discussurum in tertio Decalogi præcepto, quod morte præventus non typis excudit.

Tambur. tamen lib. 4. cap. 3. re cum Theologis discussa putat cum Dian. part. 5. tract. 14. resol. 7., & Laym. contra Fernand. licere. Ratio est, quia infideles non tenentur legibus Ecclesiasticis; Amentes vero, vel quia nullo præcepto tenentur, ut multi probabiliter putant contra Sanch., vel quia, ut notat Laym., opera servilia prohibentur dumtaxat iis, qui humano modo, & utiliter tale præceptum implere possunt, non secus ac præcipitur assistentia missæ; ideo amentes, & ebrii sicut non sunt cogendi ad missam audiendam, ita possunt opera servilia exercere, & possumus ea illis injungere, non secus ac animantibus. Non possunt tamen ebrii, & amentes induci ad blasphemandum, verbi gratia, vel fornicandum, quia vere iis legibus tenentur, quamvis per accidens excusentur a peccato, si sponte blasphement; neque autem potest inducere positive alium ad transgrediendum præceptum, quo obligatur, quamvis per accidens hic, & nunc excusatur: Exempli gratia, si quis ignoret esse hodie festum diem, non possum positive inducere illum ad laborandum, quamvis non teneat sub mortali monere illum de die festo, ne laboret, sed solum sub veniali ex virtute misericordiæ, quæ dicat docere ignorantes.

VII. Quæritur tertio; An Peregrini,

ni, & Vagi teneantur legibus sui domicili, vel loci, ubi degunt?

Respondeo, certum esse primo, quod si leges domicili, & loci, ubi degunt, sint eadem, peregrinus iis legibus teneatur; hoc enim communiter Doctores docent ex usu communi rationabiliter introducto.

Secundo, etiam communiter cum Sanchez lib. 1. cap. 12. contra Leonardum docent, quod vagi teneantur legibus, & consuetudinibus illius loci, in quo etiam obiter degunt. Ratio est, quia cum nullum peculiare domicilium habeant, sortiuntur illud in loco, ubi habitant; aliter essent liberi ab omnibus legibus Episcopalibus, & Municipalibus, quod videtur absurdum.

Tertio, certum est, peregrinos, & vagos, ad vitandum scandalum, si quando oriretur, teneri ad observantiam legum tam domicili, quam loci: Ex naturali enim lege quilibet tenetur vitare scandalum. Notandum demum, peregrinum non esse, quia licubi habitat animo ibi permanendi per maiorem anni partem; hic enim dicitur esse habitator, etiamsi postea mutet animum permanendi; atque adeo a primo die tenetur legibus loci, tanquam civis, utpote habens ibi quasi domicilium; non enim requiritur, quod habeat domicilium, (seu quod habitet ibi animo permanendi perpetuo) ut legibus loci teneatur.

Dubium itaque solum est primo; an Peregrini teneantur legibus sui domicili, si sint diversae a legibus loci, ubi degunt? Verbigrazia, an teneantur ad jejunium, vel ad servandum festum proprii domicili?

Respondeo cum Sanch. loc. cit. Suar., Sâ, Rebel. probabilis esse, quod non teneantur; quia leges, & consuetudines locales respiciunt directe, & per se territorium, illique sunt affixae, nec ligant personas, nisi

dum in eo territorio versantur. Idque verum est, etiamsi leges sint juris communis, & in aliquo loco sint abrogatae; Unde potest vesci intestinis animalium, qui transit per Castellam, juxta usum illius loci; sicut etiam quilibet potest Mediolani vesci cibis Paschalibus primis quatuor diebus Quadragesimae.

Hinc sequitur primo, quod possit aliquis recedere a proprio loco, ubi est dies festus, adeundo locum, ubi non est festus, ad exercenda opera servilia, etiamsi noctu redeat ad proprium locum: Immo probabiliter docet Sanch. cum Suar., quod in tali casu egrediens e suo loco non teneatur ante egressum audire missam, dummodo ante ultimam missam, hoc est ante meridiem, perveniat ad locum, ubi non est festum. Ratio est, quia tunc solum tenetur quilibet praevenire mane auditionem missae, quando, reliquo tempore est impediendus, non vero quando intra praecepti tempus est eximendus ab illo.

Sequitur secundo, quod qui mane proficiscitur ex Oppido, ubi non jejunatur, perventurus meridie ad domicilium suum, ubi jejunatur, possit mane carnibus vesci; ita tamen, ut ubi ad domicilium suum pervenit, abstineat a carnibus; possit tamen pluries comedere, si carnes prius comederit, quia jam est liber a jejunio: Quod si vice versa proficiscitur ex proprio domicilio, ubi jejunatur, certo perventurus ad locum, ubi non jejunatur, potest mane jentaculum sumere; non tenetur enim eo die lege jejunii, cum possit vespere carnes comedere.

Docent tamen nonnulli, non esse licitum proficisci in ea loca in fraudem jejunii, aut alterius praecepti. Sed hanc limitationem improbant Sanch., & Suar., quia haec non esset proprie fraus, sed fuga praecepti, quae non

non prohibetur; non enim fraudem committit, qui utitur jure suo.

VIII. Dubium est secundo; An saltem peregrini teneantur legibus loci, ubi degunt?

Respondeo cum Sanch. certum esse, quod teneantur servare tum leges contractuum, quod jure communi cautum est, (denipito contractu dotis, qui ineundus est juxta leges domicilii viri) tum etiam leges, quarum transgressio cederet in peculiare illius Oppidi damnum; ut si prohibeatur extractio tritici, vel mercium. Sed an festa, jejunia, & alia hujusmodi teneantur servare, dubium est apud Doctores. Probabilius cenſeo cum Sanch., Tolet., Azor. contra Suar., & Sà, quod non teneantur. Ratio est, quia ad obligandum legibus requiritur jurisdictio; hæc autem non habetur erga peregrinos, qui ex brevi mora in aliquo loco non fiunt subditi; Unde nequit Episcopus illis ministrare Sacramenta, (præter Confessionem, & Communionem, idque ex tacita proprii Episcopi licentia) nec potest cum iis dispensare; ut communiter Doctores docent: Quænam autem dicatur brevis mora, examinabimus cum de præcepto audiendi missam.

Neque dicas, quod Episcopi soleant punire peregrinos non servantes leges loci: Nam vel puniunt, quia Episcopi sequuntur opinionem contrariam valde probabilem; vel quia peregrini non caute se gerunt vitando scandalum.

Neque dicas secundo, quod ex *Regulis juris* in 6: *Qui sentit commodum, debet & onus sentire*: Nam hoc est verum, quando onus est necessario annexum commodum; sicut fructibus beneficii annexa sunt onera beneficii: in calu autem nostro onus non est necessario annexum commodis peregrinorum: Sic Novitii gaudent multis privilegiis regularibus, nec eorum

præceptis ligantur.

Neque dicas tertio, quod peregrini eximerentur legibus omnibus municipalibus, quod videtur absurdum, ut diximus de vagis; Nam hoc erit per accidens in peregrinis; & eo solum brevi tempore eximerentur, quod dicuntur esse peregrini; quod non accidit in vagis, qui semper eximerentur.

IX. Notandum tamen, quod si leges loci, ubi degunt peregrini, sint juris communis, teneantur eas servare, quamvis in proprio domicilio sint abrogatæ: Unde Mediolanensis tenetur jejunare primis quatuor diebus Quadragesimæ, si Neapoli transeat; & Castellanus tenetur die Sabbati abstinere ab intestinis animalium, si Neapoli sit peregrinus. Ratio discriminis est, quia in hoc casu condens jus commune habet jurisdictionem in omnes, & omnes obligat; nec aliquis excusatur, nisi ex eo, quod sit in loco, ubi lex illa abrogata est: Contra vero condens leges municipales jurisdictionem non habet in peregrinos; unde illos non obligat.

Dubium est tertio, Cujusnam Parochiæ legibus teneatur, qui ex æquo in duplici Parochia habitat, itaut sit utriusque Parochianus?

Respondeo, teneri legibus, & consuetudinibus ejus Parochiæ, in qua de facto habitat, quia tunc censetur ejus incola: Quod si in alteram per breve tempus adveniret, non teneretur ejus legibus, quia reputaretur peregrinus, & hospes.

## ARTICULUS IV.

De Intentione requisita ad observantiam præceptorum.

I. *Ad satisfaciendum præcepto requiritur intentio ponendi opus in juncitum.*

II. *Præcepto jejunii non satisfacit, qui*

*inivitis abstinet cibo.*

*III. Satisfacit sament præcepto refectio-  
nis, qui pravo sine refectio; Et qui  
inivitis refectio, licet præceptum non  
impleat, non teneatur sament iterum  
refectio.*

*IV. Non requiritur ad satisfaciendum  
præcepto intentio satisfaciendi per  
opus, quod ponitur; Non enim im-  
ponitur obedientia formalis, sed ma-  
terialis.*

*V. Num satisfaciat debito iustitia, qui  
immemor debiti elemosynam lar-  
gitur?*

*VI. Num præcepto, aut voto satisfaciat  
ponens opus præceptum, sed positi-  
ve nolens per illud satisfacere?*

*VII. Qui nolens satisfacere per opus præ-  
ceptum, quod ponit, mutata volun-  
tate, nolit aliud opus ponere, re-  
quiruntne, quod velit per illud o-  
pus satisfecisse; an satis est, quod  
sciat se satisfecisse?*

*VIII. Qui audit Sacrum præceptum no-  
lens per illud satisfacere, nec vo-  
lens aliud audire, non transgreditur  
præceptum Ecclesiasticum, sed  
naturale.*

I. **D**uplex dari potest intentio, al-  
tera implendi præceptum, seu  
ponendi opus præceptum; altera sa-  
tisfaciendi præcepto per illud opus.  
De utraque nonnulla querenda sunt.

Queritur primo; Utrum ad satisfac-  
iendum præcepto requiratur intentio  
ponendi opus inunctum?

Respondeo cum communi afirma-  
tive; nec satis est ponere illud opus  
sine intentione ponendi illud: Quare  
qui, verbi gratia, in ebrietate, vel  
somnia recitat officium, aut interest  
Sacro, non satisfacit præcepto: Et a  
fortiori qui invitatus per defectum cibi  
jejunat sine animo jejunandi, non sa-  
tisfacit præcepto jejunii. Ratio est,  
quia præceptum impleri non potest,  
nisi per actum humanum, & liberum,

quo homo velit exequi, quod præci-  
pitur: Etenim lex imposita homini-  
bus debet humano modo, non mo-  
re brutorum impleri.

Confirmatur, quia lex non viola-  
tur, nisi per actum liberum, quo quis  
nolit ponere, quod præcipitur; ergo  
nec impletur lex nisi per actum libe-  
rum, quo quis velit ponere, quod  
præcipitur; & consequenter sicut non  
violat legem jejunii, qui invitatus com-  
edit, ita nec legem jejunii implet, qui  
invitatus jejunat.

II. Ex quo sequitur, ut notat San-  
ch. lib. 1. cap. 13., recitantes atten-  
tissime horas Canonicas ex sola in-  
tentione legendi, vel addiscendi non  
satisfacere recitationi horarum: Nec  
satisfacit obligationi audiendi Sacrum,  
qui in Ecclesia devotus persisteret co-  
ram celebrante, sed solo animo con-  
templandi Divina, & orandi, non a-  
nimo audiendi Sacrum: Quamvis e-  
nim attentio ad orandum satis sit, ut  
satisfaciat attentioni requisitæ ad audi-  
endum Sacrum, ut suo loco dicemus,  
tamen si deficit intentio audiendi Sa-  
crum, illud non dicitur audiri; Ita  
expresse Sanch. loc. cit.; quia opus  
præceptum debet impleri scienter, &  
cum voluntate ponendi illud.

Notandum tamen, quod si præcep-  
tum sit negativum, verbi gratia non  
comedendi carnes, ex doctrina Vasq.  
2. 2. quæst. 100. art. 9. potest etiam  
a dormientibus impleri; quia tale præ-  
ceptum impletur præcise per non po-  
sitionem rei prohibita. At non imple-  
tur ab invitatis, ut ostendimus: Qui  
enim invitatus a carnibus abstinet, non  
satisfacit præcepto, sicut nec satisfacit,  
qui invitatus interest Sacro.

Quod si quis per metum gravem  
recitet horas, aut Sacro interit, sa-  
tisfacit præcepto; etiam si peccet, si  
habeat animum non implendi præcep-  
tum deficiente metu. Ratio est, quia  
metus non tollit, licet minuatur, vo-  
luntatem.

luntarium; unde qui per metum recitat horas, libere recitat, atque adeo præcepto satisfacit. Eodem modo famuli, vel pueri, qui audiunt Sacrum ex eo, quod comitentur Heros, vel Pædagogos, satisfaciunt præcepto, si debitam intentionem absolutam habeant audiendi Sacrum, etiamsi haberent illam aliam intentionem peccaminosam conditionatam, Non audirem Sacrum, si non comitarer herum, ut notant Suar., & Sanch. contra Divum Antonin.

Rogabis; An satisfaciatur præcepto restitutionis, vel præcepto dandi elemosynam indigenti, qui inuitus, vel ebruius, aut ignorans restituit, vel dat nummos pauperi?

Respondeo affirmative; his enim præceptis satisficit non solum ab ebruiis, &c., sed etiam ab iis, qui pravo fine, verbi gratia, ob inanem gloriam, vel ad fornicandum restitunt, aut dant elemosynam. Et ratio ex Vsq. loc. cit. est, quia etiam iis actibus tollitur materia, propter quam præcipitur restitutio, & elemosyna, videlicet retentio rei alienæ, & necessitas indigentis; Unde ea sublata cessat obligatio. Qui tamen inuitus restituit, aut dat elemosynam, peccat quidem non implendo præceptum, sed exterius ita præceptum implet, ut non teneatur iterum restituere, aut elemosynam dare, cum cessarit obligatio, sublata materia, propter quam talis obligatio fuit imposita: Quare qui sic satisficit huic præcepto, revera præceptum non implet, sed non amplius illo obligatur.

IV. Queritur secundo; An ad satisfaciendum præcepto requiratur intentio satisfaciendi per opus, quod ponitur?

Respondeo negative cum Sanch., Suar., Henr. contra Sylvest., Ledesm., Lopez. Ratio est, quia præcepta solum obligant ad ponendum voluntatem

Part II.

ric, & actu humano opus injectum, non vero ut signate velimus per tale opus satisfacere præcepto; cum nulli talis obligatio invenitur.

Confirmatur, quia talis intentio non requiritur ad satisfaciendum præceptis negativis, verbi gratia, non furandi, non occidendi, &c., ut adversarii etiam fatentur; nec ad satisfaciendum præceptis naturalibus, verbi gratia colendi Deum, honorandi parentes, &c., ut liquet; ergo neque etiam requiritur ad satisfaciendum præceptis positivis.

Neque dicas, præcepta obligare ad obedientiam, quæ non habetur, nisi adsit intentio satisfaciendi præcepto. Nam præcepta obligant tantum ad obedientiam materialem, non ad formalem, hoc est ad ponendum id, quod præcipitur, non vero ad ponendum illud, quia præcipitur.

V. Ex data doctrina deducunt aliqui cum Baldello apud Dianam p. 5. tr. 13. ref. 94., quod si quis debens centum Titio, immemor talis debiti donet illi centum, satisfaciatur debito, ita ut non teneatur dare alia centum. Et ratio videtur esse, tum quia si is fuisset memor debiti, non dedisset centum animo liberali, sed animo satisfaciendi; tum etiam quia quilibet habet intentionem interpretativam satisfaciendi prius debito iustitiæ, quam dandi gratis. Et idem docent de eo, qui ignorans debitum largiendi elemosynam pauperibus, vel propter omissionem officii, (ut debent beneficiarii,) vel propter debita incerta, gratis elemosynam largitur, non animo satisfaciendi: Et quamvis ab Alex. VII. damnata sit propositio 33., quæ dicit: *Restitutio fructuum ob omissionem horarum suppleri potest per quascumque elemosynas, quas ante beneficiarius de fructibus suis beneficii fecerit*: Hoc potant intelligendum de elemosynis factis ante obligationem restitutionis.

C

tuen.

tuendi, non vero ab immemore post obligationem.

Verum hoc negant communius apud eundem Dianam cum Sanch. lib. 1. cap. 13., & Lopez. Ratio est, quia quanivis immemor debiti, quando dat elemosynam, non daret illam animo liberali, si recordaretur debiti, tamen non est attendenda voluntas ista conditionata satisfaciendi, sed requiritur intentio absoluta, quæ non habetur in casu nostro: Nec satis est ad operandum intentio interpretativa, sed requiritur intentio vel actualis, vel saltem virtualis. Verum quidem est, quod si quis immemor voti, quod habet, jejunandi, jejundet, satisfaciatur voto; sicut qui ignorans hodie esse diem festum, audit sacrum, satisfaciatur præcepto: At si ignorans se debere centum Titio, donet illi centum, non satisfaciatur debito: Disparitas est, quia donans sponte vult debitum, ex iustitia prorogari, ut in quæsito sequenti explicabimus.

VI. Quæritur tertio; an qui audit missam, verbi gratia, & positive non vult per talent missæ auditionem satisfaciatur præcepto, adhuc satisfaciatur?

Respondeo, communio rem sententiam esse, ut notat Sanch., quod non satisfaciatur. Ratio est primo, quia actus non operantur ultra agentium intentionem, ex leg: *Non omnis, ff. Si certum petatur*. Secundo, quia si quis non vult audire Sacrum, cui assistit, vere non dicitur illud audire; ergo si non vult per Sacrum, quod audit, satisfaciatur præcepto, non satisfaciatur. Tertio, quia si debens centum Titio velit illi donare centum, & non satisfaciatur per illa suo debito, certe non satisfaciatur; ergo neque in casu nostro.

Verum idem Sanch. lib. 1. cap. 13. apud Tambur. lib. 4. cap. 2. docet, probabiliorem esse sententiam oppositam Suarii, Valsq., Valent., & aliorum, quod scilicet satisfaciatur. Proba-

tur, quia nemo potest transgredi præceptum per hoc, quod nolit id, ad quod præceptum non obligat; sed præceptum, ut diximus qualito superiore, non obligat ad habendam intentionem illi satisfaciendi, sed solum præcipit liberam, & humanam externi operis executionem; ergo non transgreditur præceptum, qui non vult illi satisfaciatur, dummodo ponat opus in junctum; cum non sit in potestate nostra non satisfaciatur præcepto, quando exequimur id, quod præcipitur. Quod patet in præcepto negativo: Et enim impossibile est, ut quis, verbis gratia, omitat furtum, & non satisfaciatur præcepto non furandi; quamvis dicar se nolle per omissionem furti satisfaciatur tali præcepto; propterea solum peccaret contra legem naturalem, si haberet hanc intentionem; ergo idem dicendum in præcepto positivo, verbi gratia audiendi sacrum.

Confirmatur, quia satisfaciatur præcepto audiendi Sacrum, qui illud audit ob vanam gloriam, vel ut inducat alium ad peccatum, &c.; ergo a fortiori, qui illud audit sine animo satisfaciendi per illud; cum possit sine peccato nolle satisfaciatur præcepto per talem auditionem Sacri, eo quod velit deinde aliud audire.

Ad rationes in contrarium facile respondetur. Et quidem ad primam dico, regulam illam habere locum, quando ex operantis intentione dependet implere præceptum per illum actum; ut si quis debens centum Titio velit illi donare centum, & non satisfaciatur priori debito; in casu autem nostro non poudet ex operantis intentione implere præceptum per illam auditionem Sacri, ut ostendimus in probatione conclusionis. Ad secundam, negatur consequentia. Disparitas est, quia qui non vult audire Sacrum præceptum, non vult exequi, quod præcipitur, & sic non implet præ-

praeceptum: Econtra qui audiendo missam non vult per illam satisfacere, vere exequitur, quod praecipitur; ergo vere satisfacit praecepto exercite, licet signate dicat se nolle satisfacere; Non secus ac qui signate dicit se nolle loqui, vere exercite loquitur. Ad tertiam, negatur etiam paritas; quia obligatio ex iustitia pendet ex contrahentium voluntate; unde si debens centum Titio donet illi centum nolens satisfacere debito iustitiae, vult consequenter remanere illaesum jus ad centum, atque adeo per donationem illam non satisfacit debito: Contra vero obligatio praecepti pendet ab intentione Legislatoris, & ideo subditus non potest illam ad libitum prorogare.

Hinc sequitur probabile esse, quod qui voverit jejunium, & nolit per primum jejunium satisfacere tali voto, vere non satisfaciat. quia pariter obligatio voti pendet ab ipsius voventis voluntate; unde ad libitum prorogari potest, sicut debitum iustitiae. At probabilius putat Sanch., quod per primum jejunium tali voto satisfaciat, etiam si nolit vovens satisfacere. Ratio est, quia votum, & iuramentum obligant instar praecepti, idest solum ad substantiam operis promissi ponendam actu humano; Unde non est in potestate voventis non satisfacere voto, quoties vult exequi opus promissum: Et quamvis possit velle ad aliud jejunium se obligare novo voto; (sicut qui debens centum, si donet centum, vult ex iustitia obligari ad alia centum solvenda) tamen non intendit novum votum emittere per hoc praecise, quod dicat nolle se priori voto satisfacere: Ad eum modum, quo qui jejunando votum implevit, & deinde proponeret idem votum implere per novum jejunium, non tenetur vi voti ad novum jejunium, nec tale propositum habet vim novi voti. --

Hinc fit, quod si votum sit disjunctivum, verbi gratia, vel jejunandi, vel dandi eleemosynam, & vovens jejunet animo non satisfaciendi voto per jejunium, volens satisfacere per eleemosynam, hic post jejunium ad eleemosynam non tenetur, quia votum vere implevit; nec electio illa habet vim voti, ut notat Sanch. lib. 4. cap. 13.

VII. Rogabis: Qui interfuit Sacro cum animo non satisfaciendi praecepto per illud, volens deinde aliud audire, si mutato proposito nolit audire aliud sacrum, teneturne habere intentionem satisfaciendi praecepto per prius sacrum jam auditum? An vero satis est, quod sciat se jam satisfecisse praecepto per illud?

Respondeo cum Sanch. loc. cit. contra Suar., & alios apud Dian. part. 1. tract. 12. resol. 37. satis esse, quod sciat se jam satisfecisse; illa enim intentio satisfaciendi praecepto per sacrum jam auditum nullatenus requiritur. Ratio est, quia implere praeciptum non debet esse actus obedientiae formalis, qua quis velit signate obedire, sed satis est, quod sit actus obedientiae materialis, qua quis libere ponat, quod praecipitur.

Sequitur hinc primo, quod qui immemor praecepti audit sacrum, si postea recorderetur praecepti, neque tenetur audire aliud Sacrum, neque tenetur habere intentionem satisfaciendi praecepto per Sacrum auditum; sed satis est, quod sciat se jam praecepto satisfecisse audiendo sacrum actu humano.

VIII. Sequitur secundo, quod qui audit sacrum animo non satisfaciendi praecepto per illud, & simul animo non audiendi aliud sacrum, vere praecepto positivo auditionis missae satisfecerit, & solum transgressus sit praeciptum naturale, quo tenetur quilibet subiectus esse legi humanae, & non contemnere Legislatorem.

## ARTICULUS V.

De Impedimentis non apponendis observantiae Præceptorum.

- I. *Diversimode quoad hoc in diversis præceptis ratiocinandum; inspiciendo num præceptum rigidius obliget? Num impedimentum sit proximius? Num necessitas sit gravior?*
- II. *Quanam defatigatio impossibilis cum jejunio liceat ipso die jejunii, aut pridie illius diei?*
- III. *Num tempore Interdicti privilegarius teneatur sacrum audire? Et detentus in carcere num teneatur nisi licentia egrediendi ad sacrum audiendum?*
- IV. *Quandonam possit quis iter arripere providens, quod non possit deinde die festo sacrum audire?*
- V. *Teneatur excommunicatus tollere impedimentum excommunicationis, ut possit in Paschate communicare; non tamen ut possit die festo sacrum audire.*
- VI. *Præceptum non solum obligat ad non apponenda impedimenta, sed etiam ad ea etiam pridie removenda.*

I. **Q**Uæritur, An possit quis licite ponere impedimenta, quibus præceptum implere non possit? Verbi gratia, an possit quis die jejunii licite vacare saltui, venationi, equitatu, &c., itaut ratione lassitudinis non amplius obligetur ad jejunium?

Respondendo cum Sanch. lib. 1. cap. 15., Merol., Pal de Legibus, non posse eandem regulam in omnibus præceptis assignari: Aliqua enim præcepta obligant rigidius, ut præceptum audiendi sacrum; Aliqua benignius, ut præceptum jejunandi; Rursum aliqua impedimenta sunt magis proxima; ut projectio breviarii; Aliqua magis remota, ut quando iter inceptum im-

pedi jejunium; vel auditionem missæ: Aliquando etiam apponitur impedimentum ex majori necessitate, vel utilitate, aliquando ex minori; Et ideo in diversis materiis diversimode discurrendum, itaut in præceptis, quæ benignius obligant, possit licite poni impedimentum vel remotum, vel ex gravi necessitate proximum: In præceptis vero, quæ obligant rigidius, non possit poni impedimentum proximum, vel remotum ex levi necessitate. Quod clarius apparebit discurrendo in aliquibus materiis controversis apud Doctores.

II. Primo itaque nonnulli cum Medin. apud Sanch. contra communioem opinionem docent, non peccare contra præceptum jejunii, qui libere se conjicit in impedimentum illius eadem die jejunii; Verbi gratia, si quis defatigetur venando, ludendo, quærendo concubinam, &c.; dummodo hæc non fiant in fraudem jejunii, ut notat Bonac. disp. 2. quæst. 8.; quia scilicet præceptum jejunii tantum obligat, ne per se, & ex intentione fiat opus ipsi incompatible. Verum communius cum Lessl., Laym., Trull. lib. 1. in Decalogum cap. 2. dub. 7. docent, ea tantum licere tempore non multum proximo ipsi diei, quo præceptum urget; verbi gratia, si quis die antecedenti defatigetur venando: Quamvis Trull., & Ledeslm. excusent eum, qui semel, vel iterum assumpf. pilæ ludum, exempli gratia, vel venationem, licet prævideat eodem die non posse jejunare; quia scilicet præceptum jejunii non videtur obligare cum tanto rigore ad abstinendum ab iis actionibus honestis.

III. Secundo dubitatur a Doctoribus; An habens Bullam Cruciatæ concedentem privilegium audiendi Sacrum tempore inrerdicti localis teneatur illud eo tempore audire?

Negant Avil., Con., Dian. part. 1. tract.



tract. 1. resol. 2., quia nemo cogitur uti suo privilegio. Sed probabilius affirmant Suar., Medin., Lug. de Euchar. disp. 22.; quia præceptum obligat, quoties non habes impedimentum legitimum, seu quando potes; sed qui habet privilegium audiendi, potest audire; ergo tenetur: Sicuti qui in carcere detentus habet licentiam a iudice adeundi Ecclesiam ad Sacrum audiendum, tenetur illud audire.

IV. Tertio ex Pal., Sanch., Tambur. lib. 4. cap. 2. §. 3., potest aliquis tempore remoto a die festo implicare se in aliquo negotio gravi, vel in aliquem locum distantem ab Ecclesia discedere, puta navigare, etiamsi eo fine id faciat, ne teneatur audire sacrum; quia tunc præceptum non obligat, nec est in proximo, ut obliget; Unde potius esset effugere præceptum, quam ponere impedimentum præcepto; Non secus ac qui ad finem non jejunandi vel recedit a loco, ubi obligat præceptum jejunii, vel petit dispensationem: Contra vero non potest quis eodem die festo, vel tempore proximo ponere liberis huiusmodi impedimenta ad sacrum audiendum; quia qui obligatur ad finem, obligatur ad media, & ad non ponenda proxima impedimenta fini assequendo: Quare si quis vellet venatum ire paucis horis ante mediam noctem Sabbati, providens, quod die dominico non possit audire sacrum, peccat: Si vero venatum iret die Sabbati mane, probabiliter non peccat; quia præceptum audiendi Sacrum die dominico tunc non proxime urget, nec videtur tale præceptum tam rigide obligare ad tollenda impedimenta non adeo proxima.

V. Quarto, docet Tambur. in Meth. Commun. cap. 4. §. 4. num. 31. ex Suar., Avil., Lug. contra Henr., quod excommunicatus teneatur tollere im-

pedimentum excommunicationis, ut possit in Paschate communicare: E contra detentus in carcere non tenetur procurare excarcerationem, nec infirmus procurare sanitatem, ut possit eo tempore communicare. Disparitas est, quia excommunicatio directe, & per se obstat impletioni talis præcepti; carcer veto, & ægritudo obstant per accidens: Cum autem confessio, & communio maxime conferrant ad salutem animæ, obligant ad removenda ea, quæ directe illis opponuntur, non vero ad removenda mala temporalia, quæ impediunt per accidens. Quod constat a posteriori, quia qui sunt timoratz conscientie non multum sunt solliciti de procuranda excarceratione, & valetudine ad hunc finem, ut possint in Paschate communicare; Quamvis ex vi huius præcepti teneantur tollere impedimenta voluntaria; verbi gratia tenentur non se vulnerare, inebriare, &c. Necnon impedimenta involuntaria, quæ facile tolli possunt, verbi gratia si facile ab amico posset obtineri excarceratio.

Quinto, ex Azor., Dicast., & aliis notat idem Tambur., quod excommunicatus non teneatur procurare absolutionem ab excommunicatione, ut possit audire sacrum die festo; teneatur vero, ut possit communicare in Paschate. Disparitas est, quia præceptum communionis rigidius obligat; tum quia est Divinum quoad substantiam; tum etiam quia præcipit res majoris momenti: Si quistamen esset negligens in procuranda absolutione ad eum finem, ne teneatur audire sacrum, procul dubio peccaret.

VI. Sexto communiter apud Sanch. loc. cit. docent non solum non posse apponi impedimentum præcepto, sed etiam ex vi præcepti debere illud tolli die præcedenti; unde aditus tenetur templum verrere, altaria

caria ornare, hostias conficere pridie festi, ne ipsa festi die laboret.

## ARTICULUS VI.

De Ignorantia, Metu, & Dispensatione excusantibus a Præceptorum transgressione, ac de Impotentia excusante.

- I. Ignorantia præcepti, seu inadvertentia, si non sit graviter culpabilis, excusat, a gravibus culpa legis transgressorem.
- II. Ignorantia vincibilis dividitur in affectatam, crassam, seu supinam, & levem. Præter ignorantiam vincibilem, seu consequentem, & invincibilem, seu antecedentem, datur ignorantia comitans, sive ea sit juris, sive facti, sive solius poenæ.
- III. Ignorantia solius poenæ excusat ab illa incurrenda, si hæc sit extraordinaria. Ab ea tamen non excusat ignorantia crassa, supina, & affectata.
- IV. Eiusdem speciei est peccatum commissum ex ignorantia culpabili legis, ac scienter commissum.
- V. Ignorantia, quæ est graviter culpabilis respectu juris Divini, & Naturalis, aliquando non est graviter culpabilis respectu juris humani, quod non obligat adeo stricte.
- VI. Ignorantia etiam crassa poenæ non petendi debitum excusat ab ea incurrenda, utpote imposita contra scienter operantes.
- VII. Metus gravis non excusat a culpa, quando prohibetur res intrinsece mala, aut precipitur res ex se connexa cum vitæ periculo; secus vero si connestatur per accidens.
- VIII. Excommunicatus vitandus potest ad mortem declinandam celebrare; non tamen confessiones audire, & absolvere.
- IX. Nam liceat ob metum gravem si-

mulare Matrimonium, illudque consummare?

X. Num Carthusiani teneantur vesci carnibus in extrema necessitate?

XI. Qui non potest totum præceptum implere, teneatur ad partem, quam potest, si ea sit notabilis, & divina, & censeatur a Legislatore intentia.

XII. Quando nam dispensatio obrepta excuset a præcepti transgressione?

XIII. Num possit Episcopus in lege Pontificia dispensare in casu occurrenti, sive quia necessitas urget, sive quia dubitatur, an res indigeat dispensatione?

I. **Q**ueritur primo; An ignorantia præcepti excuset a culpa transgressorem?

Respondeo, tam ignorantiam, quam inadvertentiam, seu oblivionem sive juris, sive facti excusare a culpa gravi; dummodo ignorantia non sit crassa, vel supina, vel affectata, vel notabilis, seu graviter culpabilis. Ita communiter cum D. Th. 2. 2. quæst. 76. Ratio est, quia quicquid omnino est involuntarium caret culpa; Atqui ignorantia invincibilis, si sit facti, reddit actum simpliciter involuntarium; (ut si quis volens occidere feram occidat hominem) Si vero ignorantia sit juris, reddit actum involuntarium, in quantum malum est, & prohibitum; ergo per talem ignorantiam tollitur omnis culpa: Si vero ignorantia sit culpabilis, procul dubio culpa non vacat; & quidem gravi, si ignorantia sit crassa, vel supina, vel affectata, vel notabilis.

Notandum itaque, ignorantiam dividi in Invincibilem, & Vincibilem. Ignorantia invincibilis (quæ etiam dicitur inculpabilis, iusta, probabilis, antecedens) dicitur, quoties quis vel non dubitat de malitia actus, itaut teneatur ad veritatem inquirendam; vel

vel si dubitat, adhibuit moralem diligentiam ad dubium deponendum : Contra vincibilis ( quæ etiam dicitur culpabilis, injusta, improbabilis, consequens ) habetur, quoties non est adhibita moralis diligentia ad tale dubium deponendum .

II. Præterea Ignorantia vincibilis, seu culpabilis dividitur in Affectatam, Crassam, vel Supinam, Notabilem, & Levem. Affectata est, qua quis data opera vult, seu affectat ignorare num actus sit malus, ne cogatur ab eo abstinere; ut si quis nolit scire, an hic liber sit prohibitus, ut possit illum liberius legere; unde dicitur Psalm. 35. *Noluit intelligere, ut bene ageret.* Crassa, vel Supina dicitur, quando quis ignorat per meram negligentiam, quam pingues, & supini exercere solent. Notabilis dicitur, quando quis adhibet quidem aliquam diligentiam ad discernendum, num actus sit malus, sed non tantam, quanta moraliter requiritur ad assequendam veritatem, ut si quis ab indocto inquirat, an hic liber sit prohibitus. Levis dicitur, quando quis adhibet non aliqualem, sed notabilem diligentiam, non tamen quanta requiritur; ut si quis a medio-criter docto inquirat de prohibitione hujus libri. Quinam autem gradus diligentiae adhibendus sit in inquirendis obligationibus præceptorum, non est facile decernere: Certe major requiritur in iis, quæ sunt juris naturalis, quam positivi; Major, ubi agitur de damno tertii, quam ubi hoc non intervenit; Major, ubi agitur de vita, quam ubi agitur de re familiari. Deum datur ignorantia comitans, quando scilicet aliquis ita legem sive vincibiliter, sive invincibiliter ignorat, ut adhuc si illam sciret, vellet eam transgredi.

III. Queritur secundo; An ignorantia poenæ excuset ab illa incurrenda?

Respondeo cum Con., Suar., Avil. contra Covar., & Hurt. apud Leand. de Censuris quæst. 2. affirmative; ut fusc ostendemus cum de censuris in genere, loquendo tamen de poena extraordinaria, seu quæ pendet a iudicis voluntate illam comminari; ut sunt Censura, Irregularitas ex delicto, prohibitio petendi debitum, & juxta non paucos, Reservatio casuum, &c. Ratio est, quia, ut quis hanc poenam extraordinariam mereatur, debet delinquere contra legem comminantem illam; atqui quoties, verbi gratia, Petrus percutit Clericum ignorans legem imponentem poenam excommunicationis, quamvis delinquat contra legem naturalem, non tamen delinquit contra legem humanam comminantem talem poenam; ergo non meretur poenam illam; Idque sive ignorantia sit juris, sive sit facti, sive sit solius poenæ; ut si quis sciat prohibitam esse graviter rebaptizationem, sed nesciat impositam esse poenam irregularitatis: Hæc tamen non militant in poena ordinaria, seu debita culpæ ex natura sua; nam satis est cognoscere, quod culpa mereatur poenam, & quod talis actus sit graviter culpabilis, ut qui talem actum operatur, mereatur poenam inferni, quamvis infernum non cognoscat.

Notandum tamen, quod ignorantia crassa, supina, & affectata non excusat ab incurfione poenæ, ut notat Merol. apud Tambur. Ratio est, quia talis ignorantia non excusat a culpa; ergo nec a poena; Præsertim quia in Cap. *Ut animarum, de Constitution.* in 6. dicitur aperte, *Stantibus Ordinariis non ligari ignorantes, nisi eorum ignorantia sit crassa, vel supina.* Verum si lex comminatur poenam cum talibus formulis: Qui scienter, vel consulto; vel qui præsumpserit, aut temerarius violator extiterit, &c., docent communiter Doctores contra Hurt.

Hurt., quod talis pœna non incuratur ab eo, qui habet ignorantiam supinam, & crassam, sed solum ab eo, qui habet ignorantiam affectatam; quia hæc æquiparatur scientiæ, ex Cap. *Eos qui, de temporibus Ordinationis, in 6.* Et ratio a priori est, quia, ut notat Sanch. lib. 1. cap. 13., Ignorantia supina, vel crassa minuit voluntarium, & consequenter minuit peccatum: Contra tamen Ignorantia affectata auget peccatum, ex D. Th. 1. 2. quæst. 76. art. 4.; præsertim si sit ad liberius peccandum; quia talis voluntas continet majorem contemptum præcepti, ut constat ex illis verbis superiorum Job. 21. *Recede a nobis, scientiam viarum tuarum nolumus.*

IV. Notandum secundo, ejusdem speciei esse tam peccatum commissum cum ignorantia culpabili legis, quam scienter commissum; nec esse explicandum in confessione, quod quis, verbi gratia, omiserit jejunium præceptum scienter, aut quod omiserit ex ignorantia legis graviter culpabili. Ratio est, quia, ut probabiliter docet Sanch. loc. cit. eadem virtus, quæ obligat, verbi gratia, ad jejunium, obligat etiam ad non culpabiliter omitterendam notitiam talis legis; ergo ejusdem speciei, & malitiæ est utrumque illud peccatum: Sicut ejusdem malitiæ est omisso jejunii præcepti facta ab ebrio voluntarie exponente se tali periculo, & a non ebrio voluntarie illud omitte.

V. Notandum tertio ex eodem Sanch. Ignorantiam, quæ esset vincibilis, & mortaliter culpabilis respectu juris Divini, & naturalis, non esse aliquando talem respectu juris humani, quod non obligat adeo strictè ad ignorantiam tollendam. Quare in præceptis humanis quoties diligentia in inquirenda veritate non est adeo modica, ut fere nulla reputetur, tunc ignorantia excusat a mortali, etiam si respe-

ctu præceptorum naturalium, & Divinorum non excusaret.

VI. Ex dictis sequitur primo, ignorantem pœnam non petendi debitum impositam tam conjugibus cognoscantibus consanguineam sui conjugis in primo, & secundo gradu, quam iis; qui sine necessitate baptizant, vel levant filium sui conjugis, non incurere talem pœnam, etiam si ignorantia fuerit crassa; quia in Sacris Canonibus talis pœna imposita est contra scienter operantes, ut notat Tambur. lib. 1. cap. 2. §. 10.

Sequitur secundo ex Sanch. lib. 4. cap. 22., quod si quis, verbi gratia, voveat non ludere sub pœna solvendi centum, & deinde memor voti, sed immemor pœnæ ludat, peccat quidem contra votum, sed non tenetur pœnam hanc subire.

VII. Circa metum aliquando excusantem, certum est, præcepta prohibentia rem intrinsece malam, verbi gratia, adorationem Idoli, mendacium, &c., ob nullum mortis metum posse violari; Sicuti nec præceptum, quod ex se conjungitur cum vitæ periculo; ut si Episcopus tempore pestis præcipiat Parochis, ne oves deferant, vel si Dux militibus præcipiat, ut hostes invadant: Etenim cum prævaleat bonum publicum privato, potest præceptum humanum in his casibus cum tanta severitate imponi, ut omnes doceant cum Sanch. lib. 1. cap. 18.

Quæritur itaque tertio; An quando lex non prohibet aliquid intrinsece malum, & legis observantia conjungitur solum per accidens cum periculo vitæ, vel alterius gravis mali, tunc excusetur ab ejus transgressione?

Respondeo cum communi affirmative, si præceptum sit humanum, ut jejunandi; si sit Divinum positivum, ut est integritas materialis confessio-

nis, & præmissio confessionis ante Eucharistiam; siue sit Divinum naturale, ut est restitutio, adimpletio voti, elemosyna danda extreme indigenti, &c., quæ sane cum periculo vitæ non obligant. Et ratio est, quia non expedit ad commune bonum, quod ea præcepta cum tanto rigore obligent, neque hoc paritur suavis, ac prudens providentia in gubernando.

Hinc sequitur primo, quod si quis minetur mortem Tizio, nisi præceptum abstinendi a carnibus violet in religionis Christianæ odium, aut in contemptum præcepti, teneatur hic potius subire mortem, non quidem vi præcepti humani de abstinendo a carnibus, sed vi præcepti naturalis tunc concurrentis, & obligantis cum vitæ discrimine ad tuendam existimationem religionis, & reprimendum contemptum præceptorum in adversariis; Et contrarium esset exterius negare fidem, & contemptori præceptorum cooperari, quod est intrinsece malum.

VIII. Secundo sequitur, excommunicatum vitandum posse quidem metu mortis audire Sacrum, immo & celebrare præmissa contritione, non tamen confessiones audire, & absolvere; etenim cum tunc careat jurisdictione, redderet irritum Sacramentum, quod est intrinsece malum. Nec potest administrationem Sacramenti Pœnitentiæ simulare; ut constat ex thesi vigesima nona ab Innoc. XI. confixa, quæ habet: *Urgens meius gravis est causa iuxta Sacramentorum administrationem simulandi.*

Tertio excusatur, qui per metum gravem cogitur missam celebrare sine vestibus sacris, & aliis jure Canonico requisitis, ut docet Valq., Valent., Bonac. disput. 2. quæst. 8. art. 3.

Quarto sequitur cum Sanch., Sot. contra Azor., non teneri quempiam

*Part II.*

cum vitæ discrimine suscipere Sacramentum baptismi, aut pœnitentiæ, cum possit saluti suæ consulere cum contritione; nec tenetur media tutiora cum tanto periculo querere.

IX. Quinto juxta opinionem nonnullorum cum Petro Ledesma apud Sanchez lib. 4. disp. 16. peccat mortaliter, qui per metum gravem celebrat Matrimonium, quatenus ex parte sua reddit irritum Sacramentum, quod ministrat, & suscipit. Quod tamen Sanchez negat, eo quod verba quæ profert non sunt materia & forma Sacramenti, cum Matrimonium illud sit irritum. Peccat certe graviter, si illud consummet; Ratio est, quia matrimonium metu contractum est irritum, unde consummare esset fornicari; Immo si interveniat inter contrahentes impedimentum aliquod jure naturæ dirimens, peccat etiam simulando contractum; secus vero si interveniat impedimentum dirimens jure Ecclesiastico, ut dicemus in de Matrimonio, & expendimus in Trutina thesium damnatarum exponendo dictam thesim vigesimam nonam.

Sexto, probabile est cum Sanch.; Navar., Tolet., Sâ, contra Azor., Victor., Valent., in extrema necessitate, & quando alius minatur ceteroqui mortem, licitum esse velsi carnibus humanis; cum hoc non videatur intrinsece malum. Neque dicas, D. Th. 2. 2. quæst. 142. art. 4. comparare talem culpam fornicationi, quæ in nullo casu liceat; Nam D. Th., ut notat Sanch., comparat illam fornicationi in hoc tantum, quod utrumque sit contra naturam, seu a quo communiter natura abhorret: At non omne, quod sic est contra naturam, est intrinsece malum, itaut in nullo casu liceat; nam non restituere, & non implere votum sunt etiam contra naturam, & tamen ea permittuntur in vitæ discrimine: Fornicatio autem

*D* tem

tamen nullo casu licet, sicut nec molities, ut constat ex propositionibus 48., & 49. damnatis ab Innoc. XI. Adde, quod sicut Mumia ( in qua admiscuntur carnes humanæ ) licite uti possumus in medicamentum, ita in extrema necessitate licite vescimur carnibus humanis, saltem per modum medicamenti, si minus per modum cibi: Quamvis ad id non teneamur; tum quia probabilis etiam esse opposita sententia docens esse intrinsece malum vesci carnibus humanis; tum etiam quia non tenemur tueri vitam omnibus mediis licitis, verbi gratia abscissione cruris, vel brachii; ergo nec esu carniū humanarum, quo solum barbari brutis feriores utuntur.

X. Demum: quamvis probabile sit ex Ledesm., & aliis apud Sal. de Legibus disp. 2. sect. 2., Carthusianos obligari ex proprio statuto, & consuetudine ad abstinendum a carnibus in extrema necessitate; quia ad magnum, & publicum illius Religionis bonum spirituale spectat, ut cum tanto rigore talis observantia vigeat, probabile etiam est ex Sanch., Lorca, Dian. part. 5. tract. 4. resol. 32. posse eos scilicet scandalo, & contemptu in articulo mortis vesci carnibus, etiam si alios cibos habeant; non tamen ad id teneri, nisi aliis cibis careant.

XI. Quod attinet ad impotentiam excusantem, certum est, excusare a præcepti humani observantia Impotentiam non solum physicam, sed etiam moralem, ut quando non potest illud observari sine periculo gravis damni sive proprii, sive alieni.

Quæritur tamen quarto; Quando nani impotens implere totum præceptum teneatur ad partem, quam potest?

Respondet, multiplicem esse sententiam, dum quæritur, an impotens recitare totum officium teneatur ad partem, quam commode potest. Pri-

ma sententia Ledesm. absolute affirmat teneri ad illam partem, quam potest, etiam si sit minor. Secunda Manuel. tom. 1. sect. 42. absolute negat teneri ad partem, quam commode potest, etiam si sit major. Tertia Navar., quæ docet potentem recitare maiorem partem officii ad illam teneri; potentem vero minorem ad illam non teneri; quia aliter quilibet innumeris perplexitatibus, & scrupulis angeretur, cum vix sit valetudinarius, qui aliquam brevem officii partem non possit recitare: In iure autem regulare est, ut maior pars ad se minorem trahat, ex cap. 1. de iis, quæ fiunt a majori; ergo bene videtur assignari regula, quod qui potest maiorem partem officii, aut fere æqualem recitare, ad illam teneatur, qui vero hanc non potest, ad nihil teneatur.

Sanch. lib. 1. cap. 19. huic sententiæ subscribit. Addit tamen, quod ea vera sit, quando quis, verbi gratia, dubitat, an ex valetudine possit recitare totum officium, vel totam Quadragesimam jejunare; ad vitandam enim perplexitatem prædicta regula observari potest; Contra vero, si quis, verbi gratia, careat breviario, & solum possit unam horam recitare, vel si solum primo die Quadragesimæ jejunare possit, & deinde ex defectu cibi non possit jejunare, tenetur ad parvam illam partem, quam potest; quia obligatio est in re dividua, & in parva illa parte consistere potest præceptum, & in tali casu cessat omnis perplexitas. Quod si obligatio sit de re individua, ut est peregrinatio Romana, verbi gratia, qui potest maiorem partem itineris conficere, non tamen Romam pervenire, non tenetur ad partem, quam potest, quia in ea præceptum, vel obligatio voti non consistit.

Notandum tamen, damnatam esse

ab Innoc. XI. propoſ. 54 dicentem: *Qui non poteſt recitare matutinum, & laudes, poteſt autem reliquas horas, ad nihil teneretur, quia maior pars irabit ad ſe minorem.* Et quidem merito prohibetur, ut in ejus expoſitione oſtendimus in Trutina; tum quia reliquæ horæ ſunt pars fere aequalis; tum etiam quia probabilius cenſent Doctores, quod ſingulæ horæ per ſe præcipiantur: Ex quo docent, quod qui ſuſcipit Subdiaconatum hora nona, verbi gratia, non teneatur recitare eo die officium, niſi ab hora nona; Unde cum in ſingulis horis conſiſtat obligatio præcepti, non debet deobligari a recitandis reliquis horis, qui non poteſt matutinum, & laudes.

Quare univerſim placet ſententia Bonac. diſput. 2. quaſt. 8. dicentis cum Ledefm., quod qui commodè non poteſt totum præceptum implere, teneatur implere partem, quam commodè poteſt, dummodo ſit pars notabilis, & dividua, & cenſeatur intentà a Legislatore. Ratio eſt, quia non datur ſufficiens cauſa excuſans a tali parte notabili; Nam *Utile per inutile non viſiatur*, ex reg. juris in 6.: Diximus tamen, modo res ſit notabilis, & dividua, quia aliter non cenſetur a Legislatore intentà, & ſubditus non obligatur ultra voluntatem, & intentionem Legislatoris.

Hinc ſequitur primo, quod qui vovit peregrinationem Lauretanam, ſi poſſit ponere partem notabilem itineris, & non poſſit Lauretum pervenire, non teneatur ad illam; quia res hæc non eſt dividua, nec pars illa cenſetur intentà a vovente: etenim vovens videtur voluiſſe ſe obligare ad iter ſolum ratione termini, ut docent Suar., & Azor.

Secundo, qui ſolum uſque ad veſperas poteſt jejunare, non tenetur ad jejunium, nec peccat, ſi ſumat mane jentaculum; quia talis pars non cen-

ſetur a Superiore intentà, quando præcipitur unica comeſtio; tenetur tamen abſtinere a carnibus, quia præceptum hoc negativum obligat ſemper, & ad ſemper.

Tertio, qui propter infirmitatem, vel aliam cauſam non poteſt totum officium recitare, tenetur ad partem notabilem, quam poteſt; cum ſit res dividua, & videatur a Legislatore intentà. Monet tamen Suar. tom. 2. de Religion. lib. 4. cap. 28., non in quacumque infirmitate ſcrupuloſè agendum, ut qui poteſt aliquam horam recitare, ad illam teneatur: Et idem dicas de eo, qui poteſt aliquo die in Quadageſima jejunare; nam hoc eſſet nimis oneroſum, & præter ſuavitatem legis Eccleſiaſticae, ob perplexitatem, quam induceret. Sed de hoc cum de horis Canonicis redibit ſermo.

Quarto, qui poteſt partem notabilem miſſæ audire, tenetur ad illam: Nec placet opinio Suar., & Sanch. dicentium, quod qui poteſt ſolum a principio miſſæ uſque ad conſecrationem audire, non teneatur; cum enim miſſa, quæ præcipitur, principaliter conſiſtat in conſecratione, conſequenter talis pars videtur notabilis, & a Legislatore intentà.

Quinto, qui non poteſt recitare totum roſarium, quod vovit, tenetur recitare partem notabilem, quam poteſt; & qui non poteſt integram Quadageſimam jejunare, tenetur iis diebus, in quibus bona valetudine utitur; & qui die feſto mane ex neceſſitate laboravit, tenetur reliqua diei parte non laborare.

XII. Quaeritur demum, Quando nam diſpenſatio obtena excuſet a præcepti transgreſſione?

Reſpondeo, quod ſi diſpenſatio ſit valida, & ex rationabili cauſa concedatur, excuſat omnino; Si vero ſit valida, & ſine juſta cauſa detur, qui

ea utitur, excusatur a mortali, non tamen a veniali: Si demum sit invalida, a mortali non excusatur in re gravi. Recolenda tamen hic, quæ diximus, cum de dispensationibus in tractatu de Legibus, videlicet dispensationem sine legitima causa factam ab inferiori in lege Superioris esse invalidam; puta si Pontifex sine causa dispense in jure Divino, ut in voto; aut si Episcopus dispense absque iusta causa in jejuniis Quadragesimali: Quare peccat graviter, qui conscius defectus causæ talem dispensationem petit; sicut etiam qui illam concedit, & qui ea utitur. Quod si Superior in lege propria dispense sine legitima causa, dispensatio est valida, sed qui eam petit, & qui illam concedit, & qui ea utitur, peccat solum venialiter, nisi scandalum grave, aut notabile aliorum damnum sequatur, ut notat Sanch. lib. 1. cap. 20., & Bonac. de Legibus quæst. 1. Quamvis ex eodem Sanch. lib. 8. disp. 18. n. 10. probabile etiam sit, quod ne venialiter quidem peccet.

XIII. Demum urgente necessitate in casu occurrenti potest Episcopus valide, & licite dispensare in lege Pontificis, ut dicemus cum de Dispensationibus in impedimentis matrimonii. Et ratio est, tum quia sicut in præceptis, quæ frequenter indigent dispensatione, ut in jejuniis, in festis, &c., præsumitur data Episcopis facultas dispensandi, quia hoc expedit bono animarum; Ita etiam quando gravis aliqua necessitas, vel utili-

tas subito advenit, nec est facilis recursus ad Papam; Tum etiam quia in cap. *Nuper*, de *Sententia Excommunicationis* in 6. habetur, facultatem absolvendi concedi inferiori eo ipso, quod Superior illam sibi non reservat; ergo a pari probabiliter censetur inferiori concessa facultas dispensandi eo ipso, quod non reservatur: Et ita tenent Sot., Victor., Covar., Sal. apud Bonac. contra Suar., Sylvest., & alios, quorum sententia est probabilior, ut alibi expendimus.

Dubium est, an possit Episcopus dispensare in lege Pontificis, quando dubitatur, an subditus egeat dispensatione?

Docet S<sup>a</sup> apud Bonac. loc. cit. posse Episcopum declarare, quod non egeat dispensatione, & ad cautelam dispensare; quod Salas putat non esse improbabile; quia Episcopus dispensare potest in casibus, qui frequenter accidunt; & sæpe accidit dubitari de necessitate dispensationis. Bonac. tamen censet, quod quando probabiliter opinamur rem non egere dispensatione, neque a Papa, neque ab Episcopo necessario petenda sit dispensatio, cum possimus deposito prædicto dubio sequi opinionem probabilem; si vero solum dubitemus an res egeat dispensatione, hæc petenda sit a Papa, ut constat tum ex praxi, tum quia non debemus nos exponere periculo delinquendi contra legem Superioris, in qua Episcopus, exceptis quibusdam casibus, dispensare non potest.



## Q U Æ S T I O II.

### De Primo Decalogi Præcepto.

*Unum cole Deum.*

**I**N primo Decalogi præcepto verus Dei cultus præcipitur; falforumque Deorum cultus prohibetur: Idcirco agendum hic primo de Virtute Religionis, quæ Dei cultum immediate præcipit; deinde de tribus Virtutibus theologalibus Fide, Spe, & Charitate, quibus Deus specialiter colitur. Tum de Oratione, (ubi fusè de Horis Canonicis) necnon de Adoratione, tanquam de præcipuis actibus Religionis. Adoratio enim est præcipuus ex actibus externis Religionis, sicut Oratio est præcipuus ex internis; Et ad hanc reducitur Devotio, quamvis ista magis effectum cultus, quam ipsum cultum significet. De Juramento tamen, & Voto, quibus nosmet Deo devovemus, commodius in secundo Decalogi præcepto agi solet. Præterea agendum de Vitiis, quæ per excessum virtuti religionis adversantur, videlicet de Superstitione, Divinatione, Vana observantia, Maleficio, Magia; Sicut etiam de Vitiis, quæ eidem virtuti adversantur per defectum, videlicet de Irreligiositate, Tentatione Dei, Blasphemia, Sacrilegio. De Simonia tamen nonnulla dicemus in sequenti tractatu de Restitutione, ubi de Restitutione in particulari; fusè enim de ea diximus in tertio ex Opusculis Theologico-moralibus, ubi de Beneficiis Ecclesiasticis.

#### ARTICULUS I.

##### De Virtute Religionis.

- I. Religio est virtus inter Morales præstantissima, qua habes pro formali objecto cultum Divinæ excellentiæ præstandum.*
- II. In quo differant virtutes Theologales a Moralibus?*
- III. Quinam sint actus a virtute Religionis eliciti, & quinam imperati?*
- IV. Primum Decalogi præceptum obligat ad actus Religionis externos in quantum conjunctos cum internis.*
- V. Ad quos actus externos Religionis obligat lex positiva, & lex naturalis?*

#### *VI. Quandoam exercendi sunt actus Religionis?*

**I.** **V**irtus Religionis est Theologalibus inferior; sed præstantior Moralibus: Ejus munus est præscribere qualis cultus Deo præstandus sit, propter ejus excellentiam supra omne, quod non est Deus; sicut etiam ubi, quomodo, & quando præstandus sit. Quare quia Religio respicit Deum super omnia, participat de virtutibus theologalibus, quia vero respicit tanquam suum objectum formale ipsum cultum Dei, qui est aliquid creatum, propter honestatem, quam habet in se talis cultus, ideo non dicitur virtus theologalis; Sicut non est virtus theologalis Obedientia, quæ habet pro objecto formali ipsam obe-

est præceptum Divinum, quod per se & directe obliget ad meros actus internos Religionis: Nec videtur dari de tali actu præceptum naturale; nam cum præceptum de colendo Deo, quod ratio naturalis præscribit, impleri sufficienter possit per actus externos conjunctos cum internis, & a Religione imperatos, non debemus asserere, quod detur præceptum naturale de mero actu interno Religionis. Adde, quod cum nos corpore simul, & anima constemus, externis simul, & internis actibus colere Deum debemus; atque adeo ad utroque obligamur.

V. Rogabis; Quinam sint actus externi, ad quos ex virtute Religionis obligamur?

Respondeo, ex lege positiva tam Dei in veteri testamento, quam Christi Domini in novo, præcipi Sacrificia, & usum Sacramentorum; In lege vero naturæ, ut notat Suar. lib. 1. de Relig. cap. 3., hic specialis cultus Dei per sacrificia fuit adeo usitatus, ut dici potuerit fuisse de jure Gentium, & naturæ hominis consensaneus; Verum neque a Deo, neque a natura fuit præceptus, quia potest Deus, sufficienter aliter coli, verbi gratia, vel in faciem procidendo, vel per capitis inclinationem, per genuflexionem, per extensionem brachiorum, aut manuum elevationem, per tensionem pectoris, per laudationem vocalem, &c.

VI. Queritur demum; Quandonam obliget virtus Religionis ad Deum colendum per hujusmodi actus externos?

Respondeo, nullum assignari in decursu vitæ certum tempus; idemque communiter docent de actibus Fidei, Spei, & Charitatis, ut fise diximus in Trutina exponendo primam thesim ab Alexand. VII. confixam, quæ habet: *Homo nullo unquam vita tempore tene-*

*tur elicere altum Fidei, Spei, & Charitatis ex vi præceptorum divinorum ad eas virtutes pertinentium.* Quare præter ea, quæ jure positivo injunguntur, videlicet sanctificando diem festum, &c., identidem hujusmodi actus exercendi sunt arbitrio prudentis, & spectatis circumstantiis personæ, ut notat Pal. tract. 6. disp. 1. punct. 4.; Sunt enim in vita, & in morte maxime necessarii, & summe meritorii. Sicut autem non sufficit actum fidei semel in vita elicere; ut liquet ex decima septima thesi ab Innoç. XI. proscripta; nec est probabile, præceptum Charitatis erga Deum ne singulis quidem rigoroſe quinquenniis per se obligare; ut constat ex sexta thesi ad eodem Pontifice proſtigata; sed hujusmodi actus non raro exercendi sunt, spectatis circumstantiis personæ; ita pariformiter ratiocinandum de actibus Religionis spectantis Dei cultum; Sicut etiam de actibus Pœnitentiæ exercendis a peccatore juxta unicujusque opportunitates, ut diximus loco laudato.

## ARTICULUS II.

### De Virtute Theologica Fidei.

- I. Per fidem, qua virtus Theologica est, quid præcipiatur?*
- II. Tria sunt præcepta fidei affirmativa, & duo negativa.*
- III. Ad fidei confessionem quandonam teneamur?*
- IV. Ad quid obliget præceptum negativum, non negandi fidem externam?*
- V. Quando dubius in fide est infidelis?*
- VI. Quinam dicantur Pagani? Quinam Judei? Quinam Hæretici, Schismatici, & Apostata?*
- VII. Quanam sit pertinacia ad hæresim requisita?*
- VIII. Ad hæresim externam requiritur, ut signum externum de se sit*

*fit significatiuum haresis interna, & ad incurrendas censuras debet esse actus exterior de se gravis.*

*IX. Quanam communicatio cum Judæis, & Saracenis prohibeatur?*

*X. Quid teneamur prestare erga Paganos?*

*XI. Num liceat Catholicis de rebus fidei disputare?*

**I.** **Q**Uæritur primo; Quid sit Fides, & quid per illam principaliter præcipiatur?

Respondeo, Fidem esse virtutem rheologicam, per quam firmiter credimus propter summam Dei auctoritatem, qui nec fallere, nec falli potest, quæcumque a Deo revelata sunt, & ab Ecclesia nobis proponuntur.

II. Quinque continet præcepta Virtus Fidei, quorum tria sunt affirmativa, duo negativa. Primum ex tribus præceptis fidei affirmativis est, explicite credere Deum esse, & Remuneratorem esse; Credere etiam duo mysteria Trinitatis, & Incarnationis, & quoad substantiam scire, & credere articulos Symboli Apostolici, Sacramenta Baptismi, Pœnitentiæ, & Eucharistiæ, ac præcepta Decalogi.

Secundum est, non semel ea credere; nam damnata est ab Innoc. XI. propos. 17. dicens: *Satis est illum fides semel in vita elicere*; nec non 65. *Sufficit mysteria Trinitatis, & Incarnationis semel credidisse*; sicut etiam 16. dicens: *Fidei non censetur cadere sub præceptum speciale, & secundum se.*

III. Tertium est, exterius fidem fateri, quando talis confessio necessaria est ad Dei magnum honorem, vel ad proximi, aut ad tuam salutem; seu quando honor Dei periclitatur circa fidei veritatem, vel quando aliter scandalum præberetur proximo circa fidem; ut notat Valent. apud Bonac. Ex quo colligit D. Th., quod

non solum coram Tyranno interrogante de fide unusquisque fateri debeat se esse Christianum, sed etiam si vir admodum gravis interrogetur a privatis, puta ab hæreticis, an sit Christianus Romanus, non possit tacere, si grave scandalum populi timeatur; nec possit fugere persecutionem, qui ejus conditionis est, ut ipso fugiente periclitetur honor Dei, vel salus animarum. Contra vero ad confessionem fidei non tenetur, qui interrogatur, an sit Christianus, ut sciatur tantum ejus Nationis, non ejus Religionis est; aut si interrogetur auctoritate privata, & ex reticentia non impediatur magnus honor Dei; quæ omnia fuisse proscripti sumus in Trutina exponendo thesim decimam octavam ab Innoc. XI. confixam, *Fidem confiteri, ut Deo, & Fidei gloriosum consulo; tacere ut peccaminosum per se non damno.* Quando autem Tyrannus jubet, ut Christiani gesserint signum, quo ab aliis distinguantur, non tenentur tali præcepto, utpote iniquo, & injusto obedire, ut docent Sanch., Bonac., & alii contra Navar., & Cajet., Falsum enim est, quod in tali eventu lex habeat vim interrogantis de fide unuscujusque, sed solum præscribit modum profitendi fidem deferendo tale signum; & ideo qui inter hæreticos interrogatur, an audierit Sacram, an recitarit officium, ut sic deprehendatur, an sit Christianus Romanus, non tenetur respondere, ut docent Doctores citati. E contra si quis videret Turcam profanare templa, vel virgines Sacras, aut conculcare Sacras imagines, tenetur etiam cum vitæ periculo illum cohibere, si speret profectum; Sicut Pastor tempore persecutionis non potest fugere, si timeat exultimationem fidei minuendam, aut a subditis deferendam.

IV. Primum vero ex duobus fidei præ-

præceptis negativis est illam exterius non negandi, seu non ponendi ea signa, quæ indicarent internam fidei denegationem. Unde peccat contra Fidem, qui dicit se non esse Christianum, dum nomen Christiani accipitur non ad significandam nationem, sed religionem; Sicut etiam qui utitur signis protestativis falsæ sectæ: Quod si quis habitum Turcarum, vel Judæorum induat, quando fidem suam non tenetur propalare, sed sic incedat, vel ut incolumis transeat per medios hostes, vel alia de causa, non peccaret; quia hoc non esset profiteri falsam religionem, sed solum politica symbola exhibere; Secus vero si ante Idolum serio genuflecteret: Immo Laym. contra Sanch., & Azor. apud Tambur. non audeat damnare eos, qui existente gravi causa, puta ad reportandam victoriam infidelium, induerent vestes, ubi sit depictum falsum Idolum, puta Veneris, Jovis, &c.; quia ea signa sæpe ornatus causa deferuntur, nec sunt destinata ad exhibendum cultum tali Idolo: Contra vero, si in eis esset, verbi gratia, depictus Mahometes; quia tale signum destinatum est ad protestandam fidem Mahometi: Demum nunquam licet thus adolere, aut genuflectere Idolo, quia hoc est apertum signum cultus interni; Possumus tamen ob fines indifferentes ingredi Moschæas falsæ religionis, vel Synagogas Judæorum, verbi gratia, ad interveniendum domino, ut concessit Nahamano Elifeus 4. Regum 5., Si quis tamen ingrederetur ea templa, quando infideles confluent ad orandum, aut aliter appareret, ingressum illius templi significare protestationem illius sectæ, certe peccaret contra hoc fidei præceptum; Unde Paulus V. apud Tambur. rogatus, an in Anglia liceret Catholicis ingredi templa hæreticorum cum protestatione, quod id facerent

Part II.

ad obediendum civiliter Regi in hac re indifferenti? Respondit, non licere; quia in iis circumstantiis non poterat præsumi, quod præciperetur ingressus templi materialis, sed ut signum profitentium sectam illam.

V. Secundum ex præceptis fidei negativis est fidem ne interius quidem negare, videlicet aut dubitando per deliberatam voluntatem de articulis fidei, (nam sic dubius in fide est infidelis) aut aliam sectam amplectendo, videlicet aut Paganismum, aut Judaismum, aut Hæresim.

VI. Quæritur secundum; Quinam dicantur Pagani, seu Gentiles, aut Ethnici? Quinam Judæi, vel Hebræi? Quinam Hæretici, Schismatici, & Apostatæ?

Respondeo, dici Paganos, seu Gentiles, qui nullatenus Christianam fidem in Baptismo promiserunt, nec amplexi sunt, sed Idola colunt, & idcirco etiam dicuntur Idololatæ; Quamvis si Deum nullatenus colant, dicantur Athei, si vero Mahometi sectam sequantur, ut Turcæ, Mauri, Arabes, &c. dicantur Saraceni, seu Mahometani. Dicuntur vero Judæi, seu Hebræi, qui veteri solum testamento credunt, & Christianam fidem in adventu Messie promittunt se servaturos; nondum enim credunt advenisse Messiam; Hæretici autem dicuntur, qui Christianam fidem solemnī professione promiserunt in Baptismo, vel in Catechismo, & deinde aliquem fidei articulum cum pertinacia negant, vel saltem deliberare putant esse rem dubiam, seu opinabilem: Quod si articulos omnes fidei negarent, dicerentur Apostatæ a fide; Si demum credant fidei articulos, & solum se subtrahant ab obedientia Summi Pontificis, dicuntur Schismatici, seu divisi a Capite; ita tamen, ut si ideo se subtrahant ab obedientia Summi Pontificis, quia non credunt illum esse ca-

E

put

put Ecclesiæ, sint Schismatici simul, & Hæretici.

VII. Dubium est primo; In quo consistat pertinacia requisita ad hæresim?

Respondeo cum Sylvest. & Tambur. consistere in electione deliberata voluntatis alicujus opinionis cum certa cognitione, quod talis opinio sit contra id, quod docet Ecclesia. Hinc Suar., & alii communius contra Sot., & Lorcani volunt, non esse hæreticum, qui errat contra fidem cum ignorantia, etiamsi affectata, & culpabilis, quia pertinacia stare non potest cum tali ignorantia: Unde non est idem specie peccatum negare fidem scienter, & illam negare cum ignorantia affectata; quamvis e contra in aliis materiis idem specie peccatum sit transgredi aliquam legem scienter, & transgredi cum ignorantia culpabili; verbi gratia, non audire missam die festo sic cognito, & non audire missam ex ignorantia culpabili, quod hodie sit dies festus.

VIII. Dubium est secundo; In quo consistat hæresis externa?

Respondeo, quod sicut hæresis interna est error intellectus voluntarius contra fidem, & cum pertinacia, qui nullo signo externo prodatur; ita hæresis externa est, quæ exterius proditur per vocem, nutum, aut aliud signum; itaut si tale signum coram multis prodeat, dicatur hæresis externa publica; si coram paucis, puta coram duobus, vel tribus, aut coram nullo, dicatur hæresis externa occulta. Quod si quis solum exterius proferat hæresim sine ullo errore intellectus, aut sine pertinacia voluntatis, hic vere non erit hæreticus, nisi dumtaxat secundum forum externum.

Notandum tamen hic ex Sanch. lib. 2. cap. 8., & Tambur. lib. 2. cap. 1. §. 4., ad rationem hæresis exterius duo requiri; primum, ut vox, seu

signum exterius procedat ex affectu hæresis, & non aliter; unde qui hæresim aliorum refert, etiamsi interior illam ipse habeat, non est hæreticus exterior.

Secundum, ut tale signum, seu vox ex se, vel ex circumstantiis determinate hæresim exprimat; & talia sunt verba absoluta, & non sub dubio hæresim significantia; Item facta proprie hæreticorum; verbi gratia eorum cæna, & aliz cæremoniæ, necnon ipsa bona opera hæreticorum, videlicet visitare infirmos, Ecclesiam adire, &c., quando ex circumstantiis colligitur ea fieri ab aliquo, ut se conformet sectæ hæreticorum.

Ex quo fit, ut nec sit hæreticus exterior, qui disputandi gratia hæresim proferat, aut ex hæretico affectu moveat caput, aut dicat, non est ita; dummodo non appareat velle hæresim confirmare; Nam in tali casu hæc signa non exprimunt hæresim determinate. Eadem ratione non est hæreticus exterior, qui comedit carnes die vetito, qui ducit duas uxores, qui Eucharistiæ non aperit caput, &c., quando ea fiunt in iis circumstantiis, in quibus non apprehenduntur fieri ob errorem contra fidem, sed ob inordinatum affectum erga gulam, & luxuriam, & ob irreverentiam erga Eucharistiam. Adde ex eodem Sanch., quod si actus exterior de se sit levis, seu veniale peccatum, etiamsi procedat ex affectu interno ad hæresim, non sufficit ad incurrendas penas hæresis externæ; Verbi gratia si quis comedat parum carnis die vetito animo sequendi sectam hæreticorum: Et enim, ut dicemus de Censuris, & de casuum reservatione, actus exterior de se debet esse gravis, ut sit obnoxius gravibus pœnis, quas Ecclesia nunquam propter merum actum internum infligit.

IX. Dubium est tertio; Qualis com-

mu-

municatio cum Hebræis, seu Judæis prohibeatur Christianis?

Respondeo, prohiberi habitare cum illis, eorum azymis vesci, Judæis medicis uti, aut ab iisdem pharmaca accipere, seclusa necessitate, cum iis simul in balneo se lavare, eos invitare, ad eorum convivium accedere, aut legata iisdem in testamento relinquere; prohibitum etiam est tam Judæis, quam Saracenis famulari, & illis officia publica committere, cum iisdem matrimonia inire, aut portare iis lignamina, arma, & similia in Catholicorum perniciem. Non semper tamen est mortale aliquem ex actibus huiusmodi prohibitis exercere, præsertim si longe absit periculum subversionis.

X. Quæritur tertio; Quid teneamur præstare erga Paganos?

Respondeo, & dico primo, non licere nobis baptizare ante rationis usum infantes Gentilium sine consensu unius saltem ex parentibus, si sint eorum potestate, non urgente periculo mortis; Et ratio est, ne decursu temporis exponatur Sacramentum Baptismi sacrilegium ejusdem baptizati. Secundo, nec possumus Paganos ad fidem cogere, quia Christi fides sponte suscipienda est; aliter magnum periculum esset fictionis, & sacrilegii. Unde fit, quod non possit suscipi bellum contra Infideles ex eo solum capite, quod fidem respuant. Tertio, possunt quidem cogi Gentiles, qui sunt subiecti Principi Christiano ad audiendum Evangelium, (ut etiam Hebræi coguntur Romæ,) & ad abstinendum a peccatis contra jus naturæ; Non possunt tamen ad hæc cogi Gentiles, qui non sunt subiecti; nisi præcludant aditum Prædicatoribus, aut Evangelium, & Christianos persequantur; aut nisi Diis immolent, vel comedant homines; quia hoc non esset jus dicere erga non subiectos, sed esset innocentes defendere, & punire

eos, qui injuriam Christo, ejusque religioni inferunt. Quarto, possunt Principes Christiani tolerare in suis Regnis ritus Paganorum, ne dissidia, & rixæ oriantur, & ut facilius convertantur: Quia tamen conversatio Christianorum cum Infidelibus multa mala solet gignere, idcirco possunt expelli, si ad fidem converti nolunt; ita tamen ut vendant omnia sua bona, & cum eorum pretio transmigrent alio, ut fecit Philippus III. anno 1609. expellendo Mauros ex Hispania.

XI. Quæritur quarto; An liceat de rebus fidei disputare?

Respondeo, non licere indocto eas disputationes aggredi, si periculum subeat deceptionis; idque ex præcepto naturali: Ex præcepto tamen Ecclesiastico solum laicæ personæ prohibetur publice, vel privatim de fide Catholica disputare, ex cap. *Quicumque*, de Hæres. in 6.

## ARTICULUS III.

### De Spe, & Charitate.

I. *Contra spem Theologalem peccat tam qui presumit propriis viribus beatitudinem supernaturalem obtinere, quam qui ex sola Dei misericordia sine propriis operationibus illam expectat.*

II. *Duplex datur præceptum Spei, alterum Negativum non desperandi, nec presumendi; alterum positivum identidem sperandi.*

III. *Qui post peccatum omittit altus fidei, ac spei debitos, directe peccat contra virtutem Penitentia, quæ præviis illos altus requirit.*

IV. *Charitas debet super omnia Deum amare appetitive, non inensive.*

V. *Duplex pariter est præceptum Charitatis; videlicet negativum non odio habendi, aut contemnendi*

E. 2 Deum.

*Deum, & Affirmativum amandi illum identidem; Sed quam frequenter?*

*VI. Non datur materia parvas in odio Dei; sicut nec in Infidelitate.*

**I.** *S*pes est altera virtus theologalis, qua speramus a Deo beatitudinem, & quæ ad illam pertinent, divino auxilio obtinendam; cum enim viribus naturæ illam assequi non possumus, committeremus peccatum præsumptionis, si absque Divina misericordia illam vellemus obtinere ex solis nostris meritis naturalibus, juxta errorem Pelagianorum; Sicuti etiam contra spem peccaremus, si vellemus ex sola Dei misericordia absque nostris bonis operibus beatitudinem obtinere, juxta errorem Lutheri.

**II.** *Quæritur primo; Quotuplex datur præceptum Spei?*

Respondeo cum communi, duplex dari præceptum Spei, alterum negativum non desperandi, nec præsumendi; alterum affirmativum, scilicet positive sperandi; ipsa enim ratio naturalis dicitur, habitum supernaturalem spei in Baptismo nobis infusum non debere esse otiosum; & ideo Psalm. 4. dicitur: *Sperare in Domino*; sicut etiam passim in aliis Scripturæ locis: Quare contra hoc præceptum peccari potest omitendo actum spei longo tempore, ut dicitur de actibus fidei, & Charitatis; Præsertim quando quis graviter urgetur temptationibus contra spem, & est in periculo desperationis, nisi se minuatur actibus spei. Peccatur etiam contra præceptum spei negativum, tum præsumendo consecutionem beatitudinis sine Dei misericordia, aut sine propria cooperatione, ut diximus; tum desperando, quando scilicet quis desperans gratiam, vel gloriam non curat adhibere suam cooperationem. Putant etiam nonnulli, peccari contra spem tentando Deum,

quia tentans Deum non sperat, sicut oportet; Sed nos infra dicemus cum communi, temptationem Dei esse peccatum potius contra virtutem Religionis, quam contra spem.

**III.** Notandum hic cum Bonac., quod omittens se convertere ad Deum post peccatum, quamvis omitat actus fidei, & spei debitos, tamen proprie, & directe peccat contra præceptum poenitentiae, non contra præceptum fidei, & spei. Et ratio est, quia in tali casu solum per accidens tenetur ad actus fidei, & spei, quatenus scilicet poenitentiam agere non potest, nisi eliciendo actus fidei prævios, & sperando veniam peccatorum.

**IV.** Denique Charitas est ex Apostolo excellentissima inter virtutes theologales; quia per illam Deum super omnia diligimus, & sic illi perfecte conjungimur.

*Quæritur nunc secundo; Utrum teneamur amare Deum super omnia appetitative tantum, hoc est appetitando illum tanquam summum bonum super omnia, an etiam intensive, ita scilicet ut amor Dei debeat esse intensior, quam quilibet amor erga objectum creatum?*

Respondeo, teneri ad amandum Deum super omnia solum appetitative; nam qui patrem, aut matrem, aut quodcumque aliud supra Deum diligit, non est Deo dignus; Non tenemur tamen Deum super omnia diligere etiam intensive, quia si ad id teneremur, angeremur scrupulis dubitando, an actus amoris a nobis elicitus sit intensissimus, qui a nobis elici possit hic, & nunc; & sic jugum Divinæ legis non esset suave, nec onus leve: Quare diligimus Deum ex toto corde, & ex tota mente, si super omnia appetitative illum diligamus.

**V.** *Quæritur tertio; Quotuplex sit, & quando obliget præceptum Charitatis?*

*Re-*

Respondeo, duplex dari præceptum Charitatis erga Deum, alterum negativum, videlicet non odio habendi Deum, nec illum postponendi creaturis; & hoc obligat semper, & ad semper: Alterum affirmativum, videlicet eliciendi sæpius actus amoris; & circa hoc damnata est ab Innoc. XI. propos. 6., qua dicitur, Ne singulis quidem quinquenniis ad hos actus nos obligari. Communiter tamen docent, ad eosdem nos obligari, primo dum insurgunt tentationes, & periculum est, ne iis assentiamur; deinde quando tenemur eliciendi actus contritionis; cum contritio sit saltem virtualis dilectio Dei: Præterea alii putant, quod singulis diebus festis; alii quod semel, aut bis in anno, ut dicemus in de Pœnitentia. Equidem vero censeo, non esse eandem unicuique talem obligationem; Sæpius enim ad actus amoris tenentur docti, quam rudes, sæpius qui majorem habent opportunitatem, & qui in majoribus periculis peccandi versantur, quam alii: Quod fusius in expositione dictæ proscriptæ thesisi expendimus in Trutina Thesium damnatarum.

VI. Quæritur quarto; An in odio Dei detur parvitas materiæ, sicuti datur in odio proximi?

Respondeo cum communi negative. Ratio est, quia quodlibet odium Dei maxime repugnat summæ Divinæ bonitati: Sicut enim in Infidelitate erga Deum non datur parvitas materiæ, sed peccat mortaliter quicumque discredidit cuilibet minimo articulo fidei; contra vero qui fidem viro probo in minimis non præstat, non peccat mortaliter; Ita pariter qui vult Deo quodvis minimum malum, peccat mortaliter, secus vero qui vult illud homini.

## ARTICULUS. IV.

De Oratione, qua Deum colimus.

- I. *Quanam a Deo in oratione petenda, in) Oratione dominica discretissime recensentur.*
- II. *Oratio definitur, Petitio decentium a Deo. Ea nobis precipitur tum præcepto naturalis, tum etiam positivo Divino, & Ecclesiastico.*
- III. *Triplex est Orationis effectus, moveri, satisfacere, & impetrare.*
- IV. *Etiam peccatoris oratio est impetratoria ex divina promissione, dummodo ille non peccet, inquantum peccator est, videlicet aut mala; aut ad malum finem.*
- V. *Quid requiritur, ut Oratio impetret infallibiliter?*
- VI. *Oratio vocalis natura humana conformior est, quam mentalis multis de causis.*

I. **P**OTISSIMUS Religioſis actus est Oratio, qua petimus a Deo bona nobis decencia, ex D. Th. 2. 2. quæst. 83. Quæ autem bona dicantur decencia, & quo ordine petenda sint, ostendit nobis Christus Dominus docens orandi formam Matth. 6. ubi dixit: *Cum oratis, dicite, Pater noster; &c.* Quod observat D. Th. loc. cit. ex August. Primo enim petenda est Divini nominis sanctificatio, amando illum amore amicitie. Secundo, nostrum bonum, petendo adventum regni Dei, seu visionem beatam in Patria, ubi Deus suum habet pacatissimum regnum. Tertio, media, quibus utrumque assequamur; Ea vero sunt tum conformatio cum divina voluntate, tum etiam bona spiritalia, & temporalia, quibus juvamus ad Dei voluntatem exequendam: Quia vero ab iisdem arcemur per peccatum, ideo deinde peccatorum remissionem petimus.



mus, & tentationum victoriam; ac demum ut ab omni nos malo temporali, & spiritali liberet, quod ad transgressionem divinorum præceptorum inducit. Explicatis itaque actibus virtutum Theologicalium, progredimur ad explicandos actus virtutis Religiosis, quæ directe respicit Dei cultum.

II. Oratio itaque stricte sumpta definitur, quod sit *Petitio decemum a Deo*; large vero sumpta significat quamcumque mentis elevationem ad Deum per laudem, benedictionem, adorationem, gratiarum actionem, invocationem, confessionem peccatorum, &c. Præcipitur tamen oratio stricte sumpta non solum præcepto naturali, quo tenemur procurare bona nobis convenientia, præsertim supernaturalia, & perseverantiam in bono, ac remove mala, & tentationes; quæ omnia nonnisi per orationem a Deo conceduntur; sed etiam præcepto positivo, tum divino, ubi dixit, *Orate, ut non intretis in temptationem*; tum etiam Ecclesiastico, quo obligamur diebus festis assistere sacro, & cum Sacerdote orationes, & adorationes Deo exhibere, & sacrificium offerre.

Propterea agemus hic de oratione in genere: Deinde quia præcipua oratio vocalis in Ecclesia Dei sunt Horæ Canonice, ideo de illis quæstione sequenti scorsim agendum.

III. Quæritur nunc primo; An quilibet Oratio sit meritoria, satisfactoria, & impetratoria?

Respondeo, Orationem hominis iusti valere ad merendam gratiam, & gloriam, necnon ad satisfaciendum pro pœna temporali peccatis debita; & demum ad impetrandum a Deo id, quod petitur. Primus, & secundus effectus fundatur in gratia sanctificante; seu in amicitia cum Deo, & uterque effectus communis est omnibus operibus bonis, factis ab homine

iusto; unde peccatores orando, aut exercendo quodcumque aliud bonum opus nec merentur, nec satisfaciunt.

Tertius effectus impetrationis non fundatur in gratia sanctificante, sed in divina promissione; Matth. enim 7. dicitur: *Omnis, qui petit, accipit*; Et ideo etiam oratio peccatoris impetratoria est.

IV. Neque dicas: Joan. 9. habetur: *Scimus, quia peccatores Deus non exaudit*; & Psalm. 69. *Iniquitatem si aspexi in corde meo, non exaudiet Dominus*; & Proverb. 28. *Oratio peccatoris erit execrabilis*. Nam, ut notat D. Th. loc. cit. ex Augusti, & Chrysostomo, si peccatores non exaudiret Deus, frustra Publicanus dixisset: *Domine propitius esto mihi peccatori*: Quare peccatores Deus non exaudit solum, in quantum peccatores sunt, seu quando aut petunt mala, aut in malum finem.

V. Quæritur secundo; Utrum Oratio impetret infallibiliter?

Respondeo affirmative cum D. Th. loc. cit. art. 15. dummodo tamen debite circumstantiæ concurrant, sub quibus Deus promisit concedere, quæ petuntur. Prima circumstantia est, ut petantur bona, seu utilia ad salutem animæ. Secunda, ut petantur a bonis, seu a iustis, aut si petantur a peccatoribus, non male petantur, seu ad malum finem, quia, ut diximus, peccatores in quantum tales Deus non exaudit. Tertia, ut petantur bene, hoc est pie; cum reverentia, humilitate, & fiducia; Jacobi enim 1. dicitur: *Postulantes autem in fide, nihil habentes*; & cap. 4. *Petitis, & non accipitis, eo quod male petatis*. Quarta, ut petantur cum perseverantia, quæ sæpissime commendatur in Scriptura; Deus enim non semper statim exaudit, ut magis excitet orantium preces.

VI. Notandum tamen demum, Oratio-

rationem aliam esse mentalem quæ scilicet actibus intellectus, & voluntatis perficitur; aliam vero vocalem, quæ scilicet verbis exprimitur: Hæc magis conformis est naturæ humanæ, non solum quia corpore simul, & mente laudare debemus Dominum, sed etiam quia mentis evagationes

facile per vocalem orationem cohibentur; Firmatur enim facilius voce animus ad ea, quæ ore profert. Quoniam vero inter orationes vocales celeberrima est recitatio Horarum Canonicarum, ideo de hac speciatim agendum.

## Q U Æ S T I O III.

### De Horis Canonicis.

**D**icuntur Horæ Canonicæ, quia statis horis distributæ sunt per Sacros Canones; vocanturque etiam Officium divinum ad significandum, quod officium, & actus proprius Ecclesiasticorum sit Deum laudare; quare examinabimus primo, Quinam ad horas obligentur? Secundo, Qua forma, seu quodnam officium recitandum sit? Tertio, Sub qua culpa, & poena? Quarto, Quo modo, & ordine? Quinto, Quo tempore, loco, & qua corporis habitudine? Denique, Quæ causæ ab eis excusent?

#### ARTICULUS I.

##### Quinam ad horas Canonicas obligentur?

- I. Ad horas tenentur Clerici in Sacris constituti, Beneficarii, & Regulares Professi ad Chorum deputati.
- II. Plura requiruntur, ut Beneficiarius ad horas teneatur.
- III. Non tenetur ad horas Beneficiarius iis annis, quibus ob sterilitatem non recipit fructus a Beneficio.
- IV. Quid si Beneficium sit tenue? Et quodnam dicatur tenue?
- V. In dubio de tenuitate Beneficii, num deobligetur Beneficiarius totaliter, an partialiter? An vero absolvis obligetur?
- VI. Prælati regularis sub mortali tenentur efficere, ne Chorus desit. Quid tamen si non nisi quatuor, aut quinque Monachi sint in Monasterio?

VII. Professi, & Moniales tenentur privatim officium recitare, si absint a Choro. Num sit probabilis sententia opposita?

VIII. Probabiliter satisfacit obligationi horarum, qui illas recitavit mane, antequam ordinaretur in Sacris.

IX. Excommunicatus quamvis fructus Beneficii non percipiat, adhuc ad horas obligatur. Quid de Degradato?

X. Probabiliter excusantur ab horarum recitatione damnati ad irremediam. Quid de inclusis in carcere retro? Quid de Uxoratis ex dispensatione Pontificis? Quid de maximo dolore affectis?

**I.** Certum est, ad horas teneri Primo omnes Clericos constitutos in Sacris; quamvis enim id non constet ex ullo jure scripto, constat tamen ex consuetudine, ut notant Suar., Pal., Azor., & alii; eamque

mus, & tentationum victoriam; ac demum ut ab omni nos malo temporali, & spirituali liberet, quod ad transgressionem divinatorum præceptorum inducit. Explicatis itaque actibus virtutum Theologalium, progredimur ad explicandos actus virtutis Religiosis, quæ directe respicit Dei cultum.

II. Oratio itaque stricte sumpta definitur, quod sit *Petitio decensium a Deo*; large vero sumpta significat quancumque mentis elevationem ad Deum per laudem, benedictionem, adorationem, gratiarum actionem, invocationem, confessionem peccatorum, &c. Præcipitur tamen oratio stricte sumpta non solum præcepto naturali, quo tenemur procurare bona nobis convenientia, præsertim supernaturalia, & perseverantiam in bono, ac remove mala, & tentationes; quæ omnia non nisi per orationem a Deo conceduntur; sed etiam præcepto positivo, tum divino, ubi dixit, *Opporret semper orare: Vigilate, & orate, ne non intretis in tentationem*; tum etiam Ecclesiastico, quo obligamur diebus festis assistere sacro, & cum Sacerdote orationes, & adorationes Deo exhibere, & sacrificium offerre. Propterea agemus hic de oratione in genere: Deinde quia præcipua oratio vocalis in Ecclesia Dei sunt Horæ Canonice, ideo de illis quæstione sequenti scorsim agendum.

III. Quæritur nunc primo; An quilibet Oratio sit meritoria, satisfactoria, & impetratoria?

Respondeo, Orationem hominis iusti valere ad merendam gratiam, & gloriam, necnon ad satisfaciendum pro pena temporali peccatis debita; & demum ad impetrandum a Deo id, quod petitur. Primus, & secundus effectus fundatur in gratia sanctificante, seu in amicitia cum Deo, & uterque effectus communis est omnibus operibus bonis, factis ab homine

iusto; unde peccatores orando, aut exercendo quodcumque aliud bonum opus nec merentur, nec satisfaciunt.

Tertius effectus impetrationis non fundatur in gratia sanctificante, sed in divina promissione; Matth. enim 7. dicitur: *Omnis, qui petit, accipit*; Et ideo etiam oratio peccatoris impetratoria est.

IV. Neque dicas: Joan. 9. habetur: *Scimus, quia peccatores Deus non exaudit*; & Psalm. 69. *Iniquitatem si aspexi in corde meo, non exaudiet Dominus*; & Proverb. 28. *Oratio peccatoris erit execrabilis*. Nam, ut notat D. Th. loc. cit. ex August. & Chrysostomo, si peccatores non exaudiret Deus, frustra Publicanus dixisset: *Domine propitius esto mihi peccatori*: Quare peccatores Deus non exaudit solum, in quantum peccatores sunt, seu quando aut petunt mala, aut in malum finem.

V. Quæritur secundo; Utrum Oratio impetret infallibiliter?

Respondeo affirmative cum D. Th. loc. cit. art. 19., dummodo tamen debitæ circumstantiæ concurrant, sub quibus Deus promittit concedere, quæ petuntur. Prima circumstantia est, ut petantur bona, seu utilia ad salutem animæ. Secunda, ut petantur a bonis, seu a iustis, aut si petantur a peccatoribus, non male petantur, seu ad malum finem, quia, ut diximus, peccatores in quantum tales Deus non exaudit. Tertia, ut petantur bene, hoc est pie, cum reverentia, humilitate, & fiducia; Jacobi enim 1. dicitur: *Postulet autem in fide, nihil habens*; & cap. 4. *Petitis, & non accipitis, eo quod male petatis*. Quarta, ut petantur cum perseverantia, quæ sæpissime commendatur in Scriptura; Deus enim non semper statim exaudit, ut magis excitet orantium precibus.

VI. Notandum tamen demum, Oratio-

rationem aliam esse mentalem quæ scilicet actibus intellectus, & voluntatis perficitur; aliam vero vocalem, quæ scilicet verbis exprimitur: Hæc magis conformis est naturæ humanæ, non solum quia corpore simul, & mente laudare debemus Dominum, sed etiam quia mentis evagationes

facile per vocalem orationem cohibentur; Firmatur enim facilius voce animus ad ea, quæ ore profert. Quoniam vero inter orationes vocales celeberrima est recitatio Horarum Canonicarum, ideo de hac speciatim agendum.

## Q U Æ S T I O III.

### De Horis Canonicis.

**D**icuntur Horæ Canonicæ, quia statis horis distributæ sunt per Sacros Canones; vocanturque etiam Officium divinum ad significandum, quod officium, & actus proprius Ecclesiasticorum sit Deum laudare; quare examinabimus primo, Quinam ad horas obligentur? Secundo, Qua forma, seu quodnam officium recitandum sit? Tertio, Sub qua culpa, & pœna? Quarto, Quo modo, & ordine? Quinto, Quo tempore, loco, & qua corporis habitudine? Demum, Quæ causæ ab iis excusent?

#### ARTICULUS I.

##### Quinam ad horas Canonicas obligentur?

- I. Ad horas tenentur Clerici in Sacris constituti, Beneficarii, & Regulares Professi ad Chorum deputati.
- II. Plura requiruntur, ut Beneficiarius ad horas teneatur.
- III. Non tenetur ad horas Beneficiarius iis annis, quibus ob sterilitatem non recipit fructus a Beneficio.
- IV. Quid si Beneficium sit tenue? Et quodnam dicatur tenue?
- V. In dubio de tenuitate Beneficii, num deobligetur Beneficiarius totaliter, an partialiter? An vero absolute obligetur?
- VI. Prælati regularis sub mortali tenentur efficere, ut Chorus desit. Quid tamen si nominis quatuor, aut quinque Monachi sint in Monasterio?

- VII. Professi, & Moniales tenentur privatim officium recitare, si absint a Choro. Num sit probabilis sententia opposita?
- VIII. Probabiliter satisfacit obligationi horarum, qui illas recitavit mane, antequam ordinaretur in Sacris.
- IX. Excommunicatus quamvis fructus Beneficii non percipiat, adhuc ad horas obligatur. Quid de Degradato?
- X. Probabiliter excusantur ab horarum recitatione damnati ad irremediam. Quid de inclisus in carcere retro? Quid de Uxoratis ex dispensatione Pontificis? Quid de maximo merore affectis?

**I.** Certum est, ad horas teneri Primo omnes Clericos constitutos in Sacris; quamvis enim id non constet ex ullo jure scripto, constat tamen ex consuetudine, ut notant Suar., Pal., Azor., & alii; eamque

que obligationem supponit Concil. Basileense sess. 21. Secundo, tenentur Beneficiarii. Tercio, Regulares professi utriusque sexus deputati ad Chorum. Dixi, Professi, quia Novitii in odiosis habentur pro secularibus. Dixi etiam, Deputati ad Chorum, quia professi religionum militarium, & Societatis Jesu, qui ad Chorum non obligantur, non tenentur ex vi status religiosi officium recitare.

II. Quæritur nunc primo; Quid requiratur in Beneficiariis, ut ad horas teneantur?

Respondeo cum Tambur. ex Pal. & aliis, requiri, Primo, quod beneficium aliquod sive simplex, sive curatum valide, & iuste sit illis collatum; Unde sit non teneri ad officium, qui habet Cappellaniam, quæ a laicis conferri solet; quia Beneficium dicitur, quod a Prelato confertur personæ Ecclesiasticæ ad officium Ecclesiasticum exercendum; Nec tenetur ad officium, qui est Vicarius Beneficiarii, aut qui est Coadjutor cum futura successione; quamvis enim isti gaudeant portione beneficii, non dicuntur tamen Beneficiarii. Eodem modo non tenentur, qui habent Pensionem, quæ ex aliquo beneficio extrahitur. Hic tamen notandum, quod quamvis ex Bulla Pii V. habens Pensionem Clericalem (quæ scilicet requirit primam consuram in Pensionario, ut explicabimus cum de Censuris) debeat officium Beatissimæ Virginis recitare, tamen huic obligationi satisfacit, si recitet officium divinum: Quare si ratione Ordinis Sacri, verbi gratia, teneatur Pensionarius ad officium divinum, non tenetur etiam recitare officium B. Virginis, ex Suar., & aliis apud Tambur. Demum non tenetur officium recitare, qui iniuste, vel invalide beneficium recepit, puta per violentiam, vel per simoniam, aut dum erat excommunicatus, vel irregularis. Ratio

est, quia hic intrusus nec habet titulum beneficii, nec fructus facit suos; sed obligatur relinquere beneficium, & fructus restituere.

III. Secundo, requiritur, quod fructus sufficientes ad sustentationem recipiat ex beneficio, ut ad officium teneatur: Non est enim æquum, ut qui de altari non vivit, altari serviat, & tanto onere gravetur. Hinc sequitur, non teneri ad officium, qui licet habeat titulum beneficii, caret tamen sine sua culpa ejus possessione: Secus vero si sua culpa careat, quia non est æquum, Ecclesiam privari servitio debito ob culpam tuam: Si tamen habeat possessionem litigiosam, sed fructus recipiat, tenetur ad officium, etiamsi fructus respondentes huic tempori non recipiat de præsentis propter litem, sed speret certo illos percepturum; Satis enim est certa spes ad inducendam obligationem. Eodem modo non tenetur ad officium, ut probabiliter putant Sanch., & Trull., qui non residet ex legitima licentia, & sic fructus non recipit; cum talis obligatio confluat ex sustentatione accepta. Idem docent Less., & Laym. de filio coacto a patre ad statum Ecclesiasticum, si non ipse, sed pater percipiat fructus beneficii; unde pater tenetur ad restitutionem. Demum Pal. punct. 1. §. 2. contra Suar. docet, quod si beneficium ob sterilitatem annorum nullos fructus redderet, Beneficiarius iis annis non teneatur ad horas, quia pro tali tempore non habet nisi titulum beneficii, qui non est satis ad hanc obligationem inducendam.

Neque obstat primo, quod annis præteritis collecti sint fructus abundantes, aut colligendi sint annissequentibus. Nam illi fructus licet abundantes respondent suo tempori, & dantur pro officio illo tempore exercendo, & non alio.

Neque obstat secundo, satis esse spem certam percipiendi fructus sufficientes ad sustentationem, ut quis teneatur ad horas. Nam requiritur spes certa percipiendi fructus respondentes huic tempori, puta huic anno, ut teneat hoc anno ad horas. In casu autem nostro hoc non habetur.

IV. Tertio, requiritur probabiliter ex Sanch., Pal., Less. apud Dian. part. 2. tract. 12. resol. 9., ut beneficium sit pingue ad hoc, ut obliget ad horas. Ratio est, quia beneficium tenue reputatur pro nullo, eo quod parum pro nihilo reputetur. Communior tamen sententia cum Suar., Reginal., & aliis apud eundem Dian. docet dari obligationem ad horas, etiamsi beneficium sit tenue; quia beneficium tenue vere est beneficium, & reddit Beneficiarium eodem modo privilegiatum, unde possit ad Sacros Ordines promoveri sine sufficienti patrimonio. Sed Less. lib. 2. cap. 34. dub. 31. putat cum aliis, quod habens beneficium tenue teneatur ad horas solum Dominicis, & aliis festis diebus.

Rogabis hic, quodnam beneficium dicatur tenue?

Sotus putat esse tenue illud, ex quo proveniunt octo aurei; Less., ex quo sexdecim; Ledesm. ex quo viginti; Alii communius, ex quo provenit minus, quam sit tertia pars mediocris sustentationis talis Clerici, qui utatur victu honesto, quali solent uti Clerici ejusdem conditionis.

V. Quod si dubitetur, an beneficium sit tenue? Vasc. part. 2. disp. 69. cap. 3. putat, obligari Beneficiarium, quia stat in possessione certitudo beneficii: Caramuel tamen apud Tambur. lib. 1. cap. 3. §. 7. putat, illum non obligari; quia libertas præcedit obligationem, quæ ex tali beneficio oritur, & sic stat in possessione libertas. Equidem exilimo, quod habens beneficium tenue non teneatur quotidie

Part II.

officium recitare, sed solum aliquibus diebus pro ratione tenuitatis; ita ut si habeat, verbi gratia, tertiam partem mediocris sustentationis per totum annum, ad Horas recitandas teneatur per totum annum; ut communiter docent; Si vero habeat tertiam partem mediocris sustentationis solum per sex, aut quatuor menses, teneatur solum per sex, aut quatuor menses officium recitare. Quod si tua culpa beneficium evaserit tenue, non deobligaris ab officii recitatione; quia non est æquum, quod Ecclesia suo servitio privetur ob tuam malitiam.

VI. Quæritur secundo; An regulares professi deputati ad Chorum teneantur sub mortali interesse Choro; & quando non intersunt, privatim officium recitare?

Respondeo, subditos non peccare mortaliter, si chorum non frequentent, secluso scandalo, & contemptu; quia solum est obligatio Communis, ut canatur in choro officium; cui obligationi etiam per solos Novitios satisfieri potest. Quare Prælatus sub mortali providere debet, ne Chorus desit; Et si Prælatus non prospiciat, id curare debent subditi: Quamvis autem videri possit alicui probabile, quod tali obligationi satisfiat, si duo tantum, vel tres saltem aliquando sine scandalo canant in Choro, cum sic servetur essentia Chori, id est cantus alternus; tamen probabiliter etiam Bordon. apud Pellizar. tract. 5. cap. 8. excusat Communitatem religiosorum a Choro, si ea constet solum ex quatuor, vel quinque religiosis; quia non videtur tam paucis ea obligatio quotidiana imponenda: Contra vero Beneficarii, & Collegiati, etiamsi duo tantum sint, videntur ad Chorum obligandi, quia pactum implicite initum inter Fundatores, & Beneficiarios ex iustitia requirit Chorum, quoties ejus essentia consistere potest.

F

VII.

VII. Professi autem, ( sicut etiam Moniales professæ ) si quando absunt a Choro, tenentur privatim officium recitare ex vi consuetudinis ab omnibus receptæ, ut communiter docent apud Dian. part. 6. tract. 8. resol. 12., itaut oppositam sententiam Caramuelis, & Bordoni Reginaldus temerariam vocet, & Sanch. apud Tambur. non probabilem, & Dian. loc. cit. improbandam; Cum communiter Doctores doceant, consuetudinem istam, etiam Monialium, recitandi privatim officium, si absint a Choro, esse obligatoriam. Less. tamen apud Dian. part. 9. tract. 6. resol. 7. conatur ostendere, consuetudinem istam non esse obligatoriam sub gravi; Quod pariter docet Marchant. apud eundem Dian., qui jure merito istorum sententiam rejicit, utpote contra communem Doctorum sensum.

VIII. Quæritur tertio; Quando incipiat obligatio recitandi officium in Subdiacono, Beneficiatio, & Professio?

Respondeo, incipere a puncto, quo ordinatur, vel ad Beneficium promovetur, aut proficitur; itaut solum ad horas consequentes illius diei teneatur; Probabile autem est, talem obligationem implevisse eum, qui officium mane recitasset ante promotionem per solutionem anticipatam.

IX. Quæritur quarto; An excommunicatus teneatur officium recitare? Et idem quæritur de Suspendo, Interdicto, Irregulari, Degradato.

Respondeo, excommunicatum teneari recitare privatim sine socio, & sine *Dominus vobiscum*; quamvis enim excommunicatus per censuram privetur fructibus beneficii; at non privatur titulo, possessione, & jure percipiendi fructus; cum per ipsum stet, ne percipiat: Ex reg. enim 86. juris in 6. *Damnatus, quod quis sua culpa sensit, sibi debet, non aliis imputare*: Et pro-

pterea qui culpabiliter non residet, adhuc recitare tenetur officium, quamvis non percipiat fructus beneficii. Dixi tamen, quod teneatur recitare privatim, eo quod excommunicatio non prohibeat orationem privatam, sed solum publicam; Immo si habens Ordines Sacros tanquam hebdomadarius solemniter recitaret officium cum, *Dominus vobiscum*, fieret irregularis, quia per exercitium Ordinis Sacri violaret censuram. Verum Suar., & Ugolin. notant, quod non peccaret, qui habens Cappellanum, vel famulum cum eo officium recitaret, ex Cap. *Inter alia, de Sententia Excommunicat.*: Nec peccaret graviter, ut docet Suar. contra Navar. si sine contemptu privatim diceret, *Dominus vobiscum*; quamvis talis salutatio ne Subdiaconis quidem non excommunicatis permittatur; Immo Avil., & Hurt. putant, quod ne venialiter quidem peccaret, si tanquam privata persona diceret, *Dominus vobiscum*, eo modo, quo potest dicere, *Venite Adoremus*, &c.

A fortiori tenentur officium recitare Interdictus, Suspendus, & Irregularis. Dubitant solum aliqui de Degradato. Communiter illum obligant cum Pal. punct. 6.; quia non debet ex sua culpa commodum reportare: Aliqui tamen apud Sâ, & Tambur. §. 2. illum excusant; quia ab Ecclesia spoliatus est omni Clericali privilegio, & in statum secularem eiectus.

X. Quæritur ultimo; An teneantur ad horas, Primo damnati ad triremes. Secundo inclusi in carcere. Tertio capti ab infidelibus. Quarto Latini, qui vel ex concessione Pontificis, vel alia de causa post Sacros Ordines duxerunt uxorem?

Respondeo, probabile esse ex Sanch., & Less. apud Dian. part. 2. tract. 12. resol. 4., damnatos ad triremes excusari; Sicut etiam qui sunt in captivitate, capti ab infidelibus. Ratio est, quia

quia alienum videtur ab Ecclesie benignitate illos in tanta afflictione positos ad officii onus astringere. Idem dici forte posset de inclusis in carcere publico, si quando essent in statu miserrimo valde tiremibus affini; secus vero non excusantur, cum sint in perpetuo ocio. Uxorati etiam a Sanch. lib. 8. de Matrim. disp. 8. probabiliter excusantur, si ex dispensatione Pontificis ad nuptias transierunt, quia sunt in statu a tali obligatione alieno. Præterea Tancredi apud Tambur. excusat Sacerdotem damnatum ad mortem pro tribus illis diebus, dum est in sacello; sicut etiam captum ob enorme delictum, puta ob rebellionem; necnon afflictum aliquo repentino, & maximo mœore, puta ob mortem filii, ob jacturam patrimonii, &c., quando scilicet perturbatio animi magnam difficultatem recitandi pareret; secus vero non excusantur, ut inferius dicemus.

## ARTICULUS II.

Quodnam officium recitandum sit?

- I. Quinam possint horas recitare, & non ex Romano Breviario?
- II. Num. recitandum sit privatim officium B. Virginis, & defunctorum, quando in Rubrica præscribitur; præsertim die Commemorationis defunctorum?
- III. Num. liceat Horas recitare idioma- te Græco, aut Hebræo, vel vul- gari?
- IV. Peccat graviter, qui semel unum officium pro alio, notabiliter diver- so; necnon qui sæpius unum officium pro alio recitat.
- V. Rubrica servanda alie sunt Præcepti- va, qua obligant sub mortali; alie Directiva, qua. non. obligant sub mortali.
- VI. Si per errorem officium pro officio re-

citatum sit, corrigatur error, ubi deprehenditur.

- VII. Qui missam celebrat de Sancto, cujus festum in aliqua Ecclesia ce- lebratur, potest probabiliter officium de eodem Sancto recitare.
- VIII. Quilibet potest sequi ritum socii, cum quo Horas recitat.

I. PROcul dubio recitandum est ab omnibus officium ex Breviario Romano, exceptis iis, qui alio Breviario utuntur ex consuetudine ante ducentos annos a constitutione Pii V. edita anno 1568., ut sunt Benedictini, Dominicani, Ecclesia Mediola- nensis, &c.; qui probabiliter non possunt privatim uti Breviario Romano, cum debeant se suis Ecclesie conformare; Quamvis possit consentiente Prælato recipi ab iis Communitatibus Breviarium Romanum, quo recepto non possunt amplius ad suum redire: Bonac. tamen cum Less., Suar., Sâ putat probabile etiam esse, quod Dominicanus vel Benedictinus possit pri- vatim uti Breviario Romano; quia sic conformaretur Ecclesie communi, quæ est Mater omnium. Notandum etiam; Breviarium Romanum editum fuisse primum a Pio V., deinde a Clem. VIII. recognitum, demum cum novis hymnis ab Urbano VIII. revisum; qui præcepit, ut hoc novo omnes uteren- tur; permisit tamen, ut qui haberent illud Pii V., & Clem. VIII., illo uti possent. Ex quo fit, neminem teneri, licet possit, ad emendum hoc novum Breviarium, cum permillum sit uti antiquo.

II. Quæritur nunc primo; An qui ad horas tenentur, debeant etiam re- citare officium Beatissimæ Virginis, & Defunctorum, quando in Rubrica præscribitur?

Respondeo cum Tambur. ex Bulla Pii V. non teneri ad recitandum illud privatim, qui utuntur Breviario Ro-  
F 2 romano.



mano: Utrum autem in die Commemorationis Defunctorum teneantur? Et utrum ad litanias teneantur in festo Divi Marci, & tribus diebus Rogationum? Communiter Doctores affirmant; Multi tamen negant, quia Pius V. absolute liberat Sacerdotes ab obligatione recitandi officium Defunctorum privatim. Quare ex hoc, quod Rubrica illorum dierum imponat officium defunctorum, & litanias, docent non sequi, quod ista sint pars officii illius diei, sed solum quod habeatur talis Rubrica directiva, non præceptiva; Quam sententiam putat probabilem Tambur.: Sed a communi non est recedendum.

III. Quæritur secundo; Utrum peccet, qui recitat officium idiomate græco, vel italico, vel hebræo, &c.?

Respondeo cum Bonac., & Sâ, non peccare, qui privatim sic recitaret ad aliquem bonum finem, puta ne dedicatur tale idioma: Ratio est, quia retineretur quoad substantiam formula Romana precandi; Si vero sine ullo bono fine, græco, vel hebræo idiomate recitaretur, videtur veniale; quia fieret contra consuetudinem Ecclesiæ Latinæ in re non admodum gravi. Verum si vulgari idiomate recitaretur, peccaretur graviter; quia ex Bellarm., & Suar. Ecclesia Romana semper abstinendum duxit a vulgari lingua. Qui tamen ex voto, vel pœnitentia deberet recitare Pater, & Ave, non peccaret, si vulgari idiomate recitaret, quia hæc passim proponuntur ab Ecclesia in compendiis doctrinæ Christianæ. Immo si Psalmi ex voto, aut pœnitentia recitandi privatim recitentur idiomate vulgari ob bonum aliquem finem, videlicet ob majorem devotionem, Tambur. ex Bonac. putat, quod neque ullo pacto peccaretur.

IV. Quæritur tertio; An liceat officium pro officio recitare?

Respondeo, damnatam esse ab Alex. VII. propos. 34., quæ dicit: *In die Palmarum recitans officium paschale satisfaci præcepto*. Ex qua damnatione insinuat peccari graviter, quoties mutatio unius officii in aliud est notabilis mutatio ritus Ecclesiæ. In hac re Suar. tom. 2. de Relig. lib. 4. cap. 2., & 23., Bellarm., Reginald., Navar., Filliuc., Bonac., & alii putarunt peccari graviter, etiam si semel officium pro quolibet alio officio recitetur. Ratio est, quia Pius V. in Bulla, quæ in fronte Breviarii apponitur, vult, & declarat non aliter satisfieri præcepto recitandi officium, quam recitando illud juxta Rubricas præscriptas, quæ non solum præscribunt officium in genere, sed etiam quod tale officium tali die recitetur; Quare qui illud omittit, substantiam illam præcepti non adimpler; Sicut substantiam præcepti non adimpleret, qui loco officii recitaret mille orationes dominicas, quamvis longius oraret: Unde docent, quod qui propter inadvertentiam unum officium pro alio recitavit, teneatur iterum sub mortali recitare officium illius diei, nisi parvitas materiæ diversæ excusaret.

Communior tamen sententia apud Pelliz., Tambur., & Dian. part. 2. tract. 12. resol. 3. docet peccare graviter, qui aut semel mutat officium in notabiliter brevius (puta officium Palmarum, vel Passionis, aut consimilis dominicæ in Paschale) aut sæpius mutat unum in aliud officium pene æquale; Contra vero peccare venialiter, qui raro sine causa ob solam commoditatem mutat unum officium in aliud non notabiliter diversum; Et ne venialiter quidem peccare, qui rarissime ratione itineris, studii, infirmæ valetudinis, magnæ defatigationis, vel etiam non mediocri devotionis erga aliquem Sanctum mutat unum officium in aliud, licet brevius; dummodo non sit

fit notabilis variatio ritus Ecclesiastici; qualis esset, si die lugubri palmarum, vel hebdomadæ Sanctæ recitaret officium Paschæ. Ratio horum omnium est eadem, quia scilicet Pius V. præcipit, ut officium recitetur juxta rubricas Breviarii Romani: Quare quando Rubricæ violantur in materia gravi, peccatum est mortale, quando in materia levi, peccatum est veniale; Si vero sufficiens ratio detur, ne in materia levi Rubricæ observentur, peccatum est nullum. Quæ omnia fuisse perpendimus in Trutina Thesium damnatarum exponendo prædictam thesini ab Alex. VII. confixam.

V. Notandum hic ex Lug. de Euch., Gavant., Tambur. de Sacrif. Missæ lib. 2. cap. 5. Rubricas missalis, & breviarii alias esse Directivas, alias Præceptivas: Istæ obligant sub mortali, nisi excuset parvitas materiæ; Illæ vero cum sint de consilio, non obligant sub mortali; & si ex aliqua causa negligantur, ne sub veniali quidem obligant. Sunt autem Præceptivæ ex Lug.; quæ ex jure, vel ex legitima consuetudine aliquid graviter præcipiunt; ut est Sacrificii integritas, ac locus, jejunium naturale ante Sacrificium, vestes, & instrumenta debita Sacrificio adhibere, præmittere confessionem mortalium, &c. Aliæ vero Rubricæ, verbi gratia, de servando ritu duplici, de multiplicitate orationum, &c., dicuntur directivæ, quæ ad mortale non obligant, si sine scandalo, aut contemptu negligantur: Quia tamen qui ut plurimum eas non servat, videtur implicite contemnere, ut ait Gavant. part. 3. tract. 2., ideo qui continuo eas negligit, peccat mortaliter. Si vero negligentia sit modica, aut in parva materia, peccatum est dumtaxat veniale.

VI. Ex dictis inferitur cum communiore sententia, quod qui invincibiliter erravit, officium pro officio reci-

tando, non teneatur officium repetere: Quod si quis hodie recitavit officium crastina recitandum, aliqui putant, quod crastina deinde debeat recitare officium hodiernum: Equidem censeo cum communiore, quod ubi error advertitur, ibi corrigendus sit; unde crastina debeat recitare officium illius diei, etiam si illud hodie per errorem recitarit; sic enim semel, non bis erraret. Eodem modo qui matutinum, & laudes dixit de Sancto A., vel de feria, & deinde errorem advertit, quamvis possit iterum dicere matutinum debitum, non tamen tenetur; satis enim est si corrigat tunc errorem prosequendo horas debitas, quamvis non conformes matutino, quod recitavit.

VII. Dubium est primo; An qui celebrat in aliqua Ecclesia missam de aliquo Sancto, quod ibi solemnizatur, (potest enim id facere quilibet Sacerdos, ut se conformet loco, in quo celebrat) possit deinde recitare officium de eodem Sancto, ut missa cum officio concordet juxta Rubricas?

Respondeo, non facile id admitendum de quolibet Sacerdote. Tambur. ex Quintanadvenas tract. 8. singulari 7. solum docet, probabile esse, quod Capellanus Monialium si in Ecclesia Monasterii missam celebret de Sancto, quem Moniales forte propter suum ritum celebrant, ut se conformet cum solemnitate earum, quibus inservit, possit deinde domi officium privatum de eodem Sancto recitare. Idemque docet Croix lib. 4. n. 1254. de Sacerdote habitante cum Religiosis, aut exercitia obeunte apud illos. Ex quo sequitur, quod possit hic etiam anticipato primas vespertas recitare de eodem Sancto; quia primæ vespæræ sunt pars officii diei sequentis, ut notat idem Tambur. lib. 2. cap. 5.

VIII. Dubium est secundo; An liceat

ceat cuilibet sequi ritum focii, cum quo recitat officium, etiamsi nulla detur causa recitandi officium: cum illo?

Respondeo ex Henr., & aliis apud eundem Quintanad. probabiliter affirmative. Ratio est, quia, ut notat idem Tambur., id videtur consequi ad naturam societatis, in quo contractu Socii in lucro sunt omnino pares: Præterea, quod lex, seu privilegium disponit in uno ex correlativis, extendi solet ad aliud; ergo si uni detur privilegium recitandi, verbi gratia, officium de Conceptione, vel recitandi anticipato, & possit hic ad libitum cum socio officium recitare, consequenter socius eodem privilegio uti poterit.

### ARTICULUS. III.

Sub qua Culpa, & Pœna officium sit recitandum?

- I. Etiam qui semel officium omittit, peccat graviter.
- II. Num septem peccata committat, qui septem officii horas omittit, an vero unum dumtaxat?
- III. Quenam dicatur pars Officii notabilis, cuius omissio sit lethalis?
- IV. Qui omittit Horas, ad quas obligatur ratione Ordinis Sacri, & ratione Beneficii, probabiliter unum peccatum contra Religionem committit, cum onere restituendi fructus.
- V. Si dubites an partem officii omiseris, ad quid teneris?
- VI. Surdus, qui cum socio recitat, tenetur recitare, quia ipse non audit.
- VII. Potest alter ex fociiis omnes Lectiones, Capitula, & Orationes recitare.
- VIII. Quando nam Beneficiarius omittens horas ad restitutionem fructuum tenetur?

I. **Q**uæritur primo; An peccet graviter, etiam qui semel, aut iterum officium omittit?

Respondeo affirmative cum communiter contra Angelum, & Aragon., quorum sententia reputatur improbabilis; Sicuti peccat graviter etiam qui semel in toto anno non assistit Sacro die festo; & qui semel in tota Quadragesima non jejunit. Ratio est, quia violatur præceptum in materia gravi pertinet ad virtutem Religionis; etiamsi talis omissio non sit ex consuetudine, aut ex contemptu, sed ex mera negligentia.

II. Quæritur secundo; An peccet graviter qui quamcunque horam omittit, itaut septies peccet, qui eodem die integrum officium omittit?

Respondeo, duas esse in hoc sententias. Prima Valq., Suar., Bonac. docet, totum officium præcipi unico præcepto, itaut unum sit peccatum omittere integrum officium; quamvis majus peccatum sit, quam si solum matutinum omitteretur. Secunda, Cajet., Less., Tolet. docet, tot esse præcepta, quot horarum Canonica, unde septem peccata committat, qui totum officium omittit; Utraque sententia est probabilis, prior tamen est communior, & ideo juxta illam discurrendo certum est apud Doctores, quod mortaliter peccet, qui partem officii notabilem omittit.

III. Dubium tamen est; Quznam dici debeat pars notabilis officii?

Aliqui volunt decimam partem horarum parvæ, puta Completorii, esse partem notabilem; Alii tertiam partem; Alii medietatem, ut tenet Filliuc., Suar., Laym. Certe integram, aut ferè integram horam parvam omittere est mortale, ut docent Less., Bonac. Pal. punct. 5., Tambur., & alii; Quare media pars circiter horarum parvæ probabiliter non est materia notabilis.

Et

Et ratio est, quia quod est minus tanta parte, nec secundum se, nec relate ad totum officium videtur pars magna, nec notabiliter nocet fini intento a Legislatore per recitationem officii, qui est cultus Dei. Solum vespere sabbati Sancti, quia sunt brevissimi, docent nonnulli, quod non sint pars notabilis; quamvis contradicat Suar., quia esset notabilis deformitas quoad officii integritatem illas omittere.

IV. Dubium est etiam; Utrum qui pluribus titulis tenetur officium recitare, videlicet ratione beneficii, & ratione Ordinis Sacri, plura peccata committat, si illud omittat? Suar., Fagund., Azor. putant plura peccata committi; nam ratione Ordinis Sacri peccatur contra Religionem, & ratione beneficii contra iustitiam commutativam. Sed probabilius censo cum Pal., Henric., Dian. part. 2. tract. 12. resol. 22. unicum esse peccatum contra Religionem; quia tota obligatio recitandi officium etiam in habente beneficium oritur ex vi præcepti Ecclesiastici, quod etiam obligat ad restitutionem fructuum, si omittatur officium a beneficiario; unde hic officium omittens non peccat contra iustitiam commutativam; quamvis contra iustitiam peccaret, si fructus Beneficii retineret, utpote non suos.

Infertur ex dictis primo, merito damnatam esse ab Alex. VII. propositionem 35. quæ dicit: *Unico officio potest quis satisfacere duplici præcepto, pro die præfati, & crastino*; Nam consuetudo Ecclesiæ, quæ est certissima legum interpretes, obligat ad singula officia singulis diebus; ut ostendimus in Trutina hanc thesim exponendo.

V. Infertur secundo, rejiciendam esse opinionem Leand. tom. 2. tract. 6. disput. 13. putantis adimpleri præceptum recitandi officium hodiernum, si incipiatur ante mediam noctem an-

tecedentem, itaut in media nocte compleatur. Ratio est eadem, videlicet consuetudo Ecclesiæ, ut horæ non nisi post mediam noctem recitentur, depresso matutino cum laudibus, quod potest anticipari.

Infertur tertio, quod qui dubitat, an aliquam horam omiserit, teneatur illam repetere, quia stat præceptum in possessione: Quod si recitato officio dubitas, an omiseris aliquam partem notabilem, putant probabiliter Homob., Tambur., Dian. part. 4. tract. 3. resol. 68., quod non tenearis repetere, quia possessio videtur stare pro te,posito quod officium recitaveris; præsertim si aut recitaveris legendo, aut scias, regulariter te non errare, nec saltare, dum recitas memoriter, ut notat Sanch. Quare tunc solum teneris repetere, quando vel dubitas an officium omiseris, vel est moraliter certum, quod omiseris in recitando partem notabilem intermediam, non vero quando de hoc est solum dubium; præsertim si angaris scrupulis.

VI. Infertur ultimo, recitantem cum socio debere audire, quæ ille recitat, quia prolationi illius partis succedit tuus auditus; aliter non recitares integrum officium; Si enim quod recitatur a socio, nec percipitur, nec auditur a te; quomodo potest oratio illius esse tibi communis? Ex quo sequitur, surdum, qui cum alio officium recitat, debere privatim recitare partem, quam non audit, ut communiter docent contra Verricel. Probabile tamen est quod docet Laym. contra Suar., eum, qui occupatur in pulsan-  
dandis organis, in thure præbendo, &c. dum canitur officium in Choro, non teneri repetere ea, quæ tunc in Choro canuntur, quamvis ipse non audiat; Sicuti etiam, ut notant nonnulli apud Dian. part. 2. tract. 12. resol. 13., si quis ut apte pronunciet suam  
le-

lectionem; prævidet illam, dum in Choro alia canuntur. Ratio ex Sanch. est, quia Chorus censetur esse unum corpus, & quod unus profert, censetur proferre alii, qui occupantur in iis, quæ ad Chorum sunt necessaria. Et propter eandem rationem excusatur, qui a tussi impeditur, ne proferat, aut audiat, quæ tunc canuntur.

VII. Ubi nota cum Suar., Pal. apud Dian. resol. 12. contra Azor., posse lectiones omnes ab uno tantum recitari; sicut etiam capitula, orationes, antiphonas, responsoria, &c.; & satis esse si Psalmi, & versus Psalmorum alternatim cum socio recitentur: Et ratio est ipsa praxis Ecclesiæ.

VIII. Quæritur tertio; Cuinam pœnæ subijciatur omittens officium?

Respondeo, solis Beneficiariis, & Pensionariis (qui scilicet gaudent pensione Clericali tenentur recitare officium B. Virginis) impositam esse pœnam restitutionis fructuum, qui ex beneficio, vel pensione pro illo tempore percipiuntur. Ita post Concil. Lateranense Pius V.; qui tamen non obligat ad restitutionem fructuum, nisi illum, qui omittit officium post sex menses ab obtento beneficio; quamvis si intra hos sex menses officium omittat, peccet mortaliter.

Ubi notandum primo, quod ut quis teneatur ad restituendos fructus pro rata omissionis, debeat officium culpabiliter omittere; si enim abest culpa, abest & pœna restitutionis: Explicat tamen Pius V., quid sit restituere pro rata omissionis? Et sensus est, quod si uno die omittat officium, debeat restituere fructus respondententes tali diei; Unde si beneficium reddat quotannis tercentum sexaginta quinque aureos, pro omissione unius officii debeat restituere unum aureum, & pro omissione duorum duos, &c. Si vero omittat solum matutinum, &

laudes, debeat restituere mediam partem fructuum respondentium uni diei; ac pro omissione singularum horum sextam partem fructuum illi diei respondentium.

Secundo, facienda est restitutio ante Judicis sententiam; tum quia opposita sententia damnata est ab Alex. VII. in propos. 20., quæ habet: *Restitutio a Pio V. imposita Beneficiariis non recitantibus non debetur in conscientia ante sententiam declaratoriam Judicis, eo quod sit pœna*; Qua de re plura diximus in loco; tum etiam quia in constitutionibus Pontificiis dicitur, quod beneficiarius omittens officium fructus non faciat suos, atque adeo tanquam injuste percepti restituendi sunt.

Tertio, Restitutio hæc facienda est, vel in utilitatem fabricæ domus, in qua est beneficium, vel in utilitatem ipsius campi, ut possit deinde uberiores fructus reddere, vel demum pauperibus, cujuscumque loci sint. Inter pauperes etiam enumerari possunt animæ defunctorum, & tu ipse, si vere es pauper; quia sic non tam ipse tibi, quam Pontifex tibi applicat eas elemosynas.

Quarto, Restitutio facienda est probabiliter, ut graves Doctores docent, solum de fructibus correspondentibus recitationi officii, non vero de fructibus correspondentibus aliis muneribus beneficio annexis, quibus beneficiarius satisfacit. Ratio est, quia durum videtur, eandem restitutionem faciendam esse a simplici beneficiario, ac a Parocho, vel Cappellano, qui aliis muneribus dant operam. Unde isti Doctores docent, Episcopum, vel Parochum omittentem solum officium teneri restituere dumtaxat quintam partem fructuum; Canonicum vero quartam partem; alios demum Cappellanos, & alios beneficiarios, qui præter recitationem habent alia onera, tertiam partem.

Quin;

Quinto, qui omittit officium, quamvis cum intentione restituendi fructus beneficii, procul dubio peccat mortaliter; quia non satisfacit præcepto recitandi officium, quamvis velit satisfacere præcepto restituendi fructus, si non recitet.

Demum, qui officium hodie prætermittit, etiam si cras bis officium recitet, adhuc tenetur restituere; quia onus recitandi officium est affixum diei.

#### ARTICULUS IV.

Quo pacto recitandæ sunt horæ Canonicæ?

- I. In virtute Sanctæ Obedientia precipitur, ut studiose, & devote, atque adeo cum attentione, & intentione debita Officium recitetur.
- II. Pronuntiatio debet esse de se audibilis; saltem ab ipso loquente.
- III. Debet posse audiri, quia socius pronunciat; non sunt tamen supplenda, quæ per accidens non audiuntur; Secus si per se.
- IV. Quanam verborum mutilatio dicatur notabilis?
- V. Interruptio horarum, aut Psalmorum num pertingere possit ad culpam gravem?
- VI. Quanam attentio, & quanam intentio requiratur in officii recitatione? Num satisfaciatur, qui solam habet attentionem externam?
- VII. Qui voluntarie distractus caret attentione debita, si sit Beneficiarius, licet graviter peccet, probabiliter tamen non tenetur fructus restituere.
- VIII. Num similis attentio, & intentio requiratur in auditione Missæ præceptæ?
- IX. Probabiliter in virtute Obedientia precipitur solum actus studiosus externus.

Part II.

I. Certum est, horas studiose, & devote recitandas esse; tum quia hoc spectat ad orationem vocalem quamcumque, cum sit locutio facta Deo; tum etiam quia id precipitur in cap. *Dolentes, de Celebratione missarum*; ubi dicitur: *Hac igitur, & similia sub poena suspensionis penitus inhibemus, districte precipientes in virtute obedientia, ut divinum officium nocturnum pariter, & diurnum, quantum eis Deus dederit, studiose celebrent pariter, & devote*. Ut autem studiose recitetur, requiritur primo, ut nihil omitatur; Secundo, ut sine interruptione recitetur: Ut autem recitetur devote, requiritur attentio simul, & intentio.

II. Quæritur nunc primo; Qualis pronuntiatio requiritur, ut studiose officium recitetur?

Respondeo, primo requiri pronuntiationem vocalem exteriorem, per quam verba proferantur. Utrum autem pronuncians debeat posse seipsum audire, si absit strepitus exterior? Negat probabiliter Azor. cum Bonac. punct. 2., quorum doctrinam admittit Filliuc. solum pro scrupulosis. Et ratio est, quia Ecclesia id non precipit; aliter surdastri deberent vociferari. Verum communiter apud Dian. part. 2. tract. 12. resol. 2. cum Reginald., & Suar. docent, quod vox debet esse audibilis saltem ab ipso orante; quia de ratione orationis vocalis est, ut voce proferatur, & consequenter ut possit audiri, quia vox essentialiter est sonus, & sonus est ex natura sua audibilis. Notat tamen Suar.; quod physice loquendo vix formari possit vox, quæ ab ipso loquente audiri non possit seclusis impedimentis.

III. Secundo, quando recitas cum socio, debes ita pronuciare, ut possis a socio audiri, eumque vicissim audire. Ratio est, quia alter non com-

G mu;

municas cum ea parte, quæ a socio recitatur: Quamvis S<sup>a</sup> putet, quod non tenearis supplere ea, quæ per accidens non audisti, nisi forte sis surdus; tunc enim non per accidens, sed per se fuit, quod n<sup>o</sup> audires. Hinc sequitur etiam, quod tenearis attendere ad ea, quæ socius profert; aliter cum illo non comunicas in recitatione.

IV. Tertiò, pronunciatio debet esse integra sine mutilatione verborum, sine syncope, sine præcipitantiâ; Et si recitas cum socio, non poteris ita festinanter recitare, ut nondum expletis ab illo versiculis, tu incipias: Quare si hoc fiat in notabili quantitate, peccatur mortaliter, ut communiter Doctores docent; Si vero in parva quantitate, solum venialiter; Si demum involuntarie propter inadvertentiam, vel inveteratam consuetudinem, quæ corrigi sine magna difficultate non potest, vel ob iustam festinationem, vel ob linguæ balbutiem, nulum erit peccatum, ut docent Less., & Pal. Norat etiam Dian. part. 2. tract. 12. resol. 32. ex Filiuc., & Azor., quod si cum notabili abscissione verborum perseverat adhuc sensus, & significatio illorum, non videatur violari præceptum in re gravi; Unde sic recitans non teneretur officium repetere, si mutilando verba sensum verborum notabiliter non variaret, aut corrumperet; Et idem dicas, si officium recitetur cum aliquo socio, qui propter festinationem ita abscondit verba notabiliter, ut tamen sensum verborum notabiliter non corrumpat.

V. Quarto, pronunciatio cuiuslibet horæ debet esse continuata: Quod si notabili tempore interrumpetur sine iusta causa, putant S<sup>a</sup>, Navar., Medin., Azor., quod peccetur graviter; non secus ac graviter peccatur, si celebratio missæ sine causa interum-

patur; Et ratio est, tum quia non videtur moraliter continuari officium, quando longa est interruptio; tum etiam quia in Concil. Tolet. VII. sub pœna excommunicationis cavetur, ne quis divina officia interrumpat. Verum communius cum Filiuc., & Bonac. docent, quod si notabili tempore sine causa interrumpatur non solum hora, sed etiam Psalmus, peccetur dumtaxat venialiter, & si cum causa, ne venialiter quidem. Ratio est, quia de substantia præcepti recitandi officium non videtur esse continuatio; cum preces interruptæ suam habeant significationem, quæ totum officium integrare possunt. Nec est eadem ratio de missa, aut de formis Sacramentorum; quia integra missa habet representare mysteria sua, quæ non sufficienter representantur, si notabiliter missa interrumpatur. Et eodem modo formæ Sacramentorum propter practicam verborum significationem requirunt continuationem moralem, quam non requirit officium. Ad id, quod addit de Concil. Tolet., Respondetur, pœnam excommunicationis imponi contra interruptentes sacrificium missæ; cum loquatur ille textus de Sacerdote celebrante, vel si loquitur de divinis officiis, intelligendus est de illa interruptione, quæ fit animo non persolvendi ea, quæ supersunt recitanda, ut putat Bonac.

Notandum tamen primo, consilium esse, quod quando interruptio est longa, tunc ab initio repetatur saltem Psalmus. Secundo, divisionem matutini a laudibus non ferre interruptionem divini officii; unde privatim fieri potest etiam sine causa, ut docet Dian. part. 5. tract. 14. resol. 48. ex Sanch., Bonac., Filiuc. Nec est opus absolvere Matutinum addendo in fine orationem, nisi in nocte Natalis Domini, juxta Sententiam Sanchez contra Suarium t. 2. de Relig. lib.

lib. 4. cap. 6. num. 13. Nec oportet incipere laudes una cum Pater, & Ave, ut putat Gavant. contra eundem Suarium; quia de his nulla extat rubrica. Tertio probabile est, singulos nocturnos posse separationi dici, saltem intra trium horarum spatium, quia sic antiquitus fiebat juxta nonnullos.

Quinto, recitari debent Horæ ordine suo; quamvis nonniti veniale sit ordinem horarum invertere; & si causa sublit, ne veniale quidem: Verbi gratia, si velis cum amico, vel in Choro recitare posteriores horas, antequam recitaveris priores; vel si non habendo præ manibus officium, recites psalmos in diurno, dilatis lectionibus. Notat tamen Vasq. apud Dian. resol. 16. esse mortale sapius sine causa invertere ordinem officii, quia nimis derogaretur ordini, & consuetudini Ecclesiæ. Sed opinio contraria est communior, & probabilior. Idem dicas, si missa celebretur ante recitationem matutini; quamvis enim olim putarint Bellarm. & Azor., Reginald., & alii id esse mortale; communiter tamen nunc docent esse tantum veniale, si sine causa fiat; quia ea consuetudo non adeo stricte nunc est recepta.

VI. Quæritur secundo; Quænam attentio, & intentio requiratur ad horas devote recitandas, prout præcipitur in virtute Sanctæ Obedientiæ in laud. cap. Dolentes?

Respondeo, circa attentionem nos diximus quæst. 1. art. 4. requiri intentionem ponendi opus injunctum; quia præcepta impleri debent humano modo: Unde non satisfacit præcepto, qui recitat horas in somno, aut ebrietate, aut animo addiscendi tantum. Addidimus loc. cit. requiri quidem intentionem ponendi opus præceptum, non tamen intentionem satisfaciendi per tale opus præcepto;

Immo si quis recitet officium animo non satisfaciendi præcepto per talem recitationem, adhuc probabiliter satisfacit, ut docet Suar., Vasq. contra Navar., Azor., & alios; quia vere ponit id, ad quod obligatur.

Circa attentionem vero, Navar., Sylvest., Con. quæst. 83. de Sacram. nullam attentionem internam requirunt aut ad Deum, aut ad sensum verborum, sed putant satis esse attentionem externam, integre profereundo verba, supposito animo orandi, & vacandi Deo: Hæc autem attentio externa importat solum exclusionem omnis alterius actionis impossibilis cum attentione interna. (qualis esset, verbi gratia, recitando horas legere epistolam, scribere, pingere, &c.) quamvis animo distrahatis voluntarie: Quam sententiam non putant improbabilem Laym., Less., & alii apud Dian. part. 1. tract. 13. resol. 2.; quia Ecclesiæ non judicat de internis, atque adeo non præcipit actus internos.

Verum communiter Doctores aliquam attentionem internam saltem virtualem requirunt, quæ importat aliquam confusam attentionem ad Deum, vel ad sensum verborum. Ratio est, quia sine attentione ulla interna non subsistit oratio graviter præcepta; Unde sicuti præcipiendo confessionem sacramentalem Ecclesiæ præcipit indirecte etiam actus internos ad illam requisitos, ita præcipiendo orationem vocalem, præcipit etiam attentionem internam, sine qua illa non subsistit. Satis autem est attentio interna virtualis, quæ habetur quoties attentio actualis non revocatur vel expresse, vel tacite per distractionem voluntariam, aut per actionem cum attentione interna impossibilem, ut est lectio, scriptio, &c. Si vero actio externa non notabiliter impediatur attentionem internam, ut



est actio abluendi manus, induendi se, &c., erit tantum veniale sine causa tales actiones cum officio conjungere: Unde sequitur, ad devotam recitationem officii sufficere, si in genere intendas recitare officium modo consueto, & animo laudandi Deum, aut satisfaciendi proprio muneri, & deinde non admittas voluntarie mentis evagationes, nec occuperis in actionibus impediendis attentionem internam ad Deum, vel ad sensum verborum.

VII. Quod si sponte distractus nullam habeas debitam attentionem, non solum peccasti graviter, sed etiam juxta communioem, & probabilior sententiam teneris horas repetere, & restituere fructus beneficii, quia non implesti præceptum orandi devote. Quamvis nonnulli apud Dian. part. 1. tract. 12. resol. 13. probabiliter putent, quod licet graviter peccaveris, non teneris tamen restituere fructus beneficii; tum quia substantiam operis præcepti implevisti, licet solum absque circumstantia devotionis; tum etiam quia duplex datur præceptum recitandi officium, ut notat Cajet., alterum ortum ex antiqua consuetudine recitandi illud simpliciter; alterum vero latum in cap. *Dolentes* citato recitandi devote, & cum attentione; poena autem restituendi fructus beneficii imposita est contra omittentes divinum officium, atque adeo contra violantes primum præceptum; qui autem voluntarie distrahitur, quamvis violet secundum præceptum recitando male, non violat primum; quia vere officium recitavit; ergo non tenetur restituere.

VIII. Quod diximus de attentione in recitatione officii, dicendum de attentione in auditione missæ. Communiter enim docent requiri attentionem internam, saltem virtuali ad Deum, vel ad actiones ipsas Sacri-

cii; unde qui voluntarie distrahitur, peccat graviter, & aliam missam tenetur audire, quia oratio sine ulla interna attentione non est oratio. Verum Dian. loc. cit. cum Con., Laym., Lessi. putat pariter non esse improbabile, satisfacere etiam præcepto audiendi missam, qui voluntarie distrahitur, verbi gratia speculando, vel versando mente negotia, immo etiam cogitando turpia, dummodo non exerceat actionem ullam incompossibilem cum attentione interna, videlicet confabulando, ridendo, legendo ea, quæ devotionem non excitant, &c. Ratio est, quia Ecclesia non præcipit, nisi actum externum religionis, cum non possit præcipere actus mere internos, quos cognoscere, & judicare non potest; atqui tam auditio missæ, quam recitatio officii, si fiant cum debita reverentia externa, humano, & religioso modo, sunt actus religionis externi, etiam si mens voluntarie distrahatur; ergo per hujusmodi externas actiones præcepto Ecclesiæ satisficit.

IX. Addit Con. quæst. 86. de Sacram. art. 6., quod in cap. *Dolentes*, ubi præcipitur in virtute obedientiæ, ut officium studiose, & devote recitetur, solum præcipiatur actus studiosus externus, itaut exterius non peccetur contra religionem, ut patet ex contextu; quia ibi agitur contra illos, qui in divino officio fabulantur cum secularibus. Omnes tamen Doctores conveniunt, quod saltem venialiter peccet, qui Deum alloquitur in recitatione officii, & auditione missæ cum distractione voluntaria; nam ea saltem levis est irreverentia.

## ARTICULUS V.

De Tempore, Loco, & Situ  
recitationis Horarum.

- I. *Quodnam sit tempus, quo singula hora recitari debent?*
- II. *Num possit officium defunctorum recitari pridie Commemorationis Defunctorum? Et num etiam Litanias, quando debent recitari?*
- III. *Peccat mortaliter, qui incipit recitare officium hodiernum paulo ante mediam noctem sequentem cum animo prosequendi illud post mediam noctem.*
- IV. *Qui mane recitavit totum officium circa nullam obligationem, si deinde meridie ordinetur, non tenetur repetere horas vespertinas.*
- V. *Deputati ad Chorum tenentur illud in Ecclesia recitare publice; alii vero possunt ubilibet privatim recitare; non tamen in locis, qua attentionem debitam impediunt, aut in locis immundis.*
- VI. *Non vacat veniali culpa recitare Horas aut decumbendo, aut cum sinu parum decens.*
- VII. *Num sit veniale recitare stando, aut sedendo, qua flexis genibus recitanda sunt?*

I. **Q**Uæritur primo; Quo tempore recitandæ sint horæ?

Respondeo, matutinum, & laudes juxta sententiam Filliuc. & Bonac., Tambur., Trull. lib. 1. cap. 7. ex consuetudine jam recepta probabiliter recitari posse citra veniale, & absque ulla causa ab inclinatio præcedenti die, videlicet duabus, vel tribus horis post meridiem diei antecedentis usque ad unam circiter horam post ortum solis diei sequentis: quare hinc, verbi gratia, recitari potest Neapoli post horam vigesimam primam diei ante-

cedentis usque ad decimam quintam cum dimidio subsequæ: æstare vero post horam decimamnonam ac prope vigesimam: At Prima, Tertia, Sexta, & Nona recitari debent ab aurora usque ad meridiem; Vesperæ, & Completorium a meridie usque ad vigesimam quartam horam: Nihilominus si intra eundem diem recitentur privatim, licet non in suis horis, peccari solum venialiter, si nulla causa subsit, communiter docent, & ne venialiter quidem, si aliqua detur causa. Verum sub mortali tenentur Prelati curare, ut suis horis cantetur officium in Cathedralibus, Collegiatis, & Regularium Ecclesiis, cum id sub indignatione Dei, & Sedis Apostolicæ præcipiatur in Clem. 1. De celebrat. Missar.

II. Circa Matutinum defunctorum Gavant. in Rubricas Breviarii cap. 2. sect. 2. refert, S. R. Congregationem prohibuisse, ne die commemorationis defunctorum pridie recitetur. Sed Tambur. putat prohiberi recitationem publicam in Choro, non privatam: Additque de hac prohibitionem non constare authenticè. Quare cum Rubrica dicat, quod dicto, Benedicamus Domino, post laudes Sanctorum incipitur absolute officium defunctorum, videtur, quod pridie utrumque matutinum recitari possit. Circa litanias, quæ diebus Rogationum, & S. Marci recitari debent, ut diximus superius, videntur non posse pridie recitari; tum quia Rubrica non designat unionem Laudum cum litiis, sicut designat unionem Laudum cum officio defunctorum, dum dicit, Dicto Benedicamus Domino incipitur officium defunctorum; tum etiam quia Rubrica loquens de litiis dicit, *Hodie recitanda sunt*, quod verbum, hodie, non apponitur in officio defunctorum.

III. Dubium est apud Dian. part. 10. tract. 2. resol. 16. An peccet inor-

ta-

taliter, qui paulo ante mediam noctem subsequenter incipit officium hodiernum, & deinde illud profequitur post mediam noctem? Negat Leand, sicut enim missa non potest dici post meridiem sine privilegio, & tamen sine culpa potest ante meridiem inchoari, & post meridiem finiri, ut habet praxis Ecclesiæ; quia opus continuatum videtur pertinere potius ad tempus, quo incipit, quam ad tempus, quo finitur; ita in casu nostro. Sed communiter docent esse mortale, quia non est ea praxis Ecclesiæ in officio, sicut est in missa.

IV. Quæritur secundo; An qui mane recitavit integrum officium, & deinde circa meridiem suscipit, verbi gratia, Subdiaconatum, vel incipit possidere beneficium, teneatur repetere horas pomeridianas, eo quod illas sine ulla obligatione ante meridiem recitarit?

Respondeo, Bonac., & Pal. putare, quod debeat repetere; Sicut enim qui die Sabbati audivit missam, teneatur aliam deinde audire die dominico, eo quod præcepto non satisfecit per opus positum, quando præceptum non urget; ita in casu nostro. Verum Lug. de Eucharist. disp. 16. sect. 2., & Tambur. hic putant non teneri; quia multa sunt præcepta, quæ plene observantur, etiam si ponatur opus paulo ante quam præceptum urgeat; Verbi gratia, si quis mane audiat Sacramentum, ubi non est dies festivus, non teneatur iterum audire Sacramentum, si perveniat ad locum, ubi dies est festivus. Ratio est, quia hoc præceptum in eo sensu accipitur communiter, quod scilicet teneatur quilibet audire Sacramentum in loco, ubi est dies festivus, dummodo illud eodem die non audierit. Et idem dicas in casu nostro.

V. Quæritur tertio; Ubi officium recitandum sit?

Respondeo, Canonicos, & alios

deputatos ad Chorum debere illud in Ecclesia juxta consuetudinem, & institutionem beneficiorum recitare publice in loco ad id designato; Si tamen Choro interesse non possint, poterunt ubilibet illud recitare. Quod etiam dicitur de iis, qui non sunt ad Chorum deputati; dummodo tamen recitent in loco decenti, & ubi attentio impediri non possit; Videtur enim esse venialis irreverentia officium in locis immundis recitare; Unde Molles apud Bonac. refert, quemdam post mortem ad eadem loca transmissum esse, ad lucendas talis indecentis penas. Qui vero recitat in loco, ubi attentio facile impeditur, videlicet in frequenti hominum conventu, clamore, & strepitu profano, pariter peccat; quia cum teneatur attente officium recitare, tenetur consequenter vitare, quæ attentionem impediunt: Unde eo culpa est gravior, vel levior, quo magis, vel minus attentio debita impeditur.

VI. Quæritur ultimo; Quoniam corporis situ officium recitari possit?

Respondeo, irreverentiam venialem esse sine necessitate officium recitare in lecto decumbendo, aut sub immodesta corporis positione.

VII. Utrum autem sit veniale stare, quando ex Rubrica genuflectendum est, aut sedere, quando est standum? Affirmant nonnulli, sed Pal., & Bonac. docent, in privata recitatione hujusmodi rubricas, teste consuetudine, non videri receptas ut præceptivas, sed ut directivas; unde non continent præceptum, sed consilium, cum sint ordinatæ ad Chorum: Quare in Choro illas non observare non vacat culpa veniali, ex Suar., Navar., Filliuc., & alijs.

## ARTICULUS VI.

## De Causis excusantibus ab Horarum recitatione.

*XII. Beneficiarius non teneatur fructus restituere, si Horas ab impotentiam omittat; secus vero si eas omittat ex dispensatione Episcopi.*

- I. Excusare solent ab Horarum recitatione Infirmitas, Gravis occupatio, Impotentia, & Dispensatio.*
- II. Infirmitas ut excuset, debet esse gravis, itant recitatio valde noceat valetudini.*
- III. In dubio an infirmitas sit huiusmodi, standum est iudicio Medici, aut Periti; sed quid si Medicus ipse dubitet?*
- IV. Quanam a Doctoribus censeatur esse infirmitas gravis? Num aliquando excusetur ratione aegritudinis ab officio, qui potest missam celebrare?*
- V. Qui excusatur a recitatione Horarum ob visus debilitatem, num peccet legendo diu Historias, & omitiendo officium?*
- VI. Quanam dicatur occupatio gravis, qua excuset? Num aliquando Concionatores, & Confessarii excusentur?*
- VII. Qui praevidet se vespere impediendum, num teneatur mane Vesperas recitare?*
- VIII. Num excusentur ob moralem impotentiam, qui in trivremibus, aut in carcere detinentur? Num gravi morore perturbati, ac scrupulosi?*
- IX. Num teneatur cecus, aut carens Breviario recitare Psalmos Matthei, aut Horarum, quos solum scit memoriter.*
- X. Qui nequit sine socio officium recitare, num teneatur illum procurare, ac etiam conducere?*
- XI. Licite utitur dispensatione, qui a suo Episcopo, aut a suo Praefato regulari dispensatur ex causa rationabili, non tamen si dispensentur in perpetuum.*

**C**AUSE, quae a Doctoribus assignari solent, sunt Infirmitas, Gravis occupatio, Impotentia, Dispensatio, de quibus seorsim agendum, omissis iis, quae in prima quaestione articulo ultimo universim docuimus.

II. Queritur itaque primo; Quanam infirmitas excuset ab officii recitatione?

Respondeo, solam infirmitatem gravem, ob quam pronuntiatio verborum valde noceret valetudini, excusare. Ita ex cap. *Clericus*, dist. 91. Et ratio est, quia pia mater Ecclesia non obligat cum tanto incommodo.

III. Hinc sequitur, non excusare infirmitatem levem, qualis esse potest dolor capitis, stomachi, aut etiam aliquando febris tertiana, aut quartana: Quod si dubitetur an hic, & nunc recitatio sit graviter nocitura, standum est iudicio prudentis medici, ut docent communiter Doctores cum Suar. cap. 28.; quia universum in dubiis standum est iudicio Periti in arte, ex cap. *Fraternitatis*, *De frigidis*, & *maleficiatis*: Quod si ipse etiam medicus dubitet, nec alius peritus consuli possit, tunc ad horas non teneatur, cum nemo teneatur exponere se periculo damni gravis. Ita Pal., Bonac., Caram. contra Suar. loc. cit., qui putat in tali casu dari tantum causam dispensationis, non vero absolutam excusationem, eo quod obligatio sit certa, & excusatio dubia. Sed haec ratio non urget, quia, ut diximus, etiam dubium incidendi in grave damnum est certa excusatio, eo quod possessio, quam habet homo de non exponendo se periculo occasionis, seu gravis damni, prior est praecepto recitan-

citandi horas; & ideo talis possessio pravalet.

IV. Dubitatur tamen apud Doctores, quænam dicatur gravis infirmitas ad effectum omittendi officium; Et quodnam dicatur periculum incidenti in damnum notabile?

Respondeo, iudicio prudentis id decernendum: Ut autem prudenter aliquis judicare possit, reflectere oportet ad ea, quæ Doctores hac in re decernunt. Sanch. lib. 7. consil. cap. 2. docet, excusationem sufficientem ab officio recitando haberi, si propter illud futura sit stomachi cruditas, vel capitis gravedo, vel virium lassitudo, vel tardior febris remissio. Præterea imbecillitas ejus, quem febris defecit, excusat illum per aliquot dies iudicio prudentis ab officio, quia imbecillitas illa convalescentis est quædam infirmitas: Additque Sanch., quod si vellet iste celebrare iis diebus convalescentiæ, posset, quamvis vacaret ab officio, cum id suavitati Ecclesiæ tribuendum sit. Docet ulterius Pellizar. tract. 5. cap. 8., quod quarana laborans, quando expectat vespere accessum febris, teneatur mane recitare horas temporis matutino respondentem; quamvis non teneatur juxta probabilem sententiam mane recitare Vesperas, & Completorium præveniendo tempus. Verum si mane sit imbecillis, timeatque sibi recitationem officii nocituram, a toto officio excusabitur. Additque Pellizar., luscum, seu oculis laborantem non tenei ad legendas horas, si timeat paulatim mox se perditurum vim videndi.

V. Dubitatur tamen; An hic peccet, si voluntarie legat fabulas, vel historias, omittendo officium ratione talis infirmitatis?

Respondet idem Pellizar. cum Tambur. non peccaturum contra obligationem recitandi officium, cum ad illud non teneatur; Sicuti qui ex infir-

mitate comedit carnes in Quadragesima, non peccat contra præceptum abstinendi a carnibus, si aliquando ob gulam comedat pisces; peccaret ergo uterque solum contra charitatem in seipsum, si hæc agat cum periculo gravis detrimenti; quod tamen raro accidit.

VI. Quæritur secundo; Quænam gravis occupatio excuset?

Respondeo, illam occupationem dici gravem, quæ necessaria est in re pertinente ad animæ salutem; ad vitam, honorem, fortunas, itaut si talis occupatio sit moraliter impossibile cum horarum recitatione, ab ea excuset; Unde ex Tambur. excusantur communiter habituri publicam lectionem in concursu ad cathedram, vel ad Doctoratus lauream acquirendam. Excusantur etiam concionatores, & confessarii, si nec concionem, nec confessiones possunt omittere sine nota, aut scandalo, quando simul satisfacere Officio non possunt. Raro autem accidit, ut non possint confessiones differri ad sequentem diem.

VII. Dubitabis, an qui prævidet se vespere impediendum, teneatur mane recitare vespere, & completorium?

Respondeo, quod quamvis universim verum sit, quod qui prævidet se non posse in fine temporis præfixi præceptum implere, teneatur prævenire; verbi gratia teneatur mane audire Sacrum, qui prævidet se impediendum sub meridiem; tamen probabile est ex Pelliz. tract. 3. cap. 5., quod si impedimentum apponendum vespere sit involuntarium, non tenearis mane vespere, & completorium recitare, verbi gratia, si laboraturus sis quartana a meridie; secus tamen dicendum si impedimentum sit voluntarium, verbi gratia si velis post meridiem iter facere: Ratio est, quia obligatus ad aliquid ponendum teneatur tollere omnia impedimenta, quæ potest, & adhi-

adhibere omnia media ad illud ponendum?

VIII. Quæritur tertio; Quanam impotentia excuset?

Respondeo, excusare quamcumque impotentiam sive physicam, sive moralem; verbi gratia si obliviscaris, si careas breviario, si nescias legere: (quamvis enim peccet, qui beneficium, vel ordines suscipit ignorans legere, at deinde solum tenetur addiscere) Excusaris etiam, si sis mutus, si cæcus, quamvis cæcus teneatur, si sciat memoriter. Ratio horum omnium test, quia impossibile nulla est obligatio, ex leg. *Impossibilem, ff. de Reg. juris*. Excusat etiam impotentia moralis; unde, ut supra diximus, probabiliter excusantur damnati ad triremes, captivi apud infideles, & qui inclusi in carcere essent in statu miserrimo valde triremibus affini; Sicut etiam qui ex repentino, & maximo mœrore ira perturbantur, ut magnam habeant in recitando difficultatem: Et ita docent aliqui de viro nimis scrupuloso. An autem qui non potest totum officium recitare, teneatur ad illam partem, quam potest, diximus quæst. 1. art. ultim. ium. 11.

IX. Adde hic, Joan. Sanch. putare, quod cæcus, qui memoriter scit psalmos matutini, non teneatur recitare matutinum, si non possit legere lectiones, quia psalmi sine lectionibus non sunt substantialiter matutinum; Et idem docet Garz. apud Dian. part. 2. tract. 12. resol. 43.: Hoc tamen Thomas Sanch. non admittit, saltem in matutinis trium lectionum; Sicut nec videtur admittendum quod docent Tolet., Dian., & alii apud Pellizar. tract. 5. cap. 8., quod qui solum memoriter scit psalmos horarum, non vero capitula, & orationes, nec teneatur ad horas, eo quod psalmi sine capitulis, & orationibus non sint substantialiter horæ canonicæ. Ratio,

Pars II,

cur id admitti non debeat, est, quia omnes psalmi sunt pars notabilis, quæ præsumitur a Legislatore intenta.

X. Dubitatur, an qui solum cum socio potest integrum officium recitare, teneatur socium adhibere ad præceptum implendum?

Respondeo cum Suar., Vasq., Azor., Laym. apud Bonac. quæst. 6. punct. 2. contra Less., & Henr., beneficium non solum teneri socium adhibere, sed etiam illum conducere ex fructibus beneficii, modo commode possit; nam si sit surdaster, qui sine magna vociferatione, & iucommodo non possit, non teneretur. Ratio est, quia cum ex iustitia teneatur beneficiatus ad horas recitandas, tenetur adhibere media non multum difficilia ad talem finem ordinata: Contra tamen Professus, & habens Ordines sacros non tenetur propriis expensis socium conducere, sed tenetur adhibere socium, si facile illum habere possit. Quamvis Tambur. putet probabile esse ad id non teneri, quia facultas adhibendi socium est privilegium, & privilegiis nemo uti tenetur; quæ ratio militat etiam pro beneficiario; & ideo Joan. Sanch. apud Garz. de Benef. 3. part. cap. 1. etiam beneficium deobligat; Quod tamen Doctores communiter non admittunt.

XI. Quæritur demum, Quanam dispensatio excuset?

Respondeo, dispensationem habitam a Summo Pontifice excusare, etiam si sine causa dispensaret; quia Pontifex in sua lege valide, quamvis illicite sine causa dispensare potest. Excusat etiam dispensatio Episcopi, vel Vicarii generalis cum subditis, necnon Prælatorum regularium cum subditis suis exemptis ab Episcopi jurisdictione, dummodo dispensatio fiat ex rationabili causa, & non in perpetuum. Ratio est, quia inferior non potest ex una parte sine causa dispen-

H lare

fare valide in lege superioris, ex altera parte potest licite, quando necessitas urget, nec potest facile adiri superior, scilicet summus Pontifex, & multo magis in casibus, qui frequenter occurrunt, ut notant Suar., & Pal.; in iis enim censetur Pontifex potestatem concessisse Episcopis dispensandi, ne fideles cogantur ad Pontificem recurrere in casibus, qui sæpe occurrunt: Quia tamen raro accidit, quod debeat aliquis dispensari in recitatione officii in perpetuum, ideo non potest Episcopus dispensare in perpetuum. Immo notat Merol., quod Vicarius generalis, & capitularis non nisi de mandato speciali Episcopi, & capituli possit dispensare; quia quamvis omnis jurisdictio Episcopi communicetur Vicario generali, at non in iis, quæ sapiunt liberalitatem, & gratiam.

Notandum hic, quod quamvis be-

neficiatus impotens recitare officium vel ob gravem occupationem, vel ob infirmitatem, &c. non teneatur restituere fructus beneficii, eo quod non teneatur ad pœnam, ubi non præcessit culpa; tamen dispensatus ab Episcopo ob iustam causam videtur obligandus juxta sententiam Tambur. hic ad restituendos fructus beneficii; quia non apparet posse adesse rationabilem causam, cur etiam in hoc dispensetur ab Episcopo, quod faciat suos fructus beneficii, qui restitui debent ab omittente officium. Opposita tamen sententia non videtur improbabilis, cum non omittatur officium culpabiliter: Sicut qui ex dispensatione Pontificis non residet, non eatenus obligatur restituere fructus Beneficii correspondentes residentia; ut fert praxis, & fusius ostendimus in Opusculo de Beneficiis.

## Q U Æ S T I O IV.

### De Dei Cultu per Adorationem.

**A**doratio, alter præstantissimus actus religionis, definitur a D. Th. 2. 2. quæst. 84. quod sit *Exhibitio reverentia, seu honoris cum submissione propter excellentiam ejus, cui exhibetur*: Et ex Damasceno Adoratio est *Submissionis, & humiliationis nota*. Quare differt honor ab adoratione, quia quamvis omnis adoratio sit honor, non tamen e contra; Nam honor etiam aequalibus exhiberi potest, adoratio vero non nisi excellentiori, cui nosmetipsos submittamus. Quia tamen excellentia alia est Increata propria Dei, alia Creatæ, idcirco tam Deus, quam creaturæ adorari possunt; quamvis diversimode, ut infra. Dividitur autem primo Adoratio ex parte actus in Internam, & Externam: Illa fert voluntatis submissionem alteri propter suam excellentiam; hæc vero fert eandem submissionem exterius significatam, verbi gratia genuflexione, inclinatione, osculo pedum, manuum, &c.: Quia tamen ab hominibus adorari debet Deus animo simul, & corpore, seu adoratione externa, quæ supponat internam, idcirco D. Th. Adorationem reposuit inter exteriores actus religionis.

Secundo dividitur ex parte objecti, seu ex parte personæ adoratæ in Latrîam, Hyperduliam, & Duliam. Latrîa est adoratio, quæ soli Deo, ut pri-

mæ causæ, supremo Domino, & ultimo fini exhibetur, & hinc dicitur Idololatria Adoratio Idoli tanquam veri Numinis.

Dulia (quod vocabulum apud Græcos idem sonat, ac servitus) importat adorationem, quæ exhibetur Sanctis tanquam Dei servis. Hyperdulia est adoratio, quæ exhibetur Beatæ Virgini, utpote quæ aliis Sanctis Dei servis longe præstat tum sanctitate, & gratia, tum etiam maternitate Dei. Et eadem adoratione hyperdulæ adorari debet Humanitas Christi Domini secundum se spectata, secundum quod est aliquid creatum: Sicut etiam Unio hypostatica. Quamvis Christus Dominus cum sit vere filius Dei, adoratione latriæ adorandus sit.

Tertio dividitur in Absolutam, & in Respectivam. Illa convenit personæ secundum se adorabili, & honorabili, puta Deo, Beatæ Virgini, Sanctis, &c.; Illa vero convenit rebus ratione carentibus per respectum, quem habent ad personas adorabiles; sicut adoratur Crux, imago, reliquæ, ut mox explicabimus, querendo sigillatim nonnulla prius de adoratione absoluta, qua Christum Dominum, & Eucharistiam, necnon Angelos, Sanctos, & Beatos adoramus, ac deinde de adoratione respectiva, qua adoramus Reliquias, Crucem, ac Sacras imagines.

## ARTICULUS I.

### De Adoratione Christi Domini, & Eucharistiæ.

bui adoratio debita Deo.

VI. Cui qualibet crux adoretur adoratione Latriæ, & non qualibet spina, lancea, clavus, &c., sed solum illa, qua Christum Dominum tetigerunt.

VII. Eucharistia Sacramentum adoratur unica adoratione Latriæ, itant primario Christus Dominus in eo contentus adoretur, & concomitanter species Sacramentales.

VIII. Non vacat culpa adorare Hostiam consecratam conditionate, videlicet si sit consecrata; cum sit imprudens talis conditio.

IX. Si appareat in Eucharistia infans, non videtur adorandus adoratione Latriæ; sed hac adoratione adoranda tunc est hostia consecrata.

I. Adoratione Latriæ Christus Dominus adorandus; ita tamen, ut primario, & per se natura Divina adoretur, secundario vero, & concomitanter natura humana.

II. Etiam Christi corpus in sepulchro adorandum erat adoratione Latriæ.

III. Christus Dominus non orat pro nobis, sed misereatur nostri; orat tamen ejus Humanitas secundum voluntatem creatam.

IV. Quamvis Humanitas Christi Domini secundum se per intellectum separata a Verbo adorari possit adoratione Hyperdulæ; in praxi semper Christus Dominus adorari debet adoratione Latriæ.

V. Crux adoratur adoratione Latriæ, non tamen adoratione absoluta, sed respectiva. Beata Virgo in praxi non adoratur adoratione Latriæ respectiva, quamvis etiam Christum tetigerit, ne videatur illi tri-

I. Certum est primo, Christum Dominum adoratione Latriæ adorandum esse, cum sit verus Deus, videlicet una persona in duplici natura, humana simul, & Divina subsistens: Unde fit, ut utraque natura in Christo Domino unica, eademque adoratione Latriæ adoretur; Quamvis primo, & per se natura divina, secun-



dario, & concomitanter humana: Eodem prorsus modo, quo dum adoratur homo propter eius sanctitatem, anima simul, & corpus eadem adoratione adoratur, anima vero primario, & per se, corpus tamen secundario, & concomitanter propter unionem cum anima. Et eodem modo, quando Rex adoratur, eadem adoratione Regia adoratur persona simul, & purpura, quæ regiam dignitatem præfert, persona quidem primario, & purpura secundario.

II. Hinc sequitur primo, etiam corpus Christi Domini in sepulchro adorandum fuisse adoratione Latriæ propter unionem cum Verbo; Et idem dicas de sanguine Christi Domini in triduo mortis separato a corpore Christi.

III. Sequitur secundo, non licere orare Christum Dominum, ut pro nobis oret, sed ut misereatur nostris. Et ratio est, quia preces nostræ non ordinantur ad naturam humanam, sed ad personam Christi Domini divinam; & ideo Ecclesia utitur hac formula, ne det ansam putandi Christum non esse Deum: Verum quia Humanitas Christi suam habet voluntatem creatam, quæ aliquid a Deo suo creatore petere potest, idcirco, si absit scandalum, possumus etiam a Christo Domino petere, ut per humanitatem suam pro nobis oret; nam ad Hebræos 7. dicitur *Semper vivens ad interpellandum pro nobis*; Et Joan. 14. *Ego rogo Patrem*; & in deserto vere Christus Dominus oravit Patrem, ut a se transiret calix.

IV. Queritur nunc primo; utrum natura humana Christi Domini adoranda sit adoratione Latriæ?

Respondeo cum communi apud Suar. de Incarnat. disp. 53. negative, cum sit quid creatum: Quia tamen talis natura unita est personæ increatæ, & quia sanctitate, & gratia reliquos

Sanctos antecellit, ideo adoratione hyperdulæ adoranda est. Sed notandum cum Bonac., & Vasq., quod quamvis humanitas Christi per intellectum separata a Verbo adorari possit adoratione hyperdulæ, in praxi tamen semper debet Christus adorari adoratione Latriæ; tum quia semper humanitas a parte rei est unita Verbo; tum etiam quia Christus debet adorari adoratione debita supremæ suæ excellentiæ; sicut Rex licet habeat plures dignitates Comitis, Ducis, Principis, Regis, semper tamen honoratur honore debito supremæ suæ dignitati, scilicet Regiæ.

V. Dices: Crux, quia Christum tetigit, adorari debet adoratione Latriæ; ergo a fortiori humanitas Christi Domini.

Respondeo, Crucem secundum se nulla adoratione absoluta adorari posse, sed solum adorari adoratione Latriæ respectiva, scilicet per ordinem ad Christum, quem repræsentat, & per eundem ordinem ad Verbum, cum quo unitur humanitas: Illud autem est discrimen inter adorationem debitam humanitati Christi Domini, & debitam cruci, quæ Christum tetigit, & debitam Beatæ Virgini, quæ pariter tetigit Christum Dominum, quod humanitas Christi debeat semper adorari adoratione Latriæ, & solum præciso scandalo adorari possit adoratione hyperdulæ, si secundum se spectetur: Econtra Beata Virgo adorari debeat semper adoratione hyperdulæ, & solum præciso scandalo adorari possit adoratione Latriæ respectiva per ordinem ad Christum, quem tetigit: Etenim cum Beata Virgo secundum se sit capax adorationis absolutæ, ne videatur illi tribui adoratio debita Deo, ideo adorari non debet adoratione Latriæ respectiva, sed solum adoratione ipsi debita absolute: Denique Crux Christi Domini, quia pul-

nullam de se meretur adorationem absolutam, idcirco adorari semper debet adoratione Latriæ respectiva; Patet enim, illi non aliter tribui adorationem, nisi per respectum ad Christum, quem tetigit.

VI. Hac de causa adorari possunt cineres alicujus Sancti, non vero vermes ex ejus cadavere geniti. Ratio est, quia in morali æstimatione solum cineres repræsentant Sanctum illum, non vero vermes: Sic etiam adorari potest adoratione Latriæ non solum Crux, in qua Christum pependit, sed etiam qualibet alia crux, quia qualibet Crux Christum repræsentat: E contra solum clavi, spinæ, lancea, funiculi, quæ Christum tetigerunt, adorari possunt adoratione Latriæ, non vero alii clavi, spinæ, lanceæ, quia non habent ista in morali æstimatione Christum repræsentare, sicut habet Crux, quæ Matth. 24. dicitur esse Signum filii hominis, quod apparebit in Cælo: & ideo Angelus ad mulieres dixit, ut notat D. Th. *jesum quaeritis crucifixum*; nec dixit lanceatum, spinis coronatum, &c.: Quare ne videamur cum Idololatris adorare creaturas insensatas ut Deos, debemus ab adoratione aliorum clavorum, spinarum, &c. abstinere.

VII. Quaritur secundo; An, & quomodo Eucharistiæ Sacramentum adorandum sit?

Respondeo, adorandum esse adoratione Latriæ, cum vere Christum Dominum contineat: Sicut autem diximus Christum adorari unica adoratione, in qua primario Verbum, & concomitanter humanitas adoratur, ita unica adoratione in Eucharistia adorantur etiam species Sacramentales concomitanter, quia sunt veluti purpura, & thronus Regis Regum, & Domini Dominantium.

VIII. Dubium est, absolute ne adoranda sit hostia consecrata, an vero

conditionate, si scilicet sit consecrata cum possit accidere, quod non sit consecrata, vel ex defectu materiæ, vel intentionis ministri.

Respondeo cum Lug., Suar. de Incarnat. disp. 65., & aliis communiter, adorandam esse absolute. Ratio est, quia, ut homo absolute operetur, satis est moralis certitudo: Sic absolute veneramus nostros Parentes, quamvis fieri possit, quod non simus ab iis geniti; & absolute absolvimus sacramentaliter pœnitentes, itaut non liceat universim absolutio conditionata, quamvis aliquando accidere possit, quod pœnitens non sit dispositus; & ideo Ecclesia in orationibus misse ante, Domine non sum dignus, absolute dicit, Libera me per hoc Sacrosanctum Corpus: Ut autem absit periculum Idololatriæ, satis est, adorantem ita affectum esse habitualiter, ut non adoraret, si sciret panem non esse consecratum: Unde aliqui putant, non solum non esse adhibendam conditionem sine causa, ne minuat devotio, sed non vacare aliqua culpa talem conditionem adhibere, utpote imprudentem, & otiosam, & quæ dat ansam scrupulis impertinentibus.

IX. Dubium est secundo; An, si appareat infans, vel sanguis, &c. in hostia consecrata, ille adorandus sit adoratione Latriæ?

Respondeo cum Azor., Suar. tom. 3. in 3. part. disp. 55., adorandam quidem esse tunc regulariter hostiam consecratam, ut communiter docent contra Durand.; quia plerumque istæ apparitiones fiunt absque mutatione reali specierum Sacramentalium; Sed non esse adorandum adoratione Latriæ id, quod apparet visibiliter sub specie infantis, aut carnis, aut sanguinis Christi; quicquid in contrarium sentiant Alenf., Gabriel, & Palat. Ratio est, quia id, quod apparet, non

non est revera Christus Dominus, aut ejus sanguis, sed solum colore, & figura illum refert, cum id satis sit ad finem, propter quem tale miraculum fit: Nec est necesse multiplicare aliud miraculum, quod scilicet Christus Dominus revera fiat infans; præsertim cum id indecens videatur: Unde id, quod in Eucharistia apparet instar infantis, adorandum est ex Azor. eo tantum cultu, quo res aliæ Sacræ adorantur, non vero adoratione Latriæ.

## ARTICULUS II.

### De Adoratione Sanctorum, & Beatorum.

- I. *Vocantur Sancti, etiam qui sunt in vita, si sanctam vitam vivant.*
- II. *Debetur Sanctis Imaginibus, & Reliquiis Sanctorum, ac Sanctis Angelis cultus religiosus, & Sacer, & adorari possunt adoratione dulia.*
- III. *Sancti canonizati adorari possunt etiam cultu publico, hoc est ab Ecclesia instituto; alii vero cultum privato etiam coram aliis.*
- IV. *Etiam cultu publico adorari possunt qui ab Ecclesia habebantur ut Sancti, antequam a Leone III. institueretur Canonizatio.*
- V. *Juxta Ecclesiæ institutionem septem enumerantur cultus, quibus Sancti adorari possunt.*
- VI. *Quinam cultus Beatis exhiberi potest? Et quinam defunctis cum fama Sanctitatis?*
- VII. *Quid permittatur, & quid vetetur a Sede Apostolica erga defunctos cum fama Sanctitatis exhibere?*

I. Sancti vocantur quicumque in gratia Dei existunt, sive in vita sint, sive in Purgatorio, sive in Patria, sive sint canonizati, sive non. Etenim Apost. ad Roman. 1. Christianos pri-

mitivæ Ecclesiæ appellavit Sanctos; & Ambrosius Marcellam sororem suam, Hieronymus virginem Asellam, D. Thomas Bonaventuram, etiam dum viverent, Sanctos appellarunt; quia Sanctorum vitam vivebant, idest immaculatam, & honestis moribus imbutam.

II. Quæritur nunc, An omnes hujusmodi Sancti possint adorari, & quo cultu?

Respondeo, & dico primo, de fide esse, ut constat ex Trident. sess. 24. Sanctos, necnon reliquias, & imagines Sanctorum, atque adeo etiam Angelos adorandos esse non solum cultu civili, & politico ad virtutum observantiam pertinente, sicut veneramus personas in dignitate aliqua constitutas, verbi gratia Regem, Pontificem, ut contendebant hæretici; sed etiam cultu religioso, & sacro, scilicet vel propter eorum virtutem, & sanctitatem, vel propter beatitudinem, qua fruuntur in Patria: Hanc enim adorationem exhibitam esse hujusmodi Sanctis, sæpe legitur in Scriptura; nam Numerorum 22. Balaam adoravit Angelum; 1. Regum 28. Saul adoravit animam Samuelis; 3. Regum 18. Abdias Eliam; 4. Regum 2. Filii prophetarum Elisæum. Et ratio est, tum quia si possumus Sanctos precibus invocare, possumus pariter illos adorare; tum etiam quia ex Apost. ad Romanos 2., Gloria, & honor debetur bene operanti; cum ergo Sancti omnes bene operati sint, digni sunt honore, & adoratione, non quidem Latriæ, quæ soli Deo debetur, sed Dulæ, quæ servis Dei competere potest.

III. Dico secundo, Sancti canonizati possunt adorari cultu non solum privato, sed etiam publico, ut patet. Est autem cultus privatus ex Bellarm. lib. 1. de Sanctior. Beatitud. cap. 10. qui non exhibetur tanquam institutus ab Ecclesia, nec nomine Ecclesiæ, sed

ex peculiari devotione colentis live privati, live publice, & coram aliis. Contra Cultus publicus non dicitur, qui coram aliis exhibetur, sed qui institutus est ab Ecclesia, & exhibetur nomine Ecclesiæ.

IV. Dico tertio, eodem cultu adorari possunt omnes ii, qui licet non sint canonizati, tamen in Ecclesia Dei coluntur ut Sancti ex veteri consuetudine, antequam institueretur Canonizatio; Etenim canonizatio, ut notat Bellarm. loc. cit. cap. 8., nil aliud est, quam publicum Ecclesiæ testimonium de Sanctitate, & gloria hominis jam defuncti, & simul iudicium, ac sententia, qua decernuntur illi honores debiti iis, qui regnant cum Christo; Et a Leone III. primum introducta est, antequam vero communi populi voce proclamabantur Sancti, qui sancte vixerunt, & cultu Sanctorum adorabantur: Proinde etiam nunc eodem cultu digni sunt, cum nunquam potuerit hac in re Ecclesia decipi, juxta illud Christi Domini, *Porta inferi non prevalebunt adversus eam.*

V. Cultus autem debiti Sanctis juxta Ecclesiæ institutionem septem a Bellarm. cap. 7. enumerantur. Primus est, quod ab omnibus publice habeantur, & dicantur Sancti. Secundus, quod invocentur in publicis Ecclesiæ precibus. Tertius, quod templa, & aræ in eorum memoriam dicentur Deo. Quartus, Sacrificium offerre Deo, & horas recitare in eorum honorem. Quintus, dies festos in eorum memoriam celebrare. Sextus, pingere eorum imagines, addito quodam lumine in signum gloriæ, quam habent in Cælis. Septimus, eorum reliquias pretiosas in thecis includere; & publice honorare.

VI. Dico quarto; Beati, qui nondum canonizati sunt, coli quidem publice possunt, non tamen quovis genere cultus publici. Ratio est, quia Pontifex solum iis concedit posse vocari

Beatos, & aliquando permittit, ut de iis possit in aliqua religione, vel Provincia officium, & missa celebrari. Unde fit, quod Beatis non possit exhiberi ille publicus cultus, qui ab Ecclesia institutus est pro Sanctis, sed solum qui pro Beatis institutus est, ut videre est in decreto edito 20. Septembris 1659. ab Alex. VII.

Dico ultimo, Defuncti cum fama Sanctitatis coli non possunt cultu publico, antequam eorum sanctitas ab Ecclesia publice proponatur per canonizationem, vel beatificationem, vel generalem approbationem; ne scilicet aliquando adoreretur publice pro Sancto impius, & damnatus; quod aliquando accidisse refert Bellarm. cap. 7. Alex. enim III. reprehendit quosdam, qui hominem in ebrietate occisum ut martyrem (non tamen tota Ecclesia, quæ in hoc decipi non potest) venerabantur. Contra vero potest iisdem cultus privatus exhiberi, ut communiter docent: Ratio est, quia cum prohibeatur dumtaxat cultus publicus, consequenter permitti censetur privatus; tum etiam quia possunt in hac vita homines iusti invocari, & adorari, ut diximus, quamvis non certo nobis constet illos esse iustos; ergo etiam mortui, quos confidimus esse in gloria, invocari poterunt, & adorari cultu privato; ad quem exhibendum satis est prudenter sibi persuadere illos esse amicos Dei, & in gloria; sic enim non erit periculum morale errandi.

Hinc sequitur ex Bonac. hic, Pal. tract. 7. disp. 1. de Adoration. punct. 3., Tambur., Bellarm., & aliis, Primo, posse nos imagines istorum in domibus nostris retinere, & colere, non tamen in templo reponere; nisi forte causa ornatus cum aliis imaginibus. Secundo, licere pedes, & manus istorum osculari, & reliquias retinere. Tertio, in anniversario abstine-

re ab operibus servilibus, jejunare, & iis votum offerre. Quarto, in privatis colloquiis, vel precibus eos Sanctos, vel Beatos nuncupare, & invocare, necnon Pater, & Ave in eorum honorem privatim recitare; hæc enim spectant ad cultum privatum.

Non potest tamen Episcopus diem festum in illorum honorem instituere; nec licitum est eos in litanis, aut in officio divino, ne privatim quidem, Sanctos invocare, quia litanæ, & officium, ut etiam Missa, sunt cultus publici, qui scilicet ex institutione Ecclesiæ Sanctis exhibentur; Nec licet horum reliquias publice venerandas exponere, aut altaria, vel templa iis dedicare.

Demum Urban. VIII. 1625. prohibuit, Primo, ne istorum imagines cum laureolis, radiis, & splendoribus habeantur, ne privatim quidem. Secundo, ne ad illorum sepulchra tabellæ, imagines, lampades apponantur ad testificanda accepta beneficia. Tertio, ne libri imprimantur, qui eorum gesta, miracula, vel revelationes, seu quæcumque beneficia tanquam eorum intercessionibus a Deo accepta contineant, sine recognitione, & approbatione, primum Ordinarii, post consultos theologos, & pios viros; & sine licentia postmodum Sedis Apostolicæ. Decrevit tamen anno 1634. idem Urbanus, quod tabellæ, & imagines, quæ in posterum offeruntur, possint recipi approbantibus Ordinariis, & in secreto aliquo loco seorsim ab Ecclesiâ custodiri; ut si quando Deus voluerit eos canonizari, aut beatificari, extent huiusmodi sanctitatis qualescumque approbationes, Apostolicæ Sedis iudicio examinandæ. Decrevit demum Alex. VII., ne istorum imagines, etiam non principaliter, & uti supplices appositæ, Simulacra, Picturæ, Tabellæ, aut Scripturæ eorum præclara gesta representantes, aut referentes in

Ecclesiis, Sacrariis, & Oratoriis quibuscumque, & præsertim in quibus missæ Sacrificium, vel alia divina officia peraguntur, inconsulta Sacra Congregatione exponantur. Quare si non representent eorum præclara gesta, poterunt tanquam supplices exponi.

## ARTICULUS III.

### De Adoratione Sacrarum Reliquiarum.

- I. *Quanam dicantur Reliquia Sanctorum? Vermes, in quos eorum carnes conversæ sunt, non dicuntur Sacra Reliquia, licet materiam Sanctorum contineant.*
- II. *Reliquia adoranda sunt eadem adoratione, qua adorantur Persona, cuius sunt reliquia.*
- III. *Cur possit adorari adoratione latrice Crux, qua tetigit Christum Dominum, & non pariter Afellus, qui etiam tetigit Christum Dominum?*
- IV. *Adorari possunt Sanctorum reliquia cultu privato, si de iis moralis certitudo, aut etiam probabilis conjectura habeatur. Ut adorentur tamen cultu publico, requiruntur approbatio Pontificis, aut Episcopi. Sed quid si sint dubie?*
- V. *Quid si alicujus Sancti corpus duobus in locis cum Episcoporum approbatione colatur?*
- VI. *Agni cerei adoratione latrice adorandi sunt. Neque possunt minio, aut alio colore pingi, Neque circa Simoniam vendi, nisi solum ratione materia.*
- VII. *Qui reliquias furatur, peccat peccato furis, & Sacrilegii, si grave damnum, & non levis injuria irrogetur.*

- I. **C**ertum est, Reliquias Sacras adorandas esse ex Trident. sess. 24. cap. 2. contra hæreticos; & con-

Rac

stat tum ex universali Ecclesiæ traditione, tum ex miraculis per Sanctorum reliquias a Deo patratis. Dicuntur autem Sacræ Reliquiæ ex Azor. tom. 1. lib. 4. cap. 6. Corpora, Ossâ, Cineres, vestes Sanctorum, necnon vela, panni, &c., quæ ad eorum corpora admoventur, vel ad ipsos pertinerint: Contra tamen non dicuntur Reliquiæ Sanctorum vermes, in quos eorum cineres, vel carnes conversæ sunt; quia quamvis illorum materiam primam contineant, tamen cum formam animatam habeant, non videntur moraliter amplius ad illos pertinere; & in morali æstimatione non amplius illos repræsentant: Quare tales vermes nullatenus adorandi sunt, tum quia est indecens, tum ne videamur illos propter se, non propter Sanctos adorare.

II. Quæritur nunc primo, Quam adoratione reliquiarum adorandæ sint?

Respondeo cum communi ex Azor. eadem omnino adoratione adorandas esse, quæ personarum, cuius sunt reliquie; unde adoratione dulci adorantur reliquiarum Sanctorum; hyperduli vero lac, capilli, vestes, & aliæ reliquiarum Deiparæ; demum latræ, reliquiarum Christi Domini, puta sanguis in terra relictus, præputium, crux, fæces, spinæ, clavi, sudarium, præsepe, sepulchrum. Ratio est, quia cum reliquiarum sint creaturæ irrationales, non possunt adorari ulla adoratione absoluta; ergo tantum adorari possunt adoratione respectiva per relationem, quam dicunt ad illos, quorum sunt reliquiarum; ac proinde in ipsis adoratur tanquam in imagine, seu in signo persona, cui fuerunt conjunctæ.

III. Dices cum Hæreticis; Tam Crux tetigit Christum Dominum, quam Judæi crucifigentes, labia Judæ, Acellus, in quo Christus sedit, B. Virgo, &c.; ergo si potest crux adorari

*Part II.*

adoratione latræ; ut reliquia Christi Domini, poterunt etiam hæc alia adorari.

Respondeo cum Suar., Fagund. lib. 1. cap. 32., & aliis communiter, negando consequentiam. Ratio est, quia, ut supra diximus, quamvis hæc omnia contineant totum id, ratione cuius adorari possent adoratione latræ, cum Christum Dominum tetigerint, tamen est specialis ratio, cur non debeant adorari; quia scilicet non habent moraliter repræsentare Christum Dominum, sicut habet Crux, reliquiarum, & imago; Unde sine scandalo adorari non potest Beata Virgo adoratione latræ, nec ullatenus labia Judæ, aut ipsi crucifigentes, obstante eorum impietate; neque Acellus sine indecentia, &c.

IV. Quæritur secundo, quando reliquiarum adorari possunt cultu privato, quando publico, quando absolute, quando vero conditionate?

Respondeo cum Suar., Pal., & aliis posse coli cultu privato, quando habetur moralis certitudo, quod sine veræ; ad quod sufficit testimonium unius fide digni, vel alia probabilis conjectura; videlicet si a defuncto viro probo, qui eas colebat, acceperis: Ut publico tamen cultui exponantur, debent a Pontifice, vel Episcopo approbari, ex cap. *Cum ex eo, de Reliq.*, & ex Trident. loc. cit.: Quamvis autem non sit licitum reliquias non approbatas approbatis miscere, & publico cultui exponere, licitum tamen est ex Sanch., Pal., Dian. contra Bonac. Crucem in altari collocandam reliquiis non approbatis ornare, quia in tali casu sola crux exponeretur publico cultui, & reliquiarum cultui privato, ad quem satis est, ut diximus, moralis certitudo de earum veritate. Quod si dubiæ sint, ne privatim quidem coli debent; nisi sub conditione, sed vel in loco decenti or-

*I*

*Ro.*

stodiendæ, vel reverenter concremandæ, & in piscinam mittendæ. Cæterum quando probabilis adest conjectura, quod sint veræ, adorari debent absolute, ut diximus de hostia consecrata.

V. Quod si aliqui dicant, corpus alicujus Sancti esse in uno loco, aliis perhibentibus esse in alio, certe ubi Episcopi approbatio præcessit, adorari debet absolute; quia vel, ut ait Theodoretus lib. 8. ad Græcos, Corpus est utrobique, licet non utrobique integrum, vel, ut ait Suar., propter unitatem ejusdem nominis reliquiæ unius Sancti tribuuntur alii Sancto; & talis error non esset in substantia, quasi vero illæ reliquiæ non sint alicujus Sancti, sed solum in conditione, quatenus creditur corpus esse unius Sancti, cum sit alterius.

VI. Quæritur ultimo, Quam adoratione adorandi sint agni cerei, qui a Pontificibus non solum primo anno sui Pontificatus, sed etiam deinde septimo quoque anno benedicuntur solemniter, & Chrismate consecrantur.

Respondeo cum Azor., & Vasq. adorandos esse tanquam imagines Dei, quam representant sub figura Agni; atque adeo adoratione latræ, sicut adoratur Crux. Ubi notandum, excommunicationem incurrere, qui hujusmodi agnos pingunt, aut depingi, vel minio, auro, aliove colore attici curant, necnon qui eos vendunt; quamvis, ut notat Sanch., & Bonac., qui eos venderent tantum ratione materiæ, ut venduntur calices, excommunicationem non incurreret; quia solum venditio simoniaca prohibetur.

VII. Qui reliquias furatur, jure communi nullam excommunicationem incurrit, sed peccat graviter peccato sacrilegii, & furti, quando dignitas, & æstimatio reliquiæ tanta est, ut per ejus furtum irrogetur grave damnum,

& non levis irreverentia censetur. Extrahentes tamen reliquias ex Cœmeteriis, Cryptis, vel Catacumbis intra, vel extra Urbem existentibus excommunicantur ex Constitutione Pauli V. an. 1613.

## ARTICULUS IV.

### De Adoratione Sacrarum Imaginum.

- I. *Imagines Sacra, non secus ac Reliquia, adorantur adoratione respectiva per ordinem ad personam, quam representant.*
- II. *Sculptile, quod prohibetur a Deo, est Idololum.*
- III. *Dens, & Tres Persona representari, ac adorari non debent, nisi sub imaginibus ab Ecclesia deputatis.*
- IV. *Dens, & Angeli per quandam metaphoram sub corporis imaginibus adumbrantur.*
- V. *Sicut imagines, ita etiam Nomina Sacra honore, ac adoratione digna sunt.*
- VI. *Cur magis nonnulla eorundem Sanctorum imagines adorentur, quam alia.*
- VII. *Quomodo in VII. Synodo generali dicatur, minori adoratione colendam esse Christi imaginem, quam ipsum Christum?*
- VIII. *Magis Christus, quam ejus imago adoratur, non solum si imago adoretur secundum se, tanquam res sacra; sed etiam si adoretur adoratione respectiva, quatenus primario Christus, & concomitanter imago adoratur.*

I. **E**X dictis de Adoratione Reliquiarum constat, Sacras etiam imagines adorandas adoratione respectiva, seu per ordinem ad personam, quam representant, atque adeo eadem adoratione cum illa persona coadorandas esse, non secus ac thro-

chronus, & purpura Regis. Probatum id primo ex Trident. sess. 24. contra Iconomacos, hoc est, imaginum impugnatores, quibus adhaeruerunt Lutherus, & Calvinus. Probatum secundo ex usu Ecclesiae, quae semper illas venerata est, cum ipse Christus Dominus Abagaro Regi Edessae suam effigiem miserit, & faciei suae imaginem linteo Veronicæ impressam reliquerit; quae etiam nunc colitur Romae; Et corporis sui lineamenta voluit impressa in Sacra Syndone, quae Taurini colitur. Probatum tertio ex miraculis, quibus testatur Deus cultum hunc esse sibi gratum; cum per sacras imagines illa patriverit. Probatum demum ratione, nam honor, qui deferatur imagini, non nisi exemplari, & prototypo, defertur, ut proinde omnes nationes imaginibus praedicatorum virorum semper usae sint.

II. Oppones cum hæreticis primo, Usus imaginum prohibitum esse a Deo. Deuter. 4., ubi dicitur, *Nō facies tibi sculptile*. Secundo, quia si posset adorari imago Dei mortua, a fortiori adorari posset adoratione latræ homo, quia est imago Dei viva, nam Genes. 1. dicitur: *faciamus hominem ad imaginem, & similitudinem nostram*. Tertio, quia Deus, & Angeli cum sint spiritus, nullatenus pictura corporea representari possunt. Quarto, quia etiam nomina deberent adorari, ut imagines. Quinto, quia eadem reverentia cuicumque imagini ejusdem personae deberetur; Constat autem majorem reverentiam in Ecclesia exhiberi aliquibus imaginibus, verbi gratia, Beatæ Virginis a Divo Luca depictæ, vel Sancti Dominici de Soriano, &c., quam aliis.

Respondetur tamen communiter, Ad primum, prohiberi tantum a Deo, ne alius, quam verus Deus, adoretur; qui enim idola adorant manibus fabricata, illa tanquam vera numina, non

tanquam imagines veri Numinis adorant.

III. Ad secundum, si homo præcise in quantum imago Dei est, adoraretur adoratione latræ, non esset de se malum, ex D. Th. art. 3. ad 3.; quia sic Deus in homine adoraretur, ut notat Suar. Verum non est sic adorandus, non solum ad vitandum scandalum, ne scilicet videamur homines tanquam Deos venerari, quod periculum cessat in imaginibus mortuis; sed etiam quia solum adorari debent imagines Dei ab Ecclesia ad Deum representandum deputatæ; non est autem homo imago ad id ab Ecclesia deputata, sicut est deputata imago Dei Patris in forma sensis, imago Spiritus Sancti in specie Columbæ, aut flammæ, aut linguarum, imago Filii in forma hominis, vel sub specie agni, vel sub speciebus panis, & vini; itant pictura Eucharistiæ sit imago Christi Domini.

IV. Ad tertium, quamvis non possint Deus, & Angeli apte exprimi corporeis imaginibus, possunt tamen nobis per quandam metaphoram, seu proportionem representari; sicut Ezechielis 1. per species quatuor animalium adumbrantur quatuor Evangelistæ, & ideo Deus, & Angeli sæpe sub forma sensibili apparuerunt.

V. Ad quartum, concedit Suar. sequens; Nomina enim rem sacram, & honore dignam representant; non secus ac imagines; & ideo ad Philip. 2. dicitur: *In nomine Jesu omne genuflectatur*; nec solemus tale nomen invocare capite non inclinato; quo pacto canimus etiam trisagium illud, *Gloria Patri*, &c. ab Angelis acceptum, & a Sancto Ignatio martyre fidelibus communicatum.

VI. Ad ultimum respondet Suar. sect. 8. aliquibus imaginibus homines magis affici, vel quia majorem devotionem excitant, vel propter artificem,



ut quia a Divò Luca, vel ab Angelis depictæ sunt, vel quia ad præsentiam illarum majora solet Deus conferre beneficia, & nonnulla patrare miracula.

VII. Oppones secundo, In VII. Synodo generali citata a Suar. de Incarnat. disp. 54. sect. 4. dicitur, quod imago Christi Domini non adoratur latriæ adoratione, sicut Christus, sed quadam minori veneratione, seu honoraria adoratione; ergo falsum est, eadem adoratione adorari imaginem, & prototypum.

Respondeo cum eodem Suar. dupliciter posse imaginem adorari, Primo adoratione respectiva, itaut potius prototypum in ipsa adoretur, quam ipsa dicens ordinem ad prototypum; Et sic imago Christi adoratur latria, sicut Christus; nam, ut notat D. Th. in 3. part. quæst. 25. art. 3. ex Philos. in libris de memoria, motus animæ erga

imaginem, secundum quod imago est, non est alius a motu animæ erga exemplar: Secundo, potest adorari imago tanquam res sacra repræsentans exemplar, itaut per se adoretur sola imago, quæ dicit respectum, & ut dicens respectum ad exemplar, quin exemplar ipsum adoretur; eo modo, quo possumus amare proximum propter Deum, quin formaliter, & ut quod amemus ipsum Deum; & sic imago Christi non adoratur latria, sed adoratione minori veneraria.

VIII. Adde ex Suar., quod in imagine Christi directe, & ut quod adoratur Christus; & imago eadem adoratione solum concomitanter adoratur; ergo bene stat, quod adoratio, qua imago Christi adoratur, sit inferior adoratione latriæ, qua adoratur Christus, cum hic principaliter, illa minus principaliter, & concomitanter adoretur.

## Q U Æ S T I O V.

### De Superstitione.

**E**xplicatis actibus virtutis Religionis, explicanda supersunt vitia eidem opposita; quæ quidem varia, & multa sunt, sed ad duo præcipua reducuntur, ad Superstitionem, & ad Irreligiositatem. Superstitio enim includit Idololatriam, Divinationem, Vanam observationem, Magiam, Maleficium; Irreligiositas vero includit Blasphemiam, Sacrilegium, Tentationem Dei, Perjurium, Adjurationem, Simoniam, &c.

Superstitio dicitur opponi virtuti Religionis per excessum, non quidem secundum substantiam, nunquam enim cultus per Religionem exhibitus potest esse nimius, sed secundum circumstantiam aliquam, vel personæ, quæ colitur, ut si colatur creatura cultu divino; vel modi, quo Deus colitur, ut si colatur Deus cæremoniis Judæorum, vel aliis, quam usitatis ab Ecclesia. Irreligiositas vero dicitur opponi virtuti Religionis per defectum, eo quod deneget Deo debitum cultum, aut illum despiciat: Per Blasphemiam profertur verba contumeliosa in Deum, aut in Sanctos: Per Sacrilegium violatur res sacra, & idem dicas de reliquis; De his omnibus singillatim agendum quæstione sequenti; nunc vero de Superstitione in genere, & in specie.

## ARTICULUS I.

De Superstitione universim, ac in specie Primo de Idololatria.

- I. *Superstitio est falsa Religio, qua vel creatura cultu divino, vel Deus cultu indebito adoratur. Utraque superstitio, siue ratione rei culta, siue ratione modi, quo Deus colitur, plures sub se species continet.*
- II. *Cultu indebito Deus adoratur, tam si colatur cultu falso, quam si cultu superfluo.*
- III. *Quandonam jejunare diebus Dominicis dicatur Dei cultus superstitiosus, aut superfluous, aut falsus?*
- IV. *Cultus superstitiosus falsus ex genere suo est mortalis; Superfluous vero secundum se est peccatum veniale.*
- V. *Idololatria proprie dicta habetur, quando quis Creatura tribuit honorem Deo debitum.*
- VI. *Censura Bulla Canonicorum incurritur ob Idololatriam, quando baptizatus internam simul, & externam Idololatriam committit cum errore intellectus, & pertinacia voluntatis. Ignorantia invincibilis, qua excusatur ab heresi, nequit ab Idololatria excusare.*

**L** Superstitio idem est, ac falsa Religio, seu cultus vitiosus, quo vel colitur creatura cultu divino, vel Deus modo indebito. Unde duplex est Superstitio, altera ratione rei culta, altera ratione modi, quo Deus colitur. Prima continet sub se plures species, nam si colatur creatura cultu divino, talis superstitio dicitur Idololatria; si colatur creatura, ut aliquid occultum revelet, dicitur Divinatio; Si ut juvet, & dirigat nostras operationes, dicitur Vana observatio; Si ut operetur mira, dicitur Magia,

ad quam reducitur maleficium.

II. Secunda superstitio, videlicet colendi Deum modo indebito, habetur tam si colatur Deus cultu falso, quam si colatur cultu superfluo. Dicitur Deus coli cultu falso, verbi gratia, si adoremus Deum caeremoniis Judaeorum, perinde ac si non esset adhuc incarnatus, aut si falsis miraculis vellemus nostram fidem comprobare; aut exponendo falsas reliquias, ut adorentur; aut mutando formas Sacramentorum; aut admiscendo turpia divinis officiis, tanquam partem illorum. Dicitur vero coli Deus cultu superfluo, quando ponitur Religio in iis rebus, aut circumstantiis, in quibus non est ponenda; verbi gratia, in numero tot candelarum talis coloris, in tali situ, &c., vel variando caeremonias Ecclesiae, in missa addendo Alleluja, Credo, &c., quando non sunt dicenda. Eodem modo si quis, verbi gratia, putaret orandum esse ante solis ortum, aut si quis voveret in honorem Sancti Laurentii non edere carnes assas die festo illius, eo quod ille igne sit affatus; vel qui voveret in honorem Beatae Virginis indui vestibus albis die sabbati, vel brutorum capita non edere in honorem Divi Joannis Baptistae, eo quod illi caput obruncatum sit. Ratio est, quia nihil horum confert in honorem Sanctorum, si praesente in iis sistatur; Unde nisi intendatur propria mortificatio, &c., talia vota sunt irrita, ut notat Sanch. lib. 4. cap. 7.

III. Quæritur nunc primo, An jejunare diebus Dominicis sit cultus Dei superstitiosus?

Respondeo, Cajet. recensete talem cultum inter superstitiosos falsos. Navar., & Sayr. recensent inter superstitiosos superfluos; & D. Th. illum damnat; quia usus Ecclesiae est excipere in Quadragesima tale jejunium, necnon anticipare vigiliam incidentem

in

in diem Dominicum; sicut etiam interdicitur tale jejunium in Cap. *Tantumquam*, & in cap. *Ne quis jejunes*, de *Consecrat. dist. 3.*

Verum Sanch. lib. 2. cap. 3. distinguit; Nam si fiat in contemptum Resurrectionis Christi Domini, ut fiebat a Manichæis, aut cum scandalo, & errore, veluti reprobando Ecclesiæ consuetudinem, procul dubio est cultus falsus, & ideo damnatus a jure, & a D. Th. Si vero fiat cum singularitate, est cultus superfluus, & ideo secundum se peccatum veniale; unde, qui voveret ordinarie diebus jejunare, ad id non teneretur: Si demum fiat propter specialem devotionem, aut mortificationem, licitum est, & laudatur a Sancto. Augustino, & Hieronymo, qui scribit Apostolos tale jejunium servasse; Unde votum sic jejunandi ob finem honestum, præciso scandalo, & singularitate, validum est, & honestum. Quare si quis voveat jejunare die festo alicujus Sancti, quocumque die incidat, tenetur jejunare, etiamsi incidat in diem Dominicum. Potest tamen juxta Ecclesiæ consuetudinem tale jejunium transferre ad Sabbatum præcedens, quia sic votum commutatur in manifeste melius, conformando se universali ritui Ecclesiæ.

IV. Dico secundo, cultum superstitionis modi indebiti falsum, etiam ex genere suo esse mortale; Unde qui, verbi gratia, divinis officiis intermiscet turpem sonum, & cantica profana, peccat mortaliter non solum peccato scandali, sed etiam superstitionis; si scilicet velit tali cultu falso Deum colere. Quod si ea non intermiscet ad Deum colendum cultu falso, sed solum ob vanam delectationem, peccabit mortaliter, vel venialiter contra reverentiam Deo debitam, prout gravis, vel levis erit irreverentia; Si enim cantica profana intermi-

sceantur, irreverentia erit gravis, si solum vana admisceantur, erit levis.

Dico tertio, cultum superstitionis superfluum secundum se peccatum veniale esse: Quare variare, verbi gratia, missæ cæremonias secundum se est veniale, nisi magna inversio ordinis contingat, quæ magnam includat irreverentiam.

V. Porro prima species superstitionis est Idololatria, quæ dicitur ab Idolo, quod est effigies falsi numinis, cui cultus patriæ Deo debitus exhibetur; Idololatria autem dupliciter sumi potest: Primo, improprie pro quolibet peccato, cui homo adhæret tanquam ultimo fini; Unde ad Ephes. 5. Avaritia vocatur Idololatria, & ad Philip. 3. dicitur, *Quorum Deus venit: est*. Secundo, proprie pro peccato, quo quis creaturæ tribuit honorem Dei. Rursus Idololatria proprie dicta subdividitur in Internam, per quam creatura existimatur digna honore Dei; & Externam, per quam tribuitur exteriori creaturæ honor Dei.

VI. Quæritur nunc, An incurrit excommunicationem Bullæ Cænæ quicumque Idololatra?

Respondéo, Idololatrias gentiles non esse capaces censuræ, cum non sint ingressi Ecclesiam per januam baptismi, dicente Apostolo, *Quid ad me de iis, qui foris sunt, judicare?* Baptizati vero si committant peccatum Idolatriæ solum internæ, neque ullam censuram incurrunt, cum Ecclesia non judicet de internis; Ipsa enim sensibilis, & visibilis est, & ideo solum propter peccatum externum, & sensibile minatur penas suas, videlicet censuras: Si vero committant peccatum Idolatriæ solum externæ, hoc est sine errore intellectus, verbi gratia, si adorent Idolum ob metum mortis, aut dæmonem ad aliquem turpem finem assequendum, quin existimant illum dignum honore Dei, neque cen-

su-

furam incurrunt; quia talis Idololatria, quamvis sit verum peccatum, & crimen læzæ Majestatis Divinæ, est tamen solum apparens, & falsa Idololatria, unde non subjacet pœnis impositis Idololatriz veræ.

Quare tunc solum censuræ læzæ in Bulla Cœnz incurruntur ab Idololatra, quando baptizatus internam simul, & externam Idololatriam committit, scilicet cum errore intellectus, (æstimando Deitatem esse in Idolo, seu in creatura) & simul cum pertinacia voluntatis, videlicet id sentiendo, etiamsi cognoscat id esse contra universalem Ecclesiæ sensum, & contra lumen rationis; ac demum id manifestando adoratione externa. Unde sit, posse quidem ignorantiam invincibilem excusare aliquando ab hæresi, ut si quis invincibiliter ignoret Mysterium Trinitatis; sed ab Idololatria excusare non poterit ignorantia, quia recta ratio, seu lumen rationis naturale evidenter manifestat non esse colendam creaturam loco Dei.

## ARTICULUS II.

### De Divinatione.

- I. Divinatio est prænnunciatio rerum occultarum ope demonis facta.
- II. Divinatio habetur vel cum expressa, vel cum tacita demonis invocatione; Eaque haberi potest, etiamsi quis protestetur se nolle demonem invocare.
- III. Ars inveniendi futurum occultum, vel quid simile per Astrologiam est superstitiosa.
- IV. Divinatio per expressam demonis invocationem est multiplex, videlicet Oraculum, Præstigiium, Necromantia, &c.: sicut est multiplex per demonis invocationem tacitam, ut Astrologia, Augurium, Omen, Chirromantia, &c.

V. Sortilegium divinatorium de se est mortale. Quid de Consultorio, aut Divisorio?

VI. Non datur materia parvitas in Divinatione. Multipliciter tamen sepe a mortali excusatur Divinatio, videlicet ratione ignorantia, curiositatis, ioci, &c.

VII. Eiusdem speciei sunt omnes divinationes, siue fiant cum tacita, siue cum expressa demonis invocatione: Sepe tamen expressa invocatio annuitur aliis peccatis in Confessione explicandis.

VIII. Quandoam liceat somnia, motus animalium, aut astra observare.

IX. Physiognomia quomodo liceat? Non licet tamen Egyptios consulere, ut fuitros eventus prædicant.

I. **D**ivinatio idem sonat, ac divina aërio; cum enim prænnunciatio futurorum soli Deo competat, hinc prænnunciatio futurorum, necnon rerum occultarum inordinate quæsitæ, seu ope demonis facta dicitur Divinatio, quæ altera species superstitionis est, cum a dzmone exposcatur id, quod proprium Dei est.

II. Quæritur primo, Quotuplex sit Divinatio?

Respondeo, Divinationem dupliciter evenire posse. Primo cum expressa demonis invocatione, & cum pacto explicite inito, ut contingit, quando divinator expresse intendit invocare dzmonem, vel quando sciens dzmonem per aliquod signum manifestare latentia utitur tali signo, ut sibi latentia manifestentur. Secundo cum tacita demonis invocatione, & cum pacto implicito contracto; ut contingit quando quis mediis vanis, quibus se immiscet dzmon, nititur adipisci noticiam rerum occultarum, quam humana arte comparare non potest. Ubi notandum, divinationem cum tacita demonis invocatione etiam contingere, quando quis

quis signis vanis utens expresse dicit, se nolle dæmonem invocare : Ratio est, quia dicta in hoc casu sunt contraria factis; cum enim serio usurpet ea vana signa, per quæ intendit adipisci notitiam rerum occultarum, quam siue dæmonis ope comparare non potest, consequenter implicite vult invocare dæmonem, quem constat libenter se immiscere huiusmodi vanis, & inutilibus signis; Neque enim Deus, aut Angeli talibus se immiscent.

III. Unde fit, modum divinandi thesaurum, vel inveniendi furtum occultum, aut alterius virginitatem per astrologiam esse superstitiosum; cum enim astra impedire libertatem non possunt per suos influxus, sequitur, quod talis cognitio nonnisi arte dæmonis comparari possit: Quare universim illa dicuntur signa vana, & inutilia, quæ nullam vim naturalem habent indicandi rem, cuius notitia desideratur.

IV. Divinatio per expressam dæmonis invocationem, si fiat per Idola, dicitur Oraculum; si per mortuorum apparentem resuscitationem, dicitur Necromantia; Si per fœmnia, dicitur Oniromantia; si per fœctas, & apparentes figuras, dicitur Præstigium; si per signa apparentia in extis animalium, dicitur Aruspicium; si per figuram in terra, Geomantia; si per figuram in aqua, Hydromantia; si in aere, Aeromantia; si in igne, Pyromantia. Divinatio vero per tacitam dæmonis invocationem, si fiat per situs, & motus astrorum, dicitur Astrologia; si ex signis volucrum, aliorumque animalium, videlicet per tale situm, numerum, motum, passum, &c., dicitur Auspicium; si per cantus, vocesque avium, aliorumque animalium, dicitur Augurium; si ex humana voce casu facta, aut stertnatione, aut ex funeris occurso, &c., dicitur Omen; si ex lineamentis ho-

minis, aut manuum; aut pedum, aut vultus, aut totius corporis, dicitur Chiromantia, Pedomantia, Physionomia, Metoposcopia, &c., si demum ex tortuito eventu, verbi gratia, ex iactu taxillorum, libri apertione, dicitur Sortilegium.

V. Sortes autem aliæ dicuntur divinatoriæ, quæ scilicet emittuntur ad aliquid occultum cognoscendum; aliæ Consultoriæ, quæ ad dignoscendum, quid agendum sit; aliæ divisioriæ, quæ ad cognoscendum quid cuique tribuendum sit in electionibus, controversiis, &c.; Sortes divisioriæ licitæ sunt; quia important merum contractum fortunæ, in quo partes æqualem subeunt conditionem lucrandi, aut perdendi: Sunt etiam licitæ aliquando sortes consultoriæ, quando videlicet necessitas cogat; (dummodo id non fiat in electionibus Ecclesiasticis, cum prohibeatur in cap. fin. de Sortileg.) & fiat debito modo, ne divina consilia convertantur ad res vanas, & negotia, ac lucra sæcularia; quanvis in hoc casu nonnisi venialiter peccaretur. Demum sortes divinatoriæ ex se sunt mortale.

VI. Queritur secundo, Utrum in divinatione detur parvitas materiæ, quæ scilicet excuset a mortali?

Respondeo cum Sanch., Valent., Bonac. negative. Ratio est, tum quia usurpatio cognitionis rerum occultarum Deo relevatæ est ex se res valde gravis; tum etiam quia per quamcunque divinationem habetur confortium, & societas sive expresse, sive tacite cum dæmone Dei hoste; homo enim per divinationem subijcit se disciplinæ diaboli, ut ab ipso occulta doceatur, ipsunque honorat, ejus documentis fidem præstando; quod certe redundat in Dei injuriam, & contemptum; Sicut in Republica societas, & commercium cum hostibus est crimen læsæ Majestatis. Adde, quod di-

vinator exponit se periculo apostasiæ; nam si quærit a diabolo notitiam certam de futuris liberis, tribuit illi, quod est proprium Dei.

Excusari tamen aliquando potest a mortali divinatio; primo ratione ignorantie, dummodo non sit affectata, vel crassa; quamvis enim vix dari possit ignorantia invincibilis in divinatione facta cum expressa dæmonis invocatione, facile tamen dari potest, quando fit cum invocatione tacita. Secundo, si quis joci causa utatur divinatione ad oblectationem, sciens ea media esse inutilia, sed ad videndum quid casu accidat; hæc enim potius est vanitas, quam superstitio. Tercio, si observentur sortes, auguria, somnia, &c., non adhibendo illis fidem, sed timorem aliquem concipiendo de futuro eventu; non enim intenditur ex iis aliqua prædictio, sed præcautio alicujus mali. Hinc fit, ut quamvis mortale sit universum ex somniis, auguriis, fortibus, aut aliis hujusmodi divinationibus dirigere operationes suas, semel tamen, aut iterum hæc observando aliquam operationem indifferentem omittere, erit dumtaxat veniale, ut advertit Sanch., Navar., Cajet. Et ratio est, quia in tali casu non habetur perfecta superstitio.

VII. Quæritur tertio; An omnes divinationes ex se sint ejusdem speciei?

Respondeo affirmative; si enim cum expressa, siue cum tacita dæmonis invocatione fiant, non differunt specie. Ratio est, quia Tacitum, & Expressum, Incompletum, & Completum differunt inter se intra eandem speciem. Verum quia invocatio expressa dæmonis sæpe habet adjunctam vel hæresim, vel adorationem dæmonis, aut alia peccata, ideo in tali casu explicanda est in confessione. Non est tamen explicandum, an fiat divinatio per astra, vel per somnia,

vel per aerem, vel per aquam, quia id materialiter se habet.

VIII. Notandum autem hic, quod observare somnia, motus animalium, astra, &c. relate ad ea, cum quibus habent connexionem naturalem, non est superstitio ulla, sed honeste, & licite fit: Sic Medici solent ab infirmo somnia inquirere, ut humorem prædominantem explorent; Nam qui constant humoribus frigidis, & abundant puita, solent ea somniare, quæ in aqua, vel nive solent evenire; qui abundant flava bile, solent videre incendia per somnium; qui atra bili abundant, somniant funera, fumum, caliginem; qui redundant semine, somniant, quæ provocant ad libidinem. Pariter nonnulla animalia solent prædicere terramotus naturaliter: Astra etiam, quia influunt in sublunaria, solent significare plures naturales effectus; & idcirco Astrologi possunt licite inclinationes hominum conicere ex astris; quamvis difficillimum sit scire punctum Cœli, in quo nativitas alicujus contingit: Verum ex astricta velle cognoscere eventus liberos supersticiosum est; & idcirco sola astrologia naturalis licita est; unde dicitur, *Sapiens dominabitur astris*: Astrologia vero judiciaria illicita est, & omni jure prohibita; & ideo dicitur Hierem. 10. *A signis cœli nolite metuerе, quæ timent gentes; quoniam leges populorum vana sunt*; liberum enim arbitrium non pendet ab astris tanquam a causis naturalibus, ut esset ibant, qui propugnabant dari Fatum, hoc est immutabilem omnium eventuum dispositionem ab astris dependentem; ut proinde apte dixerit Augustinus, *Fatum non ponunt, nisi fati*. Et Cicero lib. 2. de Divinat. advertit, plures Astrologos promississe Pompejo, Cæsari, Crasso faustissima, & tandem domi nonnisi fenes mortuos cum summa gloria, ubi deinde

quilibet istorum immature, & infelicitate perit: Nec solum falluntur Astrologi in divinandis operationibus liberis, sed sapissime etiam in divinandis inclinationibus naturalibus; Nam Esau, & Jacob gemelli fuerunt, & pene simul nati sunt, diversissimas tamen inclinationes naturales habuerunt.

IX. Notandum etiam ex Physiognomia naturali, seu ex partium corporis dispositione, velle aliquam conjecturam accipere de inclinationibus animi licitum esse; Verbigratiā, ex lineis manuum conjicere ingenium, indolem, inclinationem ad luxuriam, ad maturitatem, &c.; at hinc prædicere futuros eventus liberos, verbigratiā, hominem futurum divitem, pauperem, in patibulo suspendendum, Episcopum, &c., est omnino illicitum. Quare graviter peccat, qui ab Aegyptiis petit bonam, vel finistram fortunam; cum id naturaliter sciri non possit; si tamen id fiat curiositatis, & risus causa, & sine scandalo, non animo credendi, ut communiter fit, nonnisi veniale peccatum erit.

### ARTICULUS III.

#### De Vana Observatione.

- I. In hoc differt Vana observatio a Divinatione, quod illa ordinetur ad aliquid obtinendum; hac vero ad aliquid cognoscendum.
- II. Sæpe Vana observantia habetur solum cum tacita dæmonis invocatione, quamvis fiat protestatio, quod dæmonis concursus in ea re recusatur.
- III. Ea dividitur in Artem notoriam, in Observationem sanitatum, & Observationem eventuum. In quo hæc differat a Divinatione?
- IV. Plura recensentur, quæ non raro ponuntur, & tamen sunt superstitiosa.
- V. Quonam pacto possit quis aliquando

in his vanis observationibus a mortali excusari?

- VI. Quanam observationes non sunt vanae, nec superstitiosæ, sed licitæ?
- VII. Quid de unguento armario?
- VIII. Unde dignosci possit, quod aliqua observatio non sit superstitiosa?
- IX. Quid si dubitetur num effectus aliquis sit superstitiosus, an naturalis? Aut si dubitetur num effectus præternaturalis sit a Deo, an a dæmone?

I. **V**ana observatio est pariter differt a divinatione, quia hæc refertur ad aliquid cognoscendum; illa vero ad aliquid obtinendum mediis inutilibus, & vanis. Quare Vana observantia est superstitio, qua mediis vanis procurantur commoditates, divitiæ, sanitas, benevolentia, & alia huiusmodi. Dicitur etiam Vana observatio, quando ex consideratione alicujus effectus casualis conjicit quis aliquid prosperi, vel adversi eventuum, & inde actiones suas moderatur, ut notat D. Th. quæst. 96. art. 1. Appellatur talis superstitio Vana observatio, vel quia effectum non consequitur; vel si consequitur, illum habet a dæmone, & sic plus incommodi habet, quam commodi.

II. Universim autem Vana observatio fit, vel cum expressa dæmonis invocatione, vel etiam cum tacita; ut si quis dicat aliqua verba tanquam habentia vim ad aliquem effectum, verbigratiā, ad movendum annulum, ut quota hora diei sit, cognoscatur, &c. Dicitur id fieri cum pacto dæmonis tacito, quia verba illa sine ope dæmonis talem effectum parere non possunt: Idque verum est, etiamsi hoc fiat præmissa protestatione, quod nolis ad talem effectum dæmonem concurrere; Cum enim consistet hoc esse superstitiosum, protestatio dicitur esse con-

contraria facto, ut notant Bonac., Valent., Sylvest.. Similis superstitio exercetur a luforibus, quando mutant locum ad vitandam malam fortunam; Sanch. tamen excusat istos a mortali, eo quod non videatur peccatum perfectum superstitionis, cum lufores non certo credant se mutatu-ros malam fortunam.

III. Queritur primo; Quot sint species vane Observantiae?

Respondeo esse tres. Prima est ars notoria. Secunda, observatio sanitatum. Tertia, observatio eventuum. Dicitur Ars notoria superstitio illa, qua quis credit se statim consecuturum scientiam per potionem, vel per bolum aliquem, vel mediis quibusdam jejuniis; hæc enim dicuntur media vana. & inutilia; quia neque a Deo, neque a natura habent parere talem effectum. Dicitur observatio sanitatum superstitio illa, qua adhibentur varia media ad curandos morbos hominis, vel animalium, ut gestare amuleta, ligaturas, involucria falsis characteribus signata ad vitanda vulnera, vel ne sanguis effluat, aut gestare imagines tablicus characteribus signatas, certa cum fiducia non moriendi sine confessione; sunt enim hæc media vana ad hos effectus, ac vim non habent. Demum observatio eventuum est superstitio, qua ex consideratione alicujus eventus casualis fit conjectura de eo, quod futurum est, & inde operationes diriguntur; Differt hæc a divinatione, quia per divinationem queruntur media inutilia ad divinandum; per observationem vero eventuum signa vana diriguntur ad operationes, quibus possumus aliquid mali vitare, vel boni obtinere.

IV. Queritur secundo; Quænam observationes censeantur communiter a Doctoribus vane, & superstitiosæ?

Respondeo, præter istas, quas innuimus, censeari superstitiosas, Primo,

annulo suspensio intra vas velle dignoscere quota hora sit. Gard. de Lugo testatur in Hispania annulum pulsare horas astronomicas, in Italia vero italicas; quod cum naturali causæ tribui non possit, procul dubio est superstitiosum. Secundo, dies aliquos habere faustos, verbi gratia diem Jovis, alios infastos, verbi gratia Martis, & Veneris; vel habere infastum numerum tredecim personarum simul prandentium propter facinus Judæ. Tercio, statuari alicujus Sancti demergere in flumen, ut pluat. Quarto, credere, quod non prosint orationes, nisi in tanto numero sine interpellatione dictæ, cum tot candelis, &c. Quinto, seminarum carminatricum preces, & benedictiones esse sufficientes ad depellendos statim morbos; Vocantur istæ ab Hispanis las Empsalmadoras, quia sæpe utuntur verbis Psalmorum; Verum quia nec præsumitur gratia us gratis data, nec virtus supernaturalis præsumi debet, nisi probetur; & quia solent etiam superstitiosa, & vana admiscere, ideo communiter Doctores cum Sanch., & Fagund. docent permittendas non esse. Sexto, Mulierculas nocte Sancti Joannis Baptiste aliquid precari, auditumque applicare, ut nomen futuri mariti audiant. Hæc, & similia, quæ passim a Doctoribus congeruntur, reputantur communiter superstitiosa, atque adeo a mortali exulari non possunt.

V. Potest tamen aliquando esse veniale, si scilicet addit ignorantia invincibilis, & bona fides; vel si id fiat ex intentione dandi operam hujusmodi vanitatibus non tamenquam efficacibus, sed ex quadam levitate, vel curiositate semel, aut iterum in re levi, ut dictum est de Divinatione: Quamvis enim communiter Doctores cum Sanch. putent, in his rebus non dari parvitatem materiæ; tamen Valent. disp. 6. quæst. 13. punct. 3. putat da-



ri posse parvitatem materię, quoties non intervenit pactum expresse cum dæmone; ut si quis semel movere faciat anulum intra vas suspensum, quia ex hoc solo parvo commercio cum dæmone non imminet notabile damnum salutis; Hoc tamen ipse non admiserim. Sanch. lib. 2. moral. cap. 40. num. 25., quamvis neget cum communi dari parvitatem materię in his rebus, concedit tamen aliquod ex his esse veniale, si semel fiat ad experiendum effectum curiositatis causa; etenim cum actus non fiant serio, sed joco, & curiositate, vel ad experiendum, non tam erit supersticitio, quam animi levitas, & ideo tantum veniale. Monet tamen Trull. id non esse facile permittendum, ne curiositatis quidem causa, propter periculum deceptionis a dæmone.

VI. Quæritur tertio; Quznam observationes reputentur communiter a Doctoribus licitę, & non vanę, aut supersticiose?

Respondeo, non reputari supersticiosam; Primo artem inveniendi aquas in terra latentes, adhibita virga salicea, vel amygdalina, quia, ut notat Bonac., & Trull., effectus iste inclinationis virgę, ubi absconduntur aquę defluentes, reputatur naturalis. Secundo, observare lunam ad fructus colligendos, ad tabulas secandas, &c. Tertio, verba Sacra, aut reliquias usurpare sine ullis vanitatibus, sperando tantum a Deo effectum sine ulla infallibilitate. Quarto, eodem modo triginta missas celebrare in memoriam Sancti Gregorii, qui triginta diebus fecit orare pro defunctis. Quinto, ter, vel novies jumenta circumducere circa templum alicujus Sancti, vel die festo alicujus Sancti venam equis secare, dummodo speretur effectus tantum a Sanctis, nec reputentur istę circumstantię efficaces, & infallibiles: Quamvis Sanch. notet, ista extir-

panda esse, eo quod superstitionem sapiant, ac sint præter modum ab Ecclesia usitatum honorandi Sanctos. Sexto, Sanch. excusat eos, qui sanant morsus canis rabidi solo halitu, aut sputo, aut tactu, eo quod putet iis forte inesse gratiam gratis datam, vel inesse naturalem virtutem a tali complexione, cum id passim ubique permittatur. Sic multę familię habent vim ad curandos morsus venenosos sputo; Et septimus masculus, quando nulla scemina intercessit, curare solet strumas saliva; sicut etiam Rex Gallię. Et Tambur. hic num. 31. refert, aliquos natos nocte Conversionis Sancti Pauli sputo, vel tactu sanare morsus venenatos. Septimo, certum est licere uti virtute rei naturalis, etiam si per superstitionem sit cognita; eo modo quo licite utitur meretrix pecunia illicite comparata. Ratio est, quia licet illa noticia male fuerit acquisita, peccatum tamen transit, & effectus ille naturalis nihil mali ab ea culpa contraxit: Eodem modo licitum est uti thesauro per superstitionem invento, si pecunię non sint apparentes, nec constet dæmonem illas ab aliis sustulisse.

VII. Circa unguentum armarium putro cum Trull., Bonac., & aliis, qui casum examinant, esse supersticiosum. Ratio est, quia non videtur posse dici talis effectus naturalis caulatus per sympathiam, quando vulneratus longe distat a gladio, vel panno sanguine imbuto, cui unguentum, vel pulvis applicatur. Causę naturales in majori distantia semper remissius operantur; hoc autem non accidit in hoc unguento; ergo non operatur naturaliter.

VIII. Quæritur quarto; Quznam regula generalis assignari possit ad dignoscendum, num aliqua observatio sit supersticiosa?

Respondeo ex Tambur., præsumi supersticiosam, & in ea pactum cum dæmo-

## ARTICULUS IV.

## De Magia.

dæmone intercedere, quoties ad aliquem actum interponuntur verba non significativa, vel figuræ inutiles, vel falsitas, verbi gratia, quod Christus habuerit febrem; Vel conditiones vanæ tanquam necessariae, verbi gratia tot cruces in tali hora, situ, &c., Vel promissio effectus infallibilis ultra vires naturales mediorum.

IX. Difficultas est, Utrum quando dubitatur, an effectus sit a dæmone, vel a Deo, vel a causa naturali, teneamur abstinere ab iis mediis tanquam superstitiosis?

Respondeo, Lessium lib. 2. cap. 44. num. 46. putare, quod abstinendum sit, ne exponamur manifesto periculo superstitionis; nisi forte id fiat cum expressa protestatione voluntatis contrariæ: Quod Tambur. admittit, si aliquando propter notabilem necessitatem iis mediis utaris, protestando te nolle effectum, si a dæmone proveniat. Sanch. vero putat, quod si omnibus expensis dubium sit, an effectus procedat a causa naturali, an vero a dæmone, præsumendum sit, quod procedat a causa naturali, & sic sine ulla superstitione possis tali medio uti; quia in tali dubio stat in possessione libertas, & innumeræ sunt agentium naturalium vires occultæ. Quod si certum sit talem effectum non esse naturalem, (ut esset subita sanatio, vel sanatio per verba Sacra) sed dubium sit a Deone, an a dæmone talis effectus habeatur, præsumendum, quod a dæmone; quia Deus effectus miros causat supernaturaliter, vel per Sacramenta, vel propter sanctitatem personæ operantis; unde effectus præternaturalis aliter procedens non nisi a dæmone est.

- I. *Magia est ars operandi mira ope dæmonis. Differt Magia superstitiosa a Naturali; quia hæc operatur mira per causas naturales.*
- II. *In quo differat Magia a Vana observatione, a Maleficio, & ab Incantatione?*
- III. *Magia naturalis non est superstitiosa, sed Antiores, qui de illa pertrahant, non raro plura superstitiosa permiscant.*
- IV. *Naturalis a superstitiosa Magia discerni facile potest ex conditione Causarum, Operationis, & Effectus. Quoniam pacto philtre amoris ad amorem, ac libidinem alliciunt.*
- V. *Quanam arte dæmones familiares in annulis, aut phialis includantur?*
- VI. *Num vis fascinandi sit naturalis, an superstitiosa?*

I. **M**agia ad Vanam observationem a nonnullis reducitur, sicut Maleficium ad Magiam. Etenim Vana observatio est superstitio, ut diximus, quia mediis vanis procurantur ope dæmonis commoditates, divitiæ, sanitas, benevolentia: Magia vero est ars operandi mira ope dæmonis per signa vana, & inutilia; sicut Maleficium est ars nocendi aliis per signa vana ope dæmonis. Quoniam vero Magia est ars operandi mira, idcirco duplex distingui solet Magia, altera Naturalis, altera Superstitiosa; illa operatur mira, & insolita per causas naturales; hæc vero operatur mira per causas morales, hoc est per signa vana, quibus positus dæmon allicitur ad operandum quæcumque Magus exposcit. Allicitur autem dæmon, tum quia his signis honoratur; tum etiam quia talia signa ex ejus instituto dependunt.

II. Qua:

II. Quare Magia differt a Vana observatione, quia illa solum ordinatur ad faciendâ mirabilia; Quod si ordinetur ad faciendâ mirabilia mere propter ostentationem, dicitur absolute Magia; Si vero ad inferendum alteri dânum, dicitur Maleficium; Si demum solis verbis, & non aliis signis aliquid mirum per Magiam fiat, dicitur talis Magia Incantatio: Definitur enim Incantatio, quod sit Ratio operandi mira solis verbis.

III. Quæritur nunc primo; An sola Magia superstitiosa sit prohibita?

Respondeo affirmative; Magia enim naturalis (qua verbi gratia per causas naturales statim se salutant, libitant, saltant, tonitrua excitantur, aut aliud mirabile fit) non est mala de se, cum sit pars scientiæ naturalis. De ea extant variz regulæ, & exempla apud Joannem Baptistam a Porta apud Cardanum, & alios. Notat tamen Lessi. auctores Magiæ naturalis aliquando permiscere quædam superstitiosa; unde monet hujusmodi libros habendos esse suspectos, & tanquam periculosos a juventute vitandos.

IV. Quæritur secundo; Unde dignosci possit, opera magica esse superstitiosa, & non naturalia?

Respondeo cum Trull., Lessi., & aliis, tripliciter dignosci posse; Primo ex conditione causarum, quæ adhibentur, quando scilicet non habent vim naturalem ad talem effectum, ut solet accidere, quando expresse dæmon invocatur; aut quando admiscetur orationibus falsitas, ut Christum habuisse febrem; vel quando præter signum crucis intermiscantur verba inepta, imagines, signa, figuræ, &c., aut unctiones, & ligaturæ præter morem Ecclesiæ; Vel si apponantur circumstantiæ ridiculæ, verbi gratia, si talia verba debeant scribi manu sinistra, ab aliqua virgine, tali hora, &c. Secundo, ex conditione operationis, ut

si repente curetur homo, vel animal, si brevissimo tempore longum iter conficiatur; si hic pungatur iniago cerea Petri, & ille alibi doleat. Tertio, ex conditione effectus, si scilicet humanam industriam superet; ut si opera Magica excitent tempestates, terræmotus, si præstigiis illudant, si reddant hominem invisibilem, si divitias mari abditas, vel thesauros occultos offerant; (quamvis raro id permittat Deus, ne detur maximum incentivum ad malum; unde Magi fere omnes pauperes sunt, abjecti, & viles.) Demum si incitent ad odium, ad amorem, ad libidinem; Quod præstant dæmones assidue repræsentando phantasiæ objectum tanquam conveniens, vel disconveniens, & simul excitando humores ad affectum amoris, odii, vel libidinis.

Quare quando a Magis, vel a Sagis dantur philtrea, seu pocula amatoria, non sunt illa, quæ homines alliciunt, & veluti vim inferunt ad amorem, vel odium, sed iis positis, dæmon proponit phantasiæ objectum, & humores excitat, ut amor, vel odium sequatur.

V. Quæritur tertio; Quanam arte dæmones, quos vocant Familiæres, includantur in annulis, speculis, vel vasculis, aut a corporibus ejiciantur, & iterum advocentur?

Respondeo cum Azor. & Fagund. cap. 41., id naturali arte fieri non posse; cum enim natura dæmonum sit longe superior humana, non possunt naturaliter ad id ab hominibus astringi: Quare id præstatur ex pacto cum illis inito tacite, vel expresse, ut, verbi gratia, ad prolationem talium verborum, aut positionem signorum huc, vel illuc se conferant.

VI. Quæritur demum, Utrum fascinationis vis sit naturalis, an superstitiosa?

Respondeo, communiter docere Do-

Doctores esse naturalem : quia aliquando ex vehementi cogitatione alicujus objecti immutantur spiritus, præsertim subtiliores, qui ad oculos permeant, & aerem ad certam distantiam corrumpunt; Unde inficiuntur corpora mollia puerorum, pullorum, arbusculorum, &c.; sicut scæmina post menstruum inficit vicinum aerem, & labem in speculum causat. Verum Azor., & Trull. cum multis Medicis docent, non esse naturalem vim fasciandi, seu nocendi hominibus, vel belluis ex solo aspectu, aut commendatione apud alios, sed dæmonis malignitate aerem infici, & hominis, aut belluæ corpus lædi.

## ARTICULUS V.

## De Maleficio.

- I. *Maleficcium est ars nocendi aliis ope demonis. Dividitur in Amatorium, & Veneficum; quod appellatur Veneficcium.*
- II. *Remedia adversus maleficcium alia sunt naturalia, alia Supernaturalia, alia Moralia.*
- III. *Num liceat a Malefico petere, ut Maleficcium dissolvat, si non constet, quod sine novo Maleficio possit illud dissolvere?*
- IV. *Quid si constet posse illum quidem sine novo Maleficio maleficcium dissolvere, sed non esse illud dissolventem sine novo maleficio?*
- V. *Licium est dissolvere maleficcium ponendo signa contraria, quibus potius expiret pactum cum demone.*
- VI. *Idque verum est, etiamsi per accidens inde sequatur alteri damnum; dummodo illud non sequatur ex actione demonis positiva. Sed quid si de hoc dubietur?*
- VII. *Quomodo gerere se debet Confessarius cum Malefico, Magis, & Incantatoribus?*

I. **M**aleficcium, ut diximus, est Ars nocendi aliis ope dæmonis; & ideo pars est Magiæ; Unde quando ligaturis, nodis capillorum, &c. aliquod malum aliis præstandum ope dæmonis intentatur, tale maleficcium vulgo dicitur *Faisnya*; Porro Maleficcium si ordinetur ad carnalem amorem, vel odium excitandum, dicitur Amatorium; si vero ad inferendum damnum sive personæ, sive ejus bonis, dicitur Veneficum; unde hujusmodi Maleficcium appellatur Veneficcium.

II. Quæritur nunc primo; Quenam remedia adhiberi possint adversus effectus maleficii?

Respondeo ea esse triplicis generis, Naturalia, Supernaturalia, & Moralia: Dicuntur remedia moralia, quæ sunt removendo magica signa, ad quorum præsentiam dæmon damnum infert, quod quomodo fieri possit, examinabimus quæsto 3.

Naturalia sunt, quæ sunt apta naturaliter ad curandos morbos causatos a maleficiis, quamvis parum ista proficiant, quando morbi causantur arte Sægorum, quia possunt facile dæmonis ope vim medicamentorum impedire, Demum Supernaturalia, seu Ecclesiastica sunt, Primo, Exorcismi; etenim a Christo Domino tradita est Exorcistis potestas expellendi dæmones, quamvis ea non sit infallibilis, seu non semper cum effectu conjungatur, nisi adsint conditiones a Christo requisitæ: Sicut de fide etiam est, habere Pontificem potestatem applicandi indulgentias pro defunctis, sed ut illis proficiat, requiruntur circumstantiæ debitæ; Et de fide est, quod quicquid orantes petimus, obtinemus; si tamen cum debitis requisitis oramus. Secundo, magna fides in protectione divina; quod colligitur ex illo Psalmo, *Qui habitat in adjutorio Altissimi*. Tertio, iterata susceptio Sacramentorum Pœnitentiæ, & Eucharistiæ; Sicut etiam Sacramen-

talium, necnon usus Agnorum Dei, signum Crucis, invocatio Christi Domini, & Beatissimæ Virginis, Angeli Custodis, Reliquiæ Sanctorum, & inter cætera Sacrificium missæ. Sicut autem remedia naturalia non statim curant morbos, sed frequentari debent, ut perfecte curent, ita remedia hæc supernaturalia; cum Deus dederit illis vim per modum causæ naturalis; Sicut etiam eodem modo causant gratiam ipsa Sacramenta, ita scilicet ut in subiecto magis disposito maiorem gratiam causent, ut ignis, verbi gratia, in subiecto magis disposito maiorem calorem.

III. Quæritur secundo; Utrum liceat petere a malefico, ut maleficium dissolvat?

Respondendo, & dico primo, a malefico quantumvis parato non potest peti, ut maleficium alio maleficio dissolvat; quia nunquam peti potest directe, quod est intrinsece nialum: Unde infert Sanch. lib. 2. Moral. cap. 41., nec licere petere a Malefico dissolutionem maleficii, quod potest modo licito dissolvi; quando talis modus a malefico ignoratur; quia in tali casu perinde esset, ac petere, ut alio maleficio dissolvat. Quod si dubitetur, an Maleficus sciat modum licitum dissolvendi maleficium, communiter Doctores cum Suar., Sanch., Lessi, apud Trull. docent nec licere petere dissolutionem; tum quia præsumi debet, ut docet Sanch., quod Maleficus sciat dumtaxat modum dissolvendi superstitiosum; tum etiam quia petens in tali casu exponeret se periculo petendi rem illicitam; non est autem licitum operari cum dubio rei illicitæ, ut communiter Doctores. Verum Tambur. hic docet aliquando licere cum dubio hoc negativo petere dissolutionem maleficii; quia præsumi potest ex communiter contingentibus non ignorari a Malefico modum dissolvendi licitum;

nam, ut dicemus quæsito sequenti; communis modus dissolvendi licite maleficium est tollere signum dæmonis; ad cuius præsentiam dæmon ex pacto operatur. Addit Tambur. sententiam hanc non adversari opinioni communi; tum quia in tali casu dubium vinceretur a præsumptione orta ex communiter contingentibus; tum etiam quia communis sententia procedit, quando peteretur dissolutio maleficii ab alio Mago, qui cum non fuerit auctor huius maleficii, non facile poterit, nisi novo maleficio illud dissolvere.

IV. Dico secundo; Licitum est petere a Malefico, ut dissolvat maleficium, non solum si certo constet, sed etiam si probabile sit ipsum scire illud dissolvere modo licito; idque verum est, etiamsi certo cognoscam Maleficium novo maleficio esse dissoluturum maleficium prius. Ita Sanch., Filiuc., Trull. contra nonnullos. Ratio est, quia sicut habens necessitatem potest petere mutuum ab eo, quem certo scit usuras exacturum; & petere iuramentum ab illo, quem noscit iuraturum per falsos Deos; quia petitur res indifferens, seu id, quod licite ab alio præstari potest; ita pariter in casu nostro. Dixi, etiamsi tantum probabile sit maleficium scire modum dissolvendi licitum, quia universim, ut notat hic Tambur., operari cum probabilitate est operari cum prudentia, atque adeo sine culpa. Cavendum tamen est ex Sanch., ne petens cooperetur cum malefico in novo maleficio, verbi gratia, recipiendo medicinam &c.

Notandum etiam, quod si spes sit, ut petito remedio licito, Maleficus hoc adhibeat, & non superstitiosum, tenemur ex charitate illud petere. Demum nullatenus licet petere a dæmone, ut cesset vexare; quia talis petitio involvit idcirco cum dæmone; Solum licitum est per imperium, & obijurationem dicere, verbi gratia, Cef-

fa mala bestia abhinc malefacere.

V. Quæritur tertio; Utrum liceat dissolvere maleficium destruendo signa, quibus illud est annexum; aut ponendo signa contraria, honesta tamen, & indifferentia, quibus positis expirat pactum dæmonis?

Respondeo affirmative cum Less., Suar., Sanch. apud Trull. Ratio est, quia sic nec pactum cum dæmone, nec amicitia captatur, sed solum evertuntur signa illa, quæ erant occasio mali. Quare si dæmon cum Malefico fecit pactum nocendi Maleficiato, nisi signet se signo Crucis, vel nisi lavet frontem, potest ille licite munire se Cruce, aut frontem lavare, ne lædatur a dæmone, animo tollendi signum illud, non vero animo sanandi medio invento a dæmone: Similiter si verum est, quod quando Venefica te tangit, te inficiat, sed desinat inticere, si illam repercutias, poteris illam repercutere. Propter eandem rationem licite Judices lavant maleficos torquendos, & pilos illis radunt, ne arte dæmonis insensibiles fiant ad tormenta; sic enim dumtaxat tollunt signum dæmonis latens sub pilis; vel quia pactum fuit cum dæmone, quod ad tonsionem pilorum cessaret conventio. Pariformiter qui audit a Mago se convenisse cum dæmone, quod quidam thesaurus custodiretur, & nemini permetteretur, nisi illi, qui in tali loco bene potaret, poterit bene potare in eo loco, & deinde sibi thesaurum arripere.

VI. Ex quibus infert Filiuc., posse signa magica destrui, etiamsi redundaret damnum in maleficum, quia quilibet habet jus sibi consulendi, etiamsi per accidens sequatur alteri damnum. Notat pariter Trull., quod infectus a Saga, verbi gratia, sciens nocumentum deliturum, si porrigat illi panem, (for-

te propter Eucharistia Sacramentum) possit quidem panem porrigere, dummodo porrigendo panem dæmon desinat tantum nocere. Quod si porrectio panis sit novum signum, quo posito dæmon per actionem novam positivam, & per favorem succurrat, procul dubio non licet panem porrigere. Si tamen de hoc dubitetur, nec licet, ut communius docent; aut ad summum in casu necessitatis licet cum expressa protestatione, quod nolis effectum positivum a dæmone: Less. enim lib. 2. cap. 44. num. 46. hæc habet: *Non est licitum nisi remedium, de quo dubium est, an contineat tacitam demonis invocationem; hoc enim est se exponere manifesto periculo superstitionis; nisi forte id fiat cum expressa voluntatis contraria protestatione.*

VII. Quæritur ultimo; Quid faciat Confessarius cum Maleficis, Magis, & Incantatoribus?

Respondeo, debere examinare illos de genere superstitionis, an scilicet fuerit cum expressa, vel tacita dæmonis invocatione, & de aliis peccatis admixtis, puta hæresis, idololatriæ, luxuriæ, injustitiæ, &c. Si deinde maleficus pactum iniit cum dæmone, debet illud dissolvere; non est tamen necesse, ut chirographum malefico restituatur a dæmone; quia per pœnitentiam sufficienter recedit a pacto: Si injustitia præcessit, imponi debet restitutio; si hæresis formalis, & externa sit tali peccato conjuncta, nonnisi a Pontifice absolvi poterit. Si vero adoratio dæmonis non stet cum hæresi, seu cum hoc, quod dæmon existimetur dignus adoratione, talis superstitio poterit a quolibet Confessario absolvi, nisi in aliqua Diœcesi sit ab Episcopo sibi reservata.

## Q U Æ S T I O VI.

De Irreligiositate, & in specie de Sacrilegio, Blasphemia, & Tentatione Dei.

**D**iximus in principio quæstionis superioris, virtuti Religionis opponi per defectum Irreligiositatem, quæ plura sub se vicia continet: Omissis aliis, videlicet Perjurio, & Adjuratione, de quibus infra cum de Juramento, necnon Simonia, de qua cum de Restitutione in particulari, agendum hic superest de Sacrilegio, Blasphemia, & Tentatione Dei.

## ARTICULUS I.

## De Sacrilegio.

- I. Sacrilegium est rei Sacra lesio. Triplex autem est, Personale, Locale, & Reale: Specialiter autem in Confessione aperienda sunt Sacrilegii species.
- II. Probabiliter tres ista Sacrilegii species sunt atomæ, non subalterne; itant de consilio, non de præcepto explicandus sit in confessione modus Sacrilegii, tanquam circumstantia aggravans.
- III. Quenam Persona dicatur Sacra, itant eam ladens Sacrilegium committat?
- IV. Per lesionem Persona Sacra quadrupliciter committitur Sacrilegium; injiciendo manus violentas, perducendo ad tribunal saculare, subiciendo oneribus vestigialium, & per actiones venereas.
- V. Novitius non habens votum castitatis non est sacrilegus, si carnaliter peccet. Quid de habente hoc votum, si alios inducat ad peccandum carnaliter? Quid de Sacerdote Græco, si peccet contra castitatem?
- VI. Communius docent contra nonnullos, fractionem cujuscumque voti esse sacrilegiam.
- VII. Quare non sint sacrilega omnia peccata Personæ Sacra, sed solum peccatum contra castitatem?
- VIII. Quare percussio Clerici habentis primam Tonsuram, & Novitii sit sacrilega, & non sit sacrilegium peccatum istorum contra castitatem?
- IX. Quinam dicatur locus sacer, cujus violatio sit Sacrilegium?
- X. Latius patet locus sacer relate ad effectum gaudendi immunitate, quam relate ad effectum constituendi furtum, verbi gratia, sacrilegium.
- XI. Locus sacer violatur per illas dumtaxat actiones, quæ in locis Sacris inimitu Religionis prohibentur, puta per effusionem sanguinis, vel seminis, si delicta sint publica, per extractionem violentiam e loco Sacro, per mercatus, convivia, furta, &c.
- XII. Est sacrilegium furtum sacri de sacro, Sacri de non Sacro, & non sacri de Sacro, si res non sacra sit in Ecclesiæ custodia causa, aut illi commodata.
- XIII. Num sit Sacrilegium furari aliquid e Sacrificia? Non est sacrilegium furari aliquid e Clausuris Religiosorum, aut ex Oratoriis privatis. Quid de furto in Oratoriis Xenodochiorum, & Eremiticorum?
- XIV. Nomine rei Sacra veniunt Sacramenta, ornamenta Ecclesiæ benedicta,

*Ha, bona Ecclesia, & similia. Non tamen Tempus, & locus; unde de se non est Sacrilegium peccare die festo, aut in Ecclesia.*

*XV. Est Sacrilegium concupiscere copulam habendam in Ecclesia; sed non est Sacrilegium in Ecclesia concupiscere copulam habendam extra Ecclesiam. Actus turpes si in Ecclesia committantur, explicandum est in Confessione.*

*XVI. Multipliciter Sacrilegium reale committi potest; praesertim si quis abutatur aut rebus, aut verbis sacris, si irreverenter officium recitetur, si imagines Sacra, vel Reliquia male habeantur, &c.*

**I. S**acrilegium idem sonat, ac sacre rei lesio, seu violatio. Dicitur autem res sacra, quæ ad cultum Dei consecrata est, sive ex lege Divina, sive Ecclesiastica: Quia tamen triplex genus rerum Deo consecrantur, videlicet Personæ, loca, & aliæ res, ideo triplex genus Sacrilegii datur, nempe Personale, Locale, Reale, seu violatio personæ Sacrae, loci sacri, & alterius rei sacrae: Unde specialiter in Confessione aperiendum est, personane, an locus, an alia res sacra violata sit? cum species peccatorum ex Trident. aperiri debeant in confessione.

II. Quæritur tamen primo; An hæc divisio Sacrilegii in has tres species sit divisio in species subalternas, hoc est, quæ continent sub se alias species, an vero in infimas, & atomas?

Respondeo. Suar. lib. 5. de Sacram. cap. 1. Lest. lib. 2. cap. 45. dub. 3., Filliuc. putare, divisionem hanc esse in species subalternas; Unde sit, in confessione non solum explicandum esse, num persona, aut locus, aut alia res sacra læsa sit, sed etiam modum particularem Sacrilegii, verbi gratia, num persona sacra violata sit per percussione, aut per fornicationem; num locus per es-

fusionem sanguinis, aut seminis; num res sacra violata sit per violationem Sacramentorum, & praesertim Eucharistiae, aut aliarum rerum Sacrarum?

Verum D. Th. 2. 2. quæst. 99. art. 3., Cajet., Trull. hic putant probabilius divisionem illam Sacrilegii esse in tres species ultimas; Unde sit, modos prædictos Sacrilegii differre tantum numero; sicut differt sacrilegium commissum contra Petrum a commissio contra Paulum; vel saltem differre secundum circumstantiam aggravantem. Ratio D. Th. est, quia solum habitudo ad sanctitatem istarum specierum est simpliciter diversa; Nam persona dicitur sacra, quia est subiectum sanctitatis; locus dicitur Sacer, quia continet personas, & res sacras; res aliæ dicuntur Sacrae, quia ad sanctitatem ordinantur. Adde, quod si istæ species non essent infimæ, difficultimum esset assignare species infimas in confessione explicandas; unde quamvis consilium sit explicare modos illos significatos Sacrilegii, in quantum sunt sacrilegi, & virtuti religionis opponuntur, possunt tamen citra culpam reticeri.

III. Quæritur secundo; Quid veniat nomine personæ Sacrae, & quot modis lædatur?

Respondeo, personam sacram dici, quæ vitæ statu, vel per votum, vel per sacrum Ordinem Deo specialiter est consecrata: Tales sunt Clerici omnes, & Religiosi, ac Religiosæ, etiam si nondum professionem emiserint. Quare si huiusmodi personæ lædantur, quatenus Sacrae, seu quatenus in Dei cultum destinatae sunt, sacrilegium committitur: Et quia Ecclesia intuitu virtutis Religionis prohibuit, ne in eas violentæ manus iniiciantur, ne ad secularia iudicia pertrahantur, ne vestigalibus, & tributis subiciantur, ideo Sacrilegium committitur eas in his actionibus offendendo, quia offenditur

L. 2. Deus



Deus in personis sibi specialiter dedicatis.

IV. Quadrupliciter itaque committitur Sacrilegium per læsionem personæ Sacræ. Primo, per violentam manuum injectionem. Secundo, per usurpatam jurisdictionem quoad forum, seu si ad sæculare tribunal pertrahantur. Tertio, si subiciantur oneribus vectigalium. Quarto, per actiones veneras; itaut quælibet persona habens votum castitatis sacrilegium committat, si carnaliter peccet, sive corpore, sive etiam mente, quia abutitur persona Deo per tale votum dicata, tam corpore, quam anima.

V. Novitius tamen non habens votum castitatis, si carnaliter peccet, sacrilegium non committit: Sicut nec committit Sacrilegium, qui habens votum castitatis inducit alios ad peccandum carnaliter, apud Tambur. lib. 2. Methodi Confels. cap. 6. §. 5. Et ratio est, quia per votum castitatis videtur homo se obligare tantum ad non peccandum contra castitatem, seu ne ipse in sua persona delectationes veneras admittat, non vero ne alios in easdem inducat; propriam enim, non alienam castitatem promittit. Putat etiam Tambur. in Decalogum hic, Sacerdotem Græcum non esse sacrilegum, si peccet contra castitatem; quia non constat emitte a Sacerdotibus Græcis votum ullum castitatis.

VI. Dubium est, Num habens votum, verbi gratia, jejunandi, obediendi, &c., sit etiam sacrilegus, si non jejunet, obediat, &c. Affirmant communius cum Lels., Cajet., Valent.; quia per quodcumque votum tam persona relate ad illam operationem, quam res, quæ promittitur, Deo specialiter dicatur. Sed probabiliter negant Pal., & Tambur. hic ex Suar. tom. 1. de Relig. tract. 3. lib. 3. cap. 3.; quia nihil sa-

crum violatur; sed solum peccatur contra fidelitatem Deo debitam per promissionem, seu votum: Quare ex Suar. sola violatio voti solemniss castitatis est sacrilega, quia per tale votum dumtaxat persona ex ordinatione, & acceptatione Ecclesiæ Deo specialiter dicatur anima, & corpore: Jejunium vero, quod promittitur per votum, non dicitur res Deo dicata, sed solum promissa; unde qui violat votum jejunandi, non peccat contra virtutem Religionis, peccat tamen peccato perfidiæ contra Deum explicando in confessione, seu contra fidelitatem Deo debitam; Et idem putat Suar. dicendum de violante votum simplex castitatis. Communius tamen docent, ut diximus, omnem voti fractionem esse sacrilegam; & Sanch. lib. 7. de Matrim. disp. 27. probabiliter docet, votum simplex castitatis a voto solemnii non differre specie; Unde satis est in confessione dicere, commissum esse peccatum contra votum castitatis, vel cum habente votum castitatis, non explicando Sacerdotium, aut professionem.

VII. Ex dictis inferitur primo, Quare si Sacerdos furetur, blasphemet, &c., non sit sacrilegus? Contra vero si violet votum castitatis? Disparitas est, quia persona per votum specialiter Deo dicatur relate ad operationem, quam vovet, & ideo violando votum violatur persona sacra, quatenus sacra est: At furando, blasphemando, &c., solum læditur jus naturale, & divinum, non vero persona sacra, quatenus sacra est; aliter omnia peccata Sacerdotum essent Sacrilegia: Verum quidem est, quod Sacerdos sit sacrilegus, si in mortali celebret, vel Sacramenta suscipiat, aut conferat; id est tamen propter irreverentiam gravem, quam irrogat rebus sacris, atque adeo tale sacrilegium non est ratione personæ, sed ratione rei Sacræ.

VIII. Infertur secundo disparitas, quare percussio Clerici etiam habentis primam tonsuram, & novitii nulum habentis votum sit sacrilega; Contra fornicatio eorundem non sit sacrilega? Ratio est, quia persona etiam per primam tonsuram, & per novitium sacratu Deo, juxta institutiones Ecclesiasticas, itaut per percussione censeatur persona sacra violari: Contra tamen juxta institutiones Ecclesiasticas non censeatur per primam tonsuram, aut per novitium ita sacrari Deo persona, ut committat sacrilegium, si fornicetur. Et per hæc etiam patebit, quare effusio sanguinis, vel seminis facta in loco Sacre sit sacrilegium; non verò blasphemia, aut aliud enorme peccatum non specialiter ab Ecclesia prohibitum, si in loco Sacro committatur.

IX. Quæritur tertio; Quænam loca dicantur Sacra, & quomodo violentur?

Respondeo, nomine loci Sacri, quoad hunc effectum constituendi sacrilegium peccatum in eo commissum, venire solum Ecclesias, Cæmeteria, Monasteria, Hospitalia, & Oratoria auctoritate Episcopi approbata, in quibus tam sacrificium Missæ, quam alia divina officia celebrantur.

X. Notandum tamen, quod nomen Ecclesiæ in favorabilibus, seu relate ad effectum gaudendi immunitate, importet etiam Ecclesiæ fabricam, parietes, turres, tectum, januam, scalias, atrium, claustrum, & ambitum exteriorem: in odiosis tamen, seu relate ad effectum constituendi, verbi gratia, furtum sacrilegium, nomen Ecclesiæ importat solum Ecclesiam cum suis cappellis, & cæmeterio, ut notat Sanch. lib. 9. de Matrim. disp. 15. num. 23.

XI. Violatur autem locus sacer per illas tantum actiones, quæ jure Canonico intuitu Religionis in locis Sacris

prohibentur:

Primo itaque committitur sacrilegium per violationem loci sacri, quoties injuriose effunditur in loco Sacro sanguis, vel semen, juxta explicanda in de Matrimonio. Ubi notat Tambur. lib. 2. Meth. Confess. cap. 6., hujusmodi delicta, ut sint sacrilega, debere esse publica, & notoria; quia intantum committitur Sacrilegium, inquantum polluitur Ecclesia, & indiget reconciliatione; sed non polluitur Ecclesia per hæc delicta, nisi sint publica, & notoria; ergo si sint occulta, non sunt sacrilega. Ita Pont., Vasq. contra Suar., Sanch., Bonac., qui putant esse sacrilega, etiam si sint occulta.

Secundo, si locus sacer destruat, spoliatur, incendatur, &c.

Tertio, per Sepulturam vel excommunicati vitandi, vel non baptizati, etiam si infantis, modo parentes saltem fideles non sint, ex Sayr.

Quarto, per extractionem violentam personæ a loco Sacro.

Quinto, si in Ecclesia turpes ludi exercentur.

Sexto ex Suar. apud Trull., si in Ecclesia fiant mercatus, deambulationes, conclamationes, secularia concilia, convivia, strepitus judiciorum secularium, (non tamen Ecclesiasticorum, quæ præsumunt pietatem concernere) & alia hujusmodi, quæ divinum cultum impediunt; Quamvis ex D. Th. in necessitate ea liceant aliquando, verbi gratia, ob multam pluviam, ob solis æstum, si alius locus opportunus ad se recipiendum absit; dummodo a strepitu, & immodesta computatione absteineatur; Immo nec videtur grave peccatum aliqua particularis comestio moderata, & honesta in loco Sacro facta sine necessitate, dummodo fiat sine tumultu, clamore, & scandalo, ut dicitur de deambulationibus, & parlamenti-

mentis, quia non videtur gravis injuria irrogari sanctitati loci.

XII. Septimo, Sacrilegium ratione loci sacri committitur per furtum rei etiam profanæ ibi commissum: Etenim ex cap. *Quisquis invenit* 17. *quæst.* 4. sacrilegium est non solum furtum Sacri de Sacro, & Sacri de non Sacro, sed etiam non sacri de sacro, seu rei profanæ de loco sacro. Notat tamen Tambur. lib. 2. Methodi Confess. cap. 8. cum Lug., Pal., Azor. contra Suar. Vasq., Laym., Bonac. non esse sacrilegium quodlibet furtum rei profanæ, seu non sacre in Ecclesia commissum, sed solum quando res non sacra est in Ecclesia custodiæ, aut securitatis causa, vel est Ecclesiæ commodata, itaut Ecclesia de re illa teneatur; quia tunc aliquo modo ad Ecclesiam pertinet. Unde non committit Sacrilegium, qui crumenam divitius in Ecclesia furatur, aut gladium parochi, quem parochus possidet nomine suo, non Ecclesiæ: Committit vero (ut communiter docent contra Fagund. in secundum præceptum Ecclesiæ lib. 2. cap. 5. num. 21.) duplex specie sacrilegium, reale scilicet, & locale, qui rem sacram de loco sacro furatur, verbi gratia calicem in Ecclesia, vel in Cæmeterio, aut in Sepultura sub Ecclesia, quæ etiam venit nomine loci sacri.

XIII. Dubium tamen est; An sit sacrilegium locale, si quis furetur aliquid e Sacristia?

Sanch. loc. cit. num. 31. contra aliquos Neotericos. putat, nomine loci sacri non venire Sacristiam, quia est extra Ecclesiam. Illud certum est, non esse sacrilegium locale furari aliquid in Claustris Religiosorum, quamvis gaudeant immunitate; Immo nec in Oratorio domus privatæ, in quodæ licentia Episcopi celebratur; quia hujusmodi Oratorio privata non veniunt nomine loci sacri, ne in favo-

rabilibus quidem; cum non gaudeant immunitate; possunt enim ad nutum fundatoris in profanos usus converti. Demum de Oratoriis Xenodochiorum, & Eremitiorum, quæ auctoritate Episcopi sunt erecta, sed non sunt benedicta, aut consecrata, dubium est apud Doctores, an veniant nomine loci sacri? Sanch. num. 39. affirmat, quia ad profanos usus converti nequeunt, & gaudent immunitate, quamvis in eis divina officia non celebrentur.

XIV. Quaritur quarto; Quid veniat nomine rei sacre, per cuius violationem committitur Sacrilegium?

Respondeo, venire, Primo. Sacramenta. Secundo. Vasa sacra, quæ sunt instrumenta rebus sacris administrandis, necnon imagines Sacras, & Reliquias Sanctorum, ad quæ reducuntur verba sacra. Tertio. ornamenta Ecclesiæ, vel Ministrorum; quæ scilicet per specialem benedictionem, vel consecrationem divino cultui deputantur, unde horum omnium profanatio, vel furtum est sacrilegium; Sicut etiam destructio irreligiosa templi, ejusque profanatio, vel abusus ad choreas, ad obscenas comædias, &c., necnon abusus Sacramentalium, puta aquæ lustralis, vel candelæ, aut rami benedicti. Quarto demum nomine rei sacre veniunt bona Ecclesiæ, decimæ, primitiæ, &c. quia hæc suo modo sacra sunt, & ad cultum Dei deputantur, quatenus destinantur sustentationi eorum, qui Dei cultui inserviunt, unde eorum pariter furtum sacrilegium est.

Contra vero, nec tempus, nec locus veniunt nomine rei sacre, quamvis divino cultui specialiter dicentur; unde peccans die festo, aut hebdomada Sancta, vel peccans in Ecclesia non committit ex hoc capite sacrilegium; eo quod non est specialiter prohibitum intuitu Religionis peccatum

tum tali tempore, vel tali loco: Effet solum sacrilegium ratione temporis sacri, si dies festi violentur operibus servilibus, & aliis prohibitis, ut notat Trull. ex Lefis.

XV. Est etiam sacrilegium ratione loci, si quis, verbi gratia, concupiscat copulam habendam in Ecclesia; quamvis non sit sacrilegium concupiscere in Ecclesia copulam habendam extra Ecclesiam. Et ratio disparitatis est, quia in primo casu objectum actus interni est sacrilegium; in secundo casu circumstantia loci non fert secum speciem sacrilegii. Ita Doctores communis; Quamvis Suar. tom. 1. de Relig. lib. 3. cap. 7. putet, non solum pollutionem occultam, sed etiam tactus impudicos habere specialem malitiam in confessione aperendam, si in Ecclesia committantur, non quidem ex ullo præcepto Ecclesiæ, sed ex vi legis naturalis prohibentis fieri in Ecclesia actus turpes ob reverentiam loci sacri.

XVI. Ex dictis sequitur, sacrilegium reale esse suscipere, vel administrare Sacramenta in mortali. Secundo, abuti sacris vasibus, puta uti calice consecrato ad bibendum. Tertio, abuti sacris verbis ad superstitiones, ad facetias, ad amatoria, ad stabiliendas hæreses. Quarto, Sacrilega est omnis irreverentia, quæ committitur in recitando divino officio, vel in sacris caeremoniis obeundis, quamvis sæpe a Sacrilegio lethali ex materiæ parvitate irreverentia isthæc excusetur. Quando tamen Sacerdos (quod utinam nunquam accidat) ut brevi Missam absolvat, notabiliter obtruncat verba, & caeremonias confundit, irreverentia certe non est levis, nec sacrilegium veniale. Quinto, male habere imagines, & reliquias, puta illas inhoneste pingendo, vel istas dispergendo, ne colantur. Sexto, invasio bonorum, vel iurium

Ecclesiasticorum, retentio legatorum Ecclesiæ, &c.

## ARTICULUS II.

### De Blasphemia.

- I. Blasphemia proprie solis verbis, non vero factis contumeliosis exhibetur contra Deum, aut Sanctos, sive mente, sive ore, sive scripto.
- II. Non datur materia parvitas in blasphemia, etiamsi joci gratia proferatur.
- III. Ex consuetudine sine plena advertentia blasphemare non vacat culpa lethali.
- IV. Blasphemia hereticalis continet hæresim, seu quod articulo fidei directe opponitur; secus vero Blasphemia simplex. Hereticalis aut tollit a Deo quod habet, aut per contumeliam tribuit Deo, quod non habet.
- V. Simplex Blasphemia est quadruplicis generis, Enunciativa, Deresiativa, Irrisoria, & Juratoria.
- VI. Probabiliter non differunt specie Blasphemia in Deum, & Blasphemia in Beata Virginem, & in Sanctos; nisi proferantur in Sanctos ob propriam eorum excellentiam.
- VII. Qui maledicis creaturis, inquantum Creatura Dei sunt, profecto blasphematur, sicut qui rebus sacris maledicis: Quid si quis creaturis irrationabilibus maledicat? Et quid si tempori, pluvia, venis?
- VIII. Disentiuntur plures formulae, quæ frequenter usurpantur, num sint Blasphemia.
- IX. Quid de formula illa conditionata, Deum abnego, si res non ita se habet? Quid de illa, Per viam Dei? aut de illa alia, Corpo di Dio con voi?

X. In

X. *In dubio, an formula aliqua sit Blasphemia, non est talis censenda.*

XI. *Blasphemi denuntiandi sunt (si Blasphemia sit hæreticalis) intra sex dies a noticia, sub pena Excommunicationis lata sententia.*

I. **B**lasphemia est convicium, seu verbum contumeliosum, quod jacitur contra Deum, aut Sanctos, sive mente, sive ore, sive scripto proferatur. Ita communiter. Putant tamen nonnulli, etiam factis, vel signis posse blasphemiam committi, puta conculcando imagines, infrendendo dentibus in Deum, expuendo in cœlum; sed hoc negat Bonac. ex Suar. & Lefs.; quia blasphemia opponitur laudi Dei, quæ solis verbis mente, vel ore, vel scripto exhibetur; unde blasphemia in solis verbis, non in factis proprie consistit.

II. Hinc sequitur primo, blasphemiam opponi virtuti Religionis; quia hæc divinum honorem, & laudem tuetur, quam blasphemus offendit derogando illi, vel diminuendo.

Sequitur secundo, peccatum hoc ex genere suo esse mortale, & solum ratione inadvertentiæ posse esse veniale, non vero ex levitate materiæ, puta ratione levitatis, & joci. Ratio est, quia nulla respectu Dei dari potest levis contumelia, & gravis est ex se deordinatio, etiam per jocum blasphemare, ac Deum inhonorare. Putat quidem Villalob. apud Trull. cum Dian. part. 5. tract. 5. resol. 3. probabiliter in hoc dari posse parvitatem materiæ, ut si quis velit facetiam confirmare verbis Sacræ Scripturæ. Sed communiter rejicitur, quia vel hoc fit sine contemptu, & est sacrilegium veniale, non blasphemia; vel fit cum contemptu, & est blasphemia mortalis, quia est gravis irreverentia.

III. Hinc etiam fit, quod qui ex

habitu, & consuetudinē sine plena advertentia ad Dei inhonationem solet blasphemare, teneatur sub mortali conari ad talem habitum evellendum; tum quia aliter est in morali periculo, & proxima occasione blasphemandi: tum etiam quia gravis deordinatio est Deum sic inhonorare.

IV. Quæritur nunc primo; Quotuplex sit blasphemia?

Respondet, aliam esse simplicem, aliam hæreticalem. Hæreticalis dicitur, quæ continet hæresim, seu quæ alicui articulo Fidei directe oppositur, ut, Abnego Deum, Abnego crucem Christi, Beatam Virginem, Deus est injustus, dæmon est omnipotens. In quibus casibus blasphemus, si credat, quod ore profert, erit pariter hæreticus, & ut talis judicandus; secus vero si id non credat, cum non habeat errorem circa fidem. Simplex vero blasphemia dicitur illa, quæ errorem circa fidem non continet, ut solent esse, quæ dicuntur per modum optandi, imperandi, imprecandi, &c. verbi gratia, Maledictus Deus, displiceat Deo, quod vulgo dicitur, A dispetto di Dio; vel si quis irreverenter nomet membra Christi Domini, vel pudenda Sanctorum, ut notant Suar., Sanch. apud Trull., quia sic intendit facere illos contemptibiles propter tales partes naturales.

Sequitur ex dictis primo, duobus præsertim modis blasphemari, vel scilicet tribuendo Deo per contumeliam id, quod non habet, eique repugnat, ut appellando Deum injustum, crudelem, &c.; vel tollendo a Deo id, quod habet, & illi essentialiter convenit, ut dicendo, non habere providentiam, omnipotentiam, dæmonem esse omnipotentem, &c.

Sequitur secundo, blasphemiam esse detestari divina, vel Deum maledicere, illique mala imprecari. Ratio est,

est, quia tribuitur Deo id. quod non habet, eique repugnat, ut si dicatur, Maledictus sit Deus, Pereat. Velit nolit, hoc erit, &c.; Vel si quis juret per vitam, aut per caput Dei, aut Sanctorum, quia ex Azor. sensus est, quod Deus, aut Sancti amittant vitam, si res non ita est.

Sequitur tertio, blasphemiam esse exprobrare Deo ea, quæ habet, seu tribuendo illi ea, quæ habet, sed irreverenter, ut jurare per corpus, aut sanguinem Dei ex indignatione; sicut etiam jurare per falsos Deos: Seclusa tamen indignatione contra Deum, & contemptu, non est blasphemia jurare per corpus Dei, scilicet Christi Domini.

Sequitur quarto, esse blasphemiam ea, quæ sunt propria Dei communicare creaturæ, ut vocare dæmoneni omnipotentem, feminam amaram vocare Deam; aut jurare per falsos Deos, cum sic tribuatur illis infallibilis veritas, quæ soli Deo convenit.

Sequitur quinto, esse blasphemiam dicere, Pereat, qui me sustentat, intelligendo Deum; sicut etiam dicere, Perdat te sanguis Christi, Occidat illum Sanctus Franciscus; Sanguis enim Christi Domini, & Sancti ad salvandum nos, non ad perdendum sunt parati; unde magna afficiuntur contumelia per talem formulam, ut notat Laym. apud Tambur.

V. Sequitur ultimo, blasphemiam simplicem, seu non hæreticalem esse quadruplicis generis: nam vel est Enimciativa, ut Ad injuriam Dei hoc faciam; vel Detestativa, ut, Pereat Deus, Maledictus sit Deus, Displiceat Deo; vel Irrisoria, ut Vah qui destruis templum Dei; vel Juratoria, ut Pereat Deus, si ita non est, vel si hoc non erit.

VI. Quæritur secundo; An differant inter se specie blasphemie in Deum,

Parti II,

in Beatam Virginem, & in Sanctos?

Respondco, Saur., Sanch., & alios apud Tambur. in Methodo Confessionis lib. 2. cap. 3., probabilius putare, quod specie differant, quia blasphemia in sanctos præter propriam malitiam blasphemie, habet etiam malitiam contra Duliam, (quæ est honor specialis debitus Sanctis) sicut blasphemia contra Beatam Virginem continet malitiam contra Hyperduliam: Etenim per blasphemiam in Sanctos non solum Deus, sed etiam ipse Sanctus injuria afficitur; Econtra per Blasphemiam in Deum soli Deo irrogatur injuria; ergo blasphemie in Deum, & in Sanctos differunt specie.

Sed probabile etiam est, quod docet Azor., & alii apud Dian. part. 1. tract. de Circumst. resol. 50. non differre specie; sicut non differunt specie juramentum per Deum, & juramentum per Sanctos. Ratio est, quia cum omnes communiter honorent Sanctos non ob præcisam eorum propriam excellentiam, sed quatenus ad Deum ordinantur, ideo nec illos injuria afficiunt, nisi quatenus ad Deum referuntur; Unde ab uno Deo omnes blasphemie specificantur. Quare juxta hanc sententiam satis est in confessione dicere, Blasphemavi, non explicando an contra Deum, vel contra Sanctos, aut alias creaturas verbum contumeliosum sit prolatum, nisi forte alicubi sola blasphemia contra Deum esset reservata.

Quamvis quando blasphemia fuerit hæreticalis, debeat exprimi hæc nova species peccati; sicut etiam si blasphemia ex odio formali Dei, vel ex desperatione proferatur. Verum si proferatur in Sanctos ob propriam eorum excellentiam, & non quatenus ad Deum referuntur, debet in confessione id exprimi, quia tale peccatum est contra virtutem Duliz, non Religionis.

VII. Quæritur tertio, Utrum com-

M mit.

mittatur blasphemia non solum conviciando Sanctos, sed etiam maledicendo aliis creaturis?

Respondeo cum Bonac., & Less. cap. 45. dub. 5., puram maledictionem creaturarum sine ordine ad Deum non esse proprie blasphemiam, (quamvis sit peccatum mortale contra charitatem, si conjungatur cum desiderio notabilis damni; sit vero solum veniale, si tantum ex passionis, & iracundiæ impetu imprecemur alicui grave damnum) Est autem blasphemia maledicere creaturis, ut creaturæ Dei sunt, seu per ordinem ad Deum; sicut etiam blasphemando res sacras; quia per hujusmodi maledictionem tribuitur per contumeliam Deo id, quod non habet, eique repugnat, aut tollitur a Deo, quod essentialiter habet; cum talis maledictio redundet in Deum auctorem creaturarum. Sicut enim Deus in creaturis honoratur, ita inhonorari potest per maledictionem creaturarum, inquantum creaturæ Dei sunt, aut per blasphemiam rerum sacrarum.

Hinc sequitur, ut notant Sayr., & Suar., committi blasphemiam spernendo Sanctos; nam sicut in Sanctis laudatur Deus, ita in illis potest Deus contumelia affici, & blasphemari; & ideo diximus, blasphemiam in Sanctos, aut in alias creaturas non differre specie a blasphemia in Deum. Denum maledicere creaturis irrationabilibus secundum se non est mortale; immo potest nec esse veniale; si enim possumus illas occidere, quidni, & malum imprecari? Si tamen creaturæ irrationales considerantur, inquantum sunt hominis, esset mortale illis maledicere; non secus ac maledicere ipsi homini, ut si quis velit arborem incendi, equum occidi ex odio hominis. Si vero maledicatur tempus pluvia, ventus, &c., quatenus illis Deus utitur ad nos pu-

niendos, esset profecto blasphemia: Quod si non sit indignatio contra Deum, sed contra creaturas, non erit blasphemia; ut si dicatur, Maledicta hora qua mei parentes me genuerunt, hæc enim indignatio est contra parentes, atque adeo est peccatum contra pietatem, leve, vel grave, prout leviter, vel graviter læditur observantia erga illos.

VIII. Quæritur quarto, Quanam formulæ usurpari solitæ nullam contineant blasphemiam, quanam vero dubium est, an contineant; & quomodo istæ interpretandæ?

Respondeo, non reputari a Doctoribus blasphemiam, Primo, si dicatur, Hoc est verum, sicut est verum evangelium; vel; sicut est verus Deus; quia communiter volumus per hæc verba indicare similitudinem quandam, quod sicut unum est verum, ita & aliud. Esset vero blasphemia, si vellemus veritatem creatam defectibilem cum divina indefectibili æquiparare. Secundo, quando dicitur, Po far di di Dio, Potenza di Dio; Hæc enim verba solum important quoddam signum admirationis contra rem, quæ inopinato accidit. Tertio, Pejerans non est blasphemus, cum nihil tribuat, aut tollat a Deo in ejus convicium; nam pejerans non petit, ut Deus firmet falsitatem, ut censet Pal. tom. 3. disp. 2. punct. 2. §. 3., sed enunciative tantum profert cum temeritate illud falsum a Deo confirmari, non optative. Quarto, non est blasphemia dicere, sic tandem fato futurum erat, si non intelligatur fatum Gentilium fatuorum, sed sola necessitas talis eventus consequens ad Dei prævisionem.

Dubium tamen est primo, An qui nolens dicere blasphemiam hanc. (Santo diavolo) dicat, Santo dia, vel Santo diammant, etiam blasphemet? Respondendum tamen, quod si animo nolit diabolo sanctitatem appingere, vere

vere non blasphemet, ut Tambur. cum doctis viris ab ipso consultis censet; quia idcirco dicit, dia, vel, diammant, ne blasphemiam proferat. Idem dicendum contra Bonac. de eo, qui diceret, nego Di, quia non vult dicere, Dio; quamvis in tali formula scandalum facilius adsit.

IX. Dubium est secundo de blasphemia conditionata, verbi gratia, Renego Deum, si ita res non est, Deus est injustus, si te non occiderit &c., Sanch. & Pal. putant has esse blasphemias; Quod tamen negant Sal., & Tambur., quia non videtur fieri sensus, quod fides in Deum, vel iustitia Dei pendeat a veritate rei creatæ, aut a futuro eventu, quod fane esset blasphemia; sed sensus videtur esse, quod sicut certum mihi est ex Dei gratia nunquam me Deum renegaturum, ita certum est, quod assero; & sicut certum est, Deum non esse injustum, ita certum mihi est te esse occidendum, per similitudinem quandam, non per æquiparantiam, ut diximus de illa formula, Hoc est verum, sicut est verus Deus: nec est sensus, ut putat Pal., quod Deum renegaturus sim, si res ita non sit, aut quod Deus erit injustus, si non occideris.

Dubitatur tertio; an sit blasphemia dicere, Per vitam Dei, vel Sanctorum? Affirmat Decian., qui putat ejus sensum esse, amittant Deus, vel Sancti vitam, si res ita non est; Sed communiter cum Sanch. negant; quia sensus est, Sicut Deus vitam habet, ita verum est, quod dico.

Dubitatur ultimo; An sit blasphemia dicere ex indignatione contra hominem, vel jumenta (Corpo di Dio con voi, Ah Sangue di Dio?) Communiter negant, quia tota indignatio est in creaturas, & nihil Deo tribuitur, vel tollitur per convicium; Est tamen peccatum veniale irreligiosita-

tis contra secundum præceptum Decalogi, ut notat Laym., quando solum indignatio fertur in creaturas; Quod si indignatio ferretur etiam in Deum, esset profecto blasphemia, quia in actu exercito significaretur, Deum esse dignum nostra indignatione.

X. Regula generalis est, ex Bonac., Pal., Tambur., quod quoties aliqua verba sumi possunt in utramque partem, pro blasphemia scilicet, & non blasphemia, non sint sumenda pro blasphemia; quia in dubio non sunt accipienda, ut sonent delictum, cum delictum non præsumatur, nisi clare constet.

XI. Quæritur ultimo; An blasphemii sint corrigendi, & denunciandi?

Respondet, audientem blasphemum ex præcepto naturali teneri illos corrigere, si possit absque gravi incommodo, & sit spes fructus; quamvis non expediat id fieri, dum blasphemii sunt in ira, quia magis irritarentur. Tenetur etiam audiens denunciare blasphemias hæreticales Inquisitoribus, vel Ordinario; blasphemias vero simplices judici sive Ecclesiastico, sive Sæculari, cum sint mixti fori, ex decretis Pii I., & Julii III.; Quamvis hæc decreta relate ad blasphemias simplices propter desuetudinem non videantur obligare, ut notat Pal.: Blasphemii vero hæreticales intra sex dies a die notitiæ denunciandi sunt sub pœna excommunicationis latæ sententiæ impositæ in Edicto Sanctæ Inquisitionis.

## ARTICULUS III.

### De Tentatione Dei.

*I. Tentatio secundum se alia est Probationis, alia Inductionis. Ad primum genus spectat tentatio Dei, quippe quæ est Probatio alicujus divini Atributi modis indebitis.*

M 2 II.



*II. Expressa Dei tentatio habetur, si directe intenditur experimentum de aliqua Dei perfectione. Tacita vero habetur, quando sine tali expressa intentione aliquid ad id ordinatur.*

*III. Tentatio Dei ex genere suo est peccatum leibale; cum gravem irreverentiam erga Deum importet.*

*IV. In lege veteri præcipiebantur a Deo nonnullæ purgationes, itant miraculis innocentia alicujus detegeretur; At in nova lege prohibentur.*

*V. Tentat Deum, qui miraculum ab eo petit citra necessitatem, aut Dei impulsu; Sicut etiam qui ex curiositate vult experiri opus aliquod supernaturale.*

*VI. Poterit aliquando Tentatio Dei a mortali excusari, si aut desit plena deliberatio, aut detur materia parvitas.*

**T**entatio in genere dividitur in tentationem Probationis, & Inductionis. Tentatio probationis est dictum, vel factum ad capiendam experientiam, verbi gratia, ad explorandam alicujus probitatem, scientiam, potentiam, veracitatem, &c. Tentatio inductionis est ipsa provocatio, seu inductio ad malum: Quare primo genere tentationis dicitur Deus tentasse Abraham, Tobiam, Job, & alios Sanctos, ut eorum virtutes manifestaret. Secundo vero genere tentationis tentant nos diabolus, & concupiscentia; unde Jacobus 1. dicitur, *Deus intentator malorum est, ipse autem neminem tentat; Unusquisque vero tentatur a concupiscentia sua.*

Tentatio Dei sumitur juxta primam significationem; unde definitur a D. Th. 2. 2. quæst. 97., quod sit probatio, seu experientia alicujus divini attributi ( puta scientiæ, potentiæ, bonitatis, aut divini voluntatis ) in-

debitis modis. Quare Tentatio Dei est actus contra Religionem, ut docent D. Th., Suar., Bonac.; quia importat irreverentiam contra Deum velle de ipsius perfectionibus experimentum capere indebitis modis, hoc est absque justa causa, relictis mediis a Deo institutis; Ut si imperitus vellet absque justa causa concionari nulla prævia præparatione, sperans a Deo suggerenda sibi verba ad rem. Aliqui vero cum Azor., Reginad. lib. 2. cap. 34. putant, tentationem Dei opponi virtuti Spei, quia tentans Deum sperat aliquid a Deo modo indebito; non dicitur tamen sperari aliquid modo indebito, quando ex inspiratione, vel impulsu Dei speratur aliquid per media extraordinaria; ut fecit Gedeon Judicum 16., Elias 3. Regum 18., Abraham Genes. 15., atque adeo isti non tentavere Deum, sed ejus se voluntati conformant.

II. Dividitur Tentatio Dei in Expressam, & Tacitam, seu Interpretativam. Expressa dicitur, dum aliquid fit ea intentione, ut experientia capiatur de aliqua divina perfectione; Verbi gratia, si quis petat miraculum sine necessitate ad confirmandos articulos fidei; vel si velit se præcipitem agere de turri, ut experiatur, an a Deo adjuvetur. Tacita vero dicitur, quando aliquid fit sine tali expressa intentione capiendi experimentum de perfectionibus divinis; Nihilominus quod fit, vel dicitur, ad nihil aliud ordinatur, quam ad capiendum tale experimentum; Ut si quis velit ad imitationem Christi Domini abstinere ab omni cibo toto tempore quadragesimali; aut si omisissis scalis velit e turri descendere, sperans se a Deo incolumem servandum; Vel si prætermisissis mediis naturalibus vellet sola oratione bona temporalia obtinere; aut si ægrotus curari vellet nullo adhibito remedio naturali. Verum si aliquando du-

ductis necessitate nil illis remanet, nisi Deum exorare, non est hoc tentare Deum; nam Paralipomenon 2. dicitur: *Cum ignoramus quid agere debeamus, hoc solum habemus residui, ne oculos nostros dirigamus ad te.*

III. Quæritur nunc; An tentatio Dei ex genere suo sit peccatum mortale?

Respondeo affirmative cum communi; Est enim contemptus, & gravis irreverentia erga Deum, vel quia conjungitur cum dubitatione de ejus perfectionibus, & sic continet etiam infidelitatem; vel quia importat indebitam, & præsumptivam divinæ voluntatis investigationem per media ipsius providentiæ repugnantia.

Quare committitur peccatum mortale Tentationis Dei in sequentibus casibus. Primo, quando experimentum conjungitur cum manifesto periculo gravis damni; ut si quis gravi morbo laborans respuat medicinas, sperans a Deo sanitatem; vel quando quis duellum acceptat ad ostendendam suam innocentiam, putans a Deo servandum in signum suæ innocentiz, ut olim erat in usu: Proinde in cap. *Mendam*, & cap. *Consulnisti*, & cap. *Monomachiam* 2. quæst. 5. prohibentur illæ probationes tunc usitatæ, scilicet ferri candentis, vel ferventis aquæ, vel duelli ad explorandam veritatem aliquam, vel innocentiam alicujus.

IV. Neque dicas, quod Numer. 3. præcipiebatur, mulierem de adulterio suspectam aquis amaris purgari; & quod Deus variis miraculis similes purgationes confirmavit, ut refert Delrio lib. 4. de Magia.

Nam responderetur, in lege veteri id Deum expresse voluisse, & præ-

cepisse; in legē autem nova tale præceptum cæremoniale cessasse: Unde nunc tale experimentum non est licitum. Deinde verum est aliquando Deum confirmasse miraculis similes purgationes, sed id accidit, vel quando ex divino instinctu nonnulli ad id compulsi sunt, vel quia, ut notant Suar., & Sanch., quavis homines tunc peccarint peccato tentationis Dei, voluit Deus miraculis vel confundere calumniatores, vel favere innocentiz eorum, qui calumniam patiebantur.

V. Secundo, est peccatum mortale tentationis Dei, quando experimentum conjungitur cum scandalo; ut quando quis publice petit miraculum absque necessitate, aut impulsu Dei speciali ad confirmandam fidem.

Tertio, quando fit experimentum ad videndum aliquod opus supernaturale ex curiositate; tunc enim agitur cum Deo tauquam cum curiosorum fautore, & consequenter magna illi irrogatur injuria, ut notant Less., & Suar.

VI. In duobus tamen casibus peccatum tentationis Dei poterit esse veniale. Primo, si non intercedat plena deliberatio; quod habetur in qualibet materia peccaminosa. Secundo, si detur materiæ parvitas, verbi gratia, si quis levi morbo affectus vane speret a Deo sanitatem, relictis mediis naturalibus: Quod si renuat medicinam, non quia vane sperat a Deo sanitatem, sed quia vult imitari Christum Dominum patientem, aut carnem domare, non dicitur tentare Deum, dummodo probabile mortis periculum non incurrat.

# Q U Æ S T I O VII.

## De Secundo Decalogi Præcepto

*Non assumendi in Vanum Dei Nomen.*

**P**rogredimur ad explicandum secundum Decalogi præceptum, quod habetur Exod. 20. his verbis: *Non assumes nomen Dei tui in vanum.* Et sensus est, non jurandum esse usurpando Dei nomen in vanum, hoc est, Primo, pro re inani, futili, & nullius momenti. Secundo, in vanum, hoc est sine necessitate. Tertio, in vanum, hoc est mendaciter: Dicitur etiam in vanum nomen Dei usurpare, qui male vovet; ideo hic de juramento simul, & de voto agendum, ac de eorum contrariis, videlicet de Perjurio, Adjuratione, & Perfidia. Incipientes autem a juramento inquiremus Primo, Quid, & quotuplex sit juramentum? Secundo, Quænam sint conditiones requisitæ ad jurandum? Tertio, de Materia juramenti. Quarto de juramenti obligatione. Quinto, Quomodo celebriora quædam juramenta interpretanda sint? Sexto, Quomodo tollatur juramenti obligatio? Septimo, de Perjurio, & de assuetu ad jurandum. Demum, de Adjuratione. In quæstione deinde sequenti disputabimus de Voto.

### ARTICULUS I.

Quid, & Quotuplex sit Juramentum?

*I. Juramentum est Divini testimonii invocatio ad fidem faciendam; seu Invocatio Dei in testem. Invocatur autem Deus in testem vel explicite, vel implicite; ut quando juratur per Creaturas, quatenus in iis Deus relucet.*

*II. Juramentum fieri potest verbo, num, facto, scriptura, & mentaliter.*

*III. Jurans per falsos Deos vere non jurat.*

*IV. Num sint juratoria hæc verba, Per fidem meam, Per conscientiam meam, Per fidem boni Christiani, Sacerdotis, &c.*

*V. In dubio num formula sit juratoria, quid in foro externo judicandum, & quid in interno?*

*VI. Jurans per suam barbam, vestem,*

*aut alias res viles, in quibus divinitas specialiter non relucet, vere non jurat.*

*VII. Quid si quis usurpet formulas juratorias, nesciat tamen, quid sit juramentum, ne pueri, rudes, & muliercula? Quomodo Confessarii cum istis se gerere debent?*

*VIII. Hæc verba, Coram Deo loquor, Deus videt meam conscientiam, enunciative prolata non sunt juramentum; secus vero prolata invocative.*

*IX. Rustici passim dicentes, Per Deum, Per Corpus Christi, raro jurant, sed vel blasphemant, si adversus Deum indignentur, vel peccant contra charitatem, si adversus homines indignentur.*

*X. Jurans, Per hanc Crucem, nullam signando Crucem, vere non jurat.*

*XI. Juramentum aliud Assertorium, aliud Promissorium, quod vel est*

*Ab.*

*Absolutum, vel Conditionatum, vel Pœnale.*

*XII. Per Juramentum Invocatorium, seu Constativum Deus invocatur ut testis; Per Execratorium, seu Imprecativum invocatur etiam ut Vindex: Omnia autem juramenta censentur esse ejusdem speciei.*

*XIII. Juramentum Comminatorium (pœna, Per Deum te occidam) vel reduciitur ad Promissorium, vel ad Execratorium.*

**Q**uæritur primo; Quid sit Juramentum?

Respondeo ex D. Th. 2. 2. quæst. 89. cap. 1. Juramentum derivari a jure, quia instar juris, ac legis habendum est; Diciturque etiam Sacramentum, eo quod sit actus Religionis, & rei sacræ attestatio; Quare definitur, quod sit *Divini testimonii invocatio ad fidem faciendam*; Et brevius, quod sit *Invocatio Dei in testem*: Quare duo ad juramentum requiruntur, & quod Deus invocetur, & quod invocetur in testem. Aliquando tamen Deus explicite invocatur, ut quando juratur per ipsum creatorem; Verbi gratia quando dicitur, Testis est mihi Deus, Vidit Dominus, Facio Deum testem, Sic me Deus adjuvet, Invoco Trinitatem, Per Christum, &c.; Aliquando invocatur implicite, ut quando juratur per creaturas, quatenus in ipsis relucet divinitas, dicendo, verbi gratia, Per Sanctos, Per Evangelia, Per cælum, &c.: Nec differt specie hoc duplex genus juramenti, ut communiter docent Doctores, quia per utrumque idem divinum testimonium invocatur.

II. Præterea Juramentum fieri potest non solum verbo, sed etiam nutu, ut si tibi dicatur, An juras per Deum? & tu annuas; Necnon facto, ut si alicui deferatur liber Evangeliorum ad jurandum, & is illum tangat; Vel si

subscribat scripturæ jusjurandum continenti; Ac demum sola mente; Unde juramentum promissorium sola mente factum obligat ex virtute Religionis, quamvis non obliget ex virtute justitiæ, nisi illud per signum externum constet parti acceptanti, juxta dicenda in de contractibus.

III. Ex dictis sequitur primo, jurantem per falsos Deos vere non jurare; quia non invocatur verum Deum in testem; Quare solum ex conscientia erronea poterit obligari vi talis juramenti, quatenus putat se vere jurasse; quod si talem errorem deponat, nullatenus tenetur vi talis juramenti, nisi forte nomine Jovis, verbi gratia, voluisset verum Deum insipienter invocare.

Sequitur secundo, Jurantem, Per hæc Evangelia, si putet illum librum esse Evangeliorum, cum tamen non sit, vere obligari vi juramenti; quia vere intendit jurare per Evangelia.

IV. Sequitur tertio, Jurantem, Per fidem suam, fide boni Christiani, aut Sacerdotis, per conscientiam suam, in Veritate, &c., si intendat per ea verba jurare, hoc est Deum in testem vocare, verum juramentum efficere, ut docet Sanch. lib. 3. cap. 2.; Sicut etiam si per fidem intelligat fidem catholicam. Quod si is intendat solum propriam fidem, & conscientiam, vel veritatem humanam invocare in testem, tunc profecto non juravit: Et sane Bonac. cum Sanch., Lessi. putat hujusmodi formulas non adhiberi ad jurandum.

V. In dubio tamen, an adhibueris ad jurandum quæcumque verba protuleris; sicut etiam in dubio, an habueris animum te obligandi, & in dubio an tua verba invocationem Dei (quæ est de essentia juramenti) saltem tacite contineant, in foro externo standum pro communi verborum acceptance; in foro interno judicari potest

re non juraſſe, juxta probabilem ſententiam : Sicut in dubio ſimilis voti cenſendum eſt te non voviſſe, ut probabiliter putat Tambur. lib. 1. cap. 3. §. 7. V. *Poisum*, Caram., & De Leon. contra Sanch.

VI. Sequitur quarto, jurantem, per ſuam barbam, per equum, per veſtem, &c., nec jurare; quia non cenſetur invocari Deus invocando tales viles creaturas; Contra vero ſi invocentur creaturæ, in quibus ſpecialiter relucet divinitas; ut quando per Crucem, per reliquias, per lucem, per ſolem, per animam, per vitam, per ſalutem, per imagines juratur. Quod ſi adducatur in teſtem creatura aliqua, expreſſo nomine Dei in obliquo, ut Per aerem Dei, per ignem Dei, &c., ſemper habetur juramentum. Quare tribus modis adduci poteſt creatura in teſtem. Primo, inquantum illa eſt teſtis inſallibilis veritatis; & ſic eſt blaſphemia. Secundo, inquantum relucet in illa ſpecialiter Deus; & ſic eſt juramentum. Tertio, ſecundum dignitatem, quam habet in ſe, non vero per ordinem ad Deum; ut per meam conſcientiam, fide boni Sacerdotis, & ſic non eſt juramentum.

VII. Sequitur quinto, quod ſi quis uſurpando formulas juratorias velit jurare, nesciat tamen, quod jurare ſit Deum in teſtem invocare, ut communiter nesciunt pueri, & mulierculæ, atque adeo id non intendens, vere non jurat. Ita Tambur. hic: Et ratio eſt, quia cum talis voluntas jurandi non dirigatur a præcognitione, qua ſciatur quid ſit juramentum, vere, & efficaciter juratoria eſſe non poteſt; Quamvis ſi velit jurare juxta modum ordinarium, quo alii jurant, implicite habet intentionem invocandi Deum in teſtem, & ſic vere jurat, quando formulæ ſunt juratoriæ: Quando tamen formulæ non ſunt juratoriæ, ſi quis intendat facere, quod alii fa-

ciunt per ſimiles formulas, neque jurat, ut patet.

Sequitur ſexto, aptam eſſe pro Confessariorum regulam allatam a Tambur., quod quando penitentes ſatentur ſe cum mendacio juraſſe per animam, per conſcientiam, per cælum, non ſint ſtatim de perjurio damnandi, ſed ſi rudes ſint, rogandi, num per ea verba intenderint vere jurare, & Deum invocare, vel ſe juxta conſuetudinem graviter obligare, an vero ea verba protulerint materialiter, aut non intendendo poſitive Deum implorare ut teſtem, aut præſcindendo ab imploratione, vel non imploratione Dei; Si enim poſitive noluerunt implorare Deum, peccarunt quidem jurando ſine animo jurandi; per hoc autem non peccarunt peccato perjurii, & forteſſe aliquando ſive ex inadvertentia, ſive ex alio capite ſolum venialiter; Si vero præſcindebant a tali invocatione, certe non jurarunt, nec pejerarunt. Verum ſi poenitentes non ſint rudes, & adhibeant juramentum, quo clare Deus invocatur, ut Per Deum, per Beatam Virginem, ſaltem in conſuſo cognoscendo invocationem Dei, tunc vere jurant; Quamvis nonnulli apprehendant tantum in his juramentis aliquam rationem mali præſcindentem a peccato mortali, & veniali; in quo caſu probabile eſt tantum veniale committi.

VIII. Sequitur ſeptimo, quod hæc verba, Coram Deo loquor, Deus ſcit, Deus videt meam conſcientiam, ſi proferantur enunciative, non ſint juramenta, ut patet; At invocative prolata ſunt juramenta; quia per illa invocatur Deus ut teſtis. Norat etiam Bonnac. ex Sanch., quod tales formulæ prolata a viris jurare ſolitis præſumenda ſint juramenta, niſi aliter conſtet de animo jurantis; quia verba præſumuntur prolata juxta conſuetudinem: Si vero proferantur in judicio,

aut

aut in causa damnum tertii respiciente, intelligendæ sunt juxta communem audientium sensum; quia jurans sic tenebatur illis uti, ne alios deciperet, vel damnificaret.

IX. Sequitur octavo, quod dicens ex ira, ut solent rustici, Per Deum, Per Corpus Christi, &c., non intendens Deum in testem adducere, vel aliquid confirmare, vere non jurat; nam potius hic intendit malum imprecari, vel iram, aut tædium patefacere, quam jurare.

Diximus autem articulo secundo quæstionis antecedentis ex Laym., in his casibus committi peccatum blasphemie, si proferantur hæc verba ex indignatione contra Deum; secus vero si ex indignatione contra creaturas; Quod si per modum juramenti proferantur, erunt peccatum Irreligiositatis contra secundum præceptum Decalogi, non tamen erunt blasphemie.

X. Sequitur nono ex Bonac., & Suar. tom. 2. de Relig. lib. 1. cap. 2., quod si quis dicat, Per hanc Crucem, & consulto nullam faciat Crucem, non jurat; quia cum nullam crucem faciat, nullam crucem adducit in testem, nec habet proinde animum jurandi, sed decipiendi.

XI. Quæritur secundo; Quotuplex sit Juramentum?

Respondeo, præter vulgares divisiones in simplex, & solemne, (quod scilicet fit coram testibus, & notario cum aliqua juris forma, & tactu Evangeliorum) in Judiciale, & Extrajudiciale, in Absolutum, & Conditionatum, dividi primo in Assertorium, & Promissorium. Assertorium est, cum Deus assumitur in testem alicujus veritatis assertæ, sive de præterito, sive de præsentis: Promissorium est, per quod juramus aliquid nos facturos, quod vel absolutum est, ut Juro me iturum Romam, vel conditionatum, verbi gratia, Si convalescam;

Part II.

vel pœnale, verbi gratia, Sub pœna solvendi centum, nisi ivero.

XII. Dividitur secundo in Invocatorium, seu Contestativum, quod scribetur fit per simplicem contestationem Dei, ut Juro per Deum; & Execratorium, seu Imprecatorium, per quod nosmetipsos, vel aliquid nobis carum divinæ ultioni subijcimus, si non sit verum, quod asserimus; Verbi gratia, Deus annihilet me, vel filios meos, si hoc non est ita. Quare per Invocatorium Deus solum invocatur ut testis; per Execratorium Deus invocatur etiam ut vindex. Proinde dubium est apud Doctores, Num quando falso sic juratur, præter peccatum perjurii contra Religionem, sit conjuncta alia species peccati contra charitatem sui, vel proximi?

Communius cum Suar. contra Bonac., & Less. negant; quia non solet quis amico suo, vel sibi ea ex animo imprecari, sed potius cogitat Deum ea non esse facturum. Quare juramentum quodcumque, quovis modo fiat, communiter censetur esse ejusdem speciei; unde in confessione non est opus exprimere, num juramentum fuerit assertorium, num promissorium, num execratorium, ut communiter docent apud eundem Bonac. quæst. 1. punct. 2.

XIII. Demum datur juramentum comminatorium, ut si quis dicat, Per Deum te puniam, te occidam, sed hoc a nonnullis reducitur ad promissorium cum Busemb.; ab aliis cura Trull. ad execratorium.

## ARTICULUS II.

De Conditionibus requisitis ad licite jurandum.

I. Tres sunt juramenti liciti comites, Veritas, Justitia, & Judicium; jurari enim nequit, nisi de re, quæ satis probabiliter putatur vera; i.

N

tem

tem de re honesta, & ex necessitate. Si quis iuret se venialiter peccaturum, num peccet mortaliter?

II. *Gravius peccatum est iurare se mentiturum sine animo ponendi mendacium, quam iurare cum tali animo.*

III. *Pejorat, qui rem dubiam asserit cum iuramento.*

IV. *Ad licite iurandum privatim satis est certitudo moralis de rei veritate; at ad iurandum in iudicio requiruntur notitia de visu, & praesentia.*

V. *Quamvis iurans se positurum rem levi graviter peccet, si tunc non habeas animum illam ponendi, non peccat tamen graviter, si deinde illam non ponat.*

VI. *Mater, qua iuramento comminatorio iurat se puniaturam filium, peccat graviter, si non puniat, quando punitiō est iusta, & gravis.*

VII. *Non dicitur esse universim iuramentum falsum, sed temerarium, quando quis iurat se positurum rem illicitam, puta homicidium: Sicut etiam quando quis iurat se, verbi gratia, patrassse homicidium, ordinando hoc peccatum iactantia ad alios scandalizandos.*

VIII. *Si Sortes putes aliquid esse verum, quod tu scis esse falsum, non potes inducere illum ad iurandum hoc, quod materialiter est falsum.*

I. **T**Res condiciones requiruntur, ut liceat iurare, Veritas, Iustitia, & Iudicium. Dicitur enim Jerem. 4. *Jurabis, vivis Dominus, in Iustitia, in Iudicio, in Veritate.* Veritas consistit in hoc, quod iurans non levi, sed valde probabili conjectura pariente certitudinem aliquam moralem arbitretur verum esse, quod iurat. Iustitia consistit in hoc, quod non fiat de re illicita; peccas enim graviter, si iures, verbi gratia, te for-

nicaturum, ex defectu iustitiae in iuramento; Si tamen iures te patraturum peccatum veniale, aut te non fervaturum consilia Evangelii, peccatum erit leve, juxta probabilem sententiam Suar., Valent., Sanch., & aliorum apud Bonac., eo quod non fiat gravis irreverentia Deo vocando illum in testem in tali casu: Quamvis Lessi dicat lib. 2. cap. 42. dub. 4. communem sententiam esse, quod sit mortale. Iudicium consistit in hoc, quod fiat cum necessitate; unde si quis iuret in re levi, quae non indiget confirmari iuramento, peccabit ex defectu iudicii; quamvis tale peccatum sit solum veniale, nisi adsit contemptus, aut periculum pejrandi.

II. Ex defectu tamen veritatis semper iuramentum est mortale, sive tes sit levis, sive gravis, tam in iuramento assertorio, quam in promissorio, si scilicet non habeas animum ponendi, quod spondes; unde si iures te mentiturum, non habens animum mentiendi, procul dubio erit mortale; Si vero habens animum mentiendi adducas Deum in testem talis veritatis, probabile est, quod sit solum veniale; quia non adducitur Deus ut approbator mendacii, sed solum ut testificans veritatem talis tui propositi mentiendi. Ex quo sequitur, minus malum esse iurare se commissurum veniale animo illud exequendi, quam animo non exequendi, ut notat Sanchez. hic.

III. Quæritur nunc primo; An peccet etiam mortaliter, qui rem dubiam iurat?

Respondeo affirmative; Eodemque modo pejerat, tamen qui iurando asserit tanquam certam rem dubiam, quam qui tanquam dubiam asserit rem certam: Pejerat proinde qui iurat se facturum aliquid, quod dubitat, an sit facturus; In confessione tamen factus est dicere, Toties falsum iuravi, quia

quia omnia hæc peccata ejusdem sunt rationis.

IV. Dubium tamen est, quamnam diligentiam adhibere debeat jurans ad cognoscendam rei veritatem, ne sit perjurus?

Respondeo, diversam adhibendam esse diligentiam pro diversitate materię, ut notat Bonac. ex Sanch.: Profecto ad quodvis juramentum requiritur certitudo moralis veritatis rei; nam licet, verbi gratia, probabile sit, Sacerdotem solitum quotidie celebrare hoc mane celebrasse, non poteris tamen id jurare, nisi habeas certitudinem morale, verbi gratia, ex relatione alicujus fide digni. Verum licet ad juramentum privatum satis sit certitudo moralis ista, verbi gratia, quod rem audieris a persona fide digna; at ad jurandum in judicio rem ita esse, id non est satis; In judicio enim jurari tantum potest, quod novimus de visu, & præsentia; ut præcipit Callixtus Papa in cap. *Testes* 3., *quæst.* 9.: Et ratio est, quia testis de auditu in judicio non probat semiplene, sicut testis de visu; Si tamen in judicio hoc ipsum juret, scilicet rem accepisse a viro fide digno, non peccat.

V. Queritur secundo; Quodnam peccatum committitur ab eo, qui non adimplet, quod jurans promissit?

Respondeo, si promissit aliquid grave, verbi gratia se ingressurum in Religionem, peccare mortaliter id non ponendo: Si vero promissit rem levem, puta recitaturum, Ave, communiter Doctores apud Dian. part. 4. tract. 4. resol. 7. docent contra Cajet., & Less. cap. 42. dub. 5. esse veniale: Sicut enim violatio voti in re parva est veniale, ita violatio juramenti promissorii; nam per juramentum Deus in testem adducitur solum veritatis præsentis, seu quod detur de facto animus ponendi, quod promittimus; non vero in testem veritatis futurę,

seu quod ponetur, quod promittimus; unde qui non adimplet juramentum, non est mendax, sed infidelis; non scius ac qui non adimplet votum; & ideo tam in violatione voti, quam in violatione juramenti promissorii in re parva levis irreverentia irrogatur Deo.

VI. In juramento tamen comminatorio, quando, verbi gratia, mater jurat se punituram filium, si id faciat ex passione, & vindicta inordinata, certe non tenetur punire; quia juramentum non obligat ad faciendum malum, cum non sit vinculum iniquitatis: Si vero punitio sit justa, erit peccatum grave, si ea non ponatur, quando res est gravis, leve vero, quando res est levis, dummodo tamen causa punitionis, ac circumstantię, ut diximus, mancant invariata; nam si punitio erat justa, quando cum juramento fuit promissa, & deinde posita commendatione, & poenitentia delinquentis, aut intercessione facta ab amico, punitio non est requisita a culpa, certe mater ad illam non tenetur; quia juramentum, sicut & votum, habet semper tacitam illam conditionem, *Nisi causa varietur*: Demum femina, quę jurat se fracturam brachia puero, tenetur solum moderate illum castigare, quia illa locutio est hyperbolica.

VII. Queritur tertio; Quodnam peccatum sit juramentum adhibere tantum medium ad malum; Verbi gratia, si quis juret se habere animum fornicandi; vel si quis juret Petrum esse adulterum, adhibendo juramentum, ut Petrus occultas adulter infametur?

Respondeo, peccatum hoc non esse proprie, & stricte perjurium, quia supponitur jurari verum, sed est peccatum grave ex defectu justitię in juramento requisitę, eo quod gravis irreverentia sit adducere Deum ad confirmandam iniquam actionem; Si vero materia esset levis, peccatum esset veniale, & tale juramentum vocatur a Doctoribus



Temerarium, quia temere prolatum. Qui vero ob iactantiam, & ut credatur, iurat se commississe, verbi gratia, homicidium, neque perjurium committeret, neque iuramentum temerarium, eo quod non assumeret iuramentum tanquam medium ad confirmandam iniquam actionem, nec invocaret Deum ut testem peccati, sed solum ut testem veritatis; quare solum committeret peccatum mortale iactantiae, nisi talem hanc iactantiam ordinaret ad alios scandalizandos; sic enim iuramentum esset temerarium. Ita Tambur. ex Pal., & Suar.

VIII. Queritur ultimo; An sit peccatum inducere aliquem ad iurandum falsum, quod is credit esse verum; Verbi gratia, si quis putet te esse Romanum, cum sis Neapolitanus, poteritne illum inducere ad iurandum, quod tu sis Romanus?

Respondetur; id affirmare Hurt., & Dian. part. 5. tract. 7. resol. 14. cum Tambur. cap. 1. §. ult. post fuisse discussam hanc questionem. Verum Lugo aperte negat, cum Suario, Pontio apud eundem Dianam. Ratio est, quia sicut non possumus inducere infantem ad blasphemandum, ebrium ad fornicandum, nec servum ad laborandum die festo, quem ille putat esse feriatum; ita in casu nostro non possumus inducere ignarum ad pejerandum, seu ad iurandum, quod tantum materialiter falsum est.

## ARTICULUS III.

### De Materia Juramenti.

I. *Juramenti promissorii materia debet esse res licita, possibilis, honesta, & non indifferens, nec impeditiva majoris boni.*

II. *Si iures in obsequium Dei et duxeris uxorem, ad id non teneris; Secus vero si id iures in gratiam*

*famula, quam vis ducere.*

III. *Qui rem bonam, puta jejunium, iurat ob finem malum, ad illam non tenetur; Secus vero si illam iurat ob finem bonum, quamvis hic per peccatum assequendus sit.*

IV. *Secunda sponsalia iurata, etiam dissolutis prioribus sponsalibus, non obligant.*

V. *Promissio facta pro turpi facinore parando, num eo parato obliget?*

VI. *Promissio prodiga num obliget ad totum? num ad partem, in qua non sit prodigalitas? Num simpliciter non obliget?*

VII. *Juramentum non obligat ad ponendum, quod lege etiam civili vetatur; obligat tamen ad id, quod lege civili non prohibetur, sed permittitur in favorem iurantis.*

VIII. *Juramentum de non accipiendo Episcopatu, si fiat ex affectu humilitatis, validum est; secus vero si fiat ad declinandam curam Episcopatos.*

I. **C**ertum est, materiam juramenti promissorii debere esse rem licitam, possibilem, honestam, & non impeditivam majoris boni. Quare juramentum de re illicita est illicitum, & non obligatorium; Juramentum vero de re impossibili cognita ut tali est temerarium, & graviter peccaminosum; quia non fiat cum animo exequendi, quod iuratur. Juramentum de re indifferenti neque est obligatorium; Verbi gratia, de non fricando barbam, de non transiendo per talem viam, nullo adhibito fine honesto, vel de non ludendo in tali domo, vel cum tali persona, eo quod infelicitate laeris. Ratio est, quia Deus non obligat ad aliquid vanum, & otiosum; nisi tamen res indifferens fiat bona ex aliqua circumstantia, vel sit in favorem Terti.

II. Neque demum est obligatorium iura-

juramentum faciendi, quod est impedivum majoris boni, nisi sit factum in gratiam alterius: Verbi gratia, si jures inire matrimonium, quod est impedivum status perfectioris, videlicet calibatus, non teneris: Si vero promittas alicui feminæ matrimonium, & jures, teneris; Et disparitas est, quia promissio facta homini respicit, quod est homini gratius, licet sit impedivum majoris boni; Promissio vero facta Deo respicit, quod est gratius Deo; Quod autem est impedivum majoris boni, non est gratius Deo; & ideo ad id non obligat juramentum.

III. Sequitur ex dictis primo, invalidum esse juramentum, si Amasius, & Amasia jurent se turpiter alios non cognituros; cum enim hoc fiat, ut magis foveant inter se amorem, juramentum est de peccato mortali; atque adeo de re illicita: Et universim quoties juratur, aut vovetur aliquid ob finem malum, qui sit finis rei promissæ, juramentum, & votum sunt irrita, ut late explicat Tambur. lib. 3. cap. 15. §. 2.: Quare si jures, aut voveas jejunium, vel eleemosynam, ut duellum acceptetur, vel ut possis usuras accipere, non teneris jejunare, &c. Contra vero si jures, aut voveas jejunium, ut ex duello incolumis evadas, vel ut ex concubina filium reportes, teneris ad jejunium; quia finis intentus non est peccatum, quamvis per peccatum assequendus sit.

IV. Sequitur secundo, juramentum de facto alieno, puta quod filius ingressurus sit Religionem, esse illicitum; nisi forte intendas, quod quantum est in te facturus sis, ut filius talem statum libere amplectatur. Ratio est, quia non est materia tibi possibilis electio libera status facienda ab alio.

Sequitur tertio, illicitam, & invalidam esse promissionem juratam factam contra priorem promissionem licitam; Verbi gratia, secunda sponsalia jurata

facta contra priora sponsalia non obligant; cum sint de re illicita, idest contra jus prioris sponsæ. Immo si priora sponsalia aliqua ratione dissolvantur, adhuc secunda remanent invalida, juxta regulam illam juris in 6. *Non firmatur tractu temporis, quod a principio non subsistit.*

V. Sequitur quarto, eum, qui juravit tradere meretrici, aut sicario pro turpi facinore pecuniam, ante patratum facinus teneri contractum rescindere, ne alter ad peccatum incitetur; eo tamen secuto teneri solvere, quod promisit; quia promissio solvendi post culpam est de re licita: Ita communis contra nonnullos apud Dian. part. 4. tract. 4. resol. 27.

VI. Sequitur quinto, promissionem prodigam juratam non obligare quoad eam partem, in qua est prodigalitas, quia non est de re licita. Ita Sot. contra Cajet. apud Dian. loc. cit. Probabile tamen putat Tambur. cap. 3. §. 5. talem promissionem ad nihil obligare, quia facta est per modum unius, & indivisibiliter; unde cum tota materia sit inhonesta, promissio simpliciter non obligat. Sanch. vero lib. 3. disp. 9. num. 28. contra communionem putat, promissionem prodigam obligare ad integram solutionem; quia quamvis peccarit, saltem venialiter, qui prodige promisit, at non peccat solvendo, cum in tali solutione addit justitia, eo quod sit solutio debiti jam contracti.

VII. Sequitur sexto, non solum juramentum factum contra legem naturalem, aut divinam, aut canonicam non obligare, cum sit de re illicita; sed nec obligare juramentum contra legem civilem, quæ spectat bonum publicum, & commune; verbi gratia, juramentum factum a Clerico de renunciando privilegio fori, vel juramentum de extrahendis frugibus, e- quis, armis contra leges id prohiben-

tes propter commune bonum.

Utrum autem obliget juramentum contra legem civilem, que spectat primario ad bonum privatum ipsius jurantis, & non vergit in præjudicium tertii? Afirmat universim Sanchez, quia quilibet potest cedere juri suo; Propterea quamvis lex civilis irritet donationes inter conjuges, & contractum minoris sine Curatore, necnon promissionem, qua semina obligat se non regressuram amplius ad bona paterna; at juramentum contra has leges obligat; Unde fit quod donatio inter conjuges jure civili irrita, juramento firmata sit valida.

Verum Tambur. cap. 3. §. 5. ex Pak. distinguit; Nam vel tales leges aliquid prohibent, aut præcipiunt; vel solum permittunt: Contra leges prohibentes, aut præcipientes, docet juramentum non obligare, contra permittentes vero obligare: Verbi gratia, prohibet lex civilis, ne fundus dotalis a muliere alienetur, & permittit, quod fundus alienatus non repetatur, ideo si mulier juret alienare, non tenetur; si juret vero non repetere fundum alienatum, tenetur. Eodem modo lex civilis prohibet, ne ludens pecunia credita solvat, quod amittit: Quare si quis juret solvere, non tenetur; Si vero solvit, & juret non repetere, tenetur; quia id lex permittit. Jurans autem solvere usuras, aut pecuniam latroni tenetur; quia leges id permittunt solventi, & solum prohibent usurario, & latroni.

VIII. Sequitur ultimo, juramentum de non acceptando Episcopatu, factum vel ex consideratione propriæ insufficientiæ, vel ex affectu humilitatis, esse validum: Contra si fiat ex fuga incommodi, quod debet subire Episcopus in pascendo grege. Ratio est, quia in hoc secundo casu juramentum esset de re impeditiva majoris boni, ex D. Th. 2. 2. quæst. 185. art. 1; In primo veto casu

non sic; & ideo Professus Societatis tale votum emittunt; nec dici potest esse invalidum, quando tale institutum a Pontificibus approbatum est, & illud impugnant excommunicantur.

## ARTICULUS IV.

### De Juramenti Obligatione.

- I. *Qui jurat sine animo jurandi, secundum se peccat graviter: sicut etiam qui jurat sine intentione se obligandi.*
- II. *Quandonam possit sine mendacio, & perjurio quis jurare, utendo equivocatione, aut restrictione non pure mentali, sive locutione materiali?*
- III. *Juramentum, sicut & votum, non obligat, si dolus, aut error dans illi causam versetur circa substantiam rei, aut circa circumstantias notabiles, quæ in ipsam rei substantiam redundent; secus vero si versetur circa circumstantias parvi ponderis.*
- IV. *Est pariter invalidum juramentum, & votum, si error dans causam contrahit versetur circa causam finalem, (quod verum est, etiam si error sit concomitans,) non tamen si error incidat in contrarium, & versetur circa causam impulsivam.*
- V. *Error tamen circa qualitates magni ponderis, & circa causam finalem non invalidat Professionem Religiosam; sicut nec matrimonium, aut suspensionem Ordinis Sacri, nisi exprimitur.*
- VI. *Qui juravit, vel vovit, & dubitat an habuerit animum se obligandi, probabiliter obligatur. Qui tamen juravit se non iururum, præstindendo a lusu moderato, vel immoderato, poterit lusu moderato ludere.*
- VII. *Juramentum metu extortum obligat pro foro interno, non pro externo. Et nisi a Prælate ex justa causa relaxetur, poni debet, quantumvis arduum sit, quod juratum est, si circa*  
cxi-

*culpam poni potest.*

*VIII. Matrimonium, & votum extorta metu gravi iniusto ideo sunt irrita, quia iure Ecclesiastico irritantur; Juramentum tamen huiusmodi ab Ecclesia non irritatur.*

I. **Q**ueritur primo; An obliget juramentum factum animo fictor  
 Respondeo, & dico primo, jurantem sine animo jurandi, si intendat rem falsam confirmare juramento, peccare graviter, ut notat Bonac. quaest. 1. punct. 7., & Trull. lib. 1. cap. 1. dub. 10. ex Lessi. Ratio est, quia externo actu adducit Deum in testem falsi, quod est gravis irreverentia; non secus ac exterius sacrificare Idolo. Et eodem modo peccat graviter, qui jurat sine animo jurandi, quando rationabiliter exigitur juramentum; quia intercedit gravis deceptio contraria fini juramenti. Si vero jurans non intendat referre juramentum ad rem illam falsam, sed velit vel equivocare, vel loqui materialiter, non erit mortale, quando non exigitur juramentum rationabiliter, sed per injuriam extorquetur, & falsitas est omnino occulta, ut docent nonnulli apud Lessi. cap. 42. dub. 8.

Dico secundo, jurantem sine animo jurandi, vel cum expressa intentione non se obligandi peccare quidem graviter, ut diximus, quia decit veritas praesens; jurat enim se facturum, quod non intendit facere: Verum non obligatur vi juramenti, deficiente enim intentione jurandi, non habetur juramentum, & deficiente intentione se obligandi, nec obligatur; quia Deus non acceptat juramentum, nisi secundum hominis intentionem. Ita communiter apud Dian. part. 5. tract. 14. resol. 33. Cogitur tamen iste in foro externo juramentum servare, & tenetur etiam in conscientia, si adsit scandalum, aut si intercedat damnum tertii.

Ratio est, quia si adsit scandalum, tenemur illud vitare, & si interveniat damnum tertii, tenemur illud refarcire; eo quod per talem fictionem delinquatur contra iustitiam.

Ex dictis sequitur, quod promissio liberalis jurata fide, secluso scandalo, aut damno, non pariat obligationem executionis, neque ex capite Religionis, quia non interfuit juramentum; neque ex virtute iustitiae, quia promissio ista ficta non peperit ullum damnum proximo, quamvis asserat cessationem lucris: Contra vero si quis fide promissit cum juramento matrimonium, quia talis contractus est onerosus, tenetur uterque ex iustitia ponere verum consensum, arque adeo decipiens tenetur ad matrimonium, ut dicemus in de sponsalibus cum Vasq. disp. 6. n. 36., Pontio, Ledesma apud Sanch. lib. 1. disp. 10.; Etenim in omnibus contractibus onerosis, ubi alter ex sua parte implevit, tenetur alter implere, quamvis fide contraxerit, eo quod teneatur ex iustitia vere contrahere. Quare cum mulier iam impleverit tradendo jus ad corpus, tenetur fictus promissor implere eam ducendo. Sanch. loco laudato n. 26. speculative loquendo putat probabilius esse, quod secluso damno non teneatur fictus promissor matrimonii illud implere. At disp. 11. n. 5. docet, semper ex hac ficta promissione sequi notabile damnum alteri vere promittenti, ac proinde in praxi ad matrimonium obligari.

II. Quaeitur secundo; An possimus jurando uti equivocatione, vel restrictione mentali?

Respondeo, damnatam esse ab Innoc. XI. propos. 26., ex qua sequitur, jurantem cum restrictione pure mentali mentiri, & esse perjurum. Quamvis autem non liceat uti restrictione pure mentali, possumus tamen aliquando uti licite equivocatione in ju-

juramento, aut restrictione non pure mentali, prout explicavimus in Trutina exponendo hanc thesim proscriptam; quando scilicet adest justa causa: Verbi gratia, quando juramento promittimus aliquid latroni; vel quando quis a suo iudice non interrogatur iudicè; aut quando habet justam causam non ferendi testimonium in iudicio, vel quia timet sibi grave malum, vel quia crimen est occultum; si tunc cum juramento neget tale crimen, non mentitur, nec est perjurus, quia respondet ad mentem interrogantis, juxta explicata loco laudato, & ita respondendo non jurat falsum: Eodem modo qui obiter pertransit e loco peste infecto, itaut constet nullum omnino esse periculum, quod pestem contraxerit, poterit ex Tolet., Bonac., & aliis apud Dian. part. 3. tract. 6. resol. 30. cum juramento negare, quod e tali loco (idest peste infecto) veniat, quia respondet ad debitam intentionem interrogantis; Sicuti si habeas penes te centum aureos Titii, & alter petat a te mutuos centum, sine mendacio dicis, Te non habere nummos, quia cum non sint tui illi, quos habes, bene respondes ad mentem interrogantis. Sic ex Tambur. lib. 3. cap. 4. cum communi Doctorum excusatur, qui cum juramento negat, se commississe homicidium, quod sine culpa commisit; necnon qui negat adulterium, quod commisit occulte; sic enim jurare cum æquivocatione non est pejorare, nec uti restrictione pure mentali, sed ad mentem boni, & iusti iudicis respondere. Pariter Clericus interrogatus in porta Civitatis, num ferat secum aliquid spectans ad gabellam, potest cum juramento negare; cum non teneatur gabellam solvere; Sic Confessarius interrogatus, an audierit peccatum in confessione, potest cum juramento negare, & iterum interrogatus, an in tali responsione

utatur æquivocatione; potest etiam negare; quia in tali casu vel responderet ad mentem debitam interrogantis, negando se habere scientiam de tali re communicabilem; vel loquitur tantum materialiter. Sic qui aliquid abscondit ad sui sustentationem, interrogatus a iudice, potest cum juramento negare, quod aliquid absconderit; Et poenitens temere rogatus, an tale peccatum confessus sit, potest negare, ut notat Henr. lib. 6. de Poenit. cap. 19.; Sicut etiam adultera, si a marito rogetur, an adulteraverit, ex Navar. & Laym.: Similiter si pauper excusetur a iudice debito propter paupertatem, & a iudice iniquo prematur ad solutionem, interrogatus a tali iudice, potest jurare se nihil debere, nec pecuniam a creditore accepisse, quia respondet ad mentem debitam interrogantis, dum dicit se non accepisse pecuniam, ita scilicet ut statim debeat solvere. Ita Sanch. lib. 3. cap. 6. num. 32.. Et qui siste matrimonium promisit, potest interrogatus a iudice negare, quod promiserit. Sicut etiam qui reperit cadavere interrogatur, an gladius ibi inventus sit suus, vel an illac transierit, poterit negare, si ea petantur tanquam indicia homicidii, quod vere non commisit, ut notat Less. lib. 2. cap. 31. num. 14.

Admittit etiam Sanch. loc. cit., Bonac., Sylvest., & alii apud Trull. dub. 15. num. 13., & Dian. part. 2. tract. 6. resol. 30. quod si quis petat a te pecuniam mutuam, aut librum, potes cum juramento negare, quod habeas, si scilicet non potes commode mutuare, quia sic respondes ad mentem debitam petentis.

Rogabis, mortaliterne, an venialiter peccet, qui joco utitur restrictione non pure mentali, vel æquivocatione jurando sine necessitate; Verbi gratia, qui dicit Pontificem fuisse suspensum, intelligendo ejus imaginem,

Re-

Respondeo, Armil., Sayr., Navar., Tolet., & alios apud Bonac. putare, quod peccet mortaliter, qui jurat in re falsa. Mihi tamen videtur distinguendum; nam si utatur restrictione pure mentali, peccat mortaliter, quia vere mentitur, & est perjurus, juxta thesism damnatum ab Innoc. XI.; Si vero utatur æquivocatione, aut restrictione non pure mentali, quatenus ex circumstantiis colligi facile potest, quod non fit sermo de persona, sed de imagine Pontificis; cum non mentiatur, nec juret falsum, dicendum, quod solum venialiter peccet, si non temere, sed ex aliqua causa id fiat.

III. Quæritur tertio, An juramentum, vel votum dolo, aut errore commissum obliget?

Respondeo, recolendum esse, quod dolus, & error alius est in substantia rei; alius in qualitatibus: Alius dat causam contractui, seu versatur circa causam finalem, quo scilicet deprehensio contractus, & juramenti secundum prudentem estimationem non fieret; Alius incidit in contractum, seu versatur circa causam impulsivam, quo scilicet deprehensio adhuc fieret contractus, & juramentum, licet diversimode. His positis

Dico primo, si dolus, aut error sit circa substantiam rei, verbi gratia, si quis juret se daturum rem aliquam, quam putat vitream, & reperit esse gemmeam, juramentum non obligat, quia scilicet deficit consensus, seu intentio jurandi; nihil enim est magis contrarium consensui, quam talis error: Sic qui vovet ingredi Religionem, ignorans illam esse perpetuam, nulliter vovet, quia talis error pertinet ad substantiam rei.

Dico secundo: Est pariter nullum juramentum, & votum, quoties error est circa qualitates, seu circumstantias, & accidentia, quæ sunt tanti ponderis, ut in ipsum voti objectum, & substan-

tiam videantur redundare. Ratio est, quia talis error videtur potius esse circa substantiam, quam circa circumstantias: Exempli gratia, si quis voveret peregrinationem ad loca Sancta, putans quod ea non longe distent; si deinde deprehendat ea longissime distare, non tenetur tali voto: Contra vero si circumstantiæ sint parvi ponderis, votum est validum; verbi gratia, si voveas dare eleemosynam Titio, quem putas Sacerdotem, cum tamen non sit.

IV. Dico tertio, est etiam invalidum juramentum, & votum, si error det causam contractui, seu si versetur circa causam finalem; ut si quis juret se empturum domum, quam putat aptam ad habitandum, & deinde comperiat illam esse in fundamentis vitiosam; Sic qui juravit stare contractui venditionis, & postea deprehendit se notabiliter lesum in defectu pretii, juramentum non obligat, & potest æqualitatem pretii sibi procurare; juramentum enim factum fuit cum errore circa causam finalem, ideo enim juravit, quia putavit contractum fuisse justum. Idque verum est ex Suar., Sanch., Bonac. disp. 4. quæst. 1. punct. 8. contra Trull. cap. 1. dub. 2., etiamsi talis error sit concomitans, seu etiamsi verum esset, quod deprehensio tali errore adhuc jurasset; etenim consensus ille conditionatus non ponit obligationem absolutam, ut communiter dicunt Doctores in simili de Matrimonio; si enim error sit circa substantiam, verbi gratia contrahendo cum Lia, quam puto Rachelem, matrimonium est invalidum; etiamsi verum sit, quod si cognoscerem illam esse Liam, adhuc contraherem.

Ubi notandum, quod non solum juramentum, & votum, sed etiam omnes contractus (excepto matrimonio) sunt invalidi, si dolus, & error sit circa causam finalem; non quidem jure

O

natu-

naturæ; nam sic neque matrimonium esset validum, sed jure positivo, ut dicemus suo loco.

Dico quarto, quando error incidit in contractum, & est circa causam impulsivam, seu est talis, ut adhuc eo deprehensio communiter soleant homines jurare, vovere, contrahere, in tali casu juramentum, votum, & contractus cum tali errore præstita sunt valida, cum non desit consensus sufficiens.

Dico quinto cum Tambur. cap. 3. §. 5. ex Pal.; Quando error est tantum circa qualitates in Professione religiosa, sicut etiam in matrimonio, & in iis, quæ pertinent ad statum aliquem perpetuum assumendum, videlicet in susceptione Sacrorum Ordinum, &c., nisi quis expresse dicat se nolle vovere, aut contrahere non posita tali qualitate, votum, & contractus sunt valida, etiam si qualitates sint magni ponderis, & error sit circa causam finalem. Unde si quis promittat cum juramento matrimonium puellæ, quam putat virginem, nobilem, divitem, nisi expresse dicat se nolle contrahere sine his qualitatibus, contractus, & juramentum obligant, etiam si desint tales qualitates. Sic qui ære alieno gravatus, aut laborans morbo gallico, si interrogatus a Prælato, occultat debita, aut morbum, & profitetur, Professio religiosa est valida, quamvis Prælatum illum non acceptasset, si ejus debita novisset; ut præcipit Clemens VIII., qui sustulit ab his incapacitatem ad profitendum impostam a Sixto V. Eodem modo Episcopus quamvis prohibeat, verbi gratia, excommunicatum ordinari, tamen si illum ordinat, valide ordinat, nisi expresse dicat, Ordine te, si non es excommunicatus; Et qui profitetur in Religione Minimorum ignorans illos abstinere ab usu carniū, valide profitetur, nisi aliud exprimat. Ratio horum omnium est, quia ex com-

muniter contingentibus præsumitur, quod absolute ponatur consensus in his casibus pertinentibus ad statum perpetuum assumendum, nisi expresse ponatur conditio contraria.

VI. Quæritur quarto, An teneatur implere juramentum, vel votum, qui postquam juravit, dubitat, an habuerit animum se obligandi?

Respondeo. Sanch., & Bonac. cum communi affirmare; tum quia possessio stat pro juramento; pro illo enim stat possessio, pro quo stat juris præsumptio; Tum etiam quia probato facto præsumitur intervenisse omnia requisita ad factum, ex cap. *In presentia, de Probation.* Verum Tambur. lib. 1. cap. 3. §. 2. V. *Votum* ex Caram., & Leon. putare non esse improbabile, quod non tenearis; quia dum dubitatur de substantia promissionis, possidet libertas in foro interno, quamvis in foro externo possideat juramentum. Quæ sententia magis habet locum, si juramentum fuit emissum ex metu gravi, ut notant nonnulli apud Sanch., quia non præsumitur in tali casu animus se obligandi. Præterea Tambur. lib. 3. cap. 3. §. 5. docet, quod si jurasti non ludere, nihil cogitando, an de ludo immoderato, & periculo dumtaxat, an etiam de moderato intellexeris, non tenearis abstinere a ludo moderato, quia ex leg. *Quicquid, de Verbor. significat.* interpretatio juramenti ita fieri debet, ut minorem, quæ fieri potest, obligationem inducat.

VII. Quæritur quinto, An juramentum metu extortum obliget?

Respondeo cum communi apud Less. cap. 42. dub. 6. contra nonnullos, obligare in foro interno, si factum sit animo se obligandi; quia tenemur efficere, ut verum sit, quod juramus, ne Deus adducatur in testem falsi: Et quamvis promissio per vim extorta, utpote non sufficienter libera, ex se non ob-

obliget juxta multorum sententiam apud Trull. hic dub. 12., obligat tamen ratione juramenti in foro interno; Quamvis in foro externo tale juramentum non obliget, quia præsumitur non esse factum animo jurandi, ex cap. *Verum*, de *Juram.*

Hinc sequitur primo, quod qui juravit solvere usuras, teneatur vel illas solvere, vel petere relaxationem juramenti, ex cap. *Ad audientiam*, de *his qua vi*: Quamvis si solvat, possit illas in judicio repetere, vel si id non possit, per occultam compensationem.

Sequitur secundo, quod si quis promiserit sine juramento per gravem metum, verbi gratia redire in carcerem, non teneatur; eo quod promissio non fuerit sufficienter libera; si vero juraverit, teneatur redire, non solum si carcer sit justus, quod omnes concedunt; sed etiam si sit injustus, & periculosus, videlicet vel tyranni, vel judicis incompetentis, nisi relaxationem obtineat, aut nisi tempore juramenti fuerit inscius tanti periculi; cum juramentum, & votum habeant semper tacitam illam conditionem, nisi notabilis mutatio superveniat, aut de novo appareat. Ita Lessl., Suar., & alii communius contra Navar., Vasq., Reginald., qui putant in tali casu non teneri; quia nemo potest se ipsum occidere, sed quisquis tenetur propriæ vitæ consulere: Immo nonnulli apud Tambur. putant peccare, si redeat, quia opus est temeritatis sine necessitate offerre se morti. Ad quod tamen respondent Suar., & Lessl., quod licet nemo possit immediate se ipsum occidere, potest tamen ex iusta causa exponere se periculo mortis, ut in hoc casu; iusta enim causa est, ut fidelitas, & veritas juramenti servetur: Quod confirmatur a Laym., quia Princeps peccat permittendo Hebræis sine necessitate libertatem suo-

rum rituum; at si id juravit, obligatur juramentum servare, (non secus ac obligatur vi juramenti usuras solvere, qui juratus illas promisit) ne cum damno commercii fides humana rumpatur; ita in casu nostro.

VIII. Oppones: Matrimonium, sicut & votum factum metu gravi injuste incusso ad illud extorquendum est irritum; ergo etiam simile juramentum.

Respondeo, concessio antecedente, negatur consequentia. Disparitas est, quia Ecclesia matrimonium, & votum irritavit, non tamen juramentum, ut notat Sanch. lib. 3. de opere morali cap. 2.. Cum enim votum fiat Deo, & juramentum homini, facilius oritur scandalum, si juramentum homini factum non servetur, quam si non servetur votum factum Deo; & ideo votum meticulousum, non juramentum irritatum est ab Ecclesia: Quamvis Soc., & alii apud Sanch. lib. 4. de Matrim. disp. 5. contra communioem putent, votum meticulousum non solum jure Ecclesiastico, sed etiam naturali esse irritum; Sylvest. vero, & Suar. lib. de Voto cap. 8. putant solum votum solemne professionis, & simplex Religionis metu extorta irritari ab Ecclesia. Sed communior sententia apud Bonac. disp. 4. quæst. 2. punct. 3. docet, omne votum meticulousum ab Ecclesia irritari; tum quia si irritatur votum solemne, a fortiori irritatur quodvis votum simplex, quod non adducit obligationem adeo gravem; tum etiam quia in cap. *Cum dilectus*, de *his qua vi*, decernitur votum fuisse validum; quia non fuit factum per metum gravem; ergo a contrario sensu votum factum per metum gravem non est validum.

Demum inquirendum esset, An juramentum confirmet contractus, ita ut contractus de se invalidi, aut rescindendi vi juramenti, tribuant alte-



ri jus justitiæ. Verum quia quæstio hæc perplexæ nimis ab auctoribus agitur, ut notat Tambur. lib. 3. cap. 3. §. 6., ideo commodius de hoc Deo dante cum de Contractibus nonnulla dicemus; & fusc de hoc diximus in primo ex Opusculis Theologico-Moralibus de Principiis Moralitatis.

## ARTICULUS V.

Quomodo quædam celebriora Jura-  
menta interpretanda sint.

- I. *Prima regula servanda, quod juramentum, quantum fieri potest, minus obliget servata verborum proprietate. Altera, quod cadens supra promissionem, hujus naturam sequatur.*
- II. *Juramentum de non ludendo secundum se intelligitur de ludo illicito.*
- III. *Qui jurat se solviturum debita intra mensem, prorogato tempore de consensu creditoris, non tenetur amplius vi juramenti.*
- IV. *Juramentum Medicorum de non visitandis post tertium diem infirmis, nisi confessionem pramiserint, quomodo intelligendum est?*
- V. *Si quis jurat se duciturum Bertam divitem, & sanam, non tenetur eam ducere, si incidat in gravem agri-  
tudinem, & paupertatem.*
- VI. *Qui promittit aliquid Titio cum juramento, non tenetur, si ille fiat ingratus, aut frangat fidem datam.*
- VII. *Si quis juratus promittat aliquid absenti, potest promissionem revocare, antequam acceptetur. Pariformiter discurrendum de pluribus aliis juramentis, quæ passim fiunt.*

I. **U**Niversim duæ regulæ hac in re assignantur. Prima est, quod in dubio, seu quando non constat de mente jurantis, juramentum interpretandum sit, ita ut, quantum fieri pos-

sit, minus obliget servata verborum proprietate. Secunda regula est, quod juramentum cadens supra propositum, vel promissionem habentem tacitam conditionem, vel ex mente jurantis, vel ex consuetudine jam recepta, vel ex dispositione legis, explicandum sit eo modo, quo ipsa promissio explicatur, id est cum eadem conditione: Etenim juramentum sortitur naturam actus, supra quem cadit, ex leg. 1. cod. de Non numerata pecunia; & cum juramentum sit accessorium, sequi debet naturam principalis, ex reg. 42. juris in 6.

II. Ex prima regula inferitur primo ex Sanch. apud Bonac. punct. 17., quod in dubio de mente jurantis juramentum non ludendi interpretandum sit de ludo illicito, non de licito, qui recreationis causa suscipitur.

III. Inferitur secundo ex Less. cap. 42. num. 57. contra Sanch., & Bonac., quod si jurasti solvere intra mensem, prorogato termino a creditore, non teneris amplius ex vi juramenti, sed solum ex vi pacti: Sicut etiam committarii, qui jurant se non recessuros a sententia certa die ab Arbitris danda, prorogata die de consensu partium, non tenentur amplius vi juramenti, ut putat Azor. contra eosdem.

IV. Inferitur tertio, juramentum Medicorum de admonendis infirmis, ut confiteantur, & de non visitandis illis post tertium diem non facta confessione, Primo non obligare, ubi usum non est receptum hoc decretum Pii V.; quia juramentum censetur factum de servando decreto, quatenus obligat. Secundo, ubi est receptum, obligat medicos, si speretur, immo etiam si dubitetur, quod admonitio sit profutura, secus vero non obligat, quia nemo obligatur ad inutile, ut dicitur cum de correctione fraterna. Tertio, obligat solum dum morbus est

est gravis, vel periculum est, ut fiat gravis; quamvis universim talis censetur esse, quoties cogit infirmum jacere in lecto, ut patet ex ipso decreto, nisi tamen ex podagra, verbi gratia, decumbat. Quarto, satis est, si admonitio fiat per alios. Quinto, non obligantur Medici infirmum deferere cum gravi ejus damno; quia præceptum humanum non obligat contra charitatem, quæ præcipit, ut ægro subveniatur; Præsertim quia fieri potest, ut infirmus si convalescat, resipiscat: Quod si non immineat ægro grave mortis periculum, si deferatur, deferi debet, ut apte notat Suar. apud Bonac. punct. 16.

V. Ex secunda regula inferitur primo, quod si jurasti ducere Bertam sanam, divitem, bonæ famæ, Virginem, &c., non tenearis, si incidat in infirmitatem incurabilem, in paupertatem, fornicationem, &c., quia sponsalia habent hanc tacitam conditionem; ergo etiam juramentum adjectum sponsalibus.

VI. Secundo, qui promisit aliquid Titio cum juramento, non tenetur, si Titius fiat ingratus, aut si mutuatim repositionem frangat; quia ex Molin., Sanch., Bonac. loc. cit. tale juramentum habet hanc tacitam conditionem, nisi fueris ingratus, aut fidem frangas.

Tertio, qui urbanitatis causa juravit non bibere, non sedere, &c., nisi alter prius bibat, sedeat, &c., non tenetur, si a socio cogatur, quia subest hæc tacita conditio, ut notat Sanch.; Quamvis Less. cap. 42. num. 22. putet, juramentum hoc fieri in favorem socii, & ab eo relaxari, dum prior bibere non vult.

VII. Quarto, qui promisit aliquid absenti cum juramento, potest promissionem revocare, antequam acceptetur, (nisi fiat per modum voti) quia promissio habet hanc tacitam con-

ditionem, si acceptetur: Ita Less. loc. cit., & Sanch. contra Suar. apud eundem Bonac.

Quinto, si facta pace cum inimico jurasti te illi non nociturum, intelligitur ex causa præterita, seu nisi ipse novam causam dederit.

Sexto, si jurasti servare secretum, intelligitur, nisi vergat in damnum alterius.

Septimo, si jurasti te puniturum filium, intelligitur, nisi ob aliam causam aliud visum fuerit; videlicet vel quia veniam petit, vel quia alter intercedit, vel quia damnum majus sequitur ex punitione, &c.

Octavo, si jurasti te soluturum alteri centum, quæ mutuavit, intelligitur, nisi aliunde satisfeceris, vel compensaveris; unde poteris uti compensatione, quia compensatio est quædam solutio, & vera satisfactio.

Nono, si jurasti facere quicquid alter petierit, intelligitur dummodo non petat aliquid immoderatum, aut illicitum, ut petiit ab Herode puella salrans. Ultimo, si jurasti judici te dicturum quæ novissi, non teneris occulta pandere.

## ARTICULUS VI.

### Quomodo tollatur juramenti obligatio?

- I. *Juramenti obligatio impeditur aut per legem irritantem contractum, aut per legem prohibentem contractus jurati executionem.*
- II. *Tollitur vero juramenti obligatio aut per cessationem causa principalis, aut per mutationem materiae, aut per irritationem, aut per commutationem, aut per relaxationem. Et eadem est ratio de Voto.*
- III. *Cessat juramenti, & voti obligatio, si superveniat notabilis mutatio, qua praviſa non juraſſes, aut vo-*  
viſi-

visses. Sed quid si dubitetur, an sit huiusmodi mutatio, qua supervenit?

IV. Quinam possint, & quomodo iuramenta, ac vota irritare?

V. Quid intersit inter irrationem, & dispensationem voti, ac relaxationem iuramenti?

VI. Quanam vota, aut iuramenta filiorum possit Pater irritare? Num etiam id possit mater? Quanam servorum iuramenta possit Dominus irritare?

VII. Quanam possit Uxoris iuramenta Maritus irritare, aut Uxor Mariti?

VIII. Superiores Regulares quanam vota, & iuramenta subditorum irritare possint? Pontifex Regularium vota potest irritare, secularium vero potest solum dispensare. Quid hac in re possint Abbates? Quid de novitiis?

IX. Quinam possint iuramenta relaxare, ac vota dispensare? Et quanam causa ad id requiratur?

X. Voti vinculum est fortius vinculo iuramenti, unde reservato voto, verbi gratia castitatis, non eatenus reservatur tale iuramentum.

XI. Qui potest vota, & iuramenta commutare, non eatenus potest dispensare in illis; quamvis e converso qui potest dispensare, potest etiam vota iurata commutare.

XII. Ipse vovens, & iurans potest votum, & iuramentum, si non sint reservata, commutare in melius, & probabiliter etiam in evidenter aequale; iurans tamen, aut vovens in favorem alterius nequit ea, si sint acceptata, commutare.

I. Obligatio iuramenti potest primo impediri, ne inducatur, & secundo potest inducitur tolli. Dupliciter impeditur, ne inducatur. Primo, per legem irritantem contractum,

aut iuramentum, ut Trident. sess. 24. cap. 5., irritat renunciationem iuramentum Novitii factam ante duos menses praecedentes professionem. Secundo, prohibendo executionem contractus; iuramentum enim non potest obligare ad id, quod lege prohibetur: Sic aliqui cum Less. cap. 42. num. 55. putant, impediri obligationem poenae conventionalis sponsalibus appositae, & iuramento firmatae. Ex quo patet, Principem saecularem posse indirecte irritare vinculum iuramenti, prohibendo scilicet executionem alicujus contractus, cui adjectum est iuramentum.

II. Deinde obligatio iuramenti semel inducitur potest quadrupliciter tolli, cessatione videlicet, seu mutatione materiae, Irritatione, Commutatione, & Relaxatione. sive haec fiat ab homine, in cuius favorem iuratur, sive a superiore tollente ex iusta causa obligationem; Nam quod in votis dicitur dispensatio, in iuramentis dicitur relaxatio. De his omnibus sigillatim agendum: Et quoniam eadem est ratio de iuramento, ac de voto. ideo de utroque hic erit sermo.

III. Quæritur itaque primo; Quomodo cesset iuramenti, & voti obligatio.

Respondeo cessare primo, si cesset causa principalis, ob quam factum est; Verbi gratia, si iurasti non ingredi talem domum, quia ibi Berta erat tibi occasio peccandi, mortua Berta, cessat obligatio iuramenti. Secundo, cessat etiam per mutationem materiae, videlicet si superveniat, aut de novo appareat notabilis mutatio, & difficultas, quæ si prævisa fuisset, iuramentum, seu votum prudentis arbitrio non fuisset factum; ut si quis verbi gratia iuraverit jejunare die Sabati, & postea ægrotet. Ita D. Th., & alii apud Trull. lib. 2. cap. 2. dub. 8.

Quando autem dubitatur, an si prævisa fuisset talis difficultas, adhuc

sa-

factum fuisset juramentum, vel vorum, tunc ex Sanch. apud Trull. dub. 28. adimplendum est; quia stat possessio pro illo. Verum Bonac. disp. 4. quest. 2. punct. 7. censet in tali casu judicandum in favorem voventis; quia in dubio nemo praesumitur velle seipsum posita notabili mutatione obligare.

IV. Queritur secundo; Quomodo irritentur Juramenta, & Vota, & a quibus?

Respondeo, juramenta, & vota irritari, quando ea non approbantur a superiore, a quo indigent approbari, ut robur accipiant. Quare potest juramenta, & vota irritare, ita ut nunquam reviviscant, quicumque habet potestatem dominativam vel in rem promissam, vel in personas jurantes, etiam si careat potestate spirituali: Unde fit posse Patrem (etiam sine culpa veniali, ut communiter docent contra Sayr., & Sanch.) irritare vota filii, Virum vota Uxoris, Dominum servi, Praelatum Regularem vota suorum subditorum, excepto voto aetioris Religionis, & Pontificem omnium Regularium. Si tamen Superior approbavit juramenta subditorum, valide quidem poterit deinde illa irritare, sed illicite, nisi detur justa causa: Quamvis probabiliter ex Suar. contra Sanch. apud Trull. dub. 20. raro id sit peccatum mortale, nisi scandalum, aut contemptus adsit.

V. Ex quo patet discrimen inter irritationem, & dispensationem, seu relaxationem; haec enim causam requirit, unde cognosci debent in particulari vota, ut possint dispensari, & juramenta relaxari: Contra vero possunt simpliciter omnia omnino vota, & juramenta subditi indiscriminatum irritari a Superiore, quamvis ea in particulari non cognoscantur.

VI. Loquendo in specie primo de votis, & juramentis filiorum, certum est Patrem posse irritare omnia vota

filiorum impuberum, ex cap. *Mulier* 21. *quest.* 2., idque propter imbecillitatem aetatis: Quare etiam votum ingrediendi Religionem irritari potest; etiam votum factum ante pubertatem, sed implendum post pubertatem, nisi post pubertatem ratificatum sit: Contra vero non potest Pater vota personalia filiorum puberum irritare, nisi forte hujusmodi vota repugnarent domesticæ gubernationi, & potestati Patris; ut si filius voveat peregrinationem longam, aut multa jejunia cum periculo morbi; immo etiam jejunium unius diei, si proinde Pater cogatur parare alios cibos a communibus. Potest tamen pater vota realia filiorum puberum irritare, (nisi filii habeant bona castrensia, vel quasi, ut sint emancipati) Sicut etiam irritare potest vota mixta, exempli gratia de peregrinando, &c., in quibus admiscetur expensæ reales labori personali; nisi forte filius intendat peregrinari mendicando. Si tamen filius habeat bona castrensia, (parta scilicet occasione belli, ut sunt stipendia militum, spolia, &c.) vel quasi castrensia, (quæ scilicet acquiruntur ratione beneficii, officii publici, aut artis liberalis, non vero mechanica; ut videre est apud Lessl. c. 4. dub. 3.) vota realia de iis expendendis non possunt a Patre irritari; cum habeant filii de iis liberam potestatem disponendi, sicut quando sunt emancipati. Nec potest Pater irritare vota realia puberum exequenda tempore, quo erunt sui juris.

Secundo, Mater non potest vota filiorum irritare vivente Patre, aut saltem Avo, Tutore, aut Curatore; quia in jure nullam tunc in filium habet potestatem: Si tamen his omnibus filius sit destitutus, potest Mater, & ea mortua, Avia.

Tertio, Dominus potest irritare vota mancipii, quæ illius obsequio præ-

præjudicant, ut votum peregrinationis, religionis, &c. Unde non potest irritare votum castitatis, orationis moderatæ, &c. Votum autem Religionis, & quodcumque aliud ante servitutem emissum remanet suspensum tempore servitutis. Si tamen tempore servitutis emissum sit, & tempore servitutis sit etiam exequendum, semel irritatum non reviviscit; Si vero post servitutem exequendum sit, (ut si vocat servus ingredi Religionem post servitutem) certe ad id tenetur, cum non præjudicet subjectioni, ut docent communiter.

Uxor autem Domini, quia non habet bonorum omnium administrationem, vota servorum irritare non potest.

VII. Quarto, Maritus potest omnia vota, & juramenta uxoris irritare, quæ matrimonio sunt incommoda, & domesticæ gubernationi. Vota vero non præjudicantia, ut orandi, non mentiendi, &c. communiter docent, quod non possit irritare: Quamvis probabiliter putet Pal., Bonac., Azor., quod possit; sicut Pater potest omnia vota filii irritare; Nam Genes. 3. dicitur de uxore: *Sub viri potestate eris, & ipse dominabitur tui*; unde etiam potest irritare vota tempore conjugii emissâ, sed implenda mortuo marito, verbi gratia votum non iterum nubendi, aut castitatis, &c., ut notat Sanch. lib. 4. cap. 31., & Dian. part. 4. tract. 4. resol. 110. Votum non petendi debitum ab uxore emissum potest irritari a marito absque ulla causa, si sine sua licentia factum sit; si vero de sua licentia, valide potest sine causa irritari, sed illicite irritatur. Quod tamen non militat in simili voto viri emissio de licentia uxoris, ut mox dicemus.

Quinto, Uxor potest irritare solum vota mariti sibi præjudicialia, ut votum castitatis, longæ peregrinationis,

immoderatæ abstinentiæ, aut elemosynæ. Ratio est, quia vir non subijcitur uxori; quoad voluntatem, sed quoad materiam per votum promissam. Si vero vir de licentia uxoris emisit votum sibi præjudicans, verbi gratia non petendi debitum, nec licite, nec valide poterit ab uxore irritari, ut communiter docent apud Tambur. contra Trull. cap. 2. dub. 33. Ratio est, quia intantum potest uxor irritare vota mariti, in quantum sibi præjudicant, non quia habet potestatem dominativam in illum; acquiri per licentiam datam cum suo præjudicio jam renunciavit; ergo non potest amplius irritare: Quod idem docent Doctores de votis servorum de licentia Domini emissis.

VIII. Sexto, Superiores Regulares possunt irritare omnia vota subditorum, non secus ac Pater filiorum imuberum; quia subiectam sibi habent eorum voluntatem. Solum irritare non possunt vota constituentia statum religiosum, ut patet; quia sic haberent potestatem destruendi suam potestatem; Nec votum assumendi Religionem strictiorem, ex cap. *Licet, de Regularibus*.

Nomine autem Superioris Regularis venit etiam Summus Pontifex, qui proinde irritare potest regularium vota; Reliquorum vero fidelium vota, & juramenta Pontifex solum potest dispensare, non irritare; Et ratio est, quia solum Religiosi per votum obedientiæ illi tanquam capiti subijciuntur; potestas autem irritandi consequitur ad votum obedientiæ; potestas vero dispensandi ad potestatem jurisdictionis. Abbatissæ juxta Sanch., & Suar. possunt etiam irritare vota subditarum, quia pariter subditiæ emittunt vota obediendi Abbatissis; Et quamvis careant istâ jurisdictione spiritali, adhuc vota Monialium irritare possunt, ex Suar. apud Trull., sicut pot-

potest Pater irritare vota filiorum. Azor. tamen, & Pal. solum concedunt Abbatissis, quod possint irritare vota præjudicantia gubernationi domus.

Relate ad Novitios, non possunt Superiores eorum vota irritare; ex Suar., Sanch., Pak apud Tambur.; cum votum obedientiæ non emiserint; Omnia tamen vota novitii tempore novitiatus suspenduntur, si præjudicant probationi, & commutari possunt in professionem religiosam. Immo ex Lefs. disp. 40. num. 8. possunt dispensari a Prælato regulari, qui erga illum habet potestatem quasi Episcopalem, cum non deceat ad Episcopum recurrere. Demum si Superior dedit facultatem vovendi subdito, non potest licite sine causa tale votum irritare; potest tamen licite successor, quia non amisit jus suum.

IX. Quæritur tertio; Quinam possint juramenta relaxare, & vota dispensare?

Respondeo, relaxationem juramenti vel fieri per condonationem factam ab eo homine, in cujus favorem juratur; ut si juraveris dare centum Petro, & ille remittat; Vel fieri a Superiore tollente ex justa causa obligationem, eo modo quo vota dispensantur. Certum autem est, ad hanc relaxationem, seu dispensationem requiri justam causam, non solum ut licite, sed etiam ut valide fiat. Est autem justa causa ad dispensandum, & a fortiori ad commutandum Ecclesiæ utilitas, Dei honor, bonum jurantis, magna ejusdem fragilitas, per quam timetur juramentum, aut votum sæpe violandum; Item jurantis inconsideratio, levitas, inconstantia, timor, vel alia animi perturbatio in jurando.

Notandum ulterius, juramentum aliud fieri in purum obsequium Dei per modum voti; ut si alicui jures te nunquam lulum, pejeraturum,

*Part II.*

&c.; Aliud vero in commodum, lulum, vel obsequium alterius; ut si jures dare centum Titio, solvere usuras, &c. His explicatis

Dico primo, juramenta, & vota in utilitatem alterius facta ne a summo quidem Pontifice regulariter dispensari possunt, si sint acceptata, nisi forte aliquando bonum commune dispensationem requireret. Ratio est, quia non potest Pontifex privare homines jure suo; per hoc autem, quod acceptata sit promissio jurata, jam ex justitia debetur, quod juratum est. Ita Cajet., & Abbas. Dixi, Regulariter, nam dispensari possunt a Papa, Primo, si juramentum fraude, vel metu sit extortum; ut si jurasti dare centum latroni. Secundo, si adsit injustitia; ut si jurasti solvere usuras. Tertio, in penam justam, & debitam ei, in cujus favorem juramentum est præstitum; ut quando vi, vel fraude extorquetur juramentum.

Dico secundo, juramenta, & vota prædicta, si non sint acceptata, poterunt ex justa causa a Superiore dispensari, vel commutari. Ratio est, quia non posita acceptatione, nondum ab altero est acquisitum jus. Idem dicitur de juramentis, & votis acceptatis ab eo, in cujus favorem emittuntur, quando principaliter, & ultimate emittuntur in obsequium Dei, & minus principaliter in favorem alterius: Verbi gratia, si jurasti dare dotem Bertæ, itaut præcise in honorem Dei promiseris talem favorem Bertæ. Ita Dian. part. 6. tract. 6. resol. 61., Fagund., & alii cum Tambur. lib. 3. cap. 17. Ratio est, quia in hoc casu acquiritur jus ab acceptante dependenter a beneplacito Dei; cum non sit ipsi principaliter directæ promissio jurata; atque adeo si ponatur aliquid Deo gratius, non fit contra juramentum: Præsertim quia semper votum, & juramentum principaliter

P

ia-

factum in Dei obsequium habet illam tacitam conditionem, nisi voluero hoc votum in melius commutare; ergo tale votum poterit etiam propria auctoritate in melius commutari.

Dico tertio cum Pal. apud Tambur. lib. 3. cap. 3. num. 45. Quando juramentum non confirmat contractum, (qui scilicet contractus jure civili est irritus) licitum est petere relaxationem, & facillimo negotio dari debet a Prælato, non solum si in eo appareat turpitudine ex parte recipientis, ut in juramento de solvendis usuris, sed etiam in aliis, ut in juramento de solvenda pecunia credita ludo amissa. Nam ex hoc juramento, ut supponimus, nullum jus confurgit creditori; Causa autem justa, ut relaxetur, est, ne homines assuescant contra legum dispositiones operari, seu ne alia via frustretur effectus per legem intentus, ut notat Sanch. lib. 3. cap. 12.

Dico quarto, Omnia juramenta, & vota in obsequium Dei præstita, & quæ jus justitiæ in altero non præsupponunt, dispensari possunt a Papa; Etiam votum solenne Religionis, ut communiter docent apud Trull. dub. 38. contra D. Th. 2. 2. quæst. 88. art. 2. Sæpe enim in talibus votis Papæ dispensarunt; debuit quippe talis facultas a Deo conferri Pontifici; cum ea aliquando opus sit.

Dico quinto, Possunt etiam Episcopi eadem vota, & juramenta dispensare, & commutare, nisi a Papa sibi reserventur. Ratio est, quia talis potestas tradita est a Christo Domino Apostolis, eorumque successoribus pertinens ad externam Ecclesiæ gubernationem, sicut est potestas excommunicandi, &c., Unde debetur Episcopis, nisi sit illis limitata a Pontifice; ut de facto limitatur relate ad illa quinque vota Castitatis perpetuæ, Religionis, & trium peregrinationum, Romanæ,

Compostellanæ, & Hierosolymitanæ; quæ Pontifici reservantur, quando sunt absoluta, & perfecta, & non sub pœna, vel sub conditione emissæ, ut infra dicemus cum de voto.

X. Dubium tamen est, An sicut votum castitatis est Pontifici reservatum, ita pariter sit reservatum juramentum, quo quis jurat se castitatem servaturum? Sanch., & alii apud Dian. part. 4. tract. 4. resol. 69. affirmant. Sed Laym., Pelliz., & alii apud Tambur. probabiliter negant, quia solum ea quinque vota, non vero juramenta reservantur; Diversum autem est vinculum voti a vinculo juramenti; immo illud est majus, quia importat irreverentiam simul, & infidelitatem erga Deum, juramentum autem solum irreverentiam, ut notat D. Th. 2. 2. quæst. 89. art. 8., Unde reservato voto castitatis non sequitur, quod sit etiam reservatum juramentum: Contra vero, quia vinculum juramenti est minus arctum, quam voti; & juramentum promissorium est affine voto, idcirco Suar., Sæ., & alii probabiliter docent, quod cui conceditur facultas dispensandi, vel commutandi vota, ei pariter concedatur facultas relaxandi, vel commutandi juramenta, atque adeo vota jurata, quæ emittuntur per hæc verba, Voveo, & juro me hoc facturum, &c.

Dico sexto, Vicarii Generales Episcoporum non possunt ex officio in votis dispensare, ut notat Sanch. lib. 2. disp. 40. Nec possunt Parochi, cum non habeant jurisdictionem in foro externo. Episcopus tamen in casu necessitatis potest in voto castitatis dispensare, puta si imminet ex mora periculum incontinentiæ, aut gravis damni, nec sit facilis aditus ad Pontificem; ut Sanch. lib. 8. disp. 9.

Dico ultimo, facultas dispensandi in votis etiam Episcopo reservatis concessa est a Martino V. Confessariis

Benedictinorum, atque adeo eam habent omnes Regulares cum iis communicantes. Immo Societati nostræ concessit Gregor. XIII. facultatem commutandi omnia vota etiam jurata, exceptis illis quinque; Et circa hanc facultatem dicitur in nostris privilegiis V. *Commutatio, Communicatur omnibus Confessariis pro solo foro conscientie*; Commutatio tamen fieri non potest in præjudicium tertii.

XI. Quæritur ultimo, Quinam possit juramenta, & vota commutare?

Respondeo, quod cum minor causa requiratur ad commutandum, quam ad dispensandum quia plus est dispensare; ideo quicumque habet potestatem dispensandi, habet etiam commutandi; etenim commutatio tanquam pars minor in dispensatione continetur. Contra vero qui habet privilegium commutandi, non habet eatenus dispensandi.

XII. Dubium est, An possit ipse jurans, & vovens commutare sibi votum, & juramentum?

Respondeo, posse etiam sine ulla causa commutare in opus evidenter melius. Ratio est, quia non dicitur promissum infringere, qui illud commutat in melius; Potest etiam probabiliter commutare in opus evidenter æquale, itaut constet non esse minus. Ita Henr. apud Tamb. contra Suar. Sanch., & alios communius. Ut autem in æquale commutet, Less., & Tambur. aliquam saltem levem causam requirunt, Villalob. nullam apud Dian. part. 3. tract. 5. resol. 25.

Excipe tamen primo vota, & juramenta in favorem alicujus principaliter præstita, & acceptata; quia homini non semper est gratius, quod est melius. Si tamen principaliter sit præstitum juramentum in obsequium Dei, & minus principaliter in favorem alterius, diximus cum Dian. part. 6. tract. 6. resol. 61. probabiliter pos-

se commutari in opus Deo gratius; Verbi gratia, si vovisti dare dotem Bertæ principaliter propter obsequium Dei, poteris hanc dotem dare alteri magis indigenti, quæ scilicet non solum a miseria, sed etiam a peccato tollatur. Excipe etiam quinque illa vota reservata, quia eo ipso, quod votum reservatur, subditur arbitrio solius superioris; Quamvis ex cap. *Scriptura, de Voto*, omnia vota etiam reservata commutari possint in ingressum Religionis.

Notandum hic, quod qui non habet facultatem dispensandi, sed solum commutandi, si commutet in notabiliter minus, graviter peccat; Verbi gratia, si jejunium mutaretur in quinque Pater, & Ave: Sic etiam peccat graviter habens facultatem dispensandi, si aut dispense, aut commutet in notabiliter minus sine justa causa, itaut etiam dispensatio sit nulla; commutatio vero ex Sanch. lib. 4. cap. 51. sit valida, quamvis vovens contrahat obligationem gravem supplet id, quod deest ad æquandam materiam subrogatam pro re promissa. Non est tamen necesse, quod habens facultatem commutandi commutet semper in æquale; poterit enim ex justa causa commutare in minus, hæbens proportionem cum re promissa, ut docet Less., & alii, & ipsa praxis confirmat. Ratio est, quia cum probabiliter possit votum propria auctoritate commutari in evidenter æquale, facultas superioris commutandi, ne sit frustratoria, debet posse etiam in minus, dummodo non notabiliter.

Dubium est secundo, An facta commutatione liceat ad prius votum redire?

Respondeo, certum esse, quod possit, si commutatio facta sit in minus, vel in æquale; si tamen facta sit in majus, asserit etiam Sanch. lib. 8.



de Matr. disp. 9. contra Filliuc. Ratio est. quia commutatio facta est in favorem ipsius voventis, cui potest ipse renunciare; Si tamen commutatio in melius facta sit ob majorem Dei cultum, cum sit facta in favorem Dei, non est licitum ad prius votum redire. Illud demum certum est, quod si commutatio fiat in opus, quod deinde vovens implere non potest, ad nihil amplius teneatur: Verbi gratia, si votum peregrinationis mutetur in jejunia, & propter ægritudinem deinde non possit jejunare, nec ad jejunia teneatur, nec ad peregrinationem, nec ad aliud.

### ARTICULUS VII.

De Perjurio, ac de assueto ad jurandum.

- I. Perjurium presse sumptum est juramentum, cui deest veritas; late vero sumptum est, cui deest iudicium, & iustitia, seu necessitas, & honestas. Est perjurium peccatum gravius homicidio.
- II. Estque pariter peccatum gravius homicidio, nullum tempus velle dicare divino cultui.
- III. Consuetudo conjungendi juramentum cum mendacio sub mortali tollenda est. Immo mortaliter peccat, qui cum hac consuetudine inadvertenter jurat cum proximo periculo pejerandi; etiamsi tunc iuret verum.
- IV. Quanam remedia adhiberi possint ad evellendam jurandi consuetudinem?
- V. Ut mortaliter peccet, qui assuetus juramentis hic, & nunc jurat, debet advertere ad obligationem, quam habet evellendi talem consuetudinem, aut ad periculum proximum pejerandi. Quoniam pacto hæc peccata in confessione aperien-

da? Et quando negari debet absolutio?

I. **P**erjurium proprie, & prout in jure sumitur, est juramentum, cui deest aut veritas asserta in assertorio, aut veritas rei promissa in promissorio: Late autem sumptum significat omne juramentum, cui deest aliqua ex iis tribus conditionibus, videlicet vel veritas, vel iudicium, vel iustitia. Est autem Perjurium peccatum gravius homicidio, ex D. Th., & Sor. contra alios; tum quia opponitur præstantiori præcepto primæ tabulæ; tum quia est directe contra charitatem Dei; homicidium vero contra particularem proximi iustitiam.

II. Neque dicas, quod pariter peccatum contra tertium præceptum, videlicet die festo laborare, esset peccatum gravius homicidio.

Nam respondent Sylvest, & Sor., quod vel observantia diei festi sumitur, quatenus est de jure positivo, nempe prout est talis diei determinatio, & sic est minus grave homicidio; Vel sumitur quatenus est de jure divino præcipiente, quod aliquo tempore vacetur Deo; & sic qui per totam vitam nullum tempus divino cultui dicaret, committeret peccatum gravius homicidio.

III. Circa consuetudinem jurandi, cum hæc facilius, & ponat hominem in proximo periculo jurandi; si sit solum consuetudo jurandi, sed non mentiendi, non tenetur sub mortali illam extirpare, quia per illam non versamur in proximo periculo peccandi graviter, seu pejerandi. Contra vero si sit consuetudo conjungendi juramentum cum mendacio. Qui vero habet consuetudinem tam jurandi, quam mentiendi, non tamen conjungendi juramentum cum mendacio, si quoties jurat, advertenter ju-

jurat, & procurat non conjungere cum juramento mendacium, neque tenetur sub mortali talem consuetudinem extirpare. Secus vero si inadvertenter jurat, ita scilicet ut sit in proximo periculo pejerandi. Unde fit, ut notant Suar., & Sanch. apud Trull. dub. 20., quod hic peccet mortaliter, quoties jurat inadvertenter, etiam si verum juret; quia jurat cum proximo periculo pejerandi; Etenim *Qui amat periculum, peribit in illo*, debet tamen ad hujusmodi periculum advertere, ut peccet mortaliter.

IV. Remedia autem ad extirpandam aliquam consuetudinem sunt, firmiter proponere, frequentius confiteri de singulis actibus malis, vel aliquam elemosynam elargiri, vel orationem recitare, &c., & ante cubiculum advertere quotidie ad profectum in ea re factum; & efficacius remedium esset mordere linguam statim postquam lapsa est in juramentum. Quare qui nullum adhibet remedium ad consuetudinem evellendam, absolvi quidem poterit prima, secunda, tertia, & ad summum quarta vice, si vere debeat, & proponat remedia adhibere, sed si nunquam propositum servet, non est deinde absolvendus.

V. Quia tamen revera non peccatur mortaliter, quoties juratur sine advertentia ulla neque ad perjurium, neque ad periculum pejerandi, sed solum quando assuetus juramento advertit se graviter obligari ad evellendam consuetudinem, & omittit remedia opportuna, ideo cum difficile sit has advertentias numerare, satis est in confessione aperire tempus durationis talis consuetudinis peccaminose.

## ARTICULUS VIII.

## De Adjuratione.

- I. *Adjuratio vel est Imperativa, ut erga demones, vel Obsecrativa, ut erga Deum.*
- II. *Obsecrativa est actus latria, si fiat invocatione Dei; Est actus Dulie, si fiat invocatione Sanctorum; Et Hyperdulie, si Beata Virginis. Quando autem fit per alias creaturas, non est actus Religionis.*
- III. *Creatura irrationales adjurantur improprie, quatenus obediunt Creatori.*
- IV. *Per orationem petimus aliquid a Deo; Per Adjurationem petimus aliquid propter Deum.*
- V. *Differt Adjuratio a juramento; quia per illam adducitur Deus, non ut testis, sed ut ejus amore, vel timore aliquid obtineatur. Requirit tamen Adjuratio tres illos juramenti Comites, Veritatem, Justitiam, & Judicium.*
- VI. *Quibus liceat demones adjurare adjuratione imperativa? Num etiam laicus possit exorcizare publice circa mortale?*
- VII. *Vis expellendi demones per exorcismos est ex opere operato.*
- VIII. *Privata Adjuratio adversus demones cuilibet est licita.*
- IX. *Quid possint, aut non possint Exorcista a demone interrogare?*
- X. *Videntur mortales creaturas irrationales exorcizare directe. Indirecte adjurari possunt, vel adjuratione deprecativa, prout moventur a Deo, vel imperativa, prout moventur a demone.*

I. **A** Djuratio ex D. Th. 2. 2. quest. 90. est actio, per quam aliqua persona inducitur ad aliquid faciendum, vel imperando, ut adjura-  
ri

ri debent dæmones; vel obsecrando invocatione alicujus rei Sacræ, ut cum ad Roman. 12. dicit Apost. *Obsecro vos per misericordiam Dei*; & quando orat Ecclesia dicendo, *Per Christum Dominum nostrum*; Sic etiam cum dicitur, fac hoc per amorem, quem erga Deum geris, per vitam tui Patris.

II. Hinc sequitur primo, Adjurationem aliam esse Imperativam, ut cum dæmonibus imperamus, ne noceant per virtutem Sanguinis Christi; Aliam vero Deprecativam; Quæ si fiat invocatione rei Sacræ, est actus Religionis; ita ut sit actus latræ, si fiat invocatione Dei, aut eorum, quæ ad Deum pertinent; sit vero actus Hyperdulæ, si quid obsecramus, vel dæmonibus, aut aliis creaturis imperamus per Beatam Virginem; sit actus Dulæ, si per Sanctos; Quod si fiat per creaturas, ut per vitam tui patris, talis adjuratio non est actus Religionis.

III. Sequitur secundo, adjurari posse omnes creaturas, quibus aliquid possumus imperare, aut deprecari, atque adeo omnes creaturas rationales: Creaturæ vero irrationales improprie adjurantur, quatenus scilicet audiunt vocem Creatoris, & illi phylice obediunt; ut quando dicitur monti, In nomine Christi transfer te hinc ad alium locum.

IV. Sequitur tertio, In hoc differre Adjurationem ab Oratione, quod per Orationem aliquid a Deo petimus; per Adjurationem vero petimus aliquid propter Deum.

V. Sequitur quarto, differre etiam a Juramento, quia in juramento Deus adducitur ut testis; in Adjuratione vero adducitur Deus, seu res sacra, ut ejus amore, vel timore res petita obtineatur. Exigit tamen adjuratio eodem modo tres illos comites, sicut juramentum, nempe Veritatem, Justi-

tiam, & Judicium, ne temere contra virtutem Religionis exerceatur: Veritatem quidem exigit, quia per Deum verum debemus adjurare, non per falsos, aut per dæmonem; Nec debet intermisceri in adjuratione mendacium; quare peccaret etiam contra Religionem (quamvis ex Sanch. venialiter tantum) pauper fictus petens per amorem Dei elemosynam: Exigit etiam justitiam, quia res, quæ petitur, debet esse licita; unde peccaret graviter contra Religionem, qui peteret ab alio peccatum grave per Beatam Virginem, exempli gratia: Demum exigit judicium; quia debet fieri cum necessitate, & cum debita reverentia.

VI. Quæritur nunc primo; An omnibus liceat adjurare dæmones adjuratione imperativa?

Respondeo, & dico primo, adjurationem publicam, & solemnem non licere, nisi Exorcistis, qui sunt ministri Ecclesiæ ad id destinati. Exorcizare enim græce idem est, ac Adjurare: Convenit tamen, quod qui exorcizat, sit Sacerdos prudens, & doctus; Quamvis Tambur. contra Tancredi probabiliter putet, quod si laicus publice exorcizet, præciso scandalo, non nisi venialiter peccet: Sicut enim laicus exercet munus Acolythi serviendo missæ, ita in necessitate posset laicus exercere munus Exorcistæ; cum cuilibet fidei a Deo data sit potestas expellendi dæmonem; dicitur enim Marci ult. *Signa eos, qui crediderint; &c. in nomine meo dæmonia ejicient.*

VII. Ubi notandum, quod potestas exorcizandi dæmones, & expellendi non fundatur in Sanctitate ministri, sed in invocatione divini Nominis, & in Sanctitate Ecclesiæ, in cujus persona ministri exorcizant; Sic nec efficacia Sacramentorum pendet a ministri sanctitate: Quare exorcismi habent ex opere operato vim expellendi dæmones; sicut Sacramenta vim conferendi

rendi gratiam ; ut docet D. Th. 3. part. quæst. 71. art. 3. Impeditur tamen sæpe hujusmodi effectus, vel ob modicam ministri fidem, ut notat Valent, vel quia effectus non est infallibilis, sed ex congruitate quadam, ut Sanch. lib. 2. Moral. cap. 42. ; Unde tunc in nomine Christi dæmonia ejiciuntur, quando id expedit ; non enim semper ob culpam dæmoniæ dæmon non expellitur, sed etiam ex occulto Dei judicio, vel ob utilitatem animæ, vel propter exemplum aliorum &c. : Sic ut Sacramentum Extremæ Unctionis, quamvis institutum sit ad conferendam etiam corpori salutem, non semper tamen illam confert, sed quando expedit ad salutem animæ.

VIII. Dico secundo, Adjuratio privata contra dæmones cuilibet est licita ; quia de omnibus fidelibus dictum est, *In nomine meo dæmonia ejicient*. Quare quilibet potest privatim dæmonem adjurare ; sicut cum tentatur, potest per Deum, per Sanctos adjurare illum imperative, ne noceat ; ut Sanch. loc. cit.

IX. Hic autem notandum, Exorcistis non licere quodcumque a dæmone interrogare, sed solum quæ ejus expulsionem e corpore obfessi conducunt, puta ejus nomen, causam ingressus, quot sint, aut aliquam veritatem ad gloriam Dei, & in adstantium utilitatem : Quod tamen a solis Sanctis vi-

ris, & prudentibus faciendum esse docent Doctores ; Si tamen res curiosæ, & inutiles interrogentur, vel vanum aliquod petatur, puta ut moveat ingentem lapidem, &c., ubi semel, aut iterum id fiat, erit solum veniale, ob actus imperfectionem, ut docet Navar., & communiter contra Pal. tom. 3. tract. 14. disp. 4. ; Erit tamen mortale, si longi sermones de his rebus miscantur, aut si fiat cum intentione addiscendi a dæmone, aut fidem certam illi dandi.

X. Quæritur secundo ; An Creaturæ irrationales adjurari possint, puta grandines, locustæ, tempestates ?

Respondeo cum Sanch. loc. cit. & Trull. non posse adjurari directe, quasi vero ipsæ se moveant, & malum causent, & a timore Dei, per quem adjurantur, abstineant a nocendo ; Hoc enim vanum esset, & ex Navar., Bonac. contra Suar., & Sanch. esset peccatum mortale, propter irreverentiam contra exorcismos Ecclesiæ, eo quod vane adhiberentur : Quia vero creaturæ irrationales ab alio moventur ad nocendum, scilicet vel a Deo, vel a dæmone, ideo indirecte adjurari possunt adjuratione, quæ relate ad Deum moventem sit deprecativa, relate ad dæmonem sit imperativa, eo modo quo utitur Ecclesia in Exorcismis.

# Q U Æ S T I O VIII.

## De Voto.

**C**Um Votum sit iuramento promissorio valde affine, plurima diximus questione superiore ad Votum pertinentia agentes de iuramento; hic pauca, quæ supersunt, explicabimus, inquirendo prius, Quid, & Quotuplex sit Votum? Deinde, ejus materiam, & obligationem. Demum, Quonam pacto tolli possit Voti obligatio, præsertim per dispensationem.

### ARTICULUS I:

Quid, & Quotuplex sit Votum?

- I. Votum est promissio deliberata facta Deo de meliori bono.*
- II. Differt a proposito, quippe quod non est obligatorium, saltem sub gravi.*
- III. Si votum fiat cum semiplena deliberatione, non obligat. Quid si dubitetur, an deliberatio fuerit plena?*
- IV. Ad votum sufficit voluntas implicita illud emittendi; ut in suscipiente Ordines Sacros; Qui si nolit vovere castitatem, adhuc ad illam obligatur, saltem ex statu Ecclesie, & est sacrilegus, si adversus illam peccet.*
- V. Qui invalide suscipit Ordines Sacros, ad castitatem non tenetur: Secus vero qui invalide in Religione profectur.*
- VI. Soli Deo votum fieri potest, Deipara vero, & Sanctis, quatenus Deus in iis inhabitat.*
- VII. In quo sensu votum est de meliori bono?*
- VIII. Vinculum voti est foris vinculo iuramenti promissorii.*
- IX. Votum invalidum per ratificationem non revalidatur, si ejus invaliditas ignoretur. Quid si quis dubitet, an voluerit per ratificationem novum votum emittere?*
- X. Multipliciter dividitur votum; præsertim in Solemne, & Simplex: So-*

*lemne emittitur in susceptione Ordinis Sacri, & in Professione Religiosa, & irritat matrimonium; Quod pariter irritat Votum simplex in Societate Jesu.*

- XI. Per votum pænale, puta non blasphemandi sub pœna jejnandi, ut plurimum duo promittuntur Deo; Id tamen pendet ex intentione votentis.*

**I.** Oueritur primo, Quid sit Votum, & in quo differat a proposito, & a iuramento promissorio?

Respondeo, Votum ex D. Th. esse promissionem Deo factam voluntariam, & deliberatam de bono meliori.

II. Unde sequitur primo, quod quamvis omne votum sit propositum, seu deliberata voluntas aliquid faciendi, tamen non omne propositum est votum; cum non omne propositum sit promissio, seu voluntas se obligandi Deo: Quare qui non observat votum in materia gravi, est perfidus, seu violat fidem, & promissionem datam, & peccat mortaliter; qui vero propositum non observat, est solum inconstans, & peccatum mortale non committit: Inimò dubium est apud Doctores, an peccet venialiter? Affirmat enim Pal., quia est levitas animi, saltem sine causa, a bono proposito se avertere: Negat vero Sanch. lib. 4. cap.

cap. 1., Navar. & alii, quia nulla lex obligat ad propositum servandum: Et quamvis sit quædam levitas mutare propositum sine causa, at non est levitas peccaminosa; quia est solum defectus majoris boni; nec fit contra virtutem constantie obligatorium.

III. Sequitur secundo, quod votum fieri debeat cum plena advertentia ad id, quod promittitur, & cum plena libertate; sufficit autem ea deliberatio, & libertas, quæ satis est ad peccatum mortale. Quod si deliberatio sit semiplena, peccat quidem venialiter sic vovens, cum ad sit defectus prudentiæ, sed ne sub veniali quidem obligatur ad votum, ut communiter docent apud Trull. Et ratio est, quia nemo censetur velle sibi onus assumere, nisi plene advertat ad id, quod agit; etenim sic velut per ignorantiam censetur vovere; ut accidit, cum quis ex subito animi motu vovet, vel ex consuetudine lingvæ mentem præveniente. Si tamen dubites de plena advertentia, Pal., & Bonac. putant probabiliter te obligari, quia possessio, & præsumptio stat pro voto; Alii vero apud Tambur. cap. 3. lib. 1. §. 7.º V. *Votum*, & apud Trull. lib. 2. cap. 2. probabiliter putant, te non obligari; quia stat in possessione libertas in foro conscientiæ, quamvis in foro externo stet in possessione votum.

IV. Notandum tamen, ad votum sufficere promissionem deliberatam implicitam, qualis requiritur in suscipiente Ordines Sacros, quibus ex intentione, & instituto Ecclesiæ annectitur votum solemne castitatis: Etenim qui deliberate vult aliquem statum suscipere, deliberate vult subire omnia onera tali statui annexa; ergo quamvis ignoret annecti Ordinibus Sacris votum castitatis, quia tamen deliberate vult illos suscipere, consequenter deliberate emitit votum castitatis, quamvis implicite. Quod si positive nolle vo-

*Pars II.*

vere castitatem, non solum peccaret; sed teneretur etiam castitatem servare, saltem ex statuto Ecclesiæ; Quinimo si peccaret contra castitatem, quamvis non peccaret contra votum, eo quod noluerit votum emitte, adhuc sacrilege peccaret, eo quod tale peccatum adversaretur sacro statui, in quo reperitur, qui Sacros Ordines suscepit.

V. Qui tamen Ordines suscipit invalide, ad castitatem non tenetur; quia destructo principali, corrumpit etiam accessorium: Econtra qui invalide in Religione proficitur, tenetur ad castitatem, quia in tali casu castitas non se habet ut accessorium, sed ut principale.

VI. Sequitur tertio, Votum soli Deo fieri posse, quia votum est actus Religionis respiciens cultum Deo debitum; testamur quippe per votum Deum esse summe providum, eique in angustiis recurrendum, ut opem ferat. Quando autem Beatz Virgini, vel Sanctis aliquid vovemus, tunc etiam mediamur. & tacite vovemus ipsi Deo, quatenus in iis habitat per sanctitatem: Sicut enim juramus per Sanctos, quatenus sunt aliquid Dei, ita iisdem Sanctis vovemus; tum quia sunt aliquid Dei; tum etiam ut sint testes voti, & Patroni, ac intercessores ad votum servandum, & ad obtinendum quod intendimus.

VII. Sequitur ultimo, votum de re, quæ est impossibilis cum majori bono, esse nullum; ut votum de nubendo, quod impedit celibatum. Dicitur tamen esse votum de meliori bono, non solum quia debet esse melius, quod promittitur, quam ejus oppositum, sed etiam quia ipse actus vovendi rem bonam facit illam meliorem; nam si res, quæ promittitur, sit præcepta, siue non, semper vovere illam est actus supererogationis, & opus consilii; Unde cæteris paribus

Q

bus magis meritorium est facere opus ex voto, quam sine illo; Nam jejunium, exempli gratia, cum voto est actus religionis simul, & abstinentiæ; ubi sine voto esset solum actus abstinentiæ: Unde dixit Divus Anselmus lib. de similitud. cap. 84. *Plus est dare arborem cum fructibus, quam solos fructus.*

VIII. Porro differt Votum a Juramento promissorio; Etenim, ut diximus art. 6. num. 10. vinculum voti fortius est vinculo juramenti: Votum fert promissionem Deo factam de aliquo faciendo, & ideo, si id non fiat, peccatur contra religionem, & contra fidelitatem Deo debitam; juramentum promissorium fert invocationem Dei in testem voluntatis præsentis de aliquo faciendo, unde si id postea non fiat, solum peccatur contra reverentiam Deo debitam, atque adeo contra religionem, ut notavimus etiam quæst. super. ex D. Th. 2. 2. quæst. 89. art. 8.

IX. Quæritur secundo; An votum invalidum per ratificationem revalidetur?

Respondeo distinguendo; nam vel ratificans scit, aut credit, votum, quod emisit, fuisse invalidum, & certe per ratificationem revalidatur; vel id ignorat, & non revalidatur; nam per ratificationem confirmatur prius votum, quod si fuit nullum, & ignoratur, solum confirmatur votum, pro ut fuit prius emissum; & sic non revalidatur. Quod si quis dubitet, an ratificando votum, quod ignorat fuisse invalidum, voluerit solum illud confirmare, an novum emitte, ex Sanchez, & Bonac. apud Trull. l. c. distinguendum est; nam si sciat, vel probabiliter opinetur se conscius fuisse prioris voti invalidi, præsumitur voluisse illud solum confirmare; secus vero præsumitur voluisse novum votum emitte.

X. Quæritur tertio; Quotuplex sit votum?

Respondeo, dividi primo in Personale, ut peregrinandi; Reale, ut dandi eleemosynam; & Mixtum; ut peregrinandi, & aliquid offerendi. Secundo, in Temporale, ut servandi castitatem per annum, & Perpetuum. Tertio, in Expressum, & Tacitum, ut est votum castitatis emissum in susceptione Ordinis Sacri. Quarto, in Simplex, & Solemne, quod scilicet cum solemnitate quadam fit, verbi gratia cum traditione proprii corporis, & libertatis acceptata; Tale est votum religionis in professione; & votum castitatis in susceptione Ordinis Sacri; & utrumque habet irritare matrimonium; quod etiam irritat votum simplex castitatis emissum in religione approbata, puta in Societate. Dicitur tamen hoc votum simplex, quia quantumvis religiosus offerat se in perpetuum religioni, hæc tamen non se obligat ad illum retinendum, si delinquat. Quinto, dividitur in Reservatum, & non reservatum. Sexto, in Absolutum, & Conditionale; Quod etiam subdividitur in Pœnale, ut si voveas te non blasphematurum sub pœna jejunandi; & non pœnale, ut voveo peregrinationem, si pater consentiat.

XI. Rogabis, Num hujusmodi votum pœnale includat duo vota, videlicet & non blasphemandi, & simul jejunandi in casu blasphemæ, an vero hoc secundum tantum?

Respondeo, hoc dependere ex intentione voventis, ut plurimum autem utrumque vovetur. Eodem modo si quis vovet sub pluribus conditionibus, pendet ex intentione voventis, num una tantum purificata, teneatur ad votum, an vero purificatis omnibus. Si tamen non constet de intentione, tunc si conditiones sint appollitæ copulative per particulam, Et, non tenetur, nisi purificatis omnibus; Secus vero si sint

sint appositæ disjunctive per particulam, *Vel*, quia verba accipienda sunt juxta propriam significationem.

## ARTICULUS II.

## De Materia, &amp; Obligatione Voti.

- I. Quando materia voti partim est apta, partim inepta, vovens ad nihil tenetur, si utramque materiam vovit per modum unius; secus si per modum plurium.
- II. Quamdiu differri possit voti adimpletio, præsertim si sit de Religione ingredienda?
- III. Num possit emissi votum cum intentione, quod solum obliget sub levi in materia gravi, & sub gravi in materia levi?
- IV. Quandonam materia levis ex circumstantia evadat gravis?
- V. Num peccet, graviter, qui sæpe violat votum in materia levi?
- VI. Peccatne mortaliter, qui eodem die violat plurima vota diversa, quorum singula sunt de re levi?
- VII. Cessat voti obligatio, facta, aut deprehensa notabili mutatione, qua si fuisset prævisa, votum non fuisset emissum.

I. **Q**Uæritur primo, Quando materia partim est apta voto, partim inepta, obligatne votum ad partem aptam, an simpliciter non obligat? Verbi gratia, si voveas ducere Bertam meretricem, quamvis ad matrimonium non tenearis, cum non sit de meliori bono, tenerisne tamen ad meretricem illam ducendam, posito quod velis nubere?

Respondeo, ut dicemus in de Sponsalibus, quod quoties materia partim est apta voto, partim inepta, toties si votum respicit materiam per modum unius indivisibilis, est simpliciter invalidum; si vero respiciat materiam

divisibiliter, tunc vovens tenetur ad solum illam partem materiæ, quæ est apta voto: Verbi gratia, qui vovit jejunium crastinum, si possit jejunare solum usque ad vigesimam horam, ad id non tenetur, quia jejunium movetur per modum unius indivisibilis; Si vero voveat jejunare totam Quadragesimam, & solum possit octo dies jejunare, ad id tenetur; quia jejunium quadragesimale movetur divisibiliter. Idem dicas in casu adducto, nam si quis voveat ducere meretricem per modum unius voti indivisibiliter, & absolute, tunc votum est simpliciter nullum; unde si vult nubere, potest cum qualibet nubere; si vero votum sit per modum plurium, itaut absolute voveat nubere, & simul conditionate voveat, quod si nubat, non nisi meretrici nubet, tunc quamvis prius votum absolutum sit nullum, unde simpliciter non teneatur nubere, tamen quia secundum conditionatum est validum, tenetur, si vult nubere, ducere meretricem: ita Suar., Bonac., & alii.

II. QUæritur secundo; Quandonam votum obliget?

Respondeo, obligare pro tempore præfixo ex intentione vovens: Quod si nullum tempus præfigatur, obligat quamprimum commode impleri possit; nam Deuter. 23. dicitur: *Cum votum voveris Domino, non tardabis reddere, quia requirit illud Dominus; & si moratus fueris, reprobabitur tibi in peccatum.*

Difficultas tamen est, quandonam mora dicatur notabilis, itaut ad mortale pertingat?

Respondeo, quod quando nullum tempus præfixum est a vovente, aliter discurrendum sit de votis, quæ per dilationem patiuntur diminutionem, (ut est, verbi gratia, votum ingrediendi religionem, aut serviendi hospitali toto vitæ tempore, nam quo longius differtur voti adimpletio, eo minus vovens vivit in religione, &



servit hospitali) & aliter discurrendum de votis, quæ per dilationem non patiuntur diminutionem, ut est, verbi gratia, votum peregrinationis Romanæ.

In his postremis votis, quando per dilationem non incurritur periculum omittendi votum omnino, quamvis Pal. putet non esse mortale moram duorum, triumve mensium tantum; ac probabile etiam est, quod docet Tambur. cap. 12. §. 3. quancunque moram esse tantum veniale; & ex Bonac. ne veniale quidem, si rationabilis causa differendi intercedat; Verbi gratia, si credatur votum adimplendum postmodum cum majori devotione. Ratio est, tum quia quoties ex dilatione nullum patitur damnum creditor, dilatio non est damnanda de gravi errore, sed solum de negligentia levi; tum etiam quia qui vovendo nullum tempus præfixit, videtur solum se obligasse ad rem quocumque tandem tempore ponendam. In primis vero votis Pal. putat dilationem sex mensium esse mortale; alii vero cum Ledesm. dilationem trium annorum. Tambur. tamen verius putat, attendendam esse ætatem voventis, nam si hic agat quindecim annos, non videtur longa dilatio trium, vel quatuor annorum, quia cum homines soleant statum vitæ assumere circa quindecim, vel viginti annos, non videtur renunciassse huic modo, & tempori consueti assumendi statum vitæ, qui nullum tempus voto præfixit: Quod si vovens esset, verbi gratia, quadraginta annorum, dilatio sex mensium videtur notabilis.

III. Quæritur tertio, An votum de re gravi possit obligare sub levi ex mera intentione voventis?

Respondeo, multos negare cum Soc., Vasq., Pont.; sed Suar., Sanch., Pal. tom. 3. tract. 15. affirmant; quia cum obligatio voventis dependeat ab

ipsiusmet voluntate, poterit ad libitum obligare se sub levi, dummodo id exprimat. Quamvis autem vovens rem gravem possit ad arbitrium obligare se sub levi; non potest tamen viceversa vovens rem levem obligare se ad illam sub gravi, ut communiter docent contra Sayr., & Fagund. apud Dian. part. 3. tract. 5. resol. 50. Ratio est, quia sicut non potest Legislator obligare sub gravi in materia levi, ut probat Sanch. lib. 1. cap. 40. ita nec vovens.

IV. Notandum tamen, quod aliquando materia levis possit ex circumstantia adjuncta esse gravis; verbi gratia, si ex omissione illius cesset magnus honor Dei; sic qui vovet dare carolenum pro Missa celebranda, peccat mortaliter, si illum non det; secus vero si voveat dare carolenum pauperi; Sic peccat mortaliter, qui non adimplet votum visitandi aliquam Ecclesiam ad lucrandam indulgentiam pro defunctis; Et qui semel non adimplet votum sumendi Eucharistiam, ut notant Sanch., & Bonac.

V. Rogabis, an peccet mortaliter, qui sæpe violat votum de re levi: Verbi gratia, qui vovit quotidie per annum recitare Pater, & Ave, aut dare parvam elemosynam?

Respondeo cum iisdem Doctoribus apud Trull., quod si hæc vota sint annexa singulis diebus, ita ut elapso die cesset obligatio, nunquam eorum violatio pertinet ad mortale; quia innumera venialia non faciunt mortale; si vero dies appositus est, ne ultra illum differatur executio, non obligatio voti, tunc omissio erit mortalis, quando materiz leves pertingunt ad quantitatem notabilem, ut dicitur de furtulis iteratis.

VI. Rogabis secundo, An peccet mortaliter, qui plura vota de re levi emisit quotidie implenda, si eodem die omnia violavit; Verbi gratia, qui

qui vovit recitare Ave pro Sancto Antonio, & aliud Ave pro Sancto Francisco, & sic pro centum aliis Sanctis, si uno die omittat recitare hæc centum Ave, quæ debet pro centum votis emissis, peccabit ne mortaliter, an solum committet centum venialia?

Respondeo cum iisdem Doctoribus, quod peccet mortaliter. Ratio est, quia illa vota sunt ejusdem rationis, & obligant per eodem tempore ex virtute, & præcepto religionis; ergo si simul violentur, violatur præceptum religionis in re gravi, atque adeo committitur mortale; Sicut peccat graviter qui eidem debet magnam pecunie summam ex multis promissionibus, & donationibus, singulis de re modica, si illam non solvar.

VII. Queritur quarto, An cesset obligatio voti, facta notabili mutatione rei promissæ, quæ si prævisa fuisset, votum non fuisset factum?

Respondeo, hanc regulam communiter tradi a Doctoribus apud Sanch. lib. 4. cap. 2., & Trull. dub. 8., quod id liberet a voti, vel juramenti obligatione, quod si a principio accidisset, vel notum fuisset, impedisset ne votum, aut juramentum emitteretur. Ratio est, tum quia votum non obligat ultra voventis intentionem; voventis autem non præsumitur habuisse voluntatem obligandi se superveniente, aut de novo cognita tali mutatione notabili; tum etiam quia votum censetur factum sub hac tacita conditione, nisi scilicet superveniat notabilis mutatio, aut de novo appareat: etenim in casu nostro idem est de novo apparere, ac de novo esse.

## ARTICULUS III.

Quonam pacto tolli possit obligatio Voti per dispensationem?

- I. *Potest Episcopus in omnibus votis suorum subditorum dispensare, nisi expresse a Pontifice nonnulla reserventur; ut de facto quinque reservantur Pontifici.*
- II. *In dubio an votum sit Pontifici reservatum, potest dispensare Episcopus; sicut etiam in dubio an ego, at dispensatione.*
- III. *Pariter potest Episcopus in votis Pontifici reservatis dispensare in casu necessitatis, quando periculum gravis damni esset in mora.*
- IV. *Sicut etiam probabiliter id potest, si votum reservatum sit emissum ex metu levi; Aut si votum castitatis sit ad tempus, aut non sit perfecta castitatis.*
- V. *Potest Episcopus dispensare in voto penali castitatis relate ad penam, quæ est accessoria; Et in voto suscipiendi Ordines Sacros.*
- VI. *Facta a Pontifice commutatione Voti sibi reservati, potest Episcopus dispensare in materia subrogata.*
- VII. *Si votum sit disjunctivum, antequam eligatur pars reservata, potest in illo Episcopus dispensare.*
- VIII. *Potest etiam dispensare in differenda executione voti Religionis; & in voto ingrediendi Ordinem Militarem, dempto Ordine Sancti Joannis Hierosolymitani.*
- IX. *Pariter dispensare potest in votis factis in favorem alterius, si nondum sunt acceptata; Si tamen sint acceptata, tunc solum probabiliter potest dispensare, quando emissæ sunt principaliter in honorem Dei, & secundo in favorem alterius.*
- X. *Idem vota reservata, si sint conditionata, & probabiliter etiam post.*

post conditionem purificatam) dispensari possunt ab Episcopo.

*XI. Habens potestatem commutandi vota, aut in iis dispensandi, potest illam secummet exercere.*

*XII. Habens facultatem dispensandi, in Votis num possit eandem iuramenta relaxare?*

*XIII. Quenam dicatur causa iusta ad dispensandum in Votis?*

I. **D**iximus in 6. art. questionis superioris, multifariam posse tam impediri, quam tolli iuramenti obligationem; quæ omnia iuramento pariter, & voto communia sunt. Quare hic solum inquirimus de votorum dispensatione.

Quæritur itaque primo, In quibusnam votis possit Episcopus dispensare?

Respondeo, præter ea, quæ diximus loc. laud. de Iuramento, Episcopum posse in sua Diocesi dispensare in omnibus votis, in quibus potest Papa in toto Orbe, nisi ab illo specialiter aliquod sit reservatum; Et ratio est, quia habet in suas oves potestatem ordinariam sibi a Christo Domino concessam per illa verba dicta Petro Matth. 16. *Quodcumque solveris super terram, erit solutum & in Cælis*: Quia tamen Episcopus potestatem hanc habet subiectam Pontifici, ideo potest Pontifex aliquorum votorum dispensationem sibi reservare: Et de facto reservavit illa quinque castitatis, & Religionis, & trium peregrinationum, Romanæ, Hierosolymitanæ, & Compostellanæ; Quamvis autem Tabien., & alii putent, hæc tria posse ab Episcopo dispensari, quando facta sunt causa devotionis, & non in subsidium; Contrarium tamen universali Ecclesiæ consuetudine est receptum. Quia tamen reservatio est odiosa, eo quod deroget potestati ordinariæ Episcoporum, ideo strictè est interpretanda.

II. Hinc sequitur primo, in du-

bio, an votum sit Papæ reservatum, iudicandum non esse reservatum; non secus ac dum dubitatur, an casus aliquis sit reservatus, ut notat Dian. part. 4. tract. 3. resol. 59. Et eodem modo si dubium sit, an res egeat dispensatione Papæ, poterit Episcopus absolute dispensare, eo quod casus huiusmodi dubius non sit reservatus.

III. Sequitur secundo, posse Episcopum in iis dispensare in casu necessitatis, quando scilicet non patet facilis aditus ad Papam, & ex mora est periculum incontinentiæ, aut gravis scandali, aut damni; non enim censetur mens Pontificis velle votum reservare cum tanto periculo; Verbi gratia, si quis astrictus voto castitatis, aut religionis velit ducere fornicam a se dehoratam, & si expectetur dispensatio a Papa, iugens periculum habeat mutationis voluntatis, aut impediendi matrimoni, unde deberet illa puella manere sine remedio cum honoris iactura; vel si esset periculum, ut ille moretetur absque proles legitimatione, vel cum animæ periculo.

IV. Sequitur tertio ex Less. lib. 2. cap. 40. num. 106., Navar., Bonac., & aliis contra Sanch.; & Suar., posse Episcopum in iis votis dispensare, si ex metu levi sint emissæ; quia cum reservatio sit odiosa, strictam patitur interpretationem, adeoque intelligenda est de votis cum plena libertate emissis, & perfectis. Hinc ex Sanch., & Bonac. potest etiam dispensare in voto castitatis facto ad tempus, verbi gratia, per octo annos; & in voto solum non nubendi, non fornicandi, necnon si votum emissum sit cum intentione obligandi se sub levi, & in voto castitatis emissio a conjugibus post consummationem matrimonii; Cum enim hic teneatur reddere debitum, consequenter votum non est perfectæ castitatis: si tamen votum sit emissum ante matrimonium, eo inito, po-

poterit solum Episcopus dispensare ad petendum debitum, etiam ante consummationem matrimonii ex consuetudine legitime præscripta, ut notat Sanch. lib. 8. de Matrim. disp. 12.

V. Sequitur quarto, posse Episcopum etiam dispensare in iis, si sint annexa tanquam quid accessorium Voto principali non reservato; Verbi gratia, si quis voveat non ludere sub pena castitatem servandi. Contra vero si quis voveat, verbi gratia, castitatem sub pena jejunii, Episcopus non poterit dispensare in voto principali castitatis, poterit tamen in hoc voto pœnali jejunii. Eodem modo poterit Episcopus dispensare in voto assumendi Ordines Sacros; quia votum castitatis iis annectitur accessorie; unde si fornicaretur, qui vovit suscipere Ordines Sacros, non esset sacrilegus, & si matrimonium iniret, peccaret quidem, sed posset debitum petere.

VI. Sequitur quinto, quod si Papa commutet votum reservatum castitatis in materiam non reservatam, puta in jejunia, poterit Episcopus in his dispensare; Neque obstat, quod subrogatum sapiat naturam ejus, pro quo subrogatur, ut docent communiter Canonistæ: Nam hoc procedit quoad intrinseca, ita scilicet ut ejusdem ponderis sit, non quoad extrinseca, sicut est reservatio, ut notant Sanch., & Bonac.

VII. Sequitur sexto, quod quando votum disjunctive emittitur, & una tantum pars est reservata, possit Episcopus in eo dispensare, antequam vovens eligat partem reservatam; ut si quis voveat vel castitatem, vel servire in Xenodochio.

VIII. Sequitur septimo, posse Episcopum dispensare in differenda executione voti religionis; quia hoc non est dispensare in substantia voti: Sicut potest etiam commutare votum religionis arctioris in religionem minus arctam; Potest etiam commutare

votum ingrediendi Ordines militares, excepto Ordine Sancti Joannis Hierosolymitani, quia probabiliter hic unus est vera religio, non vero alii Ordines militares, quippe qui voveant castitatem conjugalem; quicquid in contrarium sentiat Navar., & Covar. apud Sanch.

IX. Sequitur octavo, posse Episcopum dispensare in votis in favorem tertii emissis, si nondum sint acceptata; quia sic nulli fit injuria. Ubi nota, quod quamvis probabile sit, juramentum additum promissioni nondum acceptatæ non indigere relaxatione; (quia, ut notat Less. lib. 4. cap. 42. num. 22., promissio habet hanc tacitam conditionem, si scilicet valide acceptetur; cum ergo juramentum sequatur naturam actus, cui additur, inde fit, ut sicut promissio ante acceptationem non obligat, ita nec juramentum) nihilominus votum additum promissioni nondum acceptatæ, immo & ipsum juramentum, si fiat per modum voti, obligat etiam ante acceptationem ex virtute religionis, ut notat idem Less. cap. 17. num. 32., quia scilicet est promissio facta Deo dandi, verbigratia, aliquid pauperi.

Utrum autem quando vota, & juramenta hujusmodi sunt acceptata, possint ab Episcopo dispensari? Diximus cum de juramento ex Tambur., & aliis probabiliter dispensari, & commutari posse, quando principaliter facta sunt in obsequium Dei, & minus principaliter in favorem tertii: & idem Fagund. apud Tambur. docet, quod etiam propria auctoritate possint in melius commutari: Quam doctrinam Sanch. lib. 4. cap. 41. num. 16. admittit, si votum præcise fiat in honorem Dei, non respiciendo, ne secundario quidem, utilitatem pauperis, aut loci pii acceptantis promissionem.

X. Sequitur nono, Episcopum dispensare posse in quinque illis votis reservatis, quando sunt pœnalia, & conditionalia, eo pacto, quo explicavimus, dummodo conditio non sit de præterito, aut de præfenti, sed de futuro, itaut ab illa dependeat obligatio voti, & hætenus remaneat suspensâ: Nec solum dispensari possunt ante purificationem conditionem, sed etiam post illam. Ita Sanch. lib. 8. de Matrim. disp. 10. & alii apud Trull. contra Navar.; qui putat nec ante, nec post conditionem purificationem dispensari posse, & contra Less., Suar., & Bonac., qui putant ante purificationem conditionis dispensari posse, non post illam; quando jam evaserunt absoluta. Ratio nostræ doctrinæ est, quia quamvis purificatione conditio obligatio sit absoluta; tamen radix, & origo talis obligationis fuit imperfecta quædam voluntas ponendi rem promissam, verbi gratia castitatem, utpote pendens a futuro eventu conditionis. Quare cum reservatio sit odiosa, restringenda est ad ea vota, quæ ex amore perfecto, & absoluto castitatis verbi gratia, aut religionis, emissæ sunt; Qui autem vovet castitatem, si luserit, si convalescit, videtur magis amare negationem lusus, & sanitatem, quam ipsam castitatem.

XI. Quæritur secundo, Utrum qui habet potestatem generalem dispensandi in votis aliorum, possit pariter secum ipse eandem potestatem exercere aut dare facultatem alteri, ut secum dispenset?

Respondeo affirmative cum Sanch. lib. 8. de matrim. disp. 3., Bonac., Henr., Trull. disp. 1. Ratio est, quia

hic actus est jurisdictionis gratiosæ, non contentiosæ, & ideo non repugnat exerceri in seipsum, aut alteri delegari; cum possit idem propter diversas rationes esse agens, & patiens.

XII. Quæritur tertio, Num habens facultatem commutandi, aut dispensandi in votis, possit pariter commutare, aut relaxare juramenta?

Respondeo cum Suar., Sanch., & aliis contra Less., Azor., Bonac. apud Trull. disp. 41. affirmative; quia quamvis specie differant vinculum voti, & juramenti in rigore metaphysico; at vinculum moraliter omnino conveniunt, quia utraque obligatio oritur ex virtute religionis, & utriusque Deus solus est creditor; Unde secundum se qui potest in votis dispensare, potest etiam juramenta relaxare, necnon vota jurata, si non sint in præjudicium tertii. Notandum tamen, quod in nostris Privilegiis V. *Confessarius* §. 6. discrete habetur; Confessarios Societatis solum relate ad Nostros relaxare posse juramenta sine præjudicio tertii.

XIII. Denique diximus cum de Juramento, causas iustas ad dispensandum in votis, aut juramentis esse universim utilitatem Ecclesiæ, honorem Dei, utilitatem, & fructum spiritualem voventis, imperfectam de liberationem in voto emittendo, metum etiam levem incussum ad extorquendum votum, dubium de obligatione voti, notabilem difficultatem supervenientem, & alia hujusmodi ad arbitrium prudentis; quæ si quando ad dispensationem non sufficiunt, saltem sufficere possunt ad commutationem.

# Q U Æ S T I O IX.

## De tertio Decalogi Præcepto

### *Diem Sabbati sanctifices.*

**I**N primo, & secundo præcepto prohibita sunt, quæ a vera Religione abducunt, ut est Idololatria, Infidelitas, &c.: In tertio præcipitur, quod ad veram religionem perducit; ad quam pertinet signo externo cultum vero Deo exhibere, ut notat D. Th. 2. 2. quæst. 122. art. 4. in gratitudinem beneficiorum, quæ ab eo recipimus. Per sanctificationem autem Sabbatorum præcipitur sanctificatio festorum, quæ ab Ecclesia determinantur, hoc est a Pontifice pro toto orbe, & ab Episcopo pro sua Diœcesi cum consensu Cleri, seu majoris partis Capituli, & cum consensu populi, seu populo non contradicente, ut notat Tambur. ex consuetudine legitime introducta; Quæ etiam a Regularibus observanda sunt, & quidem ab omnibus sub mortali. Damnatur enim ab Innoc. XI. prop. 52. dicens: *Præceptum servandi festa non obligat sub mortali, seposita scandalo, si absit contemptus*. Quomodo aurem sanctificanda sint festa? Varii varia. Certum est præcipi primo auditionem Sacri; Secundo, abstinentiam ab operibus servilibus; Tertio, abstinentiam ab aliquibus operibus forensibus; Quarto, observationem jejuniarum, quæ instituta sunt in vigiliis aliquorum festorum in honorem Christi Domini, Deiparæ, & Sanctorum; Aliqui ulterius cum Angelo contendunt, diebus festis eliciendos esse actus dilectionis Dei, & contritionis peccatorum, & audiendam esse concionem, & horas Canonicas, saltem vespertinas, faciendas esse oblationes, orandum, vacandum Deo, eoque fruendum, adeo ut speciali obligatione teneantur fideles abstinere die festo a peccatis; unde qui, verbi gratia, fornicatur, duplex peccatum committit, alterum contra observationem festorum, seu contra religionem, alterum contra specialem virtutem, nempe contra castitatem. Sed communiter rejiciuntur; quamvis enim finis præcepti de abstinendo ab operibus servilibus sit, ut facilius Deo vacetur; ar finis præcepti non cadit sub præceptum. Er idcirco qui audita missa toto die confabularetur, aut luderet, non peccaret specialiter contra præceptum diei festi; quamvis forte peccaret otiose tempus terendo. Quare hic de his dumtaxat, quæ præcipiuntur, agendum. Et primo, de Abstinentia ab operibus servilibus. Secundo, de forensibus. Tertio, de obligatione audiendi missam: In quæstione autem sequenti agemus de Jejunio.

## ARTICULUS I.

De Abſtinentia ab operibus ſervilibus die feſto .

- I. Non eſt ſpeciale peccatum die feſto peccare, & diabolo inſervire; ſed eſt peccatum opera ſervilia exercere. Sunt autem ſervilia opera non ſolum quæ a ſervis communiter exerceri ſolent, ſed etiam quæ ſervis, & liberis ſolent eſſe communia, itant uſus, & conſuetudo habeat pro ſervilibus.
- II. Prohibentur ſervilia, etiamſi gratis, & ſine labore exerceantur; & permittuntur liberalia, etiamſi ob ſtippendium, & cum labore fiant.
- III. Permittitur tranſcribere etiam notas muſicas; non tamen lineas hiſ notis ſubjeſſas ducere. Licitum etiam eſt Typographo characteres ordinare, rationes dari, & accepti facere, & tranſcribere.
- IV. Probabiliter licet etiam delineare, & ſine magno apparatu pingere; Immo etiam acu pingere.
- V. Permittitur etiam probabiliter piſcari, & venari ſine magno apparatu, ac labore.
- VI. Pariter permittuntur præliationes, artes militares, & ars digladiandi.
- VII. Ars ſculptoria cenſetur ſervilis, ſive in ligno, ſive in marmore, aut creta ſculpatur.
- VIII. Licitum eſt iter facere etiam in leſſica, quæ portetur ab hominibus.
- IX. Non licet ducere jumenta, aut currus onuſſos, ſi cum magno labore onera iſ imponenda ſunt. Qui vero comitantur jumenta onuſſa; raro peccant mortaliter; quia raro ultra ſpatium duarum horarum imponendis oneribus laborant.
- X. Idem dicendum de iſ, qui ducunt animalia, quæ in piſtrino molunt,

ac de iſ, qui exercent opus diſtillandi; aut frumentum cribro even-tilatum manibus purgant.

XI. Num liceat Inſidelibus injungere die feſto opera ſervilia?

I. **Q**uæritur primo; Quænam regula assignari poſſit ad dignoſcendum, num opus aliquod ſit ſervile, an liberale?

Reſpondent communiter, triplex genus operum dari; Aliqua, quæ proxime, & immediate tendunt ad corporis utilitatem, & commodum, & a ſervis exerceri ſolent; ut terras colere, fabricare, cibaria præparare, ſculpere, imprimere, &c., & univerſim omnia opera artium mechanicarum: Aliqua, quæ proxime, & immediate tendunt ad mentem inſtrundam, & communiter a liberis, & nobilibus exercentur; ut legere, ſcribere, concionari, docere, & quæ ad artes liberales pertinent; ut cantare, ſaltare, inſtrumenta muſica pulſare, &c.: Alia demum, quæ communia ſunt liberis, & ſervis, ut iter facere, piſcari, venari, &c. Certum eſt, opera illa primi generis prohiberi; Levit. enim 27. dicitur: *Omne opus ſervile non facietis in eo*. Certum proinde etiam eſt, opera ſecundi generis liberalia permitti. Circa opera tertii generis, regula ad dignoſcendum, num ſint ſervilia, & prohibeantur, eſt ipſe uſus, & conſuetudo; Si enim uſus, & conſuetudo opera habeat pro ſervilibus, ea venantur; ſecus vero ſi habeat pro liberalibus, ut notat Tambur. lib. 8. cap. 3., quia ſervitus, & ignobilitas operis ab ipſa hominum exiſtimatione comprobanda eſt.

II. Hinc ſequitur primo, opera ſervilia prohiberi, etiamſi gratis, & ob finem honeſtum, & ſine labore exerceantur: Sicut econtra permitti liberalia, etiamſi exerceantur propter ſtippendium, & cum deſatigatione.

III.

III. Sequitur secundo, licitum esse die festo transcribere, etiam lucri gratia, ut communiter docent contra Azor., Navar., & alios; quia, ut notat Pal. disp. 2. punct. 5., talis actio immediate deservit animæ, non corpori; ordinatur enim ad exprimendos mentis conceptus: Et propter eandem rationem licet ex Tambur. scribere, & transcribere notas musicas, non tamen ducere lineas iis notis subjectas, quia id mechanicum est, & est apparatus ad scribendum. Licitum est etiam Typographo characteres ordinare, seu componere, quamvis non exprimere torculari, ut notat Laym. cum Dian. part. 4. tract. 4. resol. 62. contra Pal. Item licet rationes dati, & accepti facere, & transcribere.

IV. Sequitur tertio probabiliter ex Laym., Pelliz., & aliis apud Tambur., licitum esse delineare, designare, & pingere; (dummodo id fiat sine magno apparatu, videlicet miscendo colores, efformando pennicillos, &c.) probabiliter etiam fumiis licet acu exemplaria excipere, quod est acu pingere. Ratio est, quia pictura scripturæ simillima est; quamvis scriptura exprimat mentis conceptus, pictura vero rerum imagines: Qua de causa communior sententia apud Pal. loc. cit. picturam inter serviles artes recenset; quia scilicet non exprimit conceptum, sed rem per conceptum representatam, non secus ac ars fabrilis; unde probabilis est, non esse licitum pingere die festo; præsertim si in pictura ignobili magis corpus, quam mens occupetur.

V. Sequitur quarto, probabiliter ex Navar., Gran., Medin., & aliis apud Dian. part. 4. tract. 4. resol. 22. contra Suar., & Fagund. licitum esse piscari, aucupari, & venari; (dummodo non intermiscantur opera servi-

re escas, hamos, & magna retia, seu sciabbricas cum magno nisu, & piscatorum labore longo tempore attrahere) Et sane Tolet., Cajet., & Sot. apud Tambur. cap. 2. num. 23., quamvis putent piscationem, aucupationem, & venationem esse opera servilia, censent etiam ex consuetudine scientibus, & patientibus Prælati permitti; quamvis Tambur. putet consuetudinem istorum esse, dummodo fiant sine magno apparatu, ut diximus.

VI. Sequitur quinto, idem dicendum de præliationibus, ex Dian. part. 4. tract. 4. resol. 22. 9. (quamvis hæc ferè semper liceant ratione necessitatis) necnon de exercitationibus militaribus tempore pacis. Ratio est, quia parum habent de opere servili, & consuetudo eas permittit: Sicut etiam permittit artem digladiandi; quamvis Fagund. contra Granad. putet esse artem mechanicam.

VII. Sequitur sexto, Artem sculptoriam, sive sculpatur in marmore, aut in metallo, creta, ligno, &c., esse servilem, & mechanicam, cum sic usus interpretetur.

VIII. Sequitur septimo, licitum esse iter facere pedibus, equo, navi, curru, lectica sive ab equis, sive ab hominibus delata; quia iter facere vel non est opus servile, ut putant Suar., Azor., & alii communiter, sed liberale; cum sit actio naturalis consistens in quadam corporis situatione, & exercitatione; Vel si opus est servile, ut putant Cajet., & Sot., consuetudine viatores excusantur.

IX. Certum tamen est, esse opus servile, & prohibitum ducere currus onustos, & naves mercibus onustas, necnon animalia onusta, quando cum magno labore imponenda sunt onera curribus, & jumentis. Verum ob approbatam consuetudinem excusantur muliones, qui die festo jumentis oneratis, iter ante diem festum ince-



prum non intermittunt : Necnon qui iter incipiunt die festo, postquam Sacro interfuerunt, comitantibus mulis onustis supellestili, viaticis, &c. Immo Dian. part. 1. tract. 1. resol. 36. putat, raro in praxi dictos muliones peccare mortaliter, quia in iis oneribus ligandis, vel imponendis tempus notabile non infumunt; unde ratione parvitatæ materiæ a mortali excusabuntur; Docetque ibidem cum Filiuc., spatium duarum horarum non esse tempus notabile. Rodriq. demum apud Trull. excusat huiusmodi muliones, qui hoc habent ex officio, tum quia concurrere videtur aliqua necessitas, & utilitas Reipublicæ; tum quia ita consuetudine est receptum.

X. Idem dicendum de iis, qui utuntur pistrino; nam ubi necessitas, vel consuetudo habetur, procul dubio licet molere: Si autem necessitas, aut consuetudo absit, ex Sanch. licitum est molere mola, quæ vento, vel aqua circumagitur, quia id sine labore hominum fit; Negat vero licitum esse molere pistrino, seu mola, quæ ab animantibus circumfertur, quia in eo magnus labor, & occupatio haberi solet. Quare bene Tambur. docet, quod si quando animal est tam bene instructum, ut sine notabili hominis ministerio suum munus obeat, die festo pistrino molere non sit mortale, secus vero si sæpius equus sit alligandus, & solvendus, aut si cum eo male instructo sæpe incedendum sit, stimulando illum voce, & baculo, vel si mola non raro sit obvertenda, quia sic labor servilis non modicus intercederet.

Propter eandem rationem Filiuc. excusat opus distillandi aliquod simplex, vel mixtum, si in eo exigua corporis fatigatio impenditur. Et Tambur. non audet damnare fœminas, quæ frumentum cribro jam eventilatum manibus purgant a quibusdam mi-

nutis ramentis, cum modicissimæ applicationis sit talis occupatio; unde etiam recreationis causa ab honestis fœminis excipi solet.

XI. Quaritur secundo, An sicut licitum est animanti injungere die festo opus servile; ita liceat idem injungere Turcis, & aliis, qui Ecclesiæ legibus non subduntur, eo modo, quo licitum est iisdem ministrare carnes die veneris?

Respondeo, nonnullos apud Dian. part. 3. tract. 14. resol. 7. negare; quia non videtur diem festum more humano sanctificare, qui quamvis ipse quiescat, servis tamen ratione utentibus opera servilia injungit; unde quamvis non peccet infidelis, qui ea opera exercet, peccat tamen fidelis, qui illum ad ea inducit. Verum quia Laym. lib. 1. tract. 4. cap. 9. concedit perpetuo amentibus posse opera servilia injungi diebus festis, putat Dian. loc. cit. & Tambur. non improbabiler, quod propter parem, immo majorem rationem, possint eadem infidelibus injungi, ut diximus quæst. 1. art. 3. Quibus autem de causis opera servilia aliquando liceant die festo, dicemus art. sequenti.

## ARTICULUS II.

De Operibus forensibus vetitis die festo.

- I. Prohibetur die festo Mercatus, Judicium forense, & Juramentum.
- II. Nomine mercatus veniunt Nundina universales, & particulares, necnon actus mercandi. Quid tamen permittitur ex consuetudine?
- III. Nomine Judicii forensis venit scriptus judicialis; itane actus judiciales sint invalidi, nisi necessitas, aut pietas aliud suadeat.
- IV. Sententia excommunicationis nec irritatur, nec prohibetur; Sicut neque

que alia sententia, & actiones, qua strepitum judicalem non requirunt: Probabilis tamen licita est Appellatio.

V. *Nomine Juramenti, quod prohibetur die festo, venit juramentum judiciale, quod fit pro rebus temporalibus.*

VI. *Pluribus de causis aut licentia opera forensia, ac servilia die festo, aut non est mortale ea exercere; Praesertim ratione necessitatis, consuetudinis, dispensationis, aut parvitatatis materia.*

VII. *Quid de suoribus laborantibus die festo?*

VIII. *In dubio an detur necessitas, aut consuetudo approbata, petenda est dispensatio: Secus tamen si probabile sit dari necessitatem, aut consuetudinem, & scandalum vitetur.*

IX. *Est sufficiens causa excusans timor gravis damni, & amissio ingentis lucri.*

X. *Num possit quis ad otium vitandum laborare, saltem ad sublevandam alienius gravem necessitatem? Num possint ea fieri die festo, quae ad cultum divinum spectant?*

XI. *Quanam sit parvitas materia in operibus servilibus; quanam in forensibus, quae a mortali excuset?*

XII. *Plurimi ex consuetudine a Doctoribus excusantur. Quid de barbitonsoribus, & suoribus? Quid si de consuetudine dubitetur?*

XIII. *Demum excusatio dispensatio, quam data iusta causa potest etiam Vicarius Generalis ex speciali mandato concedere; Immo etiam Parochus; qui potest etiam in jejunii dispensare. Praeterea Regulares dispensare possunt cum subditis suis, non cum famulis secularibus.*

I. **Q**uartitur primo, Quanam opera forensia die festo prohibeantur?

Respondeo, in cap. *Omnes dies; de feriis*, prohiberi sub hoc genere mercatum, iudicium forense, & iuramentum; quia quamvis istae actiones serviles non sint, multum tamen distrahunt, & impediunt vacationem rebus divinis.

Primo itaque prohibetur Mercatus, quo nomine tria possunt intelligi, Primo, Nundinae universales, vulgo dictae *Fiera*; quae semel, aut bis in anno celebrari solent. Secundo, Nundinae particulares de quibusdam rebus usualibus, vulgo dictae *Mercato*, quae semel, vel bis in hebdomada habentur. Tertio, ipse actus mercandi, id est emptiones, & venditiones rerum.

II. Porro Nundinae universales ex consuetudine jam recepta etiam die festo nunc celebrantur. Nundinae particulares ex Pal. alicubi non permittuntur die festo; esto in aliquibus locis ex consuetudine permittantur; Unde mos patrius servandus est. Demum actus mercandi, seu contractus emptionum, quamvis die festo prohibeantur, tamen consuetudo magna ex parte hanc etiam legem abrogavit; quamvis huiusmodi contractus propter reverentiam festi soleant non quasi in publico fieri, sed semiclausis officinarum januis, soleantque Episcopi prohibere, ne ea fiant nondum facta concione. Consuetudo itaque ubilibet servanda est.

III. Secundo, prohibetur iudicium forense; quod etiam dicitur Placitum, & Strepitus judicialis. Unde prohibetur primo citatio partis; sub qua venit mandatum iudicis de citando reo, & huius mandati executio. Secundo, formatio processus, seu cognitio causae; sub qua venit interpositio jurisjurandi, & depositio testium. Tertio, sententia, & sententiae executio tam in causis criminalibus, quam in civilibus; ita ut istae actiones non solum sint illicitae, sed etiam invalidae etiam

in tribunali Ecclesiastico; nisi tamen necessitas urgeat, aut pietas aliter suadeat; ut habetur expresse in *cap. ult. de feriis*: Verbi gratia, si expediat caput ob scelerosis notorii gravitatem statim sine processu damnari; vel si periculum timeatur; ne iustitia impediatur; vel si ita postulet conditio belli, aut bonum Reipublicæ: Ob quam rationem potest publice executioni mandari sententia criminalis, ut fit in tribunalibus Sanctæ Inquisitionis.

IV. Dubium est, An prohibeatur etiam, & irritetur sententia excommunicationis, suspensionis, vel interdicti?

Respondeo, communiter cum Pal. punct. 7. contra nonnullos negari; ubi tamen huiusmodi sententiæ non requirunt causæ cognitionem. Ratio est, quia solum prohibetur die festo strepitus judicialis; Et consequenter sententiæ, quæ sine strepitu judiciali feruntur, seu quæ causæ cognitionem non requirunt, non prohibentur; ut patet in absolutione ab excommunicatione, in dispensationibus, privilegiis, provisionibus, collationibus beneficiorum, & aliis actibus voluntariæ jurisdictionis, qui permittuntur, quia sine strepitu judiciali, fiunt. Licitum etiam est die festo adoptare, emancipare, manumittere, advocatum consulere, apud iudicem totam causam deferre, ut ea probe cognita sententiam commodius ferat, testamenta conficere, contractus celebrare, & alia huiusmodi, quæ dictum strepitum non requirunt.

Difficultas est de Appellatione, an ea liceat die festo?

Suar., & Reginald. negant, quia pertinet ad actus judiciales; Bonac. affirmat, quia instituta est ad sui defensionem, & fit sine magno strepitu, & consuetudine jam recepta permittitur.

V. Tertio demum prohibetur jura-

mentum, hoc est judiciale, quod pro rebus temporalibus fit, non vero quod fit pro spiritualibus; ut notat D. Th. 2. 2. quæst. 89. art. 10. Unde licita sunt juramenta solemniora, & publica, quæ præstantur Inquisitoribus ab iis, qui reconciliantur; Necnon juramenta, quibus confirmantur contractus permissi die festo.

VI. Quæritur secundo, Quibus de causis liceant die festo opera prohibita non solum forensia, sed etiam servilia?

Respondeo, pluribus de causis aut licere, aut non esse mortale ea peragere. Causæ autem sunt, Primo necessitas, ad quam reducitur Obedientia, Utilitas, Pietas, & Religio, seu cultus divinus. Secundo, brevis temporis. Tertio, Consuetudo. Quarto, dispensatio.

Primo itaque excusat necessitas sive propria, sive aliena, tam spiritualis, quam temporalis, quia Ecclesia non obligat cum tanto onere, nec requiritur, quod necessitas sit maxima, quamvis non debeat esse modica.

Hinc primo permittuntur opera servilia pauperibus, si ad se, vel suos alendos laborare debent; dummodo id fiat sine scandalo.

Secundo, licet cibos coquere, & panem necessarium conficere, ac fructus ad necessarium usum colligere: Parare autem superflua ad cibum, & potum, & ad delectationem, verbi gratia colligendo fructus eodem die, ut integriores sint, coquere quotidie panem, ut mollior vendatur, animalia excoriare, &c., permittitur non ex necessitate, sed ex consuetudine, ut notat Pal. tom. 2. disp. 1. de observatione festorum punct. 10., & Azor. tom. 2. lib. 1. cap. 27.; Quamvis communius Doctores non excusent Pistorum, qui possunt pridie festi coquere panem necessarium, si ad diem festum differant.

VII. Tertio, licet metere, vindemiam facere, serere, arare, messim colligere, &c., quando est periculum pluviae, aut alterius impedimenti.

Quarto, licet Sutori luere vestes, quando bona fide absolvi non possunt diebus profectis, si ad usum expectant, qui eas commiserunt; Immo advertit Suar. tom. 1. de Relig. tract. 2. lib. 2. cap. 21., quod si quando opera servilia pridie fieri poterant, & cum culpa ad diem festum differuntur, adhuc possunt deinde sine novo peccato fieri die-festo, si sint necessaria.

Quinto, excusantur Pharmacopolæ, Medici, Chirurghi, modo conciant medicinas pro eo die necessarias: Sicuti etiam milites, qui foveas, vel aggeres struunt, aut muros ædificant pro defensione Reipublicæ; Et ferrarii, qui ferreas laminas equis imponunt ob necessitatem iter agentium; Necnon qui pontes, & vias reficiunt, quando sine magno incommodo differri non possunt. Excusantur etiam navigantes, modo non incipiant navigationem die festo sine magna necessitate, ut supra diximus de mulionibus; Qui vero navi, vel phaselo iter agunt, possunt ex consuetudine incipere navigationem die festo.

VIII. Sexto, qui ad publicam lætitiā in adventu Principis, aut ex causa victoriæ, aut nuptiarum struunt theatra, arcus triumphales, libreas, &c., dummodo non potuerint prævenire; hoc enim fert ipsa etiam consuetudo. Quod si quando dubium est de necessitate, aut de consuetudine approbata, petenda est dispensatio, ut notat Sanch., quia stat in possessione præceptum; Secus vero si probabile sit dari sufficientem necessitatem, aut consuetudinem approbatam, & scandalum declinetur.

IX. Septimo, universim licita sunt opera servilia, quoties ex illorum omissione grave damnum sequeretur,

ut accidit in decoctione calcis, vitri, laterum, saponis, & in tinctura lanæ. Immo ex Leand., & aliis, coctores ferri, & vitri etiam die festo possunt tale opus incipere. Hac de causa ex necessitate potius, quam ex obedientia licitum est famulis laborare ob timorem, ne a dominis dimittantur, si non obtemperent, & sic cogantur pauperiem pati; quamvis domini id imperantes a culpa non sint immunes: Sicut etiam licitum est filiis, uxori, & aliis personis subiectis laborare, si ad id compellantur, quando renuere non possunt sine timore gravis damni, aut gravis indignationis, modo id non præcipiatur in contemptum festi.

Adde ex Dian. part. 2. tract. 15. resol. 34. & Sanch. contra Suar., & Pal. etiam ea opera licere ob magnam utilitatem, videlicet si aliter ingens lucrum amitteretur; quia amissio magni lucri damnum est; & ideo permittitur piscatio halecum, tynnorum, & similibus piscium, qui brevi tempore excurrunt.

X. Octavo; Quamvis raro accidat ex Pal. laborandi necessitas ad vitandum otium, quod ferat periculum peccandi; at si accidat casus, licitum est laborare: Et licet Sylvest., Sá, Pellicz. apud Tambur. putent, licitum esse aliquantulum laborare præcise ad otium vitandum, hoc tamen communiter non admittitur, cum possit aliis viis facile otio occurrere sine violatione præcepti. Si quis tamen ad otium vitandum vellet laborare, uti posset consilio Tamburini, qui permittit laborem ad sublevandam miseriam alicuius pauperis determinati existentis in gravi necessitate, hoc est in periculo moraliter certo gravis damni sive in corpore, sive in honore, sive in bonis suis, in qua necessitate multi pauperes ægroti versantur; Vel posset laborare, conciliando ornamenta necessaria pertinentia ad cultum divinum, quibus

caret aliqua determinata Ecclesia nimis pauper. Ratio est, quia si potest pauper existens in gravi necessitate ipse pro se laborare, poterit etiam alius laborare pro ipso.

Nono, excusat necessitas ratione pietatis debita proximo; undelicitum est sepelire mortuos, inservire infirmis, vestire nudos, &c. Dubium tamen est, an sola pietas sine necessitate excuset? Affirmant Sylvest., & alii apud Sanch., & Trull. lib. 3. cap. 1. dub. 10., necnon Palat., Perez, qui apud Dian. part. 4. tract. 4. resol. 122. docent, licitum esse laborare die festo ad faciendam eleemosynam. Ratio est, quia si causa pietatis permittuntur die festo opera forensia, quidni & servilia? Quam sententiam Sanch. lib. 1. cap. 2. dub. 33. putat probabilem. Sed communior, & probabilior sententia est in oppositum.

Decimo, excusat necessitas ratione Religionis, seu cultus divini; unde licet altaria ornare, Ecclesiam vettere, & parare, hostias conficere. Quod si hæc potuissent die profesto fieri, probabile est ex Suar., & Tolet. non esse mortale ad diem festum differre, propter propinquitatem, quam habent cum rebus sacris. Quod etiam docet Fagund., si viæ parentur ad processiones: Secus vero si scienter tabulata ad videndas processiones fierent die festo, quando pridie fieri poterant, cum non habeant tantam propinquitatem cum rebus sacris: Quamvis si pridie non fuerint facta propter aliquod impedimentum, possunt die festo fieri sine culpa, quia sic concedit hic & nunc cultus divinus.

Hinc docet Tambur., sepulchra, præsepia, & moles artificiosas ad exponendam Eucharistiam, sicut etiam scenas ad representationem sacram, posse sine mortali die festo fieri, quamvis potuissent fieri die profesto; quia propinquitatem habent cum rebus sa-

cris, non secus ac parare vias ad processiones: sed ne veniale quidem est, si necessitas urgeat, aut habeatur dispensatio.

XI. Secunda causa excusans a mortali est brevitatem temporis, seu parvitas materiae. Communius autem docent, parvitatem temporis esse spatium duarum horarum; quamvis Marcant. apud Tambur. requiratur tres horas ad mortale; quæ sententia admitti posset, si aliqualis necessitas, vel alia causa concurreret, quæ de se non est satis ad excusandum. Azor. tamen. & Bonac. apud Dian. part. 2. tract. 15. resolut. 36. putant, unam horam esse tempus notabile. Illud notandum ex Bonac., quod si quis pluribus servis imponat, quod successive laborent quilibet spatio unius horæ, non peccaret mortaliter, quia unum opus cum alio non connectitur: Contra vero si idem pluribus vicibus interpolatis eodem die per horam laboraret, ut dicitur de comedente pluries modica die jejunii.

In operibus autem forensibus die festo prohibitis parvitas materiae, quæ a mortali excusat, non est desumenda solum ex brevitatem temporis, sed etiam ex quantitate operis. Quare si venditio, verbis gratia, cum solemnitate celebrata fiat brevi tempore, sed sit res magni momenti, peccatur mortaliter; secus vero si sit res parvi momenti, & brevi fiat.

XII. Tertia causa excusans est Consuetudo approbata; Hæc enim ab omnibus legibus humanis excusat. Propterea primo Cajet., & Suar. ex consuetudine excusant eos, qui cibos coquant, & alia præparant necessaria ad mensam; Et Pal. excusat etiam hæc de causa, qui parant cibos superfluos, & ad delectationem. Secundo, Tolet., Sot. excusant venatores, aucupes, & piscatores, ut sup. diximus. Tertio, Fagund. excusat actiones delineandi imagines,

& lineas ducendi ad eas postea pingendas; sicut etiam actionem digladiandi. Quarto, Navar., & Rodriq. excusant venditores calceorum. Quinto, Pal. exercitationes militares, quæ sunt tempore pacis. Sexto, Sanch. qui dum habent segetes, in area trituras vertunt, extendunt, aut separant; necnon hortulanos rigantes olera die festo; & iter agentes conitendo mulos onustos supellectili; necnon molitores, & nundinas. Septimo, Fernand. apud Dian. part. 2. tract. 15. resol. 36. excusat barbitonfores; (& idem potest dici de futuribus, qui novos calceos die festo calceant) verum communius Doctores de hac consuetudine approbata dubitant, docentque, quod ubi ea est scita, & tolerata a Prælati, procul dubio excuset; alioquin excusari poterunt vel ratione parvitatis materiæ, si scilicet unum, vel alterum tondeant; vel ex necessitate rusticorum, aut aliorum, quibus non conceditur nisi die festo posse tonderi, aut calceari; vel ex lucro cessante non ordinario; si enim recusent die festo ea peragere, facile barbitonfores, & calceatores a plerisque relinquerentur cum notabili lucri jactura.

XIII. Quarta demum causa excusans est Dispensatio, ad quam procul dubio causa justa requiritur, ut sit licita, & valida, si ab Episcopo concedatur in festis a Papa institutis, ut alias diximus. Potest etiam illam concedere Vicarius Generalis, non quidem ex officio, sed ex speciali mandato; quia quodcumque sapit liberalitatem, & gratiam, ut est dispensatio, non potest ex generali mandato, seu ex concessione Vicarius a Vicario præstari, sed requiritur speciale mandatum; quod in casu nostro habetur, ut notant Merol., & Barbof. apud Tambur. : Parochus etiam dispensare potest tum ex consuetudine, tum ne

Part II,

desit parochianis, ad quem in facile occurrentibus, & minutis necessitatibus recurrant; Qua de causa potest etiam in jejunio Parochus dispensare, ut notat uterque Sanch. Possunt etiam Prælati Regulares cum suis subditis dumtaxat, non vero cum famulis secularibus.

## ARTICULUS III.

### De Missæ die festo audienda.

- I. *Probabiliter satisfacit præcepto de missa audienda, qui successive duas missas partes audit, quamvis ordine inverso.*
- II. *Num partem missæ notabilem omittat, qui incipit illam audire post Evangelium? Aut qui per brevis tempus abest, dum fit aut Consecratio, aut Communio?*
- III. *Quanam dicatur præsentia moralis requisita ad satisfaciendum præcepto audiendi missam?*
- IV. *Non satisfacit, qui toto tempore missæ consistit peccata sua.*
- V. *Præsentia moralis haberi potest aliquando, etiamsi audiens missam sit extra Ecclesiam; & potest non haberi, etiamsi sit intra Ecclesiam. Quid si inter fenestram domus, & qua auditur Missa, & Ecclesiam intercedat via publica?*
- VI. *Missæ in Oratoriis privatis Magnatum a quibuscumque familiaribus die festo audiri potest, etiam non teneantur illam in Ecclesia audire?*
- VII. *Excusatur ab audienda missa Impotentia, Censura, Consuetudo, & dispensatio. Impotentia habetur ab eo, qui sine gravi incommodo illam audire non potest. Quid si lucrum ingens amitteret?*
- VIII. *Num excusetur puella, qua credit se ab adolescente lascivo concupiscendam, si domo egrediatur?*
- IX. *Num teneatur privilegarius missam*

S

an-

*audire tempore Interdicti? Et quid de detento in carcere, si facile potest facultatem egrediendi obtinere?*

X. *Excusantur vidua, & similes, ubi est consuetudo, quod per aliquod tempus domo non egrediantur post mortem mariti: Sic etiam nobiles, pauperes, &c.*

XI. *Num peregrinus teneatur missam audire, ubi est festum municipale, si per viginti dies circiter ibi sit commoraturus?*

XII. *Num possit quis die Sabbati ire venatum, si die dominico non possit audire Sacrum?*

I. **C**ertum est, omnes fideles rationis compotes teneri ad missam die festo audiendam ex præcepto Ecclesiastico; itaut qui partem ejus notabilem omittit, mortaliter peccet. Immo damnata est ab Innoc. XI. propositio decima tertia dicens: *Satisfacit præcepto Ecclesie de audiendo sacro, qui duas ejus partes, immo quatuor simul a diversis celebrantibus audit.*

Quamvis probabiliter satisfaciat, ut plurimi docent cum Diana part. 5. tract. 4. resol. 54. contra Tambur., qui successively unam missæ partem audit ab uno sacerdote, & alteram ab altero, etiamsi ordine inverso. Ratio est, quia moraliter censetur unam integram missam audire; Non secus ac unum dicitur esse sacrificium, quando incipitur missa ab uno Sacerdote, & eo deficiente ab alio perficitur: Verum sine causa id facere censent esse veniale Doctores communiter apud Dian. part. 2. tract. 3. resol. 18.

II. Quænam autem sit pars notabilis? variant Doctores; Putat Suar. esse usque ad Epistolam inclusive, Conink, & Azor. probabiliter usque ad Evangelium inclusive, seu usque ad Offertorium exclusive; quia, ut notat Dian. part. 5. tract. 5. resol. 44., satis est audire Evangelium in fine mis-

sæ. Cæterum quamvis probabiliter ex Con., & Pal. punct. 16. peccet mortaliter, qui vel solam consecrationem utriusque speciei, vel solam sumptionem omitteret, cum in iis consistat essentia Sacrificii; quia tamen non satis constat, in quamam illarum partium essentia Sacrificii consistat, ideo Suar. tom. 3. disp. 88. sect. 2. benignius censet non semper injiciendum esse scrupulum peccati mortalis ei, qui per breve tempus alterutram istarum partium omitteret.

Illud tamen videtur contra Joannem Sanch., quod si quis accedat ad Ecclesiam, dum incipit Præfatio, nec possit aliam missam audire, teneatur ad illam; Secus vero si accedat post consecrationem; quia hæc est pars missæ principalis, & forte essentialis, ut propterea die Parasceves non sit obligatio audiendi missam, etiamsi incidat festum Annunciationis, ut communius docent contra Henr., Vasq., & alios apud Trull., quia quamvis fiat eo die communio, non sit tamen consecratio.

III. Quæritur nunc primo; Quænam præsentia requiratur ad missam audiendam?

Respondeo, requiri præsentiam corporalem, moralem tamen, & humanam, ita scilicet ut debeat homo habere intentionem non quidem satisfaciendi præcepto, sed audiendi missam præceptam, & ad eam attendat aliquammodo, atque in eo loco sit, ubi prudens spectator censeret illum audire missam.

Hinc sequitur non satisfacere, qui est præsens missæ animo, verbi gratia, expectandi amicum, vel etiam animo solum orandi, non vero audiendi Sacrum, & multo magis, si invitus assisteret. Ratio est, quia, ut diximus quæst. 1. art. 4., præceptum impleri debet per actum humanum, quo quis velit exequi, quod præcipitur.

IV. Sequitur secundo, requiri attentionem saltem externam, prout explicavimus quæst. 3. art. 4. n. 6.: Quamvis enim multi Doctores probabilius requirant attentionem internam, hoc est applicationem mentis sive ad verba, sive ad verborum sensum, sive ad Deum; non est tamen improbabile ex Less., Laym., Con., Dian. part. 3. tract. 4. resol. 101. sufficere externam; ita scilicet ut nulla ponatur actio impossibilis cum attentione interna; (ut esset confabulari, ridere, dormire, extrasum pati, scribere, vel legere libros non conciliantes internam attentionem) unde possit esse testis eorum, quæ tunc fiunt, esto voluntarie distrahatur.

Propterea communiter cum Suar., & Azor. apud Tambur. contra Reginald., & Pal. docent, non satisfacere eum, qui tempore missæ conficitur peccata sua; secus vero si examinet conscientiam, etiam de libro; quia talis lectio attentionem internam fovet.

V. Sequitur tertio, Præsentiam moralem requisitam consistere in hoc, quod vel videatur, aut audiat celebrans, vel eo loco sit audiens, ut ex signis, & gestis saltem circumstantium, quæ in Missa fiunt, colligere possit, & ut ad multitudinem assistentium censeatur pertinere. Quare non requiritur absolute, ut oculis videantur, quæ fiunt, aut auribus audiantur, quæ profert Sacerdos; nam etiam surdi, cæci, & qui in Choro post altare, vel in Ecclesia post parietem, aut columnam sunt, & extra Ecclesiam in magna distantia, satisfacere possunt, dummodo censeantur ad multitudinem assistentium pertinere; quod in parvo sacello facile contingit.

Moraliter etiam adesse dicitur, qui ab altari, non vero ab Ecclesia recedit ad procuranda hic & nunc necessaria ad sacrificium, scilicet vinum,

hostiam, thus, &c. Si quis tamen in maxima basilica esset in una cappella, & in altera distantissima fieret Sacrum, aut si esset post columnam ab altari distantem, nec esset ea multitudo audientium, ut sit censeatur ad illam multitudinem pertinere, procul dubio præsentiam moralem hic non haberet, etiam si adesset intra Ecclesiam.

Hinc resolvitur celebre dubium, An quis possit e fenestra suæ domus missam audire, quando inter fenestram, & Ecclesiam intermediat via publica? Filliuc. cum Dian. part. 4. tract. 4. resol. 154 absolute negat. Lug. tamen de Euch. disp. 22. sect. 2. affirmat, si parva sit distantia ab altari Ecclesie, ita ut audiens censeatur esse moraliter præsens missæ; secus vero si distantia sit magna; non enim necesse est, ut intra Ecclesiam sit, qui missam audit, sed solum necesse est, ut missæ dicatur moraliter præsens.

VI. Quæritur secundo; Quo in loco missa audienda sit; & a quo Sacerdote?

Respondeo ad primum, olim audiendam fuisse in Parochia; non secus ac nunc communio paschalis in propria Parochia facienda est; sed usu, & consuetudine talis lex abrogata est; unde etiam extra Parochiam audiri potest missa præcepta. Dubium solum est, an omnes etiam in Oratoriis privatis: cum in Brevi hæc habeantur; *Volumus autem, quod familiares servitiis tuis non necessaris ibidem interessentes ab obligatione audiendi missam in Ecclesia diebus festis de præcepto minime liberi censeantur.* Homobon., & Pelliz. tract. 8. tom. 2. sect. 2. putant, per talis missæ auditionem satisfieri nunc præcepto, quia jam est nunc consuetudo audiendi missam extra Ecclesiam parochialem; unde talis prohibitio in Brevi ponitur solum ex stylo Ecclesiæ, quia fortasse alicubi non est abrogatus



usus audiendi missam in Parochia ; Sed communiter cum Tambur. de Sacrif. missæ lib. 1. cap. 4. docent, non licere illis in Brevis recensitis contra expressam voluntatem Pontificis ibi missam audire ad satisfaciendum præcepto . Dicuntur autem tunc necessarii servitiis domini, qui nisi tunc cum domino audiant Sacrum, non facile possunt domino inservire ; ut solent esse auriga, famuli, ac famulæ, coqui, & similes. Si tamen commode possint domino inservire audiendo missam in Ecclesia, ad id obligantur.

Ad secundum dico, missam audiri posse a quolibet sacerdote etiam Græco, vel alterius idiomatis, etiam ab excommunicato domo tolerato, atque adeo etiam ab hæretico, si cesset scandalum, ita scilicet ut non videaris ejus hæresis particeps esse; dummodo missa catholico ritu peragatur. Solum audiri non potest a Sacerdote excommunicato vitando, aut publico Clerici percussore, necnon ab irregulari denunciato, vel degradato, aut deposito. Ratio est, quia fortius judicatur esse præceptum non communicandi in rebus sacris cum tali Sacerdote vitando, quam præceptum audiendi missam.

VII. Quæritur tertio; Quænam causæ excusent ab audiendo Sacro?

Respondeo, eas reduci ad impotentiam, ignorantiam, censuram, & consuetudinem, omissa dispensatione, de qua satis superque art. super. cum de abstinentia ab operibus servilibus.

Primo itaque excusatur Impotentia ; atque adeo quicumque nequit missam audire sine gravi detrimento sui, vel proximi, Animæ, Corporis, Famæ, Honoris, Rei familiaris, &c., ad illam non tenetur : Nec qui notabile lucrum amitteret ; sicut enim non obligat præceptum de abstinendo ab operibus servilibus, ut diximus, eos qui ingens lucrum amitterent, ita nec præceptum de missa audienda.

Hinc excusantur primo, qui multum distant a loco, ubi celebratur, videlicet per tria milliaria, vel per duo, aut etiam aliquando per unum, attenta circumstantia personæ, pluvie, æstus, & aliarum circumstantiarum, itaut tali personæ judicetur tale iter notabiliter difficile ; cum Ecclesia non obliget cum incommodo notabili.

Secundo, excusatur mater, quæ domi remanet ad custodiendam filiam, cui timet periculum probabile, tam si illam ducat in Ecclesiam, quam si domi solam relinquat ; Et eodem modo filia nubilis, si sine probabili periculo egredi non potest ; Et gravis, quæ exeundo e domo propalaret suum lapsum ; Et eadem ratione nutrix, quæ nequit sine periculo infantem domi relinquere, nec ducere sine perturbatione celebrantis, vel adstantium.

Tertio, ægroti, qui e domo exire non possunt propter alia negotia ; & qui timent sibi periculum gravioris morbi : In dubio autem debent Medicum, aut Parochum consulere, & illi acquiescere : Quod si neminem consulere possunt, & adhuc dubitant, non tenentur domo exire, & exponere se periculo morbi gravioris, prævalente præcepto de diligendo seipsum : Et ob eandem rationem non tenentur missam audire, qui infirmo deservit, ea solum de causa, quod si abeat, vel solus relinquatur ægrotus, laborem, animique anxietatem pateretur, vel non possent illi convenienti tempore adhiberi remedia .

Quarto, excusantur, qui missam audire nequeunt, quin grave aliquod negotium prætermittant, quod differri non potest . Qua ratione excusantur Tabellarii, vulgo *li Corrieri* : Excusant enim eos amissio boni temporalis, ex quo tanquam officio utili, & necessario Reipublicæ vivunt. Excusantur etiam nautæ, muliones, seu vectores mercium, qui non possunt sine magno

incommodo: Sic etiam iter-faciens, si cogatur socios relinquere, quibus indiget, quia viam ignorat, aut latrones timer; secus vero si iis non indigeat: Excusantur etiam illi, qui ubi unica missa celebratur, remanent ex timore latronum ad custodiam domus, vel ex necessitate ad cibos præparandos: Necnon publici ministri, qui ratione muneris castra dimittere, vel murorum portas, quas custodiunt, deferere non permittuntur; Sicut etiam senatores, seu viri primarii, qui gravia Reipublicæ negotia differre non possunt; Et custodes gabellarum, vineæ, gregis, mercium, domus, quando propter missam dubitant de furto, incendio, &c.

Quinto, excusatur scemina honesta, sicut etiam quicumque caret vel veste convenienti, vel socio, aut pedissequo, sine quibus irridetur, aut magno rubore suffunditur.

Sexto, Uxor, quæ non potest sine rixa notabili mariti domo exire; & quæ non accedit ad missam, ut maritus zelotypo obediat; necnon famuli, ut obediant dominis, timendo aliter gravem rixam, vel detrimentum, ut domo ejici, si non facile alios dominos inveniant, quibus serviant; Quamvis nec domini peccent, si tempore missæ ea præcipiant famulis, quæ juxta communem vivendi modum differri non possunt.

Septimo, non obligatur, qui detinetur aut in vinculis, aut domi loco carceris; & ii, qui bona fide, præsertim promissione jurata data viro nobili, e domo exire non possunt. Immo si Oratorium privatum domi habeant, non tenentur juxta probabilem sententiam Suar., & Trull. contra Marcin. querere Sacerdotein, præsertim stipendiatum, ut ibi celebret; quia privilegium, quod habent, non videtur obligare ad tale medium non consuetum, & extraordinarium.

VIII. Dubitatur, an excusetur puella, quæ credit se ab adolescente lascivo concupiscendam, si domo exeat.

Respondeo, Navar., & alios apud Dian. par. 5. tract. 7. resol. 22. putare, quod non excusetur; quia tale scandalum non est datum, sed acceptum, & sequitur ex illius malitia. Verum communius cum Sâ, Bonac., Soc., Trull. putant posse (saltem si id sæpius non accidat) missam omittere ad vitandum grave damnum spirituale proximi; sed ad id non teneri, quia potest uti jure suo, & propter scandalum passivum non tenetur privare se ingenti bono auditionis missæ.

IX. Secunda causa excusans est Ignorantia invincibilis, sicut etiam inadvertentia, oblivio, &c.; hæc enim a transgressione cujusvis legis excusant.

Tertia est Censura, unde excusatur primo personaliter interdictus, & quilibet excommunicatus. Secundo, qui lato Interdicto locali generali, non potest commode adire locum non interdictum. Certum autem est, neminem obligari ad obtinendum eo tempore privilegium, saltem si commode haberi nequit; (sicut nec tenetur qui detinetur in carcere petere privilegium exeundi ad audiendam missam, si commode habere illud non possit, ut notat Trull. hic ex Bonac. punct. ult. de Sacrif. missæ) quamvis qui privilegium habet tempore Interdicti, probabilius teneatur missam audire; quia præceptum obligat omnes, qui possunt, licet non obliget ad petendum privilegium, quod commode haberi nequit, ad hoc ut possint.

X. Demum excusat Consuetudo; quam ob causam Suar. excusat viduas, sorores, filias, quæ mortuo marito, fratre, patre, ad certum tempus juxta consuetudinem Patriæ non exeunt domo; Et Bonac. excusat sponfas, & nuptas, quæ non consueverunt juxta morem Patriæ egredi domo, donec nup-  
ptui

ptui tradantur. Olim etiam ex consuetudine, ut notat Fagund., excusabantur Eremitæ accollæ. Demum excusantur mulieres, quæ post partum consueverunt per aliquot dies se domi continere, etiam postquam convalescerint, dummodo id fiat ex reverentia, & devotione, juxta caput ultimum *De Purificatione post partum*, & non ex ritu Mosaisco, aut ex superstitione; non enim servanda nunc est purificatio antiquæ legis, etiamsi id fiat in honorem Beatæ Virginis.

XI. Quæritur quarto, Quandonam peregrini excusentur ab auditione missæ die, quo est festum municipale loci, per quem transeunt?

Respondeo, certum esse, quod, si ibi sint animo permanendi per majorem partem anni, teneantur a primo die, quo illuc perveniunt; cum quilibet teneatur legibus ejus Communivitatis, cujus est pars: Si vero ibi pernoctent per unam, vel alteram noctem, puto cum Con., & Tambur. contra Less. lib. 4. cap. 2. num. 51., & alios apud Dian. part. 1. tract. 9. resol. 2. non teneri ad missam audiendam; & consequenter nec ad abstinendum ab operibus servilibus, aut ad jejunandum, remoto scandalo. Ratio est, quia qui tam modico tempore ibi morantur, non censentur pars talis communivitatis, & ideo, ut ostendimus quæst. 1. art. 3., communiter Doctores docent, peregrinos non teneri legibus loci, per quem transeunt.

Dubium tamen est, an teneantur, si per viginti dies, verbi gratia, ibi permaneant? Joan., & Th. Sanch. apud Dian. loc. cit. negant, si non habeant animum ibi permanendi per

majorem anni partem: Suar. verotom. 1. de Relig. tract. 3. lib. 2. cap. 14. cum aliis affirmat, quia secus nimis peregrino concederetur.

XII. Quæritur demum; An liceat apponere impedimentum executioni hujus præcepti; Verbi gratia, an liceat ire venatum, ubi non est opportunitas audiendi Sacram?

Respondeo cum Pal., Sanch., Merol., quod tempore remoto a die festo liceat, verbi gratia potest quis die Jovis ire venatum, etiamsi die dominico non possit Sacram audire; quia præceptum hoc humanum non obligat ad removenda impedimenta adeo remota; Et idem dicas de præcepto jejunandi.

Utrum autem die Sabbati, quando imminet dies festus, possis pariter idem facere?

Respondeo, in utramque partem probabiliter disseruisse duos Theologos, apud Tambur., Alter affirmabat, quia videtur sufficiens distantia; Sicut enim itinerantes, & vectores mercium, quando bona fide incipiunt iter pridie festi, communiter excusantur, si deinde die festo iter prosequantur, & missam non audiant, si non possunt; ita in casu. Alter vero negabat, quia videtur magna propinquitas cum die festo relate ad hoc opus, quod ob delectationem suscipitur, non ob necessitatem, & bona fide, ut faciunt itinerantes. Quare illud certum est, quod ad judicandum, num distantia sit sufficiens, attendenda est gravitas, & rigor præcepti, praxistimoratorum, necessitas, utilitas operis, & pro diversis hisce circumstantiis diversimode judicandum.

# Q U Æ S T I O X.

## De Jejunio.

**J**ejunium dividitur in Naturale, & Ecclesiasticum. Naturale prærequiritur ad sumptionem Eucharistiæ; itaut violetur per quamcumque particulam cibi, aut guttulam potus, quæ in os immitatur, & in stomachum trajiciatur; adeo ut Bauny apud Dian. part. 6. tract. 7. resol. 15. doceat, non solvi per deglutitionem sacchari, vel alterius rei post mediam noctem, si sero id in os immisum fuit, quia solum solvitur per intromissionem cibi, aut potus in os ipsa die jejunii; Quæ doctrina, licet communiter rejiciatur, deservit tamen ad excusandos eos, qui mane deglutunt particulas cibi, quæ inter dentes remanserunt: Ecclesiasticum vero jejunium est, quo præcipitur abstinencia a cibis paschalibus, & unica comestio a media ad mediam noctem sequentem, juxta præscriptum, & consuetudinem Ecclesiæ; De quo querendum primo, A quibus cibis abstinendum sit? Secundo, Quotuplex refectio possit sumi, & qua hora? Tertio, Quantum jentaculum; Ex quibus cibis; & Quando? Quarto, De obligatione jejunii, & non cooperandi cum aliis in fractione jejunii. Quinto, De causis excusantibus ab hac lege; præsertim de infirmitate, paupertate, labore, & ætate.

### ARTICULUS I.

A quibus cibis abstinendum die jejunii? Et an etiam a potu?

- I. *Quanam animalia, quæ extra aquam vivunt, non prohibeantur?*
- II. *Num laridum, & sagimen inter lacticia numerentur? Quid de intestinis animalium?*
- III. *Num lacticia, quæ ex evidenti iuris Ecclesiæ consuetudine obligatoria prohibentur in Quadragesima, pariter in aliis vigiliis prohibeantur?*
- IV. *Dispensatus ad carnes, & non ob virium imbecillitatem, num teneatur ad unicam comestionem die jejunii?*
- V. *Num dispensatus ad carnes, quo die ab iis abstinet, ad unicam comestionem teneatur?*
- VI. *Utrum die jejunii liceat vinum bibere in fraudem jejunii ad vires reficiendas?*

*VII. Num liceat comedere, & bibere ob delectationem, & non ad satisfactionem?*

*VIII. Quinam universim dicatur potus usualis, a quo jejunium non frangatur? Num cervisia, num aqua saccharo, & aromatibus condita? Num Chocolata?*

**I.** Certum est, a carnibus abstinendum: Nomine autem carnium intelliguntur, quæ juxta communem Catholicorum usum, & medicorum judicium a piscibus contradistinguuntur, habito respectu ad finem Ecclesiæ, qui est alimenta multum reficientia a fidelibus excludere. Proinde non prohibentur testudines, ranæ, conchæ, & limaces, quamvis extra aquam vivant; Et Tambur. putat nec viperas prohiberi, utpote anguillis similes, & modicæ nutritionis, cum sint admodum terrez.

II. Queritur nunc primo; An prohibi-

hibito esu animalium; prohibeatur quilibet pars illorum?

Respondeo, nomine carnis venire quamlibet animalis partem, exceptis ovis, lacte, & quæ ex lacte fiunt, ut est caseus, butyrum, & similia, quæ veniunt sub nomine lacticiniorum. Quare prohibentur cartilagines, nervi, sanguis, necnon jus ex carnibus, quia continet partes subtiliores substantiæ carnis per elixationem eliquatas; quilibet item medulla, axuntia, pinguedo, & laridum; Et idem videtur dicendum de iisdem liquefactis, quæ post liquefactionem vocantur sagimen.

Non negaverim tamen, probabilem esse sententiam Azor., Laym., & Fagund., & aliorum apud Dian. part. 1. tract. 9. resol. 21. putantium laridum, & sagimen inter lacticia numerari; quia scilicet pinguedo non est caro; ut probat Aristot. 2. de Generat.; quandoquidem finito naturali augmento animalis, augetur pinguedo. Verum probabilius censo cum Trull. dub. 2. laridum, & sagimen permitti posse cum lacticiis solum ubi est talis consuetudo; in aliquibus enim locis ex defectu olei, vel butyri præparantur ova cum sagimine, ut accidit in Regno Galleciæ, & Peruano, teste Henr. Et propter eandem rationem, quamvis intestina animalium sint etiam caro, nihilominus ex inveterata consuetudine, ut notat Sanch. de Matrim. disp. 18. lib. 8., licitum est apud Castellanos in Hispania iis sabbato vesci; sicut in Belgio ex consuetudine etiam permittuntur lacticia in Quadragesima.

III. Quæritur secundo, An die Jejunii prohibeantur etiam lacticia?

Respondeo, damnatam esse ab Alex. VII. propositionem 32., quæ dicit: *Non est evidens, quod consuetudo non comedendi ova, & lacticia in Quadragesima obliget.* Et in cap. *Denique*, disp. 4., ubi sermo est de tempore

Quadragesimæ, hæc habentur: *Par etiam est, ut quibus diebus a carnibus animalium abstinemus, ab omnibus quoque, quæ seminiam ex carnibus originem ducunt, abstineamus, a carne scilicet, caseo, & ovis.* Quam prohibitionem communiter extendunt etiam ad Dominicas Quadragesimæ; quamvis Trull. dicat, non esse improbabilem sententiam oppositam, quam sequitur Gomez, & Llamas apud Dian. part. 5. tract. 14. resol. 13. Nihilominus esto probabile esset id non prohiberi in cit. cap., certe ex consuetudine prohibetur, ut communiter docent.

Utrum autem prohibeantur etiam lacticia in jejniis extra quadragesimam? Variant Doctores; Lessi., Azor., uterque Sanch., Vasq., & alii cum D. Th. 2. 2. quæst. 147. art. 8. apud Dian. negant contra Covar., Lessi., Layman, Navar., Medinam, & alios apud Pignatellum tom. p. Consultationum, Consult. quinta. Notant etiam Trull., & Henr. jure communi non prohiberi, unde comedi posse dicit, nisi aliud ferat approbata consuetudo; Aliqui enim apud Dian. part. 1. tract. 9. resol. 41. asserunt dari talem consuetudinem obligantem sub mortali: Sanch. autem lib. 4. cap. 2. absolute negat illam dari; Et Henr. addit cum Escobar, Fagund. Villalob., & aliis, quod si consuetudo adesset, non per hoc obligaret sub mortali, quia non constat esse introductam scienter, & animo se obligandi mortaliter, & non potius ex ignorantia, qua crediderunt simpliciores se esse a jure obligatos; cum ergo incerta sit obligatio, prævalet libertas: Quod multi ex eo comprobant, quia Alex. VII. in propositione damnata loquitur solum de consuetudine abstinentiæ a lacticiis in Quadragesima. Verum hæc comprobatio nulla est, quia Pontifex aperte in ea Bulla asserit non confirmare alias

lias opiniones, a quibus præscindit. In casu autem nostro ab hac opinione præscindit; quare non approbat, immo cum decernat evidens esse, quod consuetudo abstinendi a lacticiis in Quadragesima obliget, & eadem omnino videatur saltem in aliquibus Regionibus consuetudo abstinendi a lacticiis in reliquis vigiliis, videtur etiam evidens esse, quod consuetudo hæc obliget, in iis saltem Regionibus, ubi habetur consimilis consuetudo. Ideo autem Pontifex solum loquitur de jejuniis Quadragesimæ, quia isthæc consuetudo pro Quadragesima viget pro tota Ecclesia, quæ pro aliis vigiliis forte non est universalis.

IV. Ex dictis sequitur, quod dispensatus ad lacticia in tempore jejunii, adhuc ad jejunium teneatur; siquidem ex jure communi cum essentia jejunii consistit usus lacticiis: Contra vero quia usus carniū probabiliter non coheret cum essentia jejunii, ideo dispensatus ad carnes non tenetur ad jejunium, seu ad unicam comestionem; ut quamplures docent contra Bonac., qui absolute censet quæst. 1. punct. 2., quod teneatur ad unicam comestionem; Et contra Lessi., Navar., Sá, Cordub., Victor., Rodriq., & alios, qui censent, dispensatum ad carnes ob debilitatem virium posse pluries se reficere, secus vero dispensatum ob detrimentum, quod habet a cibis quadragesimalibus. Verum opinionem oppositam Sanchez a, ud Trull. putat probabiliorē, tum propter usum, & consuetudinem fidelium; tum propter auctoritatem plurimorum Doctorum apud Dian. part. 1. tract. 9. res. 25., & tract. 11. res. 4. : Clemens XI. tanquam Episcopus Romanus edixit, ut Romæ ad jejunium teneretur, qui ob detrimentum, quod habet a cibis Quadragesimalibus, non vero ob virium debilitatem ad carnes comedendas est dispensatus, juxta o-

*Pars II.*

pinionem plurimorum veterum Auctorum, & non paucorum Recentiorum, quæ me judice a timoratis sequenda est ubique gentium.

V. Quæritur tertio; Num dispensatus ad carnes, si velit tantum vesci cibis quadragesimalibus, teneatur vespere jejunare, an possit etiam pluries comedere cibos quadragesimales?

Respondeo, communiter Doctores apud Dian. part. 9. tract. 6. res. 2. cum Sanch. distinguere; Si enim dispensatur iste ad carnes propter debilitatem virium, poterit pluries se reficere, etiamsi nolit carnes comedere; secus vero si dispensatur ob detrimentum, quod habet a cibis quadragesimalibus; intantum enim posset pluries comedere, inquantum comedit carnes, quæ censentur destructivæ jejunii, cum autem carnes mane non comederit, non habet caput, unde ad jejunium vespere non teneatur. Verum probabiliter etiam Dian. loc. cit. cum Tambur. lib. 4. cap. 5. putat, hunc ad jejunium non teneri. Ratio est, quia cum liceat illi vespere carnes comedere ad fatigatam; quare non licebit illi comedere solum pisces? cui enim conceditur plus, conceditur etiam minus; Et ideo dispensatus ad carnes tempore quadragesimali intelligitur etiam dispensatus ad lacticia, & potest in eadem mensa juxta communem opinionem contra Navar. & Grassi. apud Dian. part. 1. tract. 9. res. 26. comedere carnes simul, & pisces; itaut, si damnum notabile habet ab usu piscium, peccet contra temperantiam, non vero contra legem jejunii.

VI. Quæritur quarto, An liceat bibere in fraudem jejunii?

Respondeo, olim homines a vino abstinuissent tempore jejunii, ut constat ex Chrysost. hom. 6. apud Bonac.; nunc tamen alia est Ecclesiæ consuetudo; unde tam in mensa, quam ex-

T. tra

tra mensam licitum est bibere, & vino vires reficere, sicut etiam quolibet alio potu usuali.

Neque dicas; qui in fraudem legis operatur, non minus peccat, quam qui legem transgreditur; sed qui extra mensam bibit ad reficiendas vires, bibit in fraudem jejunii, & in fraudem legis; ergo peccat. Minor probatur ex leg. *Contra legem, ff. de Legibus, Ille dicitur operari in fraudem legis, qui salvis legis verbis ejus sententiam circumvenit.* Et in reg. 68. juris in 6. dicitur, *Is committit in legem, qui verba legis complectens contra legis nititur voluntatem;* quod habetur in casu nostro.

Respondeo tamen cum Reginald. negando minorem; non enim in fraudem legis operatur, qui utitur jure suo; quilibet autem ex consuetudine non habet jus bibendi ad sedandam sitim; ergo si bibat etiam ad reficiendas vires, utitur jure suo; non enim prohibetur talis intentio, sed solum refectio virium per cibum; ut communius Doctores docent apud Dian. loc. cit. resol. 23. Et propter eandem rationem non peccat contra legem jejunii, qui unica refectio adeo ventrem replet, ut nullam jejunii difficultatem sentiat, nec carnis illecebras ullatenus comprimat. Et ratio radicalis assignatur ab Abulensi apud Bonac. punct. 2., quia scilicet non operatur in fraudem legis, qui facit contra finem legis, sed qui facit contra intentionem legis expressam; ut patet in observatione omnium legum, quarum finis ex Aristot. 2. Ethic. est efficere cives bonos, & tamen non peccat contra leges politicas, qui eas observat, quamvis non efficiatur bonus; unde Medin., & Reginald. dicunt, illum operari in fraudem legis, & peccare contra legem, qui facit contra intentionem legis objectivam, non contra intentionem finalem; In-

tentio autem objectiva est illa; quæ respicit, quod præcipitur, & expresse præcipitur, quod in casu nostro est unica comestio, & abstinencia a carnibus, non vero a potu.

VII. Utrum autem peccet venialiter, qui bibit, aut comedit solum ob delectationem? Joan. Sanch. apud Dian. part. 3. tract. 5. resol. 6. Martinus Perez, Escobar, & alii negant, si non noceat saluti; sicut non peccat, qui videt res pulchras, & olfacit odores solum propter delectationem; Neque id damnatur ab Innoc. XI. Nam propos. 8. damnata dicit, *Comedere, & bibere ad satietatem ob solam voluptatem non est peccatum, modo non obis valetudini, quia licite potest appetitus naturalis suis alibus frui.* Quando enim ad satietatem quis comedit, aut bibit ob meram voluptatem, facile limites temperantiæ debite prætergreditur, & ideo venialiter peccat; quod non accidit, neque si comedat aliquid, aut bibat propter voluptatem, non tamen ad satietatem cum periculo intemperantiæ; neque si ad satietatem videat res pulchras, aut olfaciat odores; Quod si se inebriaret, peccaret mortaliter, nam 1. ad Corinth. 6. dicitur, *Neque ebrii Regnum Dei possidebunt.* Ceterum quod nec aliqua veniali culpa vacet comedere, & bibere, etiam moderate, ob meram voluptatem, probabilius docent quamplures, quos retulimus in Trutina exponendo præfatam thesim ex D. Th. 4. contra Gentes cap. 87.; inverteretur quippe naturæ ordo, si in his actionibus voluptas tanquam finis amaretur, ubi ea ex institutione naturæ ad vitæ sustentationem ordinatur: Videre autem res pulchras, odores olfacere, per pomarium ambulare, ex intentione naturæ ad animum relaxandum ordinantur; & ideo citra culpam delectatio in his aliis actionibus intendi potest.

VIII. Quæritur ultimo, Undenam dignoscatur, utrum aliquid ad cibum, an ad potum pertineat ?

Respondeo, ex communi usu catholicorum, & judicio medicorum discerni debere, ut diximus in casu, quo dubitatur, an aliquid ad carnes pertineat. Illud certum est pertinere ad potum, quod ex natura sua adhibetur ad vehiculum cibi, & sitim extinguit; debet autem ex natura sua adjuvare ad elixandum, & vehendum alimentum, & ad sedandam sitim; Nec satis est, si tu ad hunc finem illud assumas; aliter posses gallinam distillatam, ova, & lac potare.

Hinc communiter docent Doctores primo, licitum esse bibere vinum, mustum, cervisiam, aquas ex herbis distillatas; sicut etiam ex Tambur. aquam saccharo, & aromatibus conditam, vulgo *Sorbetta*, quia saccharum, & alia res, quæ intermiscetur, sunt modica quantitas, & adhibentur per modum medicinæ, ne sola aqua noceat: Sanch. ramen lib. 5. Consil. cap. 8. dub. 23. id negat; quod verum est si aquæ intermiscetur magna quantitas sacchari, & aliarum rerum, itaut extrahatur a natura potionis.

Secundo, Acetum, & Oleum, cum de se non ad potum, sed ad cibum pertineant, frangunt jejunium, si in refectiuncula ultra octo uncias adhibeantur.

Tertio, Uva etiam frangit jejunium, quamvis ex illa solum succum sumas, & cætera ex ore projicias. Ratio est, quia quamvis putes te multum bibere; at ex communi usu uva assumitur per veram comestionem, & non bibitur per usalem potationem in alimentum vehiculum, ut sumitur mustum, vel vinum. Idem dicas de pomis, & de succo malorum massilicorum, medicorum, cidoniorum, puniceorum, vulgo limoni, aranci, cotogni, granati. Idemque dicas de peponibus,

vulgo Meloni d'acqua; Quia in re nuper ex hac nostra Academia in lucem editus est libellus, in quo erudite, ac nerve ac nimis confutatur Anonymus, qui qualibet solida ratiocinatione, ac auctoritate destitutus adversus communissimam Doctorum sententiam in dubium revocare contendebat, num pepones jejunium frangerent.

Circa Chocolatam num frangat jejunium, varii varia. Complures affirmant apud Dian. part. 4. tract. 4. resol. 194., & part. 5. tract. 5. resol. 11. Aliqui negant apud Tambur. propter materie parvitatem. Alii vero apud eundem negant, quia est potus usualis in Mexico, non secus ac cervisia apud Germanos, & vinum apud Nostrates.

Idem Tambur., & Dian. propter auctoritatem extrinsecam multorum Theologorum, & propter usum timoratorum putant probabiliter jejunium non frangere; Machad. enim tom. 1. lib. 2. part. 4. tract. 3. dicit in Hispania usque adeo esse usalem, ut fere nemo sit, qui religioni habeat illam sumere die jejunii. Verum præcisè auctoritate extrinseca, arridet mihi opinio Eminentissimi Brancatii cum Escob., quod scilicet si ea utamur eo modo, quo in Mexico est potus usualis, (ita videlicet ut septem, vel octo uncias aquæ addatur una uncia chocolata, & media sacchari) jejunium non frangat; secus vero si magna quantitas chocolata intermiscetur aquæ, ita ut inducat rationem pulmenti, ut diximus de *Sorbetta*. Ratio non est, quia uncia est materia parva; nam sic non posses illam pluries sumere sine mortali, nec semel sine veniali; sed quia in tanta quantitate est potus usualis apud illas Nationes, & sic ubilibet tanquam potus usualis sumi potest.

Neque dicas primo, quod quamvis talis potus sit usualis apud Indos, non



est apud Nostrates usualis . Nam si allicubi est potus usualis , jam natura sua habet sumi ad vehiculum cibi , & ad sedandam sitim ; quod autem natura sua est tale , ubilibet est tale ; & hac de causa apud Nostrates cervisia non frangit jejunium , quamvis non sit hic usualis .

Neque dicas secundo , quod vere nutriat . Nam idem dici posset de vino , & cervisia , quæ tamen jejunium non frangunt ; quia , ut notat Laym. , & Less. , nutriunt per accidens ; sumitur enim vinum magis ad alterationem corporis , & digestionem cibi , quam ad nutritionem , ut loquitur D. Th. quæst. 147. art. 6. ad 2. , licet aliquo modo nutriat , & ideo jejunium non frangit . Cæterum , ut adverti in Trutina exponendo thesism 29. ab Alex. VII. proscriptam , in praxi non facile hisce opinionibus laxandæ sunt habent , præsertim a timoratis , qui Christum Dominum imitari , illique , non abdomini inservire satagunt .

## ARTICULUS II.

### De unica Refectione , ac de ejus Hora .

- I. *Ex consuetudine , non ex lege scripta tenemur die jejunii ad unicam dumtaxat refectionem : Et ex consuetudine etiam permittitur refectiuncula .*
- II. *Qui bis comedit die jejunii , si iterum comedat , non peccat amplius ; At si comederet carnes , peccat toties , quoties iterum illas comedit .*
- III. *Qui inculpabiliter bis comedit , num teneatur non amplius comedere ?*
- IV. *Ut refectio dicatur moraliter unica , quantum temporis intercedere potest inter plures refectiones ? Num possit vespere comedere , qui mane carnis notabili parte refectiois ?*
- V. *Hora refectiois , qua olim erat*

*ad Solis occasum , & deinde ad Tertiam post meridiem , nunc temporis est ad meridiem .*

- VI. *Quid si anticipetur hora comestiois sine causa , aut privilegio per horam ante meridiem ?*

I. **C**ertum est , die jejunii abstinendum non solum a cibis vetitis , sed etiam a multiplici refectione ; ut constat ex consuetudine , & omnium consensu ; Quamvis nullus textus sit , qui unicam refectionem præcipiat , ut notat Bonac. ; Unde fit , quod quia consuetudo invaluit sumendi refectiunculam , ideo illa , prout est in usu , permittatur .

II. Quæritur nunc primo ; An qui sæpius comedit die jejunii , tot peccata mortalia committat , quoties comedit ?

Respondео , quod si quis sæpius parvam quantitatem comedat , tunc solum peccet mortaliter , quando ad quantitatem notabilem pervenit : damnata enim est ab Alex. VII. prop. 29. dicens : *In die jejunii , qui sæpius modicum quid comedit , nisi notabilem quantitatem in fine comederit , non frangit jejunium .* Quamvis autem mortaliter peccetur in secunda refectione , communiter tamen Doctores docent contra Navar. , & Reginald. apud Bonac. , quod non peccet amplius , qui ulterius comedit , nisi comedat cibos vetitos . Ratio est , quia præceptum de abstinencia a cibis vetitis est negativum , quod obligat semper , & ad semper : Unde facta prima carnum comestione , adhuc urget obligatio a talibus cibis prohibitis , & consequenter quoties comedit tales cibos , toties peccat transgressor ; E contra præceptum de abstinencia a multiplici refectione est præceptum affirmativum , quod facta secunda refectione non potest amplius servari , & consequenter non amplius obligat ; Unde postquam quis

quis per secundam refectionem peccavit, non potest amplius contra tale præceptum peccare, etiamsi nullius comedat.

III. Neque dicas, quod qui ex inadvertentia bis comedit die jejunii, adhuc tenetur jejuniare; ergo præceptum affirmativum de unica comestione adhuc post secundam comestionem potest obligare.

Nam quamvis Valent., Azor., Sæ, & alii apud Less. concedant antecedens, & dent disparitatem; quia scilicet in tali casu præceptum jejunii nonnisi materialiter est violatum, cum ad violationem formalem præcepti requiratur ejus notitia; Nihilominus Bonac. negat etiam antecedens; (& idem docet Pont. apud Dian. part. 9. tract. 6. resol. 28., de eo, qui inadvertenter comedit carnes, quod scilicet non teneatur amplius ad jejunium,) tum quia non potest amplius jejunium servari, quod in unica comestione consistit; tum etiam quia ex Navar., & Sylvest. apud Less. num. 18., qui mane sumpsit jentaculum animo laborandi, vel iter agendi, si postea non laboret, non tenetur jejuniare propter eandem rationem; Quamvis Less., & Bonac. verius putent, hunc teneri jentaculum illud habere loco refectionis: vespertinæ, & semel tantum prandere, si commode possit. Propter eandem rationem notat Sanch. lib. 4. cap. 2., quod qui vovit jejunare in paucis, & aqua, si semel notabilem vini quantitatem bibat, non teneatur ab illo amplius abstinere, & possit quodlibet comedere: Contra vero si vovisset nihil sumere præter panem, & aquam, quia tunc votum esset negativum; unde peccaret toties, quoties.

IV. Dubium est; Quantum temporis requiratur inter unam, & alteram refectionem, ut refectio dicatur multiplex, & non una continuata?

Respondeo, Sanch., & Filluc. apud

Dian. part. 1. tract. 9. resol. 32. requirere quadrantem cum dimidio, etiamsi nulla causa subsit, & etiamsi post primam refectionem decreveris non amplius comedere; Portella apud Summam Dian. permittit semihoram, dummodo non manducaveris, quod sufficit ad sustentationem; Verum si propter negotium aliquod interruptatur comestio, tunc conceditur etiam hora; & Joan. Sanch. putat aliquando etiam concedi posse duas horas, quando scilicet interruptio facta est animo redeundi; quod tamen nimis esse censet Escob.

At Tambur. putat, quod si ob negotium magni momenti notabili refectionis parte quis caruerit, possit ex matutina, & vespertina refectione unam moraliter cœnam constare; quia pia Mater Ecclesia non intendit homines sine sufficienti refectione diem transigere.

Ex quibus inferit Thom. Sanch., quod Lectores mensæ, & famuli possint aliquid sumere immediate ante mensam domini, quia propter necessitatem legendi, & inserviendi censentur tunc incipere suam refectionem, quam post unam circiter horam perfecturi sunt. Idem pariter dicendum de multiplici comestione carniū; nam qui, verbi gratia, in principio tantum, & sine mensæ comedit carnes, unum tantum peccatum mortale committit, quia censetur moraliter unam carniū comestionem fecisse.

V. Queritur secundo; Quanam hora sumi possit unica refectio?

Respondeo, quod in veteri lege jejunium solvebatur ad solis occasum, ut videre est Judic. 13.: Qui mos receptus fuit in primitiva Ecclesia, ut patet ex D. Hieronymo in vita Sancti Hilarionis; Deinde fervor intepuit, & ceperunt homines comedere ad horam nonam, hoc est ad Tertiam post meridiem; idque consueverunt usque

usque ad tempora D. Th., qui vixit anno 1270., ut videre est 2. 2. quæst. 147. art. 7. Nunc vero communis usus fidelium fert, ut concedatur ad meridiem; Ita tamen ut licitum sit ulterius disterre, cum sic rigoroſe junetur; anticipare autem notabiliter sine causa non liceat.

Existimo tamen cum Laym., Filluc., Bonac., Lessl. & aliis apud Dian. part. 1. tract. 9. resol. 26., quod esset tantum veniale, immo ne veniale quidem, si cum causa refectio anticiparetur; verbi gratia, ob iter, aut urgens negotium. Quare falsum videtur, quod docet Sanch. disp. 53. horam comestionis ita pertinere ad essentiam jejunii, sicuti pertinet abstinentia a carnibus: Falsum etiam est, dari aut præceptum, aut consuetudinem graviter obligantem ad non anticipandam comestionem ante meridiem, ut putant Fagund., Sanch., Navar., Azor. apud Trull.: Quia tamen merides computandus est modo morali, non astronomico, ideo Trull. cum Villalob. putat, præciso ullo privilegio horam competentem comedendi die jejunii absque ullo peccato esse per horam circiter ante meridiem; quia parum a meridie distat, & pro meridie computari potest.

### ARTICULUS III.

#### D Refectiuncula.

*I. Varie opinantur Doctores circa quantitatem cibi in Refectiuncula; Omnium benignissima, & usu recepta opinio est, quod ea sit octo unciarum.*

*II. In pervigilio Nativitatis Domini refectiuncula potest esse duplo major; & in iis Regionibus, ubi est consuetudo sumendi triplo majorem, immo etiam in vigilia Paschatis,*

*& Pentecostes servari illa licite potest.*

*III. Num possit in refectiuncula sumi exigua pars piscis majoris?*

*IV. Licetne sex uncias panis cum duobus uncias liquoris amygdalini coquere, & sumere pro jentaculo?*

*V. Num liceat sine causa cœnulam sumere mane, rejecta in Vesperas cœna?*

*VI. Non licet diluculo jentaculum sumere, & ad meridiem, seu ad Vesperas canare.*

**L**icitum esse vespertinum jentaculum nemo dubitat, cum consuetudine introductum sit; Et quamvis probabile sit introductum fuisse ex necessitate, vel ne potus vespere noceret, nunc tamen licitum est etiam sine necessitate, aut voluntate bibendi illud sumere, etiam causa alendi corpus.

Quæritur tamen primo; Quantum cibi possit in refectiuncula sumi?

Respondendo, omnes convenire, quod debeat esse modica quantitas: Variant tamen in ea assignanda. Graff. permittit tres uncias. Homob. quatuor; Villalob. sex; Alii vero cum Joan. Sauch. volunt variam esse pro varietate personarum, itaut plus liceat infirmis, provectioribus ætate, nobilibus viris aſuetis pluribus epulis, necnon degentibus in Regionibus frigidioribus, defatigatis, &c., quam reliquis. Alii cum Filluc., Reginald. assignant quartam partem cœnæ ordinariæ uniuscujusque. Omnium autem benignissima opinio videtur esse illa Fagund., & Suar. apud Dian. loc. cit. resol. 1., & quæ in consuetudine est apud Nos, quod octo uncia ab omnibus sumi possint; talis enim mensura universum excedit quartam partem cœnæ ordinariæ; quis enim vespere comedat plerumque ultra triginta duas uncias?

II. Ve.

II. Verum in vigilia Nativitatis Domini duplo major (ideſt ſexdecim uncia) permittitur, etiamſi venerit in Sabbato quatuor temporum: Quamvis Petrus de Cenedo apud Dian. loc. cit. reſol. 35. putet poſſe ſumi in tali pervigilio quantum liberit ex fructibus, & dulciariis in iis Provinciis, ubi eſt talis conſuetudo. Et ſane collatiuncula iſthæc, cum præciſe ex vi conſuetudinis permittatur ejus quantitas, ſicut etiam qualitas ciborum, non aliunde metienda eſt, quam a conſuetudine uniuſcuſque loci, ut bene notat Bonac., Leſs., Tolet. Hinc quamvis invenias apud Sanc. in Opuſc. dub. 26. poſſe ſumi in vigilia Nativitatis cænulam triplo majorem ſolito, eo quod talis ſit uſus timoratorum etiam religioſorum; talis tamen opinio non eſt ſequenda, ubi non viget talis conſuetudo: Et eadem ratione in vigilia Paſchatis, & Pentecoſtes poteſt ſumi reſectiuncula duplo major in iis locis, ubi eſt talis conſuetudo, quæ ſane apud noſtrates non extat.

III. Queritur ſecundo; Quznam qualitas ciborum in reſectiuncula permittatur?

Reſpondeo, Dianam pluribus in locis, præſertim part. 1. tract. 9. reſol. 1. acriter invchi contra illos, qui docent in reſectiuncula attendendam eſſe ſolam quantitatem, non qualitatem ciborum, oſtenditque conſuetudine, & auctoritate Doctõrum permitti ſolum cum modico pane aliquos fructus, vel dulciaria, aut ad ſummum ex Laym., & Azor. aliquem piſciculum; Unde expreſſe infer locutum fuiſſe ſine ratione, & fundamento contra communem Doctõrum ſententiam Bonac. de Legibus diſp. ult. punçt. 3., dum aſſerit in ſerotina collatione non tam cibi qualitatem, quam quantitatem attendendam; Additque omnes Theo-

logos tam ſuz, quam noſtræ Religionis ab ipſo conſultos uno ore clamitare, qualitatem cibi in reſectiuncula frangere jejunium. Verum Bonac. de Jejun. quæſt. 1. punçt. 3., Cajet., Sor., alique apud Dian. part. 9. tract. 6. reſol. 8. cum Tambur. probabiliter putant, poſſe ſumi octo uncias ex panis, & piſcibus ſale coctis; nec non ex pultibus, ſeu mineſtris. Immo permittunt etiam aliquid caſei illi, cui permittuntur lactinia. Excludunt autem ova, utpote magnæ ſubſtantiæ, & nutritionis, & ex diametro oppoſita jejunio: Contra vero, quia non eſt certum conſuetudinem ſumendi jentaculum introductam eſſe ſub hac ſtricta neceſſitate, ut non poſſit niſi panis cum fructibus, aut herbis comedî, ideo etiam piſces ſale cocti, & mineſtræ permitti poſſunt, dummodo cum pane quantitatem debitam non excedant. Certum enim eſt, jentaculum ſumi poſſe; dubium vero, an hi cibi ſubſtantiales ſint excluſi? Igitur prævalet libertas illos aſumendi. Sic diſcutit Tambur., cujus ſententiam non amplecterer, niſi putarem conſuetudinem jam introductam, ut etiam exigua parte piſcis majoris, ut loquitur Bonac. loc. cit., non tamen ovis in reſectiuncula cum pane veſci poſſimus in debita quantitate octo unciarum: quam ſi quis parum excederet, addendo unam, vel alteram unciam, ex Filliuc., Leand., & aliis apud Dian. loc. cit. reſol. 15. nonniſi venialiter peccaret propter parvitatem materiæ ſuperadditæ, dummodo alias eodem die parvitatem materiæ non ſumpſerit.

IV. Dubium eſt, An poſſit etiam quis panem, aut fabas in quantitate debita coquere in aqua, vel liquore amygdalino, & ſic ſumere pro jentaculo?

Negant communiter cum Filliuc. apud Tambur.; quia aqua illa non

retinet amplius rationem potus, sed propter coctionem ex illa, vel pane, vel fabis fit cibus solidus, seu pulmentum, quod deinde excederet quantitatem debitam. At Leand. quæst. 35. cum Pelliz., & Escob., & Dian. part. 10. tract. 14. resol. 58 ex Rochaful, Vival., Pasqualig., necnon Tambur. ex Bosf. sect. 4. de Subilto casu 18. putat id posse perniti; quia revera illa aqua semper remanet vehiculum alimenti, nihilque addit ad substantiam nutritionis, & ea coctio solum reddit cibum magis stomacho convenientem; Quare sicut sumi potest panis vino infusus, ita etiam panis aqua, vel alio liquore coctus. Horum tamen sententia scienda est, non sequenda, utpote communiter rejecta; nisi in casu necessitatis, aut nimie lassitudinis, quando præstat sententiam hanc sequi, quam ex impotentia jejunium frangere.

V. Quæritur ultimo; Quanam hora sumi possit refectiuncula?

Respondeo, sub vesperras, seu ante cubitum sumi posse juxta consuetudinem: Azor., & Fagund. apud Dian. part. 1. tract. 9. resol. 33. putant esse mortale sine necessitate illam sumere meridiæ, rejecta in vesperras refectiuncula; quia cum vespertina tantum refectiuncula ex consuetudine permittatur, non matutina, qui mane illam sumeret, frangeret jejunium. Communius tamen docent, id tantum esse veniale; quia non variatur substantia jejunii, variando circumstantiam hujus canule. Tambur. denum ex Joan. Sanch. putat omnino licere, etiam sine causa; quod tamen non approbo. Illud certe licitum est, omnia refectiuncula, cœnam ad vesperras differre.

VI. Sicut autem communiter docent esse saltem veniale refectiuncula notabiliter ante meridiem anticipare sine causa, quia aliqua deordinatio

est tam cito ad prandium accurrere; quando ceteri se continent; ita a fortiori veniale est refectiuncula diluculo sumere, & deinde meridiæ, vel sub vesperras cœnare; præsertim quia esset novam jejunii formam inducere.

## ARTICULUS IV.

De Obligatione Jejunii, & non cooperandi cum aliis in illius fractione.

I. *Jejunium Quadragesimale non est de jure divino, sed iam inde ab Apostolis in Ecclesia præceptum.*

II. *Consuetudine plura jejunia in Ecclesia introducta sunt, & plura abrogata. Num Regulares teneantur ad jejunia consuetudine alicubi introducta?*

III. *Quandonam frangens jejunium, ad quod ex pluribus titulis obligatur, plura peccata committat?*

IV. *Num Franciscanus ad jejunia sua Regula obligetur ante vigesimum primum anni annu?*

V. *Lex jejunii obligat etiam ad non cooperandum cum aliis in ejus fractione.*

VI. *Num liceat invitare, ac offerre carnes paratio jejunium frangere, non quidem absolute, sed sub conditione, quod velit omnino carnis vesci?*

VII. *An peccent Caupones ministrando omnibus indiscriminatio carnes diebus ejusialibus?*

VIII. *Licet carnes ministrantur Infidelibus die jejunii, sicut pueris ante rationis usum.*

I. **N**Otandum primo, obligationem jejunandi esse ecclesiasticam; si enim esset de jure divino, non posset tanta variatio fieri in cibis, ætate, tempore, exceptione, &c. nec consuetudo aliquid immutare potuit.

tuisset. Dicitur autem a Sanctis Patri-  
bus Quadragesimale jejunium indu-  
tum esse a Domino, præscriptum in  
Evangelio, & a Christo consecratum;  
quia Ecclesia, seu Apostoli Ecclesiæ  
rectores, ac doctores occasionem præ-  
cipiendi jejunium quadragesimale sum-  
pserunt ab exemplo Christi Domini,  
a Prophetis, & Evangelio, ut advertit  
hic Trull. ex Lefs.

Notandum secundo, etiam consue-  
tudine introduci posse jejunia, & de  
facto ex sola consuetudine obligant  
vigiliæ Sancti Joannis Baptistæ, San-  
cti Laurentii, Pentecostes, & omnium  
Sanctorum. Ratio est, quia consue-  
tudo habet vim legis, ex *leg. De qui-  
bus*, si. *de Legibus*: Sicut e contra per  
consuetudinem legitimam abrogari  
possunt jejunia, & de facto abrogata  
sunt jejunia Rogationum, & Feriæ  
quartæ, & sextæ Adventus, ut notant  
Azor., & Lefs. dub. 4. Ubi tamen  
consuetudo est solum laicorum, non  
ligat Clericos; & ubi est Clericorum,  
non ligat Regulares: Et hinc est,  
quod Regulares non tenentur servare  
jejunia ab Episcopis indicta, nisi  
forte ad vitandum scandalum; Quam-  
vis ex Trident. Regulares teneantur  
servare festa ab Episcopo indicta, &  
Interdictum. Quod si in aliquo Op-  
pido, vel Provincia aliquod jejunium  
generali consuetudine introductum sit,  
procul dubio etiam Clerici, & Re-  
gulares obligantur, ut communiter  
docent; quia sunt communia, & om-  
nium ibi habitantium moribus pro-  
bata.

III. Notandum tertio, quod qui initio  
Quadragesimæ proposuit nunquam je-  
junare, unum numero peccatum com-  
misit, (non secus ac qui uno ictu oc-  
cidit plures) in executione tamen  
singulis diebus, vel quoties carnes  
comedit, nova mortalia committeret.  
Præterea frangens jejunium, ad quod  
ex duplici præcepto, verbi gratia qua-

tuor temporum, & vigiliæ tenetur,  
unum numero peccatum committit,  
quia utrumque hoc præceptum obli-  
gat ex eadem virtute temperantiæ:  
Econtra si quis violet jejunium, ad  
quod tenetur & ratione vigiliæ, &  
ratione voti, aut præcepti superio-  
ris, vel Confessarii, multiplex pec-  
catum committit; quia obligatio  
oritur ex pluribus virtutibus, videli-  
cet temperantiæ, Religionis, obedi-  
entiæ, &c., Unde Franciscanus, qui die  
Veneris tenetur jejunare sub mortali  
vi suæ Regulæ, cui voto astringitur,  
si eo die occurrat vigilia, & frangat  
jejunium, duplex peccatum commit-  
tit.

IV. Utrum autem ante vigesimum  
primum annum Franciscanus teneatur  
ad jejunium suæ Regulæ? Communi-  
ter affirmant apud Dian. part. 1. tract.  
9. resol. 16., quamvis non teneatur  
ad jejunia Ecclesiæ. Tambur. tamen  
cum Medin. & Graff. putat probabi-  
liter non teneri ad jejunia suæ Re-  
gulæ; quia præsumi potest nolle Re-  
gulam obligare sub mortali eum, quem  
non vult Ecclesia obligare: Et idem  
dicitur de Sexagenariis; Unde qui  
vovit tota vita jejunare singulis Sáb-  
batis, probabiliter non tenetur, quan-  
do est sexagenarius.

V. Notandum ultimo, nos non so-  
lum teneri ad servanda jejunia Eccle-  
siastica, sed etiam ad non cooperan-  
dum cum aliis in fractione jejunii;  
unde sicut non licet alios invitare ad  
fornicandum, ad occidendum, &c.  
ita neque ad frangendum jejunium ex  
intentione, quod frangant, quia di-  
recte ad malum invitarentur.

VI. Quæritur tamen primo; An  
urbanitatis causa liceat ad cenam in-  
vitare paratum frangere jejunium, non  
quidem ex intentione, quod jejunium  
frangat, sed ex intentione, quod si  
velit frangere, potius tunc domi, quam  
alibi comedat?

Respondeo, Villalob., Navar., Philiar., & alios apud Dian. resol. 38. id permittere, contra Lefs., & Sagun. Ratio est, quia non invitatur hic ad cœnandum absolute, sed conditionate, si scilicet vult frangere jejunium. Verum in hac re notandum, quod Tambur. advertit lib. 5. cap. 1. §. 4. de parato ad peccandum, verbi gratia ad frangendum jejunium, & de peccaturo, verbi gratia de transgressuro præceptum jejunii. Si Titius transgressurus est præceptum, quia, verbi gratia, decrevit jam violare jejunium, ubicumque reperiat cibos, Vasq. docet, quod non liceat illum absolute ad cœnam invitare, sed solum conditionate dicendo, Si omnino velis cœnare, cœna apud me; Et quamvis Pal. putet, quod id non liceat, immo quod nec possis illi cœnam præparare, eo quod cooperareris peccato illius, tamen Lefs. lib. 4. cap. 2. num. 24. permittit cum Vasq., quod conditionate invitetur, quia peccatum internum illius jam est paratum, & impediri non potest. Et Sanch. lib. 1. cap. 7. excusat universim a mortali, qui solum remote cooperatur cum transgressuro præceptum, verbi gratia vendendo Titio cibos, quos vult ad jejunium frangendum, aut vendendo agnum Infideli, quem scio velle ad immolandum Idolo; quia cum alius venditurus sit, si ego non vendam, & peccatum internum impediri non possit, non pecco graviter cooperando sine magna necessitate ad solum externum peccatum illius; Contra vero si cooperarer proxime cum transgressuro præceptum; unde non licet scalas admovere, vel humeris sustentare, quem scio velle furari, etiamsi alter id præstaret me recusante; nisi tamen excuset a causa urgentissima, puta a timore mortis.

Verum circa paratum ad peccandum, seu solitum transgredi præceptum,

putant Sanch., Pal., nunquam posse nos illum invitare, nec absolute, nec conditionate; quia tenemur impedire peccatum etiam externum proximi, quando commode possumus. Ledesma, & Emman. cum Cajet. & Navar. apud Lefs. lib. 4. cap. 2. num. 21. putant licere, quando id sit urbanitatis causa, & non ex intentione peccati alterius. Immo Hurtad. apud Dian. part. 5. tract. 7. resol. 8. cum Lug. disp. 25. num. 234. absolute docet, quod liceat sine necessitate petere mutuum etiam signate ad usuras ab usurario parato; sicut etiam ex Azor. petere Sacramenta a Sacerdote parato illa ministrare in mortali, quamvis commode possis ea ab alio habere. Ratio est, quia dum facio, quod mihi utile, vel conveniens est, & de se non est malum, estque tale, ut eo alius recte uti possit, si non recte utatur, sibi imputet; Neque enim tencor abstinere ab actionibus de se non malis, eo quod proximus ex sua malitia abutatur ad peccandum. Verum Hurtad. cum Dian. loc. cit. hanc adhibet distinctionem: Si proximus sit paratus ad peccandum hic & nunc, non ex malitia, sed ex passione vehementi, idest ex fragilitate, tenemur sub pœna peccati scandali a talibus actionibus abstinere; quia scandalum hoc passivum pusillorum tenemur vitare, quando commode possumus; Secus vero si ille sit paratus ad peccandum ex malitia; quia non tenemur vitare scandalum hoc pharisaicum. Has omnes opiniones ut probabiles admittit Tambur. loc. cit.

VII. Quæritur secundo; An peccent Caupones, seu tabernarii offerentes cœnam omnibus indiscriminatum die jejunii, & ministrantes carnem?

Respondeo, communiter Doctores contra Lefs. loc. cit. docere, quod tabernarii non teneantur interrogare hospites cœnam, aut carnes petentes,

an excusentur a jejuniis, etiam si dubitent, an excusentur, & a fortiori si probabiliter credant excusari. Ratio est, quia in dubio nemo debet presumi vel peccare, ex leg. Merito, ff. Pro socio, Si vero probabiliter, vel certo moraliter sciant tabernarios, quod hospites peccent cœnando, Navar., Toller., Medin., & alii apud Dian. part. 1. tract. 9. resol. 39. permittunt, quod illis cœna ministraretur. Quod etiam docet Sanch. lib. 1. cap. 7. Ratio est, quia ministratio illa, immo & ultronea invitatio non fit directe ad non jejunandum, sed solum ex intentione lucri invitatur ad cœnam, veluti conditionate, hoc est, si velitis cœnare, potius cœnate apud me, quam divertatis ad alium. Præterea sicut ab usurario parato peti potest mutuum, quia de se potest id sine peccato poni, si scilicet detur mutuum sine usuris; ita quia potest hospes sine peccato cœnare, dummodo semel in die cibis Quadragesimalibus se reficiat, ideo absolute exhibetur illi aliquod de se indifferens, quo ille sua malicia abutitur. Si vero loquamur de ministratore, & invitatione ad carnes, certum est, non posse tabernarios invitare hospites, nisi conditionate, ut diximus quæsito antecedenti, dicendo, quod si velint absolute carnes comedere, potius illas comedant in tali taberna, quam alibi. Ratio est, quia comestio carniis fieri non potest sine peccato a non excusatis; sicut potest sine peccato fieri cœna, dummodo semel tantum fiat.

VIII. Notandum demum, quod pueris ante usum rationis, sicut etiam Paganis licite carnes ministrantur; quia non tenentur legibus Ecclesiasticis.

## ARTICULUS V.

De Infirmis, & Pauperibus a jejuniis excusantibus.

- I. Excusant Dispensatio, & Impotentia sæpe orta ex infirmitate, paupertate, labore, ætate.
- II. Infirmitas excusans debet esse notabilis, puta si timeatur ex jejuniis capitis vertigo, aut stomachi dolor; Aut si ex illo impediantur consuetæ uniuscujusque operationes.
- III. Pregnantes, & nutrices, etsi valida, ad jejunium non tenentur, sed tenentur secundum se a carnibus abstinere. Qui absque cœnæ neque noctu calefieri sufficienter, non tenentur mane jejunare, ut vespere cœnet.
- IV. In dubio an jejunium sit graviter nocivum, standum iudicio Medici docti, & timorati; vel petenda est dispensatio; Quæ probabiliter dari potest, etiam si dubietur, an detur iusta causa ad dispensandum.
- V. Nec Medicus, nec Confessorius dispensare potest in jejniis, sed solus Superior; etiam Paterfamilias; non solum Abbas.
- VI. Excusatur pauper, si careat sufficienti cibo. Sed quinam dicuntur cibi sufficientes?
- VII. Num liceat messoribus, ac iter agentibus vesci lacticiis, si desit sufficienter aliud alimentum?

I. **A** Jejunio excusant Dispensatio, & Impotentia, sive physica, sive moralis; hæc autem oritur ut plurimum ex infirmitate, paupertate, labore, ætate. In hoc articulo agendum de infirmitate, & paupertate, in sequenti de labore, & ætate.

II. Quæritur primo; Quænam infirmitas a jejuniis excuset?

Respondeo non nisi notabilem. Qua-



re excusantur tam qui de facto infirmi sunt, quamvis ex propria culpa, quam qui ex jejunio notabilem infirmitatem timent, verbi gratia capitis vertiginem, stomachi dolorem; non enim expectandum est actuale detrimentum, sed sufficit timor non levis mali, non quidem gravissimi, sed notabilis. Quare qui sibi bona fide, vel ex experientia, vel ex probabili ratione persuadet graviter nociturum jejuniū, non tenetur jejunare.

III. Si tamen petas, quodnam dicatur damnum notabile? Respondeo hanc regulam a Doctoribus assignari. Si ex jejunio impediuntur operationes ordinariæ cujuscumque personæ, jejuniū dicitur graviter nocere: Verbi gratia, si studens ex jejunio capite doleat, ita ut cum difficultate possit studere, si cum gravi incommodo famula exerceat servitiū domus, aut artifex opus suum. Et hac de causa communiter excusantur prægnantes omnes, & nutrices, idque etiam si robustæ sint, ex Reginald. contra Sylvest. apud Dian. part. 1. tract. 9. resol. 14; quia istæ paucæ sunt, & leges aptantur ad communiora. Universim autem prægnantes, & nutrices indigent multiplici refectione; quamvis teneantur abstinere a carnibus, nisi specialiter indigeant. Idem putat Tambur. dicendum de scemina, quæ probabiliter mox est conceptura, si a medicis judicetur, jejunia matris nocitura proli suscipiendæ; debet enim mater convenientia remedia, & alimenta ponere, ne forte foetus concipiendus elanguescat. Excusatur etiam, qui ita stomacho debili friget, ut sumere non possit una vice refectionem sufficientem; Necnon qui noctu per notabile tempus dormire non potest, nisi cœnet; aut qui de nocte absque perfecta cœna calefieri notabiliter nequit. Hoc enim est nimis onerosum. Neque hic obligatur ad jejunandum mane, ex Sanch., & Dian.

resol. 5., Fagund., & Tambur. Ratio est, quia nemo obligatur ad remedia extraordinaria, & relinquere jus suum comedendi circa meridiem.

IV. Adde, non solum infirmitatem actualem, aut imminuentem excusare, sed etiam si sentias stomachi debilitatem extraordinariam, aut notabilem lassitudinem, ex Bonac.; quia universim cum gravi incommodo præceptum jejunandi non obligat. Quando autem dubium est, an infirmitas sit satis ad excusandum a jejunio, vel ab abstinencia a carnibus, requiritur vel medici docti, & timorati judicium, vel dispensatio Superioris. Certe autem sufficiens causa habetur, quando adest solum periculum probabile damni gravis: Immo quando adest dubium, an detur causa sufficiens ad dispensandum, poterit etiam dari dispensatio, ut docet Sanch. lib. 4. cap. 45. contra Bonac. apud Dian. part. 1. tract. 10. resol. 31.; quia bonum, & suave Ecclesiæ regimen id postulat. Quamvis in tali casu consultus sit ex Tambur., quod admisceatur aliqua commutatio, verbi gratia in elemosynam, orationem.

V. Quæritur secundo; An etiam Confessarius, & Medicus dispensare possint in jejuniis?

Respondeo negative, cum non sine Superiores: Quare possunt hi, & quilibet alius vir prudens, & peritus solum declarare, quod adsit causa sufficiens ad non jejunandum; dispensare autem potest solus superior habens jurisdictionem in foro externo, videlicet Episcopus, & Prælati regulares relate ad suos subditos; Vicarius etiam generalis Episcopi, non quidem ex generali commissione Vicariatus, sed ex speciali mandato, ut diximus cum de præcepto missæ; Et propter præscriptam consuetudinem etiam Parochus ex Sanch. lib. 8. disp. 9., ne nimis graventur fideles, & Episcopi, si essent

sunt pro his frequentibus, & minutis dispensationibus semper adeundi: Non tamen Abbatissa, cum non habeat jurisdictionem spirituales; nec detur talis consuetudo, sicut datur in Parocho. Quando autem nec datur superior, qui dispense, nec vir peritus, qui declaret sufficientiam causæ excusantis, satis est ex Sâ, quod ipse subditus bona fide putet dari sibi causam sufficientem.

VI. Quæritur tertio; Quænam paupertas excuset?

Respondeo, excusare paupertatem, quando quis ob illam cogitur laborare, & propter defatigationem indiget secunda refectioe. Secundo, quando quis caret cibis, quibus unam sufficientem refectionem assumat. Non habet autem sufficientem refectionem ex Tambur., & aliis apud Dian., qui solum habet copiam panis, & vini relate ad eos, qui non sunt ad id assueti, eo quod tale jejuniū videatur nimis onerosum. Si vero semel, aut iterum habeat insuper aliquod obsonium, verbi gratia nuces, olivas, capas, &c., ubi non patietur notabile incommodum, videtur universim obligandus. Quod si contingat non raro, solum videntur obligandi rustici firmæ fanitatis, & his vilioribus obsoniis assueti, non vero alii, qui sic nimis, & extra modum macerentur; nisi tamen habent quotidie plura ex his vilibus obsoniis; quicquid alii in hoc contradicant.

VII. Ex his inferitur, excusari iter agentes, qui hora prandii non possunt invenire sufficientem alimentum. Secundo, ex Sanch. apud Trull. excusantur agricolæ, si edant, & præbeant suis domesticis, messoribus, putatoribus lacticiis, & ova, quæ possunt facile invenire, quando commode non possunt invenire pisces, aut aliud, quod comedant.

## ARTICULUS VI.

De Labore. & Ætate, quæ a Jejunio excusant.

I. *Excusantur a jejuniis, qui exercent artem de se laboriosam, quamvis possent commode jejunare.*

II. *Quanam dicatur ars de se laboriosa impossibilis cum jejuniis?*

III. *Non videntur artes de se laboriosæ, Ars Sutoris, qui pannos sinit, & Ars Barbitoris; unde solum per accidens excusari possunt.*

IV. *Quanam reputentur exercitia de se non laboriosa? Num Cantoris, Advocati, Concionatoris? Et quid de iter agentibus?*

V. *Qui arti laboriosa operam navant, si uno, aut altero die a labore desistant, num teneantur iis diebus jejunare?*

VI. *Quandonam Coniux a jejuniis excusatur, si non possit aliter debitum reddere?*

VII. *Non licet in fraudem jejunii opus laboriosum assumere, aut longum iter. Quomodo liceat aliquando ire venatum, quamvis non sit compossibile jejunium cum ea venatione?*

VIII. *Probabiliter senes etiam robusti ad jejunium non obligantur inchoato anno sexagesimo; Et fame iuxta nonnullos inchoato quinquagesimo. Quid si dubitemus de tali ætate?*

I. **Q**uæritur primo; Quanam labor excuset a jejunio?

Respondeo, laborem omnem cum jejunio impossibilem excusare. Dicitur autem impossibile labor, quoties cum gravi difficultate, & incommodo laborans jejunaret. Immo ex Eugen. IV. excusantur omnes illi, qui artem de se laboriosam exercent, puta lignarii, fossores, bajuli, etiam si qua

reperiatur, qui possit commodè cum tali labore jejunare; Ratio est, quia semper a lege inspicitur, quod communiter, & per se contingat.

II. Dubium est primo, Quanam dicatur ars de se laboriosa?

Respondeo; omnem illam, quæ sit cum magna membrorum agitatione, & consumptione spirituum. Universim autem laboriosam artem exercent foliores, aratores, bajuli, figuli, ferrarii, lignarii, argentarii, seu aurifices, qui malleo, aut lima metallum vertant, fullones, seu qui toto die vestibus, aut telis lavandis dant operam, coriarii, lanarii, seu qui lanis tergendis, lavandis, & discutiendis navant operam; ut non pistores, iter pedibus agentes, cursores, seu deportatores epistoliarum, qui equo currunt magnam diei partem, typographi, qui versant prælum; non vero qui literas ordinant, ut bene Dian. part. 4. tract. 2. resol. 137., ornantes templa, quando circumferendo scalas, ac per illas ascendendo magno labore agitantur: Item futores ex Azor., seu qui calcos fiunt, quorum ars est laboriosa; nisi tamen, ut notat Tambur., solum scindant corios ab aliis suendos; vel nisi suant corium tam molle, ut pannum suere videantur.

III. Dubium est secundo de futoribus, qui scilicet pannos fiunt, ac de Barbitonforibus, & aliis hujusmodi.

Respondeo, putare Trull., & Tambur. ex Ledesm., & Sà non esse improbabile, quod non teneantur, ea ratione, quia Eugenius IV. privilegio excusantur omnes artifices, qui artem laboriosam exercent, siue Eugenius declaret eos non teneri. siue privilegium illis concedat.

Sed communius cum Less. Laym., Filiuc., Bonac. apud Dian. part. 1. tract. 8. resol. 8. putant teneri; quia Eugenius, ut notat Tambur. num. 28.,

dum eximit a præcepto jejunii artifices, loquitur de artificibus exercentibus artes laboriosas; unde discutendum semper est a Doctoribus, an istæ sint artes laboriosæ; Præsertim quia confixa est ab Alex. VII. propof. 30. dicens: *Omnes officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejuniis.*

Non nego, magis late patere omnes officiales, qui in Republica corporaliter laborant, sub quo nomine veniunt etiam scribæ, notarii, &c., quam omnes artifices exercentes artes laboriosas; Unde Alex. VII. non damnat aperte opinionem adductam, quod hujusmodi artifices non teneantur. Verum hæc condemnatio videtur magnum pondus addere sententiæ communiori, quod scilicet Barbitonfor, verbi gratia, de se non excusetur; quamvis per accedens excusari potest, si continue stando suum officium exercere non possit, nisi se reficiat.

IV. Dubium est tertio; Quanam reputentur exercitia non laboriosa?

Respondeo, esse illa, quæ exercent scriptores, notarii, pictores, nentes filum, statuum fingentes sine magno mallei strepitu, & conatu, famuli comitantes moderate per Urbem Dominum rheda ambulantiem, sicut etiam equo, vel rheda iter agentes: Damnatur enim ab Alex. VII. prop. 31. dicens: *Excusantur absolute a præcepto jejunii, qui iter agunt equitando, necumque iter agant, etiam si iter necessarium non sit, & etiam si iter unius diei consistat.* Qui tamen iter unius diei, vel per magnam diei partem, videlicet, ut notat Trull., duodecim, vel quindecim nulliariorum, pedibus conficit, aut iter plurium dierum, puta octo, vel decem, conficit equo, vel rheda cum magna defatigatione, per accedens etiam excusabitur. Sic coqui

si toto fere die exercitia culinæ exequantur; sic Concionatores, si saltem ter, quaterve in hebdomada cum magna contentione concionem habeant ad populum; Immo si unam tantum concionem habeant eo die, per accidens excusari possunt, si debilitas id exigat. Sic demum lectores, confessori, advocati, procuratores, cantores, scribæ, quando labor est improbus, & complexio debilis, itaut suum munus obire sine gravi incommodo non possint. Immo, ut notat Trull. num. 9. excusantur ratione laboris, qui labore suo victitant, ex quo gravis, vel mediocris afflictio (secus si levis) sequeretur; quia Ecclesiæ præcepta benigne sunt interpretanda; & in moralibus, quod est valde difficile, reputatur impossibile.

V. Dubium est quarto; An qui artem de se laboriosam exercent, teneantur jejunare, si uno, vel altero die in Quadragesima non laborent?

Respondeo cum Dian. resol. 9. ex Fagund., & Sanch. non teneri; quia indigent viribus ad laborem sequentium dierum, & remanent a laboribus præteritis debilitati. Verum, si multis diebus a labore vacent, procul dubio tenentur.

VI. Dubium est quinto; An conjux liberetur a jejuniis, si non possit aliter debitum reddere?

Respondeo, certum esse, quod prævaleat obligatio ex justitia reddendi debitum, quæ est naturalis, obligationi positivæ jejunandi; Quare peccaret conjux jejunando, si sic redderet notabiliter impotens ad debitum reddendum. Notandum tamen, quod non teneatur ex justitia reddere debitum, nisi moderate, & juxta qualitatem suæ complexionis; moderatio autem attendenda est spectata conjugum qualitate; nam senes, & imbecilliores rarius uti convenit matrimonio, quam juvenes, & robustos. Quare

conjux non liberatur a jejuniis, ut potens sit ad reddendum debitum immoderate. Immo nec liberatur, ut potens sit ad petendum debitum moderate, ut notat Tambur. contra quendam, qui putat liberari, eo quod ad talem petitionem conjuges habeant jus. Ratio est, quia sic fere omnes conjuges liberarentur. Liberatur tamen conjux, si advertat in alio periculum incontinentiæ, nisi petat, nec possit petere, si jejundet: necnon uxor, si ex jejuniis continuato ita reddatur pallida, & macie confecta, ut timor rationabilis sit, ne minus notabiliter a viro ametur, & ideoque aut rixæ proveniant, aut alii a viro quærantur amores. Idem dicas de puella volente nubere, si ex jejuniis speciositatem faciei notabiliter amitteret, maciemque contraheret extraordinariam; Ac demum si uxor ita prohibeatur a viro jejunare, ut nisi obediat, notabiles discordiæ exoriantur, dummodo id non prohibeatur ex contemptu præcepti Ecclesiastici.

VII. Quæritur secundo; An possit quis sine ulla causa tale opus assumere, ne jejundet, quando commode alio die tale opus exercere potest? Et idem quæritur de eo, qui medicinam eo die sumit, ne jejundet?

Respondeo, Sanch., & alios apud Trull. putare, quod si in fraudem jejunii sine ulla causa tale opus assumatur, non liceat. Ratio est, quia fraus, & dolus nemini patrocinatur. Si vero non in fraudem jejunii, sed bona fide assumatur aliquis labor honestus, quamvis prævideatur esse incompatibilis cum jejuniis, licet illum assumere; Unde Sanch. lib. 5. Confil. cap. 1. dub. 2. permittit, quod Magnates recreationis causa eant ad venandum, vel in ludo hastarum se exercent, dummodo semel, aut iterum id faciant, non frequenter, nec in fraudem

je-

jejunii, quamvis prævideant non posse tunc jejunare.

Non nego, Dian. part. 1. tract. 9. resol. 12. putare ex Joanne Sanch., & aliis contra Azor., quod possit quilibet die jejunii assumere laborem cum jejunio incompatibilem, etiam animo ne jejundet, quamvis possit commode tali labore abstinere; quia in tali casu non intervenit fraus, aut dolus, sed fuga quædam ab obligatione præcepti, quæ tamen contra præceptum non est; Sicut non est contra præceptum jejunii egredi ex illa civitate, in qua urget obligatio jejunii municipalis, ne quis ad jejunium teneatur. Et Ledesm. apud Dian. loc. cit. resol. 40. aperte dicit ex Medin., non peccare enim, qui apponit jejunio impedimentum, etiam si quis, verbi gratia, iter faciat ad fornicandum; peccaret enim contra castitatem, sed non contra legem jejunii. Hæc tamen sententia jure merito communiter rejicitur; quia universim præceptis non licet apponere impedimenta; verbi gratia, non licet projicere brevium, ne teneamur ad horas, nec licet die festo ire venatum, ubi non est oportunitas audiendi Sacrum; (quamvis id permiserimus, si tempore remoto ab obligatione præcepti tale opus assumatur, verbi gratia, die antecedente) ergo nec licet sine causa in fraudem jejunii assumere defatigationem, medicinam, &c., incompatibilem cum jejunio. Nec Doctores a Dian. citati loquuntur in casu, in quo obligante præcepto, velit quis apponere impedimentum, ne obliget, sed in casu, quo quis egreditur e loco, ubi præceptum obligat, qui casus est omnino diversus: Et quamvis possit

quis egredi e loco, ubi præceptum obligat, ne obligetur; non potest tamen apponere præcepto impedimentum, ne obligetur. Et ratio radicalis est, quia qui obligatur ad finem, obligatur ad ponenda media, & ad removenda impedimenta; unde præcepto urgente, non licet apponere impedimentum: Contra vero nemo obligatur remanere in loco, ubi præceptum obligat; unde licite egreditur, ne obligetur.

VIII. Quæritur tertio; Quænam ætas a jejunio excuset?

Respondeo, excusari omnes ante vigesimum primum annum completum, & senes post sexagesimum inchoatum, ut probabiliter docent Doctores contra nonnullos apud Dian. part. 1. tract. 9. resol. 20. qui docent sexagenarios robustos adhuc obligari. Sed Sanch. de Matrim. lib. 7. disp. 62. excusat sexagenarios non solum a jejunio Ecclesiæ, sed etiam si certis diebus voluissent tota vita jejunare; quia ætas illa est facile obnoxia valetudini infirmæ, a qua ægre potest deinde senex se liberare: Præterquamquod robur senum est illusivum, & indigent repetito alimento. In feminis autem probabiliter ex Valer., Narbon., Machad., Peliiz., Dian. part. 9. tract. 7. resol. 73. contra quamplures putantes id non esse tutum, desinit obligatio jejunandi inchoato anno quinquagesimo. Si quis autem post adhibitam debitam diligentiam adhuc dubitet, an annum vigesimum primum compleverit, jejunare non tenetur, quia stat in possessione libertas: Contra vero si dubitet an ad ætatem senilem pervenerit, adhuc tenetur jejunare, quia stat in possessione præceptum.

# Q U Æ S T I O XI.

## De quarto Decalogi Præcepto

### *Honorandi Parentes.*

**E**Xplanatis præceptis primæ tabulæ; quæ ad Dei dilectionem; & cultum spectant, descendimus ad præcepta secundæ tabulæ, quæ pertinent ad proximi bonum, & amorem. Quia tamen inter proximos parentes sunt proximiores, ideo primum præceptum hujus tabulæ (Exod. 20.) est, *Honora patrem tuum, & matrem tuam, & eris longævus super terram.*

Nomine autem Parentum veniunt etiam omnes, qui carnis cognatione conjuncti sunt, ut Avi, Fratres, Patruj, Conjuges, necnon Superiores tam sæculares, quam Ecclesiastici, & ii, qui pro nobis curam gerunt, ut tutores, magistri, procuratores. Quare primo agendum de obligatione filiorum erga parentes. Secundo, de obligatione parentum erga filios. Tertio, de obligatione conjugum ad invicem, necnon de obligatione servorum, & subditorum erga dominos, & alios superiores.

### ARTICULUS I.

#### De Obligatione filiorum erga parentes.

- I. Filii Parentibus debent Amorem, Reverentiam, Obedientiam, & Subventionem.*
  - II. Amor Parentibus debitus consistit in fuga odii, & in exhibitione signorum amoris; necnon in dilectione interna, & formali.*
  - III. Reverentia Parentibus debita quid ferat? Et quando ab ea filii debeligentur?*
  - IV. Quandonam graviter peccent filii non obtemperando Parentibus?*
  - V. In iis, quæ pertinent ad viam statum, tenentur filii consulere Parentes, quamvis non teneantur deinde eorum consilium sequi.*
  - VI. Tenentur filii Parentibus subvenire tam in necessitatibus spiritualibus, quam in temporalibus.*
- Part II.*

*VII. In gravi necessitate Parentum tenentur filii abstinere ab ingressu in Religionem; necnon in extrema fratre, aut sororum. At egredi e Religionem tenentur solum in extrema Parentum necessitate.*

*VIII. Eodem modo Parentes tenentur ab ingressu in Religionem abstinere in gravi necessitate filiorum, & in extrema egredi.*

**I**N quatuor consistit talis obligatio, seu honor parentibus, videlicet in Amore, Reverentia, Obedientia, & Subventionem tam in spiritualibus, quam in temporalibus. Quare primo filii tenentur amare præ omnibus aliis Parentes, quamvis non præ Deo. Nam Lucæ 14. dicitur, *Si quis venit ad me, & non odit patrem suum, & matrem, non potest meus esse discipulus.* Secundo, tenentur revereri illos reverentia interiori simul, & exteriori. Tertio, obedire, & quando tamen non præcipiunt aliquid contra bonos mo-

X rcs,

res, & salutem animæ) verbi gratia si illis præcipiant vitare pravas amicitias, relinquere ludos prohibitos, &c. Demum subvenire in omnibus eorum necessitatibus.

II. Quæritur nunc primo; In quonam consistat amor a filiis debitus erga Parentes?

Respondeo, consistere in fuga odii, & in exhibitione signorum amoris. Unde peccant mortaliter primo, si illos odio prosequantur, aut si malum illis grave excogitent, verbi gratia mortem, ut potiantur hæreditate, aut ut liberentur eorum vexationibus, etiamsi id desiderent non ut malum patris, sed ut bonum cupientis, ut loquitur Innoc. XI. in propof. 4. damnata; qui etiam damnavit propof. 15., quæ dicit: *Licium est filio gaudere de parricidio parentis a se in ebrietate perpetrato propter ingentes divitias inde ex hæreditate consecutas*. Secundo, peccat etiam graviter, qui torvis oculis fere semper parentes intuetur, & ita asperere alloquitur, ac si odio haberet; quamvis illos interiorius diligat. Prætere sic ut tenemur diligere proximum actu interno, & formali, ut constat ex thesi decima ab Innocentio Uadecimo confixa, quæ habet: *Non tenemur diligere proximum actu interno, & formali*, ita a fortiori tenemur sic Parentes etiam diligere.

III. Quæritur secundo; Quænam reverentia Parentibus debeat?

Respondeo, non solum interiorem per recognitionem subjectionis erga illos, & timorem quandam filialem, sed etiam exteriorem verbis, & aliis signis, verbi gratia honorifice loquendo de illis, non detrahendo, caput aperiendo, sauculando, ac damna impediendo. Hinc etiam peccant mortaliter, qui maledicta, convicia animo deliberato, & contumelias in parentes etiam mortuos coniiciunt, nisi excusentur ratione parvitatis materiæ,

aut indeliberationis. Peccant etiam mortaliter, qui parentes passim increpant, asperere, & dure tractant, & illos in magnam iram provocant, etiamsi re ipsa illi non indignantur; Et qui illos percutit, aut manus elevat ad percutiendum, aut contemnit, nec vult parentes recognoscere (nisi forte sint infames, proditores, hæretici, &c. tunc enim propter bonum commune iusta datur causa designationis) Peccat demum graviter filius, si parentem de aliquo crimine, etsi vero, accuset; cum in omni lege prohibeatur filiis accusare, vel testificari contra parentes; exceptis duobus casibus, scilicet Conjuratōis in Patriam ante crimen patratum, & hæresis, ut communiter docent contra Simancham ex Abulensi apud Trull.; potestque etiam filius agere contra parentem denegantem alimenta.

IV. Quæritur tertio; In quibusnam filius debeat obedire parentibus?

Respondeo, in omnibus, in quibus est subiectus, itaut graviter peccet in materia gravi, & venialiter in re levi. Unde sequitur peccare graviter filium, qui patri aliquid circa bonos mores præcipienti non obedit, ut circa fugam pravaram amicitiarum, ludorum, nisi parvitas materiæ excuset; quia pater tenetur filium bonis moribus imbuiere: Peccat etiam graviter non obediendo in iis, quæ ad domesticam gubernationem spectant, si res sit gravis, ut notat Sanch. lib. 4. cap. 15. Notat tamen Bonac. hic, quod in re levi excusetur etiam a veniali filius inobediens, si pater imperet aliquid non intendens obligare ad obediendum obedientia sibi debita; cum præceptum non obliget ultra intentionem præcipientis; Et ideo in tractatu de Matrim. dicitur, quod uxor denegans viro debitum excusetur a mortali, si vir benevole illud petat, & non ut sibi debitum ex iustitia, seu non in-

tendens illam obligare ad reddendum sibi debitum.

V. In iis, quæ pertinent ad vitæ statum, non tenetur patri filius obedire, videlicet in materia religionis, aut matrimonii: Et hinc est, quod potest inscio patre statum assumere, si prævideat injuste sibi impediendum: Aliter tenetur ex reverentia debita illum monere, & consulere; quamvis non teneatur deinde ejus voluntatem sequi, nisi ducat indignam, aut malus ex digna timeatur exitus, & scandalum; vel nisi multum expediret, quod ducat dignam, quam pater vult, puta quia cessabunt inimicitiae. Quamvis autem graviter peccet filia, (sicut etiam filius) quæ invito Patre vult nubere indigno, non eatenus exheredari potest, ut fusc ostendit P. Andreas Zuccherius Societatis Jesu ex Molina, Sanch., & aliis in suis valde commendatis Decisionibus Patavinis de obligationibus Patrumfamilias Casu 2. Mensis Decembris.

VI. Queritur quarto; Quandonam filii teneantur subvenire parentibus?

Respondeo, in necessitate temporali, quam spiritali eos ad subveniendum teneri. Unde peccant graviter filii primo, si non curent patrem in mortis articulo confiteri, & alia Sacramenta suscipere, aut si impediant, ne testamentum faciat, aut aliquid pauperibus in animæ utilitatem erogat; faciunt enim contra præceptum succurrendi parentibus in spiritalibus. Secundo, si differant solutionem legatorum, & debitorum patris; fieri enim potest, ut notat Bonac., quod ex solutione legatorum a purgatorio ejus anima liberetur. Tertio, si parentum funus non celebrent pro viribus, nec curent corpora sepulture mandare, ac preces, & sacrificia pro illis fundere. Quarto, tenentur parentes alere, si non habeant, unde se possint honesta, ac decenti arte sustentare. Quinto, debent invisere parentes infirmos,

aut in carcere detentos, & eorum incolumitati consulere.

VII. Dubium est, an filius teneatur e religione egredi, ut parentibus succurrat?

Respondeo, certum esse, quod teneatur ab ingressu religionis abstinere, dum parentes in gravi necessitate versantur; quia præceptum præferendum est consilio; gravis autem necessitas dicitur, si illi sine ope alterius non possent vivere absque notabili jactura sui status, & conditionis, verbi gratia si nobiles tenerentur mendicare, aut famulari; Et idem dicas, si talis necessitas non sit præsens, sed probabiliter sit futura, ut notat Sanch.; Quæ tamen intelligenda, modo filius manendo in sæculo non incurrat grave periculum salutis spiritalis; quilibet enim tenetur salutem spiritualem propriam temporali proximi præferre. Certum est etiam, solum pro extrema, non vero pro gravi necessitate fratrum, sororum, aliorumque conjunctorum teneri sub mortali ab ingressu Religionis abstinere; quia magis strictè obligat præceptum subveniendi parentibus, quam aliis. Certum est tertio, teneri in his casibus filium e novitiatu egredi, cum militet eadem ratio. Verum ad egrediendum e religione solum tenetur, quando necessitas parentum est extrema, non vero quando est gravis, ex Sanch. apud Bonac.: Tenetur quidem in necessitate extrema, nam si extraneus, verbi gratia, in puteum cadat, & solus religiosus subvenire possit, ad id tenetur etiam Prælate invito; ergo a fortiori si pater sit in extrema necessitate; Non tenetur tamen in gravi, quia res uni tradita non potest extra necessitatem extremam illi auferri, & alteri tradi.

VIII. Quod diximus de filiis relate ad parentes existentes in necessitate, dicas de parentibus relate ad filios in eadem necessitate existentes. Quare



non possunt parentes ingredi religionem, si filii sint in gravi necessitate, aut non habeant necessaria ad educationem, quia parentibus incumbit illis providere: Tenentur vero e religionem egredi in extrema necessitate filiorum, deferendo tamen habitum, & observando vota, & praecepta religionis eo modo, quo commode fieri potest; sublata vero necessitate extrema tenentur ad religionem regredi.

Demum in iis casibus, (de quibus articulo sequenti,) in quibus pater potest exheredare, & alimentis privare filios, non tenentur filii patrem sustentare.

## ARTICULUS II.

### De Obligatione Parentum erga filios.

*I. Tenentur parentes bono spirituali, & temporalis filiorum multipliciter proficere; & si ad eorum emendationem est necessarium, possunt percutere etiam in Sacris constitutos.*

*II. Mater solum tenetur lactare, & educare filium usque ad tertium annum, nisi pater sit impotens ad alendum filium. In defectum patris tenentur Avi, deinde Avia. Si divites exponant filios Hospitali, tenentur huic expensas compensare.*

*III. Plurima causa a Doctoribus assignantur, ob quas potest Pater filium exheredare.*

*IV. Si filia contra voluntatem Patris nuptas indigno, non potest exheredari.*

*V. Num Pater filio, quem exheredare potest, teneatur alimenta prestare ad vitam sustentandam?*

*VI. Quid venias nomine alimentorum, qua Pater tenetur filio prestare? Num teneatur etiam alere uxores filiorum, & filia spuria dotem constituere?*

*VII. Obligatio, quam habent parentes alendi filios, transiit ad heredes; Sic-*

*ut etiam si bona parentis donentur Monasterio, aut addicantur fisco.*

*VIII. Quinam debet filium alere, si dubitetur num sit filius Petri, an Pauli? Et Pater patratus a Parente, an a filiis alendus est?*

**I. P**ARENTES jure naturae tenentur curam filiorum gerere; Unde peccant graviter primo, si non curent, quantum in se est, ut praecepta Dei, & Ecclesiae observent, a mortali saltem abstineant, & necessaria ad salutem addiscant, verbi gratia symbolum, orationem dominicam, &c. Secundo, ex Azor. & Reginald. si non faciant sumptus necessarios, ut filii studia literarum, aut artem aliquam addiscant, prout reliqui ejusdem conditionis facere solent. Tertio, si malo exemplo, & consiliis filios depravent, aut si non avertant occasionem peccandi, verbi gratia si permittant inter sponsum, & sponsam de futuro tactus impudicos; aut si filiabus permittant amatorem ad nialum finem; Immo etiam si absque rationabili causa a bono revocent, ut ab ingressu in religionem, a voto- rum impletione, &c.; necnon si cogant ad matrimonium contrahendum; Et excommunicationem incurrunt latam a Trident. sess. 24. cap. 18. si filias cogant ad ingrediendum in religionem, vel ab ea retrahant vi, fraude, injuria.

Quarto, peccant etiam, si non ob- jurgent, aut castigent filios, quando id est necessarium ad eorum emendationem; possunt enim moderate percutere etiam filium Clericum; & ex Bonac. contra Tolet. etiam in Sacris constitutum. Quinto, si non dent filiis etiam illegitimis; & adoptivis necessaria alimenta, & filiabus dotem; nisi tamen detur justa causa exheredandi. & alimentis privandi. Demum, si non adhibeant saltem mediocrem diligentiam ad acquirenda bona, quibus

bus filii juxta propriam conditionem alantur; Et ut sufficientem habeant hereditatem post mortem patris. Dicitur enim 1. ad Corinth. 12. *Non debent filii thesaurizare parentibus, sed parentes filiis.*

II. Quæritur nunc primo; Ad quid mater teneatur erga filios?

Respondeo, per se loquendo solum teneri educare, & lactare filium etiam spurium usque ad triennium, modo ipsa lacte non careat, aut justam causam non habeat non lactandi, ex leg. *Nec filium*, Cod. *De patria potestate*; Excepto autem lacte, nihil aliud tenetur mater filiis præbere, nisi tamen pater sit impotens ad alendum filium; tunc enim tenetur mater etiam post triennium, & in defectu matris Avæ, & in horum defectu Avæ. Quare ex Azor., & Navar. peccat saltem venialiter, si proprio lacte mater filium suum non lactet, nisi justa causa excuset; ut si mater sit imbecillis, aut nobilis, quam ex more patrio id dedecet; tunc enim tenetur bonam illi nutricem quærere. Peccant vero graviter parentes, si sine justa causa exponerent filios hospitali; si vero adsit causa, videlicet vel gravis necessitas, vel periculum infamæ, non peccant. Si tamen divites sint, tenentur expensas hospitali restituere, quia hospitalis domus non est instituta ad alendos filios divitum, ut communius docent contra Henr.

III. Quæritur secundo; Quænam sint causæ negandi alimenta, & exhæredandi filios?

Respondeo, plurimas communiter assignari ex Sanch., Bonac., & aliis, videlicet si filius graviter in patrem manus injiciat, si contumelia gravi afficiat, si fiat hæreticus, si histrio, aut gladiator, si cum maleficis intermiscat se, si prohibeat patrem testari, si eundem accuset extra causam hæresis, aut conjurationis in Patriam, vel Princi-

pem; si infidiatur vitæ patris, si ejusdem uxorem, hoc est novercam suam violet, aut ejus concubinam; si requisitus a patre in carcere incluso noluerit esse fidejussor; si patrem in judicium deferat cum ejusdem gravi detrimento; si patre offerente dotem filia minor vigintiquinque annis luxuriose vivat; si parentis furiosi curam negligat; si eundem captivum non redimat, cum possit.

IV. Dubium est primo; An si filius committat aliud crimen simile, aut majus enumeratis, possit pariter exhæredari?

Negat Molin. cum Juristis communius, quia in Authentica dicitur, quod præter causas enumeratas nulli liceat alias ingratitudinis causas exponere. At Bonac., Reginald. cum Theologis communius affirmant, quia lex ad similia trahi potest; præsertim cum similis, aut gravior causa existit, ut loquitur Azor. part. 2. lib. 2. cap. 19. quæst. 6. Illud certum est, quod si filia nubat indigno contra voluntatem patris, non possit exhæredari, ne præjudicaret libertati matrimonii.

V. Dubium est secundo; An propter causas adductas non solum possit filius exhæredari, & privari alimentis, sed etiam omnibus necessariis ad vitam sustentandam?

Affirmat Molin., quia filius non habetur tunc pro tali; unde solum, sicut cæteri in extrema necessitate constituti, adjuvandus est; Covar. vero benignius docet teneri patrem necessaria alimenta præstare, quia ille non amittit ob culpam esse physicum filii, atque adeo in patre aliqua major obligatio residet, quam in aliis.

VI. Quæritur ultimo; Quid veniat nomine alimentorum, quæ pater tenetur præstare filiis? & utrum obligatio alendi filium transeat ad hæredes?

Respondeo, nomine alimentorum venire victum, vestitum, lectum, ha-

bi-

birationem, medicinas, sumptus ad filii institutionem, & disciplinam, & alia ad vitam necessaria, juxta personæ conditionem.

Ex Molin. autem contra Bonac. veniunt etiam expensæ funeris, si filius decedat, & expensæ competentes pro anima defuncti. Ex Sanch. vero lib. 4. disp. 26. pater non solum tenetur alere filios, sed etiam eorum uxores, quia in leg. *Si quis, ff. de liberis agnoscendis* dicitur, quod pater teneatur filiorum onera sustinere: Proinde tenetur filiæ etiam spurix constitutæ dotem, quæ vicem alimentorum gerit.

VII. Hæc autem obligatio alendi filios procul dubio transit ad hæredes illius, qui hanc obligationem habebat. Quare si quis sua bona Monasterio reliquit, tenetur Monasterium filios illius alere; Et eadem est ratio, si ob crimen parentis ejus bona fisco addicantur; quia non debent filii privari alimentis jure naturæ debitis ob culpam patris. Quando tamen filius alimentis aliunde, quam a patre petitis, se sustentavit, non tenetur pater in foro conscientiæ ad restitutionem; quia filio debentur alimenta solum in subsidium, ut vivat; Quare cum aliunde vixerit, non tenetur pater alimenta in præteritum debita reddere, ut notant Reginald. & Bonac.; nisi tamen filius ob id contraxerit debita; ut probabiliter limitat idem Bonac.

VIII. In dubio autem, an Petrus sit filius Titii, vel Caji, probabiliter ex Tambur. lib. 1. cap. 3. §. 7. neuter tenetur illum alere; probabilius tamen videtur, quod uterque in solidum. Quod si uxor rem habeat cum marito, & cum adultero, hic non tenetur prolem alere in dubio, an sit ab ipso genita. Demum si quis sit paterparatus, seu habeat simul filios, & patrem, probabilius alendus est a patre, quam a filiis, ut multi docent contra

nonnullos apud Dian. part. 10. tract. 13. resol. 13.

### ARTICULUS III.

De Obligatione Conjugum ad invicem.

- I. *Etiā vir debet uxori præter amorem, obedientiam in iis, in quibus est subiectus, & honorem.*
- II. *Potest vir objurgare, & leviter percutere uxorem, si sit spes emendationis; at nequit sine gravi culpa illam graviter percutere.*
- III. *Secundum se tenetur vir alere uxorem, quamvis illam duxerit indotatam.*
- IV. *Num tenetur illam alere, quando ob utriusque culpam ab eo recessit?*
- V. *Aliquando tamen uxor tenetur virum alere.*
- VI. *Majorem debet amorem, reverentiam, & obedientiam uxor viro, quam uxor viro, quippe qui est caput mulieris; unde tenetur uxor virum sequi: Sed quid si pater intercedat non mutandi locum?*

I. **Q**Uæritur primo; An vir debeat uxori, præter amorem, etiam obedientiam, & honorem?

Respondeo, debere illi obedire in iis, in quibus est subiectus; ex mutua enim conjugum obligatione fit, ut uterque teneatur ad arbitrium alterius debitum reddere: Consequenter debet uxori etiam honorem, quia honor debetur ratione superioritatis, & excellentiæ; uxor autem aliqualem habet superioritatem, ut diximus, erga virum, habetque propriam excellentiam.

II. Hinc sequitur, peccare graviter maritum primo, si verba infamatoria proferat in uxorem, etiam si sine animo infamandi, dummodo cum plena adver-

advertentia ; Sicuti etiam si graviter illam verberet, cum non sit serva, sed focia ; Quamvis possit aliquid discrete contra eam proferre, & moderate tantum verberare, juxta conditionem personæ, quando est spes emendationis . Secundo, peccaret graviter, si impedimentum illi sit ad observantiam præceptorum Dei, & Ecclesiæ sine justa causa . Tertio, si sine justa causa non cohabitaret cum illa longo tempore ipsa invita : Est autem legitima causa, si domus negotia magni momenti tractet, si timeat sibi aliquod grave damnum, dum est in civitate, si ex præcepto Superioris absit . Verum si spes redeundi ad Patriam tollatur, debet uxorem secum adducere .

III. Quæritur secundo ; An vir teneatur uxorem alere ?

Respondeo affirmative ; ad hoc enim recepit dotem : Quod si pauperem duxit sine dote, sibi imputare debet vir, quod duxerit indotatam : Quare peccat graviter negando illi alimenta, modo alere possit, aut is, qui dotem promissit, non sit in mora culpabili solvendi dotem, aut nisi dos perierit culpa ipsius, qui solvere dotem tenebatur, aut nisi dos perierit culpa ipsius uxoris, aut demum nisi uxor sua culpa a mariti consortio recesserit ; nam ex leg. *Julius ff. de actione emptoris, Qui non facit, quod debet, non recipit, quod oportet.*

IV. Dubium est ; An uxor sit a viro alenda, quando utriusque culpa recessit a consortio illius ?

Respondeo, ex Sanch. inspiciendum esse, cujus sit ultima culpa, nam si ob utriusque culpam recessit, & deinde vult uxor reverti, nec vult vir, tenetur hic alere, quia ultima culpa est viri : Quod si uxor ob favitalem recessit, & deinde oblata sufficienti securitate suavis tractationis in posterum, non vult uxor reverti, illam alere non tenetur ; quia poenitentia vi-

ri purgat delictum, & perinde se habet, ac si propria sponte uxor recesserit.

V. Quæritur ultimo ; An uxor pariter teneatur aliquando virum alere ?

Respondeo, debere, quando scilicet presso ex inopia viro, ipsa habeat, quomodo illi succurrat, sive ex bonis dotalibus, sive ex paraphernalibus, sive aliis, cum hoc postulet nexus conjugalis ; etiam si maritus sua culpa triribus sit addictus, aut sit infirmus ; modo sua culpa non recesserit ab uxore, nec velit redire .

VI. Sicut autem diximus debere virum uxori præstare amorem, reverentiam, & obedientiam in iis, in quibus est subiectus, pariter debet id uxor viro ; & a fortiori, quia vir est superior, & caput mulieris . Unde sequitur primo, peccare graviter, si notabiliter sit inobediens in iis, quæ spectant ad bonos mores, & ad familiæ gubernationem, cum in iis viro sit subiecta . Secundo, peccat etiam, si maritum in gravem iram, vel blasphemiam provocet, cum id obstat reverentiæ, & amori debito . Tertio, peccat etiam, si maritum alio pergentem sequi recuset sine justa causa ; qualis esset periculum mortis, aut peccati : Vel si maritus post matrimonium fieret vagus ; vel si pactum intercessisset non mutandi locum ; ( quamvis si justa causa superveniat mutandi locum, ut esset morbus, inimicitia, &c. ; tenetur uxor non obstante pacto maritum sequi . ) Quarto, peccat, si reddere debitum recuset . Quinto, si jus gubernandæ domus sibi arroget ; quamvis excusetur, si vir sit prodigus, aut si sit morosus, nec velit concedere ; quæ in utilitatem familiæ redundant ; Demum debet uxor tolerare mariti defectus ; cum id ferat amor, & reverentia debita .

## ARTICULUS IV.

De Obligatione Dominorum, Superiorum, & Principum relate ad subditos, & ad invicem.

- I. Mancipia tenentur cum periculo vita dominum defendere.
- II. Servis in bello iusto captis licitum est fugere, si non dederint fidem non fugiendi.
- III. Quicquid servus acquirit, domino acquirit, si de consensu domini non habeat peculium.
- IV. Famuli non tenentur, sicut tenentur servi, dominum defendere cum vita discrimine. Num debeat famulo salarium, si diu aegrotat?
- V. Num Superiores, Magistri, Parentes possint moderate ad correctionem verberare etiam in Sacris constitutos?
- VI. Quomodo se gerere debet Herus erga famulos? Num possit illos aegrotantes mittere ad Hospitale subrahendo mercedem? Ecclesia Clericis aegrotantibus non denegat distributiones.
- VII. Religiosi non tenentur obedire Praelatis suis in iis, quae sunt aut supra regulam, aut praeter regulam.
- VIII. Praelati tenentur ad residentiam, & ad dispensandos redditus Ecclesiasticos superfluos congrua sustentationi in usus pios.
- IX. Parochus quomodo debeat provide de Vicario, si non resideat ex iusta causa?
- X. Subditi erga Principes laicos ad quid tenentur?
- XI. Ad quid vero Principes laici erga Vassallos?
- XII. Peccat Princeps, & ad restitutionem damni secuti tenentur, si ad Officium Gubernatoris, vel Iudicis promoveat ineptos.
- XIII. Peccat etiam plerumque graviter,

& contra fidelitatem erga Rempublicam, & contra iustitiam distributivam, si ad haec Officia promoveat dignos, omisissis dignioribus, seu Republica utilioribus.

XIV. Officia sacularia solus Princeps supremus potest aliquando moderate vendere, idque propter Republica utilitatem, non ob privatam commodum.

I. **Q**Ueritur primo; Ad quid teneantur servi, seu mancipia erga dominos?

Respondeo, teneri primo ad honorem, itaut graviter peccent, si contemnant, irrideant, &c. Secundo, ad obedientiam in iis, in quibus sunt subiecti, itaut graviter peccent, si in rebus magni momenti non obdiant. Tertio, debent conservare pro viribus res domini. Quarto, in aegritudine domini debent illi procurare Sacramenta, si desint propinquiore. Quinto, debent defendere a malis gravibus imminentibus dominum, etiam cum periculo propter vitam.

II. Dubium est; An liceat servis in bello iusto captis fugere?

Respondeo, probabile esse, quod liceat, ex Azor., Trull., & aliis, dummodo non dederint fidem non fugiendi; Sicut reis licet fugere a carcere citra vim custodi adhibitam, vel fraudem. Ratio est, quia sicut iure gentium facti sunt servi, ita consuetudo, & tacitus consensus populorum dat iis jus fugiendi.

III. Dubium est secundo; An si donentur centum servo, hic acquirat eorum dominium?

Respondeo, servum habere posse peculium de consensu tantum domini. Quare sine hoc consensu ea centum absolute donata evadunt domini, quia quicquid servus acquirit, domino acquirit; si tamen sub ea conditione donentur, quod non perveniant ad

ad dominum, non evadunt domini, ut notat Trull. l. 4. in decal. cap. 2. d. 4. Less. & alii.

IV. Queritur secundo; Ad quid teneantur famuli erga heros?

Respondeo, teneri sicut servos ad honorem, obedientiam, & ad operas suas, serviendo scilicet, impediendo damnum domini, & illum defendendo, quamvis non cum periculo propriæ vitæ, nisi ad id specialiter sint conducti, & dominus non temere se ingerat in pericula. Notandum tamen, quod si famulus conducatur per annum, verbi gratia, & per aliquot menses ægrotet, non debeat operas supplere post annum; quia in ea promissione operarum cœnentur excepti casus fortuiti. Præterea dominus non debet famulo ægrotanti salarium, quando non conducitur ad tempus determinatum, nisi ægritudo sit per modicum tempus, videlicet per unam, vel alteram hebdomadam, idque ex æquitate, nisi aliud in pactum sit deductum, aut aliud ferat consuetudo approbata.

V. Queritur tertio; Ad quid Superiores erga subditos, & domini erga servos, & famulos teneantur?

Respondeo, dominos, & superiores erga servos, famulos, ac subditos teneri eorum curam gerere, cum sint eorum caput, & parentum vices gerant; Quare si notabiliter negligant eorum salutem, peccant graviter; cum Apost. 1. ad Timoth. 5. dicat: *Si quis suorum maxime domesticorum curam non habet, fidem negavit, & est infideli deterior.* Hæc autem obligatio ad tria capita reducitur. Primo, ad honestam sustentationem. Secundo ad institutionem in rebus fidei. Tertio, ad correctionem non solum fraternam, sed etiam domesticam, cum opus est, idest ad verberationem; possunt enim universim Superiores tam Sæculares, quam regulares, parentes,

Pars II.

ac magistri verberare moderate subditos, etiam in Sacris constitutos, ex gravi causa; cum possint uti mediis ordinatis ad salutem subditorum. Si tamen modum excederent, incurrerent excommunicationem: Et quamvis Tole. neget apud Trull. posse etiam patrem verberare filium in Sacris constitutum, id tamen permittit Bonac. Et Molin. disp. 228. observat, etiam seniores posse moderate percutere pueros pro suis excessibus, dum ipsorum propinqui, aliive, quorum curæ subduntur, præsentem non sunt, nec est periculum scandali, & rixæ. Fratres etiam, & patrui sorores, & nepotes verberare moderate ad correctionem possunt, si ipsorum cura sibi commissa sit, & vices parentum gerant.

VI. Herus tamen erga famulos præspicere tenetur salutem tam corporis, quam animæ, ac pretium conventum illis dare. Quod si famulus ægrotet, debentur illi modicæ necessariæ expensæ juxta usum, qui talem obligationem interpretatus est; ut notat Filiuc. apud Trull. (quamvis præcisâ consuetudine in contrarium possit mercedem subtrahere.) Si vero morbus sit gravis, poterit illum ad hospitale mittere, cum non teneatur dominus huic famulo subvenire, nisi in extrema, vel gravi necessitate. Ecclesiæ tamen concedit Clericis ægrotantibus distributiones, ne alii a Sacro ministerio deterreantur. Utrum autem teneatur dominus ejicere famulum, quem ne verberibus quidem moderatis potest corrigere; dicendum, quod teneatur, si probabiliter existimet meliorem evasurum; quod si timeat pejorem reddendum, non tenetur ejicere.

Ex dictis sequitur, peccare graviter dominos primo, si famulis, aut servis occasionem peccandi permittant; sicut etiam si non curent, ut a peccatis abstineant, ut tempore præscripto confiteantur, & communicent, ut jeju-

Y nent,

nent, ut doctrinam Christianam addiscant. Secundo, si absque iusta causa impedimento illis sint, ne missam audiant, vel in causa sint, ut serviliter die festo laborent. Tertio, si illos gravibus injuriis afficiant, ut si appellent Canes, diabolos, &c.

VII. Quæritur quarto; Ad quid teneantur Clerici, & Religiosi erga Prælatos suos?

Respondeo, ad amorem, obedientiam, reverentiam, & defensionem. Debent tamen solum in iis, quæ ad proprium statum pertinent, obedire; puta si præcipiat Episcopus Clerico, ut Romam adeat pro negotiis Ecclesiæ, ut reum excommunicet, &c.: Religiosi vero subditi ex D. Th. in 2. dist. 44. quæst. 2. art. 3. debent Superioribus obedire in iis, quæ necessaria sunt ad exequendum, quod in regula continetur, & in iis, quæ imponuntur pro culpis contra prædicta. Quare non tenentur ex Sylvest. obedire in iis, quæ sunt vel supra regulam, ut si Prælatus præcipiat jejunia, & disciplinas supra perfectionem regulæ; vel in iis, quæ sunt præter regulam, ut si præcipiat impertinentia, & indifferentia, puta aspicere aves volantes, tollere festucam, &c.; vel in iis, quæ sunt contra regulam, ut si præcipiat inobstantias, &c.

VIII. Quæritur quinto; Ad quid teneantur Prælati, & Superiores Ecclesiastici erga Clericos, & alios subditos?

Respondeo, Episcopos etiam de jure divino, ut communis docent, teneri ad residentiam, itaut si intra annum ultra tres menses sine continuatos, sive interpolatos a sua Ecclesia absint sine iusta causa, non faciant suos fructus respondentes tempori absentiae, atque adeo teneantur statim illos restituere, vel dare fabricæ Ecclesiæ, aut pauperibus loci, quin possint eos erogare in fabricam beue-

ficii, aut aliis pauperibus, quam illius loci; sicut possunt Beneficarii omittentes culpabiliter horarum recitationem. Secundo, tenentur Episcopi dispensare suos redditus pauperibus, subtrahis iis, quæ ad decentem victum, vestitum, & ornamentum domus pertinent, ex cap. Si privatum 12., quæst. 1.

IX. Parochus tenetur etiam residere, itaut non faciat fructus suos si sine iusta causa per multum tempus absit; Si tamen detur iusta causa, & absentia sit longa, hoc est ultra duos menses, requiritur licentia Episcopi, ut docent communiter cum Navar., & Azor. Verum, ut absit per bimestre sibi a Tridentino permissum, Palaus putat requiri pariter Episcopi licentiam; quod negant Navar. Azor. Sâ. Rodriq. Quid in re verius consulenda est praxis uniuscujusque regionis; ut diximus in Opusculo de Beneficiis Ecclesiasticis quæst. tertia artic. 2. Quando autem Parochus ultra octo, vel novem dies absit, debet Episcopus providere illi de Vicario; Si vero per sex, vel octo dies absit, poterit ipse suum vicarium constituere, sic declarante consuetudine. Nec requiritur præter justam causam licentia Episcopi pro absentia hujus brevis temporis: Alias Episcopi, & Parochi obligationes vide in laudato opusculo, & apud Summistas.

X. Quæritur sexto; Ad quid obligentur subditi erga Principes laicos?

Respondeo, Vassallorum quinque esse præcipuas obligationes. Primo, ut in rebus iustis debeant esse Principi subditi, unde acceptare debent ejus iustas, & honestas leges. Secundo, ut cogi possint aliquando ad aliquid agendum cum periculo vitæ, & sub pœna mortis, quando scilicet id expedit ad conservationem Reipublicæ. Tertio, ut teneantur legibus etiam

iam civilibus obedire sub mortali, quæ scilicet respiciunt bonum Communitatis, ut est, verbi gratia, lex taxans pretium rerum, vel irritans contractus, vel lex de non asportanda pecunia, frumento, armis, &c. Pal. tamen apud Dian. part. 3. tract. 6. resol. 90., & part. 5. tract. 5. resol. 49. putat non esse peccatum mortale transgressionem harum legum, nisi quantitas pecuniz, vel mercium, quæ asportantur, pertingat ad centum aureos; quia per minorem quantitatem non pateretur Republica grave damnum: Quamvis Sanch. lib. 1. cap. 4. sit rigidior, quia non debet attendi quale damnum in Republica sequatur uno tantum contraveniente, sed quale si multi contraveniant, & communiter id fiat. Verum putat Reginald. probabiliter, & alii apud Dian. part. 1. tract. 10. resol. 17., quod lex poenalis non obliget sub reatu peccati mortalis, etiam si sub pena capitis aliquid prohibeat. Quarto, tenentur subditi suum Principem ab hostibus defendere, & pro eo, si opus sit, vitam profunderent. Demum debent iustas gabellas solvere; unde iuxta communioem, & probabiliorem opinionem peccant mortaliter, qui fraudant gabellas; quamvis Lefs., & Bonac. apud Dian. loc. cit. resol. 19. putent istas habendas esse ut leges poenales; Licet enim jure naturali debeantur gabellæ, tamen qui eas fraudat, non vult legem naturalem transgredi, sed cum ea lex sit poenalis, ejus arbitrio relinquitur, vel gabellam solvere, vel exponere se periculo poenæ eum notabili Principis emolumento, quando poena est pecuniaria.

XI. Queritur ultimum, Ad quid teneantur Principes erga Vassallos laicos?

Respondeo, virtutes Principis proprias esse octo, Clementiam, Mansuetudinem, Liberalitatem, Justitiam, Fortitudinem, Prudentiam, Magnifi-

centiam, & Magnanimitatem: facile autem peccare potest Princeps in immodica regnandi libidine, usurpando aliena, & indicendo bellum injustum, in non subveniendo pauperibus, in non reficiendis, & custodiendis viis publicis, in non tollendis pravis consuetudinibus ludorum, usurarum, & aliorum contractuum injustorum, in condendis legibus potius ad privaturn, quam ad commune bonum, in cogendo ad aliquod matrimonium.

XII. Petes tamen primo; An peccet mortaliter, & teneatur ad restitutionem Princeps assumendo ad gubernationem minus aptos?

Respondeo cum communi peccare mortaliter, si assumat ad officium Gubernatoris, vel Judicis ineptos, vel qui existimantur male illud administraturi; in quo casu, ut notat Lefs. lib. 2. cap. 32. tenetur Princeps ad restitutionem damni secuti, quia ex lege justitiæ ratione sui muneris tenetur procurare aptos ministros; propter hoc enim tributa accipit.

XIII. Præterea ex Sor., & aliis apud Trull. lib. 4. cap. 1. dub. 10. peccat plerumque mortaliter, si ad hæc officia Princeps assumat aptos, omisso aptioribus; tum quia facit injuriam aptiori; tum etiam quia facit contra fidelitatem Reipublicæ debitam, ex qua constituere tenetur ministros maxime idoneos, non sœuac œconomus ex fidelitate debita domino debet conducere operarios maxime aptos: Quamvis Princeps in hoc casu ad restitutionem relate ad digniorem non teneretur, quia non faceret contra justitiam commutativam, sed contra distributivam; quod peccatum dicitur Acceptio personarum, quia scilicet in distribuendis bonis communibus spectatur aliqua conditio personæ nihil faciens ad distributionem; hoc autem ex natura sua est peccatum mortale in materia



gravi, quia cum injuria proximi præfertur minus dignus digniori.

Neque dicas, Deum dona sua gratiæ distribuere præferendo sæpe peccatores justis. Nam Deus ex duplici capite non est acceptor personarum, primo, quia distribuit bona sua, non bona communia, ad quæ quisquam jus ullum habeat. Secundo, quia non præfert indignum digno ob aliquam conditionem personæ, quam spectet, sed ob justissimas causas, nempe ut ostendat se gratis dare, & nemini esse debitorem donorum.

XIV. Petes secundo; An possit Princeps vendere officia secularia sui status?

Respondeo ex Lefs. loc. cit. dub. 4. posse moderate vendi, non quidem ratione oneris, quod habent, vel ratione justî stipendii, quod meretur tale onus; sed ratione eminentiæ, ob quam in Republica officialis honoratur, necnon ratione occasionis lucrandi, & ratione excessus stipendii ultra debitum: cum hæc omnia sint res humanæ, non spirituales, & pretio æstimari soleant.

Tria tamen notat Lefs. ex D. Th. in Opusc. ad Ducissam Brabanticæ cap. 21.; Primum est, auctoritatem vendendi hæc officia esse solum penes Principem supremum, hoc est penes Reges, aut Rempublicam liberam. Ratio est, quia hæc sunt dona Reipublicæ; ergo eorum dispensatio ad supremum Principem pertinet, vel ad ipsam Rempublicam, si sit juris sui; Unde Principes inferiores, etsi Magnates sint, ea vendere non possunt, nisi vel ex concessione Principis supremi, vel ex præscriptione. Secundum est, non expedire, ut a Regibus ea officia vendantur, & plerumque esse illicitum, & perniciosum. Ratio est, quia si vendantur, facile præferuntur dignioribus magis divites; & hi, qui pecunia confecti

sunt officia, intendunt potius pretium recuperare, ac ditescere, quam Reipublicæ bonum; præsertim si pretio immoderato empta sint. Tertium est, hanc venditionem non debere fieri, nisi ob Reipublicæ necessitatem, vel utilitatem, & non in proprium commodum supremi Principis. Ratio est, quia hæc officia non sunt bona propria Principis, ut tributa, sed sunt bona Reipublicæ communia, quorum administrationem, & collationem populus commisit Principi ratione communis utilitatis; ergo solum propter bonum commune vendi possunt.

## ARTICULUS V.

De obligatione diligendi proximum.

I. Tenemur proximum diligere etiam actum interno, & formali.

II. Etiam peccatores diligendi sunt, ac etiam inimici actum interno, & formali amore proseguendi. Non tenemur tamen per se loquendo, illos salutare, si scandalum absit.

III. Non tenemur actionem coram Judice omittere, ut offensæ satisfactionem præbeat pro injuria, & damnis illatis. Quid si sponte exhibeat ipse satisfactionem?

IV. Quonam ordine proximus diligendus est? Diversus ordo servandus in necessitate extrema, vel gravi, ac extra necessitatem.

V. Quonam sint peccata omissionis, & commissionis; quæ charitati erga proximum adversantur?

VI. Explicanda est in confessione species mali, quod vis proximo inferre, non tamen species mali, quæ proximo desideres.

VII. Adversantur charitati erga proximum non solum Odium, sed etiam Indignatio, & Ira; qui tamen alius

Hus licite cum moderatione debita exerceri possunt.

VIII. *Adversantur etiam Discordia, Contentio, Rixa, Seditio, (qua a Bello, & a Schismate differt) & Scandalum.*

IX. *Non est peccatum contra charitatem scandalum acceptum, sed Scandalum datum.*

X. *Scandalum Alium aliud est directum, aliud indirectum: Scandalum passivum aliud est Pusillorum, aliud Pharisaicum.*

XI. *Scandalum directum semper est peccaminosum; ac non semper scandalum indirectum; quod cum nonnullis limitationibus permitti potest.*

XII. *Quanam dicantur actiones licite, quamvis cum iis materialiter cooperemur cum peccato proximi?*

XIII. *Sine causa permitti non potest scandalum acceptum, ne pharisaicum quidem.*

XIV. *Ad vitandum scandalum Pusillorum omitti aliquando potest nonnullorum praeceptorum observantia.*

XV. *In pluribus casibus abesse potest peccatum scandalum, quamvis coram aliis peccetur.*

XVI. *Num aperienda sit in confessione species peccati, ad quod inducitur proximus, qui scandalizatur.*

I. **U**T altius dignosci possit, quanam pacto Parentes, ac Superiores honore, ac amore prosequendi sint, inquirimus hic, quam dilectione teneamur proximum prosequi? Et quando teneamur illi in suis necessitatibus sive spiritualibus, sive corporalibus subvenire? Cum enim strictior sit obligatio erga Parentes, ac Superiores, quam erga proximum, ex iis, quae tenemur erga proximum exhibere, facile est dignoscere, quid erga Parentes debeamus. In hoc autem articulo agemus de dilectione erga proximum debita, ac de vitiis,

quae charitati erga proximum adversantur: In sequenti vero agemus de obligatione subveniendi proximo in suis necessitatibus.

Quæritur itaque primo; Utrum, & quonam pacto teneamur proximum diligere?

Respondeo, de fide esse, quod proximus sit diligendus; dicitur enim Deuteron. 6. *Diliges proximum tuum sicut teipsum*: Et Joan. 13. *Mandatum novum do vobis, ut diligatis invicem, sicut dilexi vos*. Quinimo proscripserat est ab Innoc. XI. thesis 10. dicens: *Non tenemur diligere proximum alia interno, & formali; necnon undecima, quae habet: Praeceptum proximum diligendi satisfacere possumus per solos alios externos*. Obligat autem tale praeceptum ex Bagnez semel in anno; & ex Trull. cum aliis tenemur pariter, quando urget tentatio odii contra proximum, quae aliter superari non potest; Sicut etiam in aliis eventibus, in quibus sub mortali tenemur illi auxilium ferre.

II. Hinc sequitur primo, diligendos esse non solum justos, sed etiam peccatores; etenim quicumque est capax beatitudinis, dicitur esse proximus noster; & recta ratio dicitur, illis faciendum esse, quod nobis fieri cupimus, juxta illud Christi Domini, *Quaecumque vultis, ut faciant vobis homines, eadem vos facite illis*. Solum damnati non debent diligi ex charitate; tum quia non sunt proximus noster; tum etiam quia recta ratio non dicitur, ut illis velimus beatitudinem, a qua sunt perpetuo exclusi.

Neque dicas, a Davide peccatores esse odio habitos; cum Psal. 18. dicat: *Iniquos odio habui*; & alibi, *In matutinis interficiebam omnes peccatores terrae*; Nam David in peccatore solum odio habebat peccatum ex amore non solum Dei, sed etiam ipsius peccatoris; Etenim ex amore proximi pro-

venit, ut odio habeamus id, quod ei malum est.

Sequitur secundo, non solum amicos, sed etiam inimicos, esse diligendos, & quidem amore interno, & non solum per actus externos, ut diximus; praesertim quia Matth. 5. dicitur: *Ego autem dico vobis; diligite inimicos vestros, & benefacite eis, qui oderunt vos.* Et ad Roman. 12. *Si esurierit inimicus tuus, ciba illum; si sitis, potum da illi; & in hoc imitamur Patrem nostrum, qui solem suum oriri facit super bonos, & malos, & pluit super iustos, & iniustos.* Notandum tamen ex hoc Christi Domini praecepto non teneri nos exhibere inimicis specialia signa benevolentiae, non enim propter offensam vobis factam efficiuntur melioris conditionis, quam reliqui. Unde fit teneri nos quidem non solum ad non odio habendum inimicum, sed etiam ad non praebendum signum ullum odii; denegando illi communes salutaciones, quibus omnis praebetur signum odii, at non teneri nos per se loquendo specialiter salutare inimicum, illum alloqui, & familiariter cum illo versari; nisi forte id postulet ratio vitandi scandalum, aut nisi speretur, quod per salutacionem odium deponat; culibet enim mandatum est de proximo suo, & quilibet tenetur illius scandalum, & ruinam vitare, quoties absque gravi incommodo potest: Confessarii tamen consulere debent poenitenti, ut sponte inimicum saluet, non solum ut Christum Dominum imitetur, qui pro inimicis oravit, sed etiam quia denegatio salutacionis fere semper conjungitur cum odio, aut cum scandalo; & a fortiori scandalum, odium, & contemptus solet haberi, si inimicus non resalutetur: Quod si aliquando aliquis sit longe superioris conditionis, ut Praelatus, vel Nobilis respectu subditi, vel plebei, & non sequatur

scandalum, neque adscribatur contemptui devegatio resalutationis, certe nec tenetur illum resalutare post inimicitiam, sicut non tenebatur ante inimicitiam.

III. Rogabis; An teneamur inimico veniam concedere, si illam petat?

Respondeo, teneri quidem nos odium deponere, & signa benevolentiae communia illi exhibere, ut hactenus ostendimus, sed non teneri actionem contra illum coram Iudice omittere, ut satisfaciat injuriae, & damnis illatis; Immo si sponte satisfactionem praebet, adhuc licitum est satisfactionem juridice exigere praefixo gravi damno illius, quod forte ex charitate teneremur impedire. Ita Valer., Sylvest., & alii apud Bonac. hic disp. 3. quest. 4. punct. 3. contra Azor. docentem teneri laesum actionem injuriarum coram Iudice intermittere, si ille debitam satisfactionem exhibeat: Cujus sententia regulariter consulenda est; tum quia raro sine odio, & vindicta coram Iudice agitur adversus inimicum; tum etiam quia id est conforme consilio Christi Domini, *Si quis percusserit te in maxillam, praebe ei & alteram.*

IV. Quiritur secundo; Quonam ordine proximus diligendus est?

Respondeo, conjunctos magis diligendos esse, quam extraneos, & inter conjunctos, qui magis sunt conjuncti. Quare ceteris paribus ante omnes diligendus est Pater, cui praecipua cura incumbit alendi, & instituendi filium. Secundo, Mater; quia parentes ex D. Th. magis Deo assimilantur, nam post Deum illis debemus, quod sumus, & vivamus. Tercio, Uxor, quae una caro est cum marito. Quarto, Filii, (quamvis talis ordinis perversio non sit satis ad mortale propter exiguum inter has personas distantiam, ut docent communiter Theologi apud Bonac.) Quinto,

exteri consanguinei juxta gradum conjunctionis, itaut consanguinei præferantur atinibus. Demum reliqui, itaut vir justus peccatori præferatur. Dixi tamen, cæteris paribus; nam si mater sit benefica, pater crudelis, illa est præferenda; Et multi putant contra D. Th., Bonac., & alios, præferri posse parentibus eum, qui nos a morte liberavit; Et alii putant contra eundem Bonac., creditorem in extrema necessitate posse præferri etiam parentibus. Sicut autem in rebus temporalibus præferendus est Pater carnalis patri spirituali; ita in rebus spiritualibus præferendus Pater spiritualis patri carnali, ut communiter docent contra Bagnez. Hic autem ordo servandus inter personas privatas; persona vero publica cuilibet privatæ præferri debet, ex Valent., & Bonac., quia vices Communitatis sustinet; magnum autem bonum Communitatis etiam proprio bono præferendum est.

Notat tamen ex Less. Tambur. lib. 4. cap. 3. §. 3., quod in rebus pertinentibus ad vitam, & naturam sustentandam in extrema, vel gravi necessitate, Primo subveniendum sit Patri. Secundo, Matri. Tertio, filiis. Quarto, Uxori. Quinto, fratribus, & aliis; Sed extra necessitatem extremam, aut gravem in communibus necessitatibus succurrendum sit prius Uxori, quia est una caro cum marito; deinde filiis, quibus tenentur parentes alimenta præstare; Tertio, parentibus; & quidem prius Patri, quam Matri, eo quod illis debeamus vitam; Demum fratribus, tororibus, & aliis juxta ordinem assignatum. Henr. tamen apud Bonac. disp. 6. quæst. 7. punct. 10. docet. quod uxor præferenda sit parentibus, & filiis etiam in extrema necessitate, quia Genes. 2. dicitur, *Propter hoc relinquet homo patrem, & matrem, & adhærebit uxori suæ*; Sed hoc intelligendum est de actu conjugali,

& circa domesticam inter conjuges administrationem.

V. Quæritur tertio; Quænam peccata commissionis, & omissionis charitati proximi opponantur?

Respondeo, peccata omissionis, quæ charitati proximi adversantur, sunt Primo, omisso amoris interni, & formalis, ut diximus. Secundo, neglectio salutis spiritualis, vel corporalis gravis tam propriæ, quam alienæ; unde contra charitatem peccat, tam qui in extrema necessitate spirituali proximi omittit illi succurrere, etiam si non possit aliter illi subvenire, quam cum periculo vitæ (modo sit æque certa spes illum juvandi) quam qui in extrema, vel gravi necessitate corporali proximi non erogat illi eleemosynam. Tertio, omisso correctionis fraternæ, prout a Christo Domino præcipitur Math. 18., quando scilicet culpa est certa, & gravis, & est spes commendationis.

VI. Peccata vero commissionis sunt, Primo odium tam abominationis, quam malevolentia: Ubi notat Tambur. lib. 2. Confess. cap. 6. §. 3. quod si velis inferre proximo malum grave, tenearis in confessione aperire speciem mali; verbi gratia, si voluisti inferre mortem, infamiam, damnum in re familiari; quia diversa specie est malitia in his actibus, prout diversa sunt jura proximi ad vitam, famam, &c.: Contra vero si desideres illi malum grave, prout malum proximi est, nolis tamen illud inferre, probabiliter non est opus explicare speciem mali; Sicut nec etiam si gaudeas de malo proximi, puta de morte, infamia, dedecore, incendio, &c., sed satis est dicere, toties delectatus sum de malo gravi proximi, ut docent Valent., Bonac., & alii apud Trull. lib. 1. cap. 6. dub. 2., & Dian. part. 1. tract. de Circumstantiis resol. 30. contra Pal., Suar. de Char. dist. 6. sect.

2. num. 3. ; & Con. Ratio est, quia per hæc omnia læditur sola charitas, qua tenemur proximum diligere, quin lædatur, aut desideretur læsio ullius juris particularis proximi.

Ubi notandum, damnatas esse ab Innoc. XI. propositiones illas, nempe 13., quæ habet: *Si cum debita moderatione facis, potes absque mortali de vita alicuius tristiari, & de illius morte naturali gaudere, illam inefficaci affectu petere, & desiderare, non quidem ex displicentia persona, sed ob aliquod temporale emolumentum.* Et 14., in qua dicitur: *Licium est absoluto desiderio cupere mortem Patris, non quidem ut malum Patris, sed ut bonum cupientis; quia nimirum ei obvenitura est pinguis hereditas.* Necnon 15., quæ dicit: *Licium est filio gaudere de pericidio Patris a se in ebrietate perpetrato propter ingentes divitias inde ex hereditate consequens.*

VII. Secundum peccatum commissionis contra charitatem est indignatio, quæ est dolor, quod bona temporalia quis habeat; & Ira, quæ est irrationabilis, & immoderatus appetitus vindictæ ob injuriam acceptam; Isti tamen duo actus possunt cum debita moderatione exerceri, juxta illud Psalmi. *Iracimini, & nolite peccare, unde potest juridice exigi satisfactio deposito odio, ut diximus.*

Tertium est Invidia, quæ est tristitia de bono alterius, vel gaudium de illius malo, quatenus proprium dimittit; Distert autem ab æmulatione, per quam dolemus de alterius bono, non quia in illo est, sed quia nos illo caremus; Quare æmulatio licita est, si dolor sit moderatus, & circa res licite appetendas. & ideo Apost. dixit: *Æmulamini charismata meliora.*

VIII. Quartum est Discordia, quæ ex D. Th. est dissensio voluntatis a voluntate proximi circa bonum, quod quis tenetur velle; ut si pauperem

volentem sibi providere sine iustitia cupias, quod non obtineat iutentum. Non est autem peccatum, quando quis probabiliter putat non esse bonum, quod alter vult; Quo pacto D. Th. excusat dissensionem inter Paulum, & Barnabam, Actor. 5. *Discordia opponitur paci, & concordia, & ideo est speciale peccatum contra charitatem:* Proverb. autem 5. post sex, quos odit Dominus, numeratur septimo loco is, qui seminat discordias inter fratres.

Quintum est Contentio, seu Altercatio verborum cum proximo contra veritatem ad eam impugnandam: proinde est quidam effectus discordiæ.

Sextum est Rixa, quæ est Pugna privatarum personarum ex mutua ira, & excandescencia concitata.

Septimum est Seditio, seu dissensio civium, quando scilicet una pars civitatis contra aliam insurgit ad pugnam: Hæc differt a Bello, quod est inter duas Respublicas, & a schismate, quia hoc est contrarium unitati spirituali Ecclesiæ; seditio vero adversatur unitati politicae Reipublicæ.

Denique adversatur charitati erga proximum Scandalum, de quo plura querenda sunt.

IX. Quæritur itaque quarto; Quid, & quotuplex sit scandalum?

Respondeo, scandalum ex D. Th. definiti *Dictum, vel factum minus rectum præbens alteri occasionem ruina;* Verbi gratia, si Clericus domusæ a lat mulierem suspectam, peccat peccato scandali, quia cum tale factum habeat mali speciem, dat occasionem ruinæ aliis, qui tali exemplo ad simile peccatum facile possunt induci. Quare Apost. 1. ad Thesal. 5. ait, *Ab omni specie mali abstinete vos;* non enim satis est abstinere a malo, sed etiam abstinere debemus ab omni specie mali, ut scandalum vitemus. Ubi duo notanda; Primum est, operationem de se ventilem aliquando ex circum-

stan-

stantia scandalum evadere mortalem; ut si Religiosus, aut Sacerdos proferret verba iocosa coram fœminis in iis circumstantiis, in quibus præbeat illis occasionem peccandi; vel si Adolescens proferat verbum amatorum coram muliere, audiente ejus marito Zelotypo; unde probabiliter magna rixa sit secutura. Alterum est, quod si operatio de se non mala speciem mali habet, ita ut alteri possit esse occasio lapsus, & ruinæ, tu tamen conaris ostendere justam causam, cur ab ea non abstineas, non peccas peccato scandalum; Et si scandalum sequatur, illud dicitur esse scandalum Acceptum, non Datum; Verbi gratia, si comedas die Veneris carnes, patet faciendo ægritudinem tuam.

X. Dividitur itaque ex D. Th. scandalum in Activum, quod datur, & Passivum, quod accipitur, seu in Datum, & Acceptum; quæ iterum subdividuntur; nam scandalum Datum subdividitur in directum; ut si quis loquatur turpia directe intendens ruinam proximum; & Indirectum, ut si quis loquatur turpia non intendens talem ruinam, sed solum prævidens fore, ut probabiliter ex tali peccato alii in mortale labantur. Scandalum etiam Acceptum (quod habetur quando præter intentionem operantis, & præter naturam, seu conditionem operationis, alter ex ea accipit occasionem peccandi) subdividitur in scandalum Pusillorum, quod scilicet ex hominis ignorantia, vel infirmitate provenit, & Scandalum Pharisaicum, quod ex mera malitia ortum habet; sicut Pharisei ex propria malitia acceperunt occasionem occidendi Christum Dominum ex ejus verbis, & miraculis.

XI. Queritur quinto; Quodnam scandalum sit peccaminosum?

Respondeo, & dico primo, scandalum activum directum semper esse illi-

citum; ut si quis iussione, consilio, aut exemplo expresse, vel tacite inducat alium ad peccandum, directe intendens id, quod sine peccato ab eo fieri non potest. Ratio est clara, quia talis inductio est contra virtutem charitatis, & misericordiæ, & importat affectum ad peccatum. Hinc Christus Dominus Matth. 8. dixit: *Va homini illi, per quem scandalum venit.*

Dico secundo, scandalum activum indirectum non semper est illicitum, quando scilicet quod præbet occasionem ruinæ proximo, est operatio de se bona, vel saltem indifferens, & ex bona intentione fit, & datur iusta causa illam non omittendi; unde peccatum proximi solum perunitur, eo quod vel non possumus, vel non teneamur illud impedire; in quo casu dicimur materialiter tantum ad peccatum alterius concurrere, seu cooperari. Quare sicut sine peccato Deus tanquam causa prima concurret ad peccatum creaturæ; ita sine peccato conjux reddit debitum alteri conjugi habenti votum castitatis, si illud exigar, nec possit a tali proposito illum avocare: Sine peccato etiam Parochus ministrat Eucharistiam peccatori occulto publice illam petenti; sine peccato in Civitatibus ad vitanda pejora mala locantur domus meretricibus; sine peccato Judæorum synagoga, & hæreticorum templa, permittente Republica, ædificantur. Ubi notandum Primo, quod major causa requiratur ad cooperandum materialiter peccato alterius, si cooperatio materialis ad peccatum sit propinquior, quam si sit remota; Verbi gratia, major causa requiritur ad associandum furem, quam ad scalas sustentandas, ut per fenestram ascendat. Secundo, major causa requiritur, si peccatum sit gravius; Verbi gratia magis requiritur ad cooperandum materialiter peccato injustitiæ, aut peccatis publicis,

Z blas-

blasphemiarum, &c., quam peccato luxuriae, aut peccato occulto. Tertio, si probabilius est, te non cooperante, alterum non cooperaturum. Quarto, si minus juris habeas ad tale opus.

XII. Hinc infertur primo, licitum esse Christianis captis remigare in trirenibus Turcarum contra Catholicos, quia cooperatio ista remote se habet ad peccatum Turcarum; & quia illis detrahentibus alii non deessent, qui hunc laborem obirent; ac demum quia metus gravis excusat. Contra vero non licet iisdem ignem admoveere tormentis bellicis in perniciem Catholicorum; quia propinquius se habet ad peccatum talis cooperatio; immo aliquando est directa occisio, atque adeo intrinsece mala.

Infertur secundo, posse artifices vendere res indifferentes, puta gladios, aleas, &c., etiamsi alter sit iis abusus; quia hæc remote se habent ad peccatum. Si tamen quis vellet enire gladium ad alium occidendum, non posset illi vendi; quia modicum lucrum postponendum est vitæ alienæ; ideo non licet venena vendere, nisi iis, qui putantur bene usuri, verbi gratia ad medicinam, confessionem colorum, &c.

Infertur tertio, non licere domum, aut instrumenta ministrare ad ludum, quoties ludentes prævidentur proni ad blasphemias, ad furta, &c., ut dicemus cum de contractu locationis; Nec licet metetricem paratam ad herum conducere, aut furi scalam applicare, &c., quæ omnia proxime ad peccatum concurrunt, & nonnisi metu mortis permitti possent.

Infertur quarto, licitum esse probabiliter Patrifamilias famulo, aut filio suspecto de furto pecuniam apponere, ut eum deprehensum emendet, & graviori malo occurrat; quia hoc non est intendere malum, sed impe-

dire malum gravius; sicut Deus plurima peccata permittit subministrando materiam, ut majora bona inde resistent; Et Judith permittendo libidinem Holofernis ortam ex suo ornatu non peccavit. Ita Petrus Navar. contra Sanch. lib. 10. disp. 12. num. 35., Sâ, & alios; quamvis recte notet Navar. id homini ordinarie non licere, cum non sit dominus absolutus rerum, & universalis.

XIII. Dico tertio, scandalum passivum, seu Acceptum, etiam pharisaicum, permitti non debet absque aliqua utilitate propria, vel aliena saltem temporali; ut notat Dian. part. 5. tract. 7. resol. 24., quia tenemur ex charitate impedire peccata proximi, quando facile possumus; Unde non licet sine ulla causa petere a Sacerdote excommunicato tolerato, vel concubinario, ut sacrificet, aut ab usurario petere pecunias mutuas: Permitti tamen potest huiusmodi scandalum data iusta causa; Verbi gratia si indigeas, poteris petere nummos mutuos ab usurario, & juramentum a juraturo per falsos Deos. Hac ratione August. apud Laym. de scandalo excusat Abraham a peccato, quando Saræ uxori suæ Genes. 12. dixit; *Dice, obsecro, quod soror mea sis, ut bene sis mihi propter te, & vivat anima mea ob gratiam tuam*. Vere enim & uxor, & neptis erat ex fratre Aran; unde soror (licet ex paterno tantum sanguine) dici poterat, quia omnes consanguinei apud Judæos dicebantur fratres ex August., Et constat in Evangelio de fratribus, & sororibus Domini. Permittit etiam Abraham, ut Egyptii occasionem caperent mulierem rapiendi, confidens de illius pudicitia, quod ab eo periculo liberaretur.

Major autem causa requiritur ad permittendum scandalum Pusillorum quam Phariseorum, ut notat Busemb. ex Laym. & Bonac., illud quippe pro-

cedit ex ignorantia, aut infirmitate, ut si comedas carnes coram illis, qui nesciunt tuam necessitatem, & inde arrepturi sunt occasionem ad peccandum: Quamvis scandalum, quod procedit ex ignorantia, post debitam instructionem, & admonitionem, non est amplius Pusillorum, sed Phariseorum, ut patet.

XIV. Ad vitandum tamen scandalum Pusillorum aliquando omitti debet observantia aliorum præceptorum: Verbi gratia, potest uxor omittere aliquod jejunium ad vitandam gravem discordiam cum marito; Potest Superior dissimulare aliquos defectus ad vitandas turbas, & majora mala; Potest mulier, immo debet semel, aut iterum non egredi domo ad audiendam missam præceptam, si sciat aliquem in particulari ex suo aspectu scandalizandum; ut docent communiter apud Dian. part. 5. tract. 7. resol. 21., & 22. contra nonnullos; Quamvis ad id non teneatur, si putet aliquos tantum in genere esse scandalizandos; Qua ratione Doctores apud Busimb., & Laym. de scandalo num. 21. docent esse tantum veniale ornatum vanum mulierum, præsertim iuxta morem Patriæ, si putent aliquos tantum in genere, neminem vero in particulari ea occasione esse scandalizandos, ut videre est apud Dian. tract. 1. Miscell. resol. 30. Sæ tamen docet, quod sceminam gerentem nudum pectus, quamvis non mala intentione, difficile absolveret (etsi nonnulli illam a mortali excusent) Potest etiam, & aliquando debet Prælatus jurium, & bonorum Ecclesiæ, aut Monasterii exactionem differre ob scandalum ignorantium, & infirmorum vitandum. Potestque mulier omittere in confessione peccatum illud, ex quo intelligit Confessarium ex infirmitate grave scandalum esse passurum. Ratio horum omnium est, quia præcepto po-

sitivo prævalet præceptum naturale de impedienda spiritali ruina proximi.

XV. Hic tamen notandum, neminem peccare peccato scandalii, nisi probabiliter verbo, vel facto conjiciat proximum in gravem tentationem fore lapsurum, cui difficulter possit resistere.

Ex quo colligis primo, non peccare peccato scandalii eos, qui ita pravi sunt, ut eorum pravum exemplum parum noceat; sicut etiam excusatur, qui peccat coram iis, qui tam proclives sunt ad malum, ut non censentur induci ab illo pravo exemplo; verbi gratia, si quis fornicetur coram aliis, qui parati sunt idem facere, & de se incitati, ut notat Sanch. prim. Moral. cap. 6.

Colligis secundo ex Pal. apud Trull. lib. 1. cap. 6. dub. 5. non peccare peccato scandalii, qui solum dat occasionem admirationis, & horrois; ut si quis die Veneris comedat carnes, aut Moniales inviset, aut fornicetur coram illis, qui ex tali culpa horrorem tantum concipiunt, non vero propositum peccandi. Ratio est, quia in tali casu non præbet occasionem ruinæ proximo. Notat tamen Navar. in his casibus raro abesse occasionem ruinæ, & peccatum scandalii, quia sæpe datur saltem occasio detrahendi, vel finistre judicandi, vel liberius vivendi.

XVI. Queritur sexto, An qui alterum scandalizat, peccet universim peccato speciali scandalii aperiendo in confessione?

Respondeo, certum esse, quod qui verbis, aut factis inducit aliquem ad peccatum directe intendendo ejus ruinam, duplex peccatum committit in confessione aperiendum, alterum illius speciei, cujus est peccatum, ad quod inducit; alterum vero scandalii contra charitatem; Verbi gratia, qui suo exemplo, vel siasione inducit alium ad fornicandum, peccat tum peccato lu-



xuriæ, tum etiam peccato scandali, ut communiter docent apud Tambur. in Meth. Confes. lib. 2. cap. 1. §. 17. itaut non satis sit in confessione dicere, Volui meo exemplo inducere alium ad peccandum, sed debeat explicari, quod volueris illum inducere ad tale peccatum, videlicet ad fornicationem. Ratio est, quia quælibet virtus non solum obligat nos, ne contra illam peccemus, sed etiam ne alium positive inducamus ad peccandum contra illam; ergo qui intendit positive inducere alium ad fornicandum, non solum peccat peccato scandali contra charitatem, sed etiam contra castitatem; atque adeo utrumque peccatum in confessione est explicandum.

Si vero non intendatur directe ruina proximi, sed illa solum prævideatur, putat Lug. de Pœnit. disp. 16. sect. 4. contra Laym. de scandalo num. 5., Sanch.; Vasq.; Con. apud Tambur. loc. cit., quod non sit necesse explicare in confessione speciem peccati, ad quod proximus inductus est; Verbi gratia, an ad adulterandum, vel occidendum; Nec oportet explicare conditionem personæ inducæ ad peccatum, an scilicet fuerit Sacerdos, qui in adulterium inductus est. Ratio est, quia tale peccatum est solum contra charitatem, non contra alias virtutes, quæ licet obligent, ne positive, & directe inducamus alios ad peccandum contra illas, non videntur tamen obligare, saltem graviter, ad impedienda vitia in aliis contra tales virtutes. Hinc qui furando prævidet, quod alter arrepturus sit anam ad homicidium committendum, satis est, si in confessione dicat se furatum esse, & dedisse aliis occasionem peccandi graviter. Unde fit, quod quia non est reus homicidii talis fur, nec teneatur ad compensandum damnum ortum ex homicidio.

Qui tamen dum furatur occulte,

suspiciatur fore, ut alteri innocenti tale furtum imputetur per accidens, ex Laym., peccat tantum contra charitatem relate ad istum; Quod si furtum ex intentione operantis, vel ex modo, quo fit, ex natura sua ordinetur, ut alteri imputandum esset, tunc fur etiam comparatione hujus innocentis peccaret contra iustitiam, & teneretur ejus damna refarcire.

## ARTICULUS VI.

De Obligatione subveniendi proximo in suis necessitatibus.

- I. In extrema necessitate spiritali proximi tenemur illi, etiam cum vita discrimine, succurrere.
- II. In necessitate non extrema, sed gravi alicujus particularis non tenemur cum vita periculo succurrere; tenemur tamen in necessitate gravi alicujus Communitatis.
- III. Pastor, etiam in gravi necessitate suarum ovium, tenetur opem illis ferre cum vita discrimine.
- IV. Non tenemur, sed possumus periculo exponere vitam propriam pro vita temporalis proximi.
- V. Divitibus præcipitur facile tribuere elemosynam indigentibus.
- VI. In extrema proximi necessitate tenemur ad elemosynam ex necessariis statui proprio, sed natura superfluis.
- VII. Num satis sit extreme indigentis muovere?
- VIII. Num in gravi necessitate proximi teneamur illi succurrere ex necessariis ad statum? Tenemur certe ex statui superfluis.
- IX. Ad quid teneamur in communibus pauperum necessitatibus?
- X. Beneficiarii magis, quam alii obligantur ad succurrendum pauperibus. Quonam pacto possint de redditibus beneficii disponere?
- XI. Quando teneamur proximum fra-

*fraternaliter corrigere, & Quomodo? Quid si dubitetur, an correctio sit profuturum?*

**XII.** Num etiam cum gravi incommodo fieri debeat aliquando fraterna correctio? Et num premiis ea debeat semper, antequam delictum denuncietur?

**I.** **Q**uæritur primo, An teneamur spirituali necessitati proximi subvenire etiam cum periculo vitæ?

Respondetur, necessitatem spirituales aliam esse Extremam; quando scilicet aliquis non potest sibi aliunde providere; (ut si infans, aut amens baptizandus sit in periculo mortis) Aliam vero non esse extremam, quando scilicet quis aliunde potest sibi prospicere, & probabiliter prospiciet. His positis

Dico primo; si proximus sit in extrema necessitate spirituali, charitas obligat ad succurrendum illi, etiam cum periculo vitæ; si tamen sit spes, quod auxilium sit profuturum, nec detur periculum animæ propriæ in opere ferente: Dicitur enim Joan. 3. *Et nos debemus pro fratribus nostris animas ponere.* Quare si quis sit in extremo vitæ, & indigeat absolutione sacramentali, tenetur Sacerdos illam conferre cum periculo vitæ; dummodo tamen ex Malder., & Bonac. moraliter constet non esse illum propria contritione justificandum, nec esse alium, a quo absolvetur. Ita Valent., Navar., Malder., & alii apud Bonac. Ex quo sequitur nos non teneri ire ad indos ad prædicandum Evangelium; nam sunt alii, qui id faciunt, & tenentur facere. Sequitur etiam, quod si quis injuste nos invadit, possumus illum occidere, si necessarium sit ad vitam tuendam, quamvis sciamus illum esse damnandum. Et ratio est, quia hic non laborat necessitate extrema, quandoquidem ex sua malitia se

conjicit in tale periculum.

**II.** Dico secundo. Extra extremam proximi necessitatem spirituales non tenemur proximo succurrere cum periculo vitæ, aut cum notabili detrimento famæ, aut facultatum; Verbi gratia, non tenemur adulterum ab adulterio cum vitæ periculo retrahere. Ita Doctores citati. Et ratio est, quia natura dedit nobis magnum jus ad vitam, & facultates, unde non est credibile, quod homines ad id obligari. Id tamen intelligendum est de necessitate non extrema alicujus particularis; non vero alicujus Communitatis; nam Communitati etiam in gravi necessitate laboranti succurrendum est cum periculo vitæ; quia bonum spirituale communitatis praevalet bono privato; Quare tenetur Concionator cum periculo vitæ peccata publica reprehendere, quando imminet periculum ruinæ Communitati; ut accidit si peccata ex sua natura alios inficiant; Si tamen necessitas Communitatis sit levis, hoc est in qua sine magna difficultate potest sibi subvenire, non tenemur cum tanto periculo.

**III.** Dico tertio, ex D. Th. 2. 2. quæst. 21. art. 1., Valent., & aliis, Pastorem teneri ovibus suis succurrere cum periculo vitæ, quando sunt in gravi necessitate; nam *Bonus Pastor animam suam ponit pro ovibus suis.* Ratio est, quia cum major sit obligatio Pastoris, quam reliquorum, si reliqui tenentur in extrema necessitate, Pastor tenetur etiam in gravi necessitate subvenire: Immo ratione officii tenetur etiam inquirere, ex Bonac., & D. Th. 2. 2. quæst. 21. eos, qui laborant gravi necessitate spirituali, ut eis subveniat. Hinc sequitur quod tempore pestis non possit Pastor a suis recedere, nisi alios ministros idoneos, & sufficientes substituat.

**IV.** Dico quarto; licet non teneamur, possumus tamen periculo vitam

nostram exponere pro vita temporali aliorum; luc enim est actus honestus; Nam Joan. 5. dicitur, *Majorem hac dilectionem nemo habet, quam ut animam suam ponat quis pro amicis suis*; unde possumus servire peste infectis, dissolvere rixam pugnantium, permittere, quod occidamur ab injusto invasore, ne ille, si a nobis occidatur, damnetur; Possumus etiam tabulam nobis necessariam in naufragio cedere amico, dummodo aliis damnum in his casibus non eveniat; ut si ex mea morte sequeretur damnum grave meæ familiæ; cum non possim ego cedere juri alterius.

V. Quæritur secundo, Utrum teneamur proximo in egestate constituto per eleemosynam subvenire?

Respondeo, certum esse dari grave præceptum divitibus de faciendâ eleemosyna; Nam Joan. 3. dicitur: *Qui viderit fratrem suum necessitatem habere, & clausurâ viscera sua, quomodo charitas Dei erit in illo?* Et Matth. 5. damnantur propter omisâ eleemosynam illi, quibus dicitur, *Esurivi, & non dedistis mihi manducare*. Et 1. ad Timoth. ult. dicitur: *Divitibus hujus sæculi præcipe facile tribuere*. Et in cap. Pasce dicitur, *Quisquis pascendo hominem servare poterat, si non pavissi, occidisti*. Tenemur autem ex charitate, non ex justitia, ut communiter docent contra Mendoz. apud Dian. part. 5. tract. 8. resol. 2.

Difficultas est, num ad eleemosynam teneamur in extrema solum necessitate proximi, an in gravi, an etiam in communi? Dicitur autem extrema, vel quasi extrema necessitas, quando proximus est in probabili periculo mortis, aut ægritudinis, & miseræ, ex qua mors sequatur; aut in probabili periculo amittendi aliquod membrum; ut si quis fame, vel frigore pereat, nisi illi succurram; aut latro illi minetur mortem, nisi det decem aureos, quos

non habet. Dicitur etiam ex Filiuc. probabiliter necessitas extrema, quando quis ad illam evadendam eligit mortem spiritualem, verbi gratia, prostituere filias, aut seipsum turpi lucro: non tamen quando Titius vult seipsum interficere, nisi dem illi mille aureos; quia hæc est malitiosa necessitas, a qua ipse potest se liberare. Gravis necessitas dicitur, quam incurrunt, qui non habent necessaria ad suum, & suorum statum; ut quando vir nobilis caret pallio, ut decenter adeat ad Divina audienda; Vel si quis are alieno gravatus in carcere detineatur, aut inter hostes captivus, aut si victu, & vestitu tenuissimo vitam transigat. Communis, & ordinaria necessitas est, quæ passim occurrit in pauperibus ostiatim mendicantibus, & cui passim subvenitur. Sciendum præterea, quod bona, alia dicuntur esse superflua vitæ, alia superflua statui. Superflua vitæ sunt, quando sine illis potest quidem vita sustentari, non vero decenter juxta personæ statum. Superflua statui sunt, quando sine illis non solum vita, sed etiam status decenter conservari potest; Damnata autem est ab Innoc. XI. prop. 12. dicens, *Vix in secularibus invenies etiam in Regibus superfluum statui*; Et ita vix aliquis teneatur ad eleemosynam, quando teneatur tantum ex superfluis statui. Intantum autem dicebant vix reperiri superflua statui, quia multi cum Dian. part. 1. tract. 16. resol. 18. putant cum Vasq., quod bona, quæ conservantur ad acquirendum altiorem statum sibi, vel consanguineis, non dicantur superflua statui; quia ascensus ad majorem statum revocandus est ad necessitatem, & convenientiam status præsentis. His positus

VI. Dico primo; in extrema, vel quasi extrema proximi necessitate obligamur ad eleemosynam, etiam ex superfluis ad naturæ conservationem, & necessariis statui; quia ordine cha-

ritatis præferenda est vita proximi statui nostro decenti. Ita communiter contra nonnullos apud Dian. part. 1. tract. 16. resol. 26. Non est tamen improbabile ex Trull., Pal., Con., & Dian. part. 5. tract. 8. resol. 7., quod non teneamur in extrema necessitate aliorum dare, quæ omnino necessaria sunt ad tuum, ac tuorum statum; quia non tenemur vitam proximi conservare cum tanto detrimento, quale est fieri miserum. Immo. Pal. cum Con. putat, te non teneri ingentes divitias etiam statui non necessarias expendere pro vita proximi, verbi gratia tria, vel quatuor millia aureorum; quia talis sumptus in morali æstimatione, & quoad Reipublicæ utilitatem pretiosior est vita hominis. Hinc non teneris pro infirmo Medicos longe distantes vocare, aut medicinas pretiosas dare, etiam si scires sic ægrotum non moriturum, quia charitas non obligat ad media extraordinaria.

VII. Dubium est, An quis possit satisfacere extreme indigenti mutando, an debeat donare?

Sot. putat, quod debeat dare, contra Navar., & Tolet. Probabilius putat Sanch., Tambur., Trull., quod si egens non habeat hic pecuniam, aut aliud, quo indiget, sed habeat alibi, aut probabiliter credatur habiturus, satis sit mutare; secus debeat illi dari gratis.

VIII. Dico secundo; in gravi necessitate proximi, quamvis multi apud Dian. part. 4. tract. 4. resol. 25. doceant, de necessariis ad statum teneri divitem sub mortali elargiri eleemosynam; probabile tamen est ex eodem Dian., & aliis non teneri; quia in pari necessitate præferenda est conservatio proprii status conservationi status proximi; Tenetur tamen dives sub mortali de superfluis statui succurrere gravi necessitati proximi. Ita communiter Doctores, quicquid contradicant Rosell.,

Gabriel, D. Antonin. apud eundem Dian. part. 5. tract. 8. resol. 14., & Bonac. disp. 3. quæst. 2. punct. 5., quorum sententiam probabilem putat Malder., & Dian. part. 1. tract. 16. resol. 28., ac Mendo V. *Eleemosyna*. Ratio est, tum quia 2. ad Timoth. ult. dicitur, *Divitibus huius sæculi præcipe facile tribuere*; quomodo autem facile tribuit, qui expectat necessitatem extremam proximi ad tribuendum? tum etiam quia charitas præcipit proximo succurrere sine gravi incommodo succurrentis; qui autem de superfluis statui largitur, sine gravi incommodo succurrit; Ergo de iis tenetur in gravi necessitate.

IX. Dico tertio. In communibus pauperum necessitatibus multi cum Dian. part. 5. tract. 8. resol. 17., & part. 8. tract. 15. resol. 22., & tract. 16. resol. 28. putant, non teneri nos ad eleemosynam de superfluis statui; quia si hoc esset, nemo posset aliquid de superfluis statui donare, aut in pios alios usus erogare; nec posset sine peccato superfluum acquiri nisi ad subveniendum pauperibus. Verum probabilior videtur sententia Bonac., & aliorum apud ipsum, quod teneatur quilibet, prout judicaverit, sine notabili suo incommodo; Et ratio est eadem; quia cum præcipiatur nobis ex Apost. facile tribuere, non debemus expectare necessitatem proximi extremam, vel gravem. Putat tamen Tambur., satisfacere huic obligationi, qui habens, verbi gratia, centum aureos annui redditus det duos in eleemosynam.

X. Dico ultimo; Probabiliter ex Granad. apud Dian. part. 4. tract. 4. resol. 214. satisfacit huic obligationi Episcopus, si quartam partem redditus Ecclesiastici det pauperibus; Et alii Beneficarii, si quintam, aut sextam partem, dummodo residuum post suam congruam sustentationem piis operibus impendant. Ratio est, quia tantum

tum obligantur ad abundantes, & frequentes eleemosynas; non vero ad dandum totum, quod superest, pauperibus. Communiter tamen ex Trident. sess. 25. cap. 1. docent peccari mortaliter, si redditus Ecclesiastici in profanos usus consumantur: Quicquid in contrarium doceat Lorca, quem novissime refellit Dian. part. 10. tract. 11. ref. 35.; Etenim talia bona appellantur in jure Canonico patrimonium Christi, bona Ecclesiae, bona pauperum. Illud certum est, quod si donent, verbi gratia parentibus, vel aliis non indigentibus, valide donant, eo quod Beneficiarii vere sint domini talium fructuum: Qui tamen ad id excitant, vel inducunt, peccant cooperando peccato illorum.

Adde, quod Beneficiarius attenta consuetudine loci, in quo non adest spoliurum usus, potest valide, & licite restari non solum de bonis patrimonialibus, sed etiam de fructibus Beneficii necessariis ad congruam sui, & suae familiae sustentationem; unde ea potest consanguineis etiam divitibus relinquere. Verum fructus congruae sustentationi superfluos non potest licite nisi in pios usus erogare; quamvis valide de iis ad causas profanas disponderet, aut testaretur, cum Beneficiarii sint eorum domini. Ita Bonac. ex Less. lib. 2. cap. 4. dub. 6., nec qui talem donationem acceptat, tenetur ad restitutionem. Quae de re fufe diximus in tertio Opusculo Theologico de Beneficiis Ecclesiasticis.

XI. Quæritur tertio; An, & quando teneamur proximum fraternaliter corrigere?

Respondeo, nos ad id teneri sub gravi, etiam ex præcepto naturali, (non secus ac tenemur subvenire proximo in suis necessitatibus) si ramen quatuor conditiones adsint, videlicet, Quod peccatum proximi, sive etiam

periculum peccandi sit moraliter certum; Quod sit spes emendationis (quamvis hæc conditio non requiratur in Prælato corripiente) Quod detur opportunitas personæ, & temporis, nec sit alius magis idoneus, qui id sit facturus; & denum, quod sine notabili incommodo correctio isthæc fieri possit. Dixi, quod peccatum proximi debeat esse moraliter certum; nam si sit dubium, aut sciatur per auditum, aut per rumorem, tunc ad Prælatum spectat corripere; quia hic tenetur etiam inquirere peccata subditorum ad correctionem faciendam; Reliqui tamen, non nisi in casu, quod peccatum redundet in damnum Communitatis, ut est hæresis, vel in damnum innocentis; aut si sit spes probabilis, quod proximus non sit id ægre laturus.

Quando tamen in aliquo habetur ignorantia invincibilis de legis transgressione, (ut si quis die festo labore ignorans illum esse diem festum) non renemur ad correctionem, si non sit spes utilitatis, vel si timeatur scandalum; secus tenemur ignorantiam illam depellere, & impedire materialem illam legis transgressionem; ad id autem non tenemur ex præcepto correctionis, sed ex virtute Misericordiae spiritualis, cujus est docere ignorantem; atque adeo non tenemur sub gravi, ex Bonac., & aliis.

Dubium est primo; An teneamur ad correctionem, quando dubitatur, an ea sit profutura?

Respondeo cum Dian. part. 3. tract. 5. resol. 23., quod si dubium sit, an correctio sit animæ proximi nocitura, ut si ille eatenus inducendus sit in blasphemias, contumelias, &c., non tenemur, quia prævalet præceptum de non nocendo alteri, quam de adjuvando illum; propterea non tenemur corrigere proximum, cujus naturam, & indolem ignoramus; nisi forte in arti-

articulo mortis, ne pereat, aut si peccatum vergat in damnum Communitatis. Si tamen dubium solum sit, An correctio sit profutura, & non sit dubium, an ea sit nocitura animæ proximi, sed solum bonis illius temporalibus, verbi gratia quia proximus non parum de illa tristaretur, tunc ex Trull. tenemur illum corrigere, quia bonum animæ præferendum est bono corporis.

XII. Dubium est secundo, An teneamur aliquando proximum corripere, etiam cum notabili damno proprio, immo etiam cum periculo vitæ?

Respondeo, Prælatum ad id teneri, si sit spes emendationis; reliqui vero ad id tenentur solum, quando proximus est in extrema necessitate, ut si sit in extremo vitæ, & aliter sit damnandus. Notat tamen Dian. part. 4. tract. 4. resol. 128. ex Sâ, & Granad. raro omissionem correctionis esse peccatum lethale, quia raro concurrunt quatuor illæ conditiones enumeratæ; præsertim quia sæpe potest proximus ex se resipiscere; unde sæpe non est

in necessitate spiritali talis correctio- nis; unde raro ad illam cum gravi incommodo obligamur sub gravi.

Dubium est tertio; An correctio fraterna præmitti debeat ante denunciationem cujuscumque delicti?

Respondeo cum D. Th. 2. 2. quæst. 33. art. 7. negative. Si enim peccata sint publica, remedium publice adhibendum est; Nec habet tunc locum illud Christi Domini, *Si peccaveris in te frater tuus, vade, & corripe illum*; nam si peccatum sit publicum, peccat ille in omnes, quos turbat. Et eadem est ratio de peccato occulto, quod vergit in damnum proximorum sive spirituale, sive corporale, ut est hæresis, conjuratio, &c., Quare quando proximus non in te solum, sed in alios peccat, statim est denunciandus; nisi forte pro certo habeas, quod sit per secretam admonitionem corrigendus. Idque decrevit Sacra Congregatio anno 1660. approbante Alex. VII., ut notavimus in Trutina damnatarum Theſium exponendo quintam theſim ab eo Pontifice proſcriptam.

# Q U Æ S T I O XII.

## De Octavo Decalogi Præcepto.

*Non loqueris falsum testimonium.*

**A** Quarto ad octavum Decalogi præceptum gradum facimus; diximus quippe in Proœmio hujus tractatus, de quinto, septimo, ac decimo præcepto agendum esse in de Restitutione anno insequenti; de sexto vero, & nono in tractatu de Matrimonio. In octavo itaque præcepto prohibetur omnis injuria verbo illata proximo tam in judicio, quam extrajudicialiter. In judicio autem injuria committi potest, vel a Judice injuste judicando, vel a teste falsum deponente, vel a reo injuste negante, vel a falso accusatore, vel ab Advocato iniquam causam defendente. Extra judicium vero committitur mendacio, detractione, convitiis, contumelia, & improprio, susurratione, irrisione, maledictione, & judicio temerario. De his autem agemus cum de Restitutione, inquirentes quid pro tali injuria restituendum sit. Hic tantum agendum de injuria, quæ in judicio committitur, & quam primario hoc præceptum prohibet.

### ARTICULUS I.

#### De Forma Juris a Judice servanda.

- I. *Forma juris, seu Legum dispositio a Judice servanda est, sum in modo procedendi, sum in ferenda sententia.*
- II. *Modus procedendi juxta formam juris est triplex, per Accusationem, per Denunciationem, & per Inquisitionem: Hac autem triplex est, Generalis, Particularis, & Mixta.*
- III. *Utper Inquisitionem generalem procedat Judex, non prærequiritur Infamia, nec Accusatio. Debent tunc manifestari delicta, si delinquentes laborent infamia.*
- IV. *Ad Inquisitionem specialem prærequiritur accusatio, quæ sufficienter habeatur per infamiam, aut per publicum rumorem.*

- V. *Infamia habetur per vocem multorum; quin taxetur numerus, sed arbitrio Judicis relinquendus.*
- VI. *Num sufficiant indicia certa, ut possit fieri specialis Inquisitio?*
- VII. *Quid prærequiritur ad Inquisitionem Mixtam?*
- VIII. *In quibusnam casibus fieri potest Inquisitio specialis, nulla infamia præveniente?*
- IX. *Quanam forma debet procedere Judex post accusationem, aut denunciationem Rei?*
- X. *Num licite procedat Judex propter meram querelam, aut denunciationem sine prævia infamia?*

**I.** **J**udex multipliciter potest injuriam irrogare proximo in ferenda sententia, videlicet si non servet formam juris; si sine jurisdictione, seu potestate judicet; si in ferenda sententia judicet injuste, aut tarde; si careat debita scientia; si munera a par-

parte accipiat, &c., De quibus omnibus breviter agendum, ac primo quidem de forma Juris a Judice servanda.

Præmitto tamen, duplicem dari formam Juris in judicando, alteram in modo procedendi, alteram in modo ferendi sententiam: Etenim sententia ferri debet juxta utramque formam Juris, seu dispositionem legum, ex cap. 1. de Sententia, & rejudicata. Et ratio est, quia sententia judicativa est declaratio legis, & juris in casu particulari; ergo ferri debet juxta dispositionem legis; unde fit, ut qui leges ignorat, teneatur consultorem eruditum habere rerum, cujus consilio utatur, aliter peccabit graviter, & tenebitur ad damni restitutionem.

II. Verum forma juris in modo procedendi sciendum, tripliciter posse Judicem procedere juxta legum dispositionem, videlicet per Accusationem, per Denunciationem, & per Inquisitionem. Accusatio est delatio criminis a spondente se illud probaturum. Denunciatio judicialis est delatio criminis sine talionere facta coram Superiore tanquam Judice, ut delictum puniat, & satisfactionem imponat; Et per hoc distinguitur a Denunciatione extrajudiciali, quæ fit coram Superiore, tanquam Patre, non ut puniat, sed ut corrigat reum. Utrovis modo procedat Juxta, sive per accusationem, sive per denunciationem, procedere debet ad instantiam partis. Ex consuetudine autem accusationi succedit querela, ratione cujus procedere potest Juxta ad capiendas informationes, ad examinandos testes vel productos ab accusatore, vel a denunciante nominatos, & ultimo ad examinandum delinquentem juxta communem praxim. Procedere etiam poterit ex Azor. cap. 32. Juxta per evidenciam criminis, & per apprehensionem in flagranti delicto.

At circa modum procedendi per Inquisitionem notandum, triplicem esse Inquisitionem, Generalem, Specialem, & Mixtam. Generalis inquisitio dicitur, quando a Judice inquiritur delictum in communi, ut faciunt Prælati in civitate suæ Diocesis. Specialis dicitur, quando inquiritur aliquod delictum particulare de persona particulari, verbi gratia, an Titius commiserit adulterium. Mixta dicitur, quando vel de persona particulari inquiritur crimen in communi, ut si queratur, an Titius sit flagitiosus; vel de persona in communi crimen particulare, ut si invento cadavere occisi queratur, quinam fuerit homicida. His explicatis

III. Queritur primo, Quam formam juris a Judice servanda est, quando procedit per Inquisitionem?

Respondeo, & dico primo; ut Juxta procedere possit per inquisitionem generalem, (quæ dicitur esse ex officio, & non ad instantiam partis) non prærequiritur infamia, vel accusatio, vel denunciatio; aliter non esset consultum publico bono. Quamvis autem facta generali inquisitione nemo teneatur manifestare delicta occulta; (visi quando talis manifestatio esset necessaria ad bonum commune, vel ad utilitatem, & emendationem delinquentis) tenetur tamen quilibet ea manifestare, quorum auctores laborant infamia de aliquo delicto; quamvis uero teneatur scriptum, aut complices manifestare.

IV. Dico secundo; Ut procedat Juxta per Inquisitionem specialem, per quam intenditur poena delinquentis, prærequiritur infamia, aut clamorosa insinuatio, seu vox totius populi, & publicus rumor de tali delicto, ut præscribitur in cap. Cum oportet, De accusationibus. Et ratio est, quia Juxta non potest sic procedere, nisi præcedat aliquis accusator, qui suffici-



ter habetur per infamiam, vel publicum rumorem.

V. Est autem infamia frequens vox proborum virorum, quæ hominem de tali delicto suspectum reddit; ut notat Sanch. l. 2. de Matrim. disp. 46.; Ubi etiam docet, quid requiratur, ut fama probet, & probetur. Dubium est, quot homines ad infamiam requirantur? Docet Sot. cum aliis apud Bonac., quod requirantur decem; Navar. requirit majorem partem populi, vel saltem vicinorum. Avil., & Molin. putant relinquendum id iudicio prudentis viri; quia nihil in jure præscribitur, & cum infamia sit vox multorum, non potest numerus taxari, quia decem in magnis populis sunt pauci, & in modicis multi.

VI. Ex dictis sequitur, non sufficere ad specialem inquisitionem indicia manifesta, præcisa consuetudine in contrarium. Ratio est, quia in jure prærequiritur vel infamia, vel clamorosa insinuatio; ergo indicia manifesta non sufficiunt. Adde, quod indicia certa in iudicio sunt minoris probationis, quam duo, vel tres testes; Innoc. quippe III. in cap. *Accusationis*, *De inquisitionibus* statuit, non posse iudicem inquirere contra non infamatum, etiamsi duo, vel tres testes asserant se vidisse delictum ab homine committi. Ita Navar., & Valent. contra Sâ, Molin., Azor., qui putant etiam unum testem sufficere, ut iudex possit contra aliquem inquirere, atque adeo sufficere etiam indicia certa. Verum Bonac. utramque sententiam conciliat dicendo, ibi hoc permitti, ubi est talis consuetudo, quæ potest derogare juri positivo; Et sic in multis locis est praxis, quod invento cadavere, habitisque indiciis de aliquo, formetur contra illum inquisitio; quia id expedit ad bonum publicum, quod pravelet infamiae personæ particularis, quæ sequitur ex tali inquisitione.

VII. Dico tertio; Ut procedat iudex per Inquisitionem mixtam, requiratur vel infamia, vel clamorosa insinuatio, (ut dictum est de Inquisitione speciali,) vel etiam indicia juxta receptam loci consuetudinem, vel semiplena probatio, & accusatio. Ita Less, Navar., & alii apud Bonac. Ratio est, quia ita videtur famæ personarum, & bono publico expedire. Dicitur autem semiplena probatio dictum unius testis oculati fide dignissimi id deponentis in iudicio cum juramento. Indicia autem certa, & indubitata dicuntur, quæ sufficiunt non solum ad examinandum, sed etiam ad torquendum reum, vel ad deferendum illi juramentum; Delatio enim juramenti quædam tortura est. Talia indicia sunt fuga delinquentis statim post crimen commissum, nisi forte suspectus purget suspicionem comparando statim post citationem: Item gravis inimicitia conjuncta cum aliis indiciis, vel existentia rei furto ablata apud delinquentem, &c. Hæc tamen indicia non sunt satis ad puniendum reum poena ordinaria, quia fieri potest, ut non sit reus: Indicia vero, quæ reputantur levia, sufficiunt solum ad capiendum reum, ne fugiat, non vero ad illum examinandum; Et tale indicium ex Azor., & Sylvest. est dictum socii criminis, quod satis est ad capiendas contra illum informationes, & ad illum capiendum, ne fugiat, non vero ad illum examinandum, & torquendum. Indicia demum, quæ reputantur gravia, sed non indubitata, sufficiunt ad reum capiendum simul, & examinandum, non tamen ad illum torquendum.

Ex dictis sequitur primo, quod si publice constet commissum esse homicidium, possit de illo fieri inquisitio generalis, seu mixta, quænam illud commiserit; non vero specialis contra aliquem, nisi præcedat infamia, vel accu-

accusatio; vel semiplena probatio. Ita Molin., Valent., Reginald. contra Sot. apud Bonac.

Sequitur secundo, idem dicendum de iudice regulari, qui non potest inquirere delicta, nisi in casibus, in quibus potest iudex Ecclesiasticus, & secularis, ut notat Sanch. lib. 6. Confil. cap. 8.; atque adeo si duo, vel tres jurent se vidisse delinquentem, non potest fieri inquisitio specialis, si non precedat infamia, ex cap. *Inquisitionis*, *De accusationibus*, aut nisi aliter ferat consuetudo: Nec est puniendus judicialiter ille delinquens, nisi fraterna correctione præmissa processum sit per denunciationis viam, ut habent expresse Cajet., Navar. ex D. Th. 2. 2. quæst. 33. art. 7. ad 5., quando tamen ex non inquirendo religionis perniciēs, aut aliud damnum notabile non timeretur.

Sequitur tertio, quod in inquisitione mixta generali, quando iudex interrogat de veritate alicujus criminis notorii, cujus auctorem pauci norunt, nemo teneatur veritatem, seu auctorem criminis aperire, nisi præcedat infamia, vel semiplena probatio, vel accusatio de criminis auctore. Ita Bonac., Less. contra Azor., Sylvest., & alios, qui putant teneri auctorem criminis aperire, etiamsi ipse solus noverit.

Sequitur quarto, quod qui suum delictum confessus est, vel de illo est convictus, non possit interrogari de aliis delictis, de quibus non extat contra ipsum infamia, vel certa indicia, nisi cum priori delicto connexionem habeant; quamvis in aliquibus locis contrarium sit usu receptum, ut notat Julius Clarus lib. 5. quæst. 64.

Sequitur quinto, quod quando reus suum crimen confessus est, neque possit interrogari de crimine sociorum, quando illorum crimen est occultum, ex leg. final. ff. de accusatione; nisi ta-

men crimen ejus rationis sit, ut sine alio committi non possit; ut est adulterium, sodomia, &c.; Vel publico bono repugnet, ut sunt crimina læsæ Majestatis, latrocinia, falsa moneta, assassinia, &c.; tunc enim debet interrogari, & tenetur reus revelare complicem occultum, quia præceptum non scandalizandi fortius obligat, quam præceptum non infamandi; in his enim casibus sequeretur scandalum, si remaneret impunitus socius criminis, quando crimen, quod est publicum, fert de se socium: Quamvis Trull. dub. 22. putet id esse verum, quando delictum est valde atrox, itaut si non puniatur, magnum, & certum scandalum sequatur.

VIII. Rogabis. An dentur aliqui casus, in quibus nulla præcedente infamia possit fieri inquisitio vel generalis, vel specialis?

Respondet, dari. Primus est, quando talis inquisitio necessaria est ad præcavendum malum futurum, etiam privatum, præsertim animarum; Verbi gratia, ad impediendum crimen hæresis, læsæ Majestatis, &c. Ratio est, quia bonum animæ præstat bonis famæ, honoris, &c., & melior est conditio innocentis. Unde fit, ut hæreticus, etiam occultus, debeat manifestari. Secundus est, quando non proceditur ad puniendum delictum, sed vel ad celebrandum, verbi gratia, matrimonium, vel ad conferendum beneficium, vel ad eligendum, &c., in quibus casibus reus tenetur vel se prode, vel a tali matrimonio, aut beneficio abstinere. Tertius, quando suspicio communis supplet vicem infamiæ. Quartus est, quando delictum committitur coram ipsis iudicibus; vel si incidenter illud reus confessus est, quia fit tunc notorium notorietate juris, quod sufficit ad specialem inquisitionem; non tamen si confessio facta sit metu tormentorum, & postea

revocetur, quia perinde est ac si facta non fuisset.

IX. Queritur secundo, Quznam sit forma juris servanda a iudice in accusatione, & denunciatione?

Respondeo, iudicem iudice procedere via accusationis, si post accusationem interrogat testes, & postea, habita saltem semiplena probatione, procedit ad interrogandum reum. Ita communiter; quamvis Clavis regia, & alii putent sufficere ad reum interrogandum indicia manifesta. Ubi notandum, quod si crimen probatum est per duos, vel tres testes omni exceptione majores, iudex procedere potest non solum ad examinandum, sed etiam ad condemnandum reum; Si vero per unum tantum testem crimen probatum est, procedere solum potest ad reum examinandum, & torquendum; idque verum est, etiam si iudex non procedat via accusationis proprie dictæ, sed per querelam, vel per denunciationem juridicam; quæ scilicet sit coram iudice in ordine ad punitionem Rei, non vero per denunciationem Evangelicam, quæ sit Superiori tanquam Patri in ordine ad correctionem delinquentis.

X. Dubium tamen est; An licita sit talis praxis procedendi propter meram querelam, vel denunciationem ad capiendas informationes, & indicia, quibus habitis, formetur specialis inquisitio?

Sot., Navar., & alii illam damnant, quia qui sine prævia infamia inquit, præbet occasionem detrahendi, seu infamandi delinquentem nondum laborantem infamia, quod est contra jus naturale, & divinum. Verum Less. l. 2. cap. 28. Azor., alique illam permittunt, dummodo fiat in gravibus causis, & quando necesse est ob Republicæ utilitatem. Ratio est, tum quia si id non permitteretur, multa crimina remanerent impunita; tum etiam

quia jure tantum humano introductum est, ut non fiat specialis inquisitio sine prævia auctoris infamia, ex cap. *Accusationis, de Inquisitionibus*; Jus autem humanum per contrariam consuetudinem aboleri potest.

## ARTICULUS II.

De Jurisdictione in iudice requisita.

I. *Requiruntur Jurisdictio in iudice, ut valide sententiam ferat, sive ea sit ordinaria, sive delegata, sive Arbitraria, sive Accessoria.*

II. *Judices seculares num possunt vi consuetudinis immemorabilis aliquam sententiam ferre adversus Ecclesiasticos?*

III. *In pluribus casibus permittitur iudicibus laicis de Clericis cognoscere.*

IV. *Qui patrato delicto, assumpsit habitum Clericalem, aut Religiosum, potestine a iudice laico puniri?*

V. *Clerici turbantes Rempublicam possunt a iudice laico reprimi, cap. & illico Superiori Ecclesiastico tradi, ut puniantur.*

I. **Q**ueritur primo, An, & quæ jurisdictione requiratur in iudice in ferenda sententia?

Respondeo, certum, esse requiri ad sententiæ validitatem in iudice potestatem, seu jurisdictionem. Sententia enim, seu iudicium est quædam lex particularis; lex autem non potest valide ferri a non habente jurisdictionem. Quando autem aliquis ex errore communi cum titulo colorato putatur verus iudex, tunc etiam jurisdictionem veram habet, ut dicemus in de Pœnitentia; quia Superior in bonum commune confert in tali casu iudici putato veram jurisdictionem, ex leg. *Barbarius*; quod etiam nulli probabiliter docent verum esse, ubi datur opinio de jurisdictione in iudice.

ce, aut error communis sine titulo colorato.

Præterea quælibet jurisdictio satis est ad reddendum iudicem competentem, & ad sententiæ validitatem, sive ea ordinaria sit, sive delegata, sive arbitraria, sive accessoria. Est autem potestas, seu jurisdictio ordinaria, quæ alicui competit ratione sui officii, quia scilicet ex iure, vel ex consuetudine, aut ex præscriptione tali officio competit: Hanc habet Papa, & Episcopus respectu suorum subditorum in rebus ad animæ salutem pertinentibus: necnon Vicarius Generalis Episcopi vivente Episcopo. Delegata est illa, quæ alicui competit ex concessione illius, qui ordinariam habet potestatem. Arbitraria est illa, quæ alicui competit ex communi consensu partium litigantium; ut si quis a collitigantibus vel eligatur in Arbitrum, qui amicablem componat litem, vel eligatur in iudicem, qui iuxta ordinem juris sententiam ferat. Accessoria demum est illa, quæ alicui aliunde accedit, verbi gratia ratione delicti in proprio territorio commissi a non subditis, ex leg. *ultima*, ff. de *Accusationibus*. Et eadem ratio est, si quis injuriam irrogavit subdito alterius superioris; Si enim Superior ejus, qui injuriam fecit, interpellatus omittit injuriam vindicare, poterit id facere superior ejus, qui injuriam accepit.

Hinc inferitur primo, invalide judicare, qui absque aliqua ex dictis potestatibus judicat: Et qui alienam potestatem usurparet, mortaliter peccaret; immo teneretur ad restitutionem damni securi, qui usurpatione judicii peccaret contra iustitiam.

II. Inferitur secundo, mortaliter peccare iudices sæculares judicando aut de personis Ecclesiasticis, aut de rebus spiritualibus. Immo incurrunt excommunicationem in Bulla Cœnæ; cum Trident. sess. 23. cap. 20. eximat Ec-

clesiasticos ab eorum jurisdictione: Nec possunt tali privilegio Ecclesiastici cedere, quia hoc non est privilegium personale, sed toti communitati Ecclesiasticæ indultum. Quare, ut notat Sanch. apud Trull., si pecora Clerici damnum inferant pascuis alienis, iudex secularis non potest ea capere, sed ad summum punire potest pastores sæculares propter malam custodiam, ut solvant pœnas, & damna. Quamvis in hac re attendenda potius sit legitima, & approbata consuetudo; quia in consuetudine immemorabili præsumitur privilegium, nec laici videntur incapaces privilegii iudicandi de Ecclesiasticis ex consensu Pontificis, ut docent Bonac. hic §. 3. cum Suar.: Sed veris Azor., & alii docent, quod omnis hujusmodi consuetudo sub lata sit per Bullam Cœnæ in Excommunicatione decima quinta.

III. Possunt autem in sequentibus casibus iudices laici de Clericis cognoscere. Primo, si Clericus sit degradatus, & brachio seculari traditus. Secundo, in casu reconventionis civilis; si enim Clericus laicum convenit apud iudicem sæcularem, potest apud talem iudicem reconveniri in causa tantum civili; (si scilicet putet laicus aliquam actionem habere contra eundem Clericum in causa civili.) Unde Clericus tenetur stare sententiæ talis iudicis, ex cap. 1. & 2. de *monitis petitionibus*: Quamvis non possit cogi ab eodem iudice, ut stet tali sententiæ. Tertio, ex Trident. sess. 23. cap. 6. Clericus prima tonsura, aut etiam minoribus ordinibus insignitus amittit privilegium fori, nisi beneficium habeat, aut habitum, & tonsuram deferens alicui Ecclesiæ ex mandato Episcopi inserviat; Vel in Seminario Clericorum, aut in aliqua schola, vel universitate quasi in via ad majores Ordines de licentia Episcopi versetur. Quarto, si Clericus fiat

fiat bigamus, vel bigamia vera, ducendo successive duas uxores, vel interpretativa, ducendo viduam, ex cap. unico *De bigamis* in 6. Quinto, in causa feudi; Clericus enim in iis, quæ pertinent ad feudum, subicitur domino feudi, quamvis seculari, ex cap. *Verum, de foro competentis*: Unde fit, Clericum teneri stare juramento fidelitatis præstito domino directo feudi. Sexto, si quis patrato delicto in fraudem assumpsit habitum clericalem; fraus enim nulli debet patrocinari. Putat tamen Bonac. contra communem, quod non dicatur assumere in fraudem, qui patrato delicto assumit habitum clericalem animo simul interveniendi Deo, & subtrahendi se a potestate seculari; sed solum si id faciat animo vitandi forum; Censetur autem suscipere habitum clericalem ad vitandum forum, qui statim patrato delicto, aut postquam fuerit diffamatus, habitum clericalem assumpsit. Immo ex Bulla Sixti V. Religiosus, qui patrato delicto assumpsit habitum religionis, nec gaudet privilegio fori, si ad religionem admittatur non adhibita a superioribus inquisitione præscripta, an videlicet aliquod delictum commiserit? An ære alieno sit gravatus?

IV. Sed notat Bonac. num. 18., quod qui patrato delicto in fraudem fori secularis assumpsit habitum vel clericalem, vel religiosum, possit quidem puniri a iudice laico pœna pecuniaria, non tamen corporali; quia per susceptionem habitus effectus est de sorte, & hæreditate Christi Domini; Nam Clericus idem sonat, ac in sortem Domini vocatus; Unde par non est, quod corporaliter potestati seculari subiciatur.

V. Demum possunt a iudicibus secularibus Clerici Rempubicam turbare, vel homicidium committere intentantes reprimi, & capi, ut a malo

cessent, & suo legitimo iudici tradantur. Possunt etiam similiter capi in flagranti crimine, si periculum est, quod fugam arripiant; Immo ex Farinac. possunt spoliari armis, quæ Principum edictis deferri prohibentur, & tradi Ecclesiastico iudici, ut puniantur: Quod tamen negat Decian. apud Bonac., tum quia Clerici non tenentur vi coactiva legibus Principum secularium, tum quia delictum hoc non est adeo grave, ut debeat ob illud Clericus laicæ subijci potestati.

### ARTICULUS III.

#### De Iudice in ferenda sententia.

- I. *Iudici non licet in ferenda sententia sequi opinionem minus probabilem, omissa probabiliore. Cur id liceat Confessariis?*
- II. *In causis civilibus, in quibus opiniones circa ius sunt aequæ probabiles, universim potest iudex causam adjudicare, cui mavult, favendo tamen Reo, prout fieri potest. At si opiniones sunt aequæ probabiles circa factum, debes dividi res, ac pretium rei.*
- III. *In causis vero criminalibus, quando opiniones circa factum sunt aequæ probabiles, sequenda est opinio magis favens Reo.*
- IV. *Iudex inferior nequit damnare Reum, si solum privata scientia sciat illum esse reum. Potest tamen debitorem huiusmodi cogere ad solvendum.*
- V. *Iudex supremus regulariter non potest Reum condemnare, nisi citatum, & auditum.*
- VI. *Num possit iudex damnare iudice Reum, si privata scientia sciat illum esse innocentem? Probabilius id non licet in causis capitalibus, sed solum in civilibus, ac levius momenti.*

VII.

VII. *Quanam munera accipi possunt a Iudice, preciso iuramento de non acceptandis muneribus a partibus, & precipsis legibus id vetantibus?*

VIII. *Pretium acceptum pro ferenda sententia iniusta, post illam non est restituendum; sicut restitui debet pretium pro ferenda sententia iusta.*

IX. *Leges positiva vetantes munerum acceptionem non allicientium ad iniustitiam probabiliter non obligant sub mortali; secluso iuramento quod a Iudicibus presteitur de iis non acceptandis.*

X. *Dari possunt Iudici munera ad vexationem iniustam redimendam. Sed non est de facili credendum, quod ea intercedat; nec quid propter munera diligentius merita causa ille sit discensurus.*

I. **Q**Uæritur primo; An possit Iudex in iudicando sequi opinionem probabilem, omitta probabiliore, & tutiore?

Respondeo, damnatam esse ab Innoc. XI. propos. 2.<sup>a</sup> quæ dicit: *Probabiliter existimo, Iudicem posse iudicare juxta opinionem etiam minus probabilem.* Et ratio est, quia a Republica constituitur, ut unicuique tribuat jus suum juxta merita causæ; Illa autem pars, pro qua stat opinio probabilior, habet majora merita causæ, & majus jus; ergo pro illa iudicandum; alioquin Iudex erit acceptor personarum.

Neque dieas, licitum esse Confessario, qui est Iudex in foro interno, iudicare secundum opinionem minus probabilem, etiamsi agatur de damno alterius, puta de restitutione facienda; ergo etiam id licebit Iudici in foro externo.

Nam concessio antecedente, negatur consequentia. Disparitas est, quia in foro externo iudicare debet inter partes juxta uniuscujusque merita; at

*Pars II.*

in foro interno confessarius iudicat inter Deum, & hominem, ut homo præstet Deo debitam satisfactionem; hanc autem præstare potest sequendo opinionem probabilem relicta probabiliore.

II. Notandum hic, quod in causis civilibus si opiniones sint æque probabiles ex parte juris, potest Iudex sequi, quam maluerit, & cessante scandalo potest modo unam, modo alteram sequi. Ratio est, quia cum utraque sit probabilis, prudenter agit, quamcumque sequatur: Quamvis si una sit benignior altera, & magis favens Reo, illa sequenda sit; Sicut etiam si favcat iuramento, matrimonio, viduz, pauperibus, operi pio; aut si defendat valorem actus, etiamsi in præjudicium Rei, ut notat Navar. Quod si in iisdem causis civilibus opiniones sint æque probabiles ex parte facti, (quatenus scilicet utraque pars probat causam suam testibus, & scripturis æque idoneis) debet Iudex componere partes inter se, dividendo rem, aut pretium rei, si hæc sit indivisibilis. Ratio est, quia cum probationes litigantium sint æquales, æqualia pariter sunt ipsorum jura in rem, atque adeo Iudex debet illam dividere.

III. In causis autem criminalibus, quando opiniones etiam ex parte facti sunt æque probabiles, amplectenda est opinio magis favens Reo, ut communiter Doctores docent. Ratio est, quia in criminalibus accusator, vel fiscus se habet ut aggressor, & reus ut aggressus, ac se defendens; Omnia autem jura dicant aggressori, & se defendenti favendum potius esse, quam aggressori. Quamvis Bonac. punct. 9. num. 15. apud Trull. putet non esse improbabile, quod in opinione æque probabili, sive ex parte juris, sive ex parte facti, possit Iudex sequi sententiam, quam

B b ma-

maluerit tam in causis civilibus, quam in criminalibus, nisi aliter ferat consuetudo; vel decreta. Damniatur tamen ab Alex. VII. propos. 26. dicens: *Quando litigantes habent pro se opiniones aequae probabiles, potest iudex pecuniam accipere pro ferenda sententia in favorem unius praeter alio.*

IV. Quaeritur secundo, An iudex damnare possit reum non auditum; aut quem ex privata scientia cognoscit esse reum, si iudice sit innocens?

Respondeo, & dico primo; Iudex inferior non potest condemnare reum, qui non sit citatus, & auditus cum omni iudicii solemnitate, nec illum, quem ex sola privata scientia habet reum. Ratio est, quia tenetur parere iuri naturali, & legibus communibus ad ordinem juris pertinentibus; Quare si secus faceret, peccaret contra iustitiam, & teneretur ad restitutionem. Scimus autem Deum ipsum non protulisse sententiam contra Adamum, nisi prius vocatum, auditum, & defensum. Notat tamen Dian. part. 2. tract. 5. resol. 98., quod si agatur non de puniendo, sed de avertendo malo in posterum imminente aut Reipublicae, aut innocenti, possit iudex ex privata scientia jubere, ut auctor interficiatur, si alia via non suppetit; quia tunc non agit ut iudex ex auctoritate publica, sed ut privatus, se, aut rem sibi commissam defendens, occidendo aggressorem cum moderamine inculpatae tutelae.

Oppones: Potest iudex cogere ad restituendum, quem privata tantum notitia cognoscit debitorem; ergo etiam damnare, quem privata tantum notitia cognoscit reum.

Respondeo, nego consequentiam. Ratio est, quia sicut potest creditor uti compensatione, & tertius aliquis conatum, & operam suam praestare, ut creditori debita satisfactio exhibetur; ita potest iudex ad id suam

auctoritatem interponere, non vero ad damnandum reum auctoritate publica. Immo, ut notat Bonac. quaest. 2. punct. 2. neque potest iudex praeter solutionem debiti damnare debitorem ad aliam penam pecuniariam ex privata scientia; quia pena non imponitur, nisi crimine probato.

V. Dico secundo; neque iudex supremus potest ordinarie ex privata scientia aliquem condemnare; nec nisi citatum, & auditum. Ratio est, quia non censetur Respublica suam potestatem in principem transulisse, nisi eo modo, ut ius gentium servet; & prout utile est ad bonum regimen. In aliquo tamen raro casu ex Covar. posset id facere: Verbi gratia si quis Reginae vim intulisset, & solus Rex id cognoscat, aut si conjuratio fieret in principem, nec expediret resciri personas, posset illas veneno, aut alia via interficere; quia in tali casu videtur Respublica consentire.

Eodem modo potest in quibusdam casibus reum non citatum, nec auditum damnare: Primo, ut notat Bonac. loc. cit., si crimen sit publicum, & ut addit Sanch., certo constet nullam defensionem esse reo. Ratio est, quia citatio interponi debet, ut reus se defendat; quare si constat nullam esse defensionem, frustranea esset citatio. Proinde saepe larrones in crimine reperti statim suspenduntur sine processu, quia factum publicum est loco accusatoris, & testium.

Secundo, si quis contra Rempublicam, vel alios privatos perniciem machinetur, & sit periculum in mora. Ratio est, quia hoc non esset punire delictum, sed se defendere, & impedire damnum imminuens.

Tertio, si crimen notum sit Principi, & tribus alijs, sed sine gravi incommodo non possit iudice probari, posset interfici reus occulte, ut notat Less. apud Trull.

VI. Dubium est; An vice versa possit iudex damnare reum iudice probatam, si ex privata scientia cognoscat illum esse innocentem?

Respondeo, D. Th. 2. 2. quæst. 67. art. 2., Sanch. lib. 6., Confil. cap. 1. dub. 17., alioque apud Tambur., & Bonac. loc. cit. affirmare. Ratio est, quia judicare pertinet ad personam publicam; ergo iudex in iudicando sequi debet notitiam publicam, non privatam, quando non potest effugere, quin iudicet. Verum communius cum Scotistis, & Less. lib. 2. cap. 29. num. 84. docent in causis gravibus id non licere, etiamsi deberet ceteroqui iudex & officium, & vitam ipsam amittere. Ratio est, quia occidere innocentem est intrinsece malum. In causis autem levibus id permittunt, videlicet in causis civilibus, aut in poena modici momenti. Ratio est, quia cum frequenter hi casus accidant, ne juris ordo pervertatur, & ne detur occasio iudicibus, ut etiam reos liberent prætextu, quod cognoscant illos esse innocentes, publicum bonum id exposcit. Et disparitas ulterior est manifesta, quare scilicet id liceat in causis levibus, non in gravibus; quia iudex, & Respublica non habent potestatem in vitam innocentis, habent vero potestatem in bona externa, & facultates civium; itaut possint propter bonum publicum eas uni auferre, & dare alteri; Præsertim quia in tali casu adhuc innocens habet jus utendi deinde occulta compensatione contra illum, cui propriæ facultates per sententiam iudicis translatae sunt, cum sententia iniusta non obliget.

VII. Quæritur tertio, Utrum iudex possit pro ferenda sententia in favorem unius partis accipere munera, quæ dari solent ad ejus animum movendum?

Respondeo; Petrum Navar., alio-

que apud Dicastil., & Tambur. lib. 9. cap. 2. permittere, quod iudex accipiat munera a partibus, si ea donentur titulo amicitiae, vel alio titulo; non tamen si ea dentur ad animum movendum; Quod tamen Dicastil. reprobatur, quia Eccles. 20. dicitur, *Xenia, & dona excacant oculos iudicum*. Sed probabilius Tambur. docet, quod præscindendo a juramento, quod emittunt iudices de non admittendis muneribus, & præscindendo a legibus positivis id vetantibus, si munera accipiantur a iudice, itaut non sit periculum proximum, quod ab iis ad injustitiam moveatur, possit ea accipere sine obligatione restitutionis; & talia solent esse esculenta, quæ paucis diebus consumuntur, & res parvi momenti; Si vero adsit tale proximum periculum, illicite accipiuntur; immo ante causam expeditam restitui debent, cum debeat iudex removere periculum suæ subversionis; (nisi forte consilio- ne, jejuniis, & elemosyna ita se muniat, ut a proximo periculo peccandi sit immunis) Causa vero expedita, potest ea retinere, quia gratis data sunt, nec restitui debent ratione periculi subversionis, quia finita causa non est amplius locus tali periculo.

VIII. Pretium autem datum pro ferenda iniusta sententia, quamvis ante illam restitui debeat, at non post illam, ut alias diximus; et si pretium acceptum pro iusta sententia ferenda restitui debeat etiam post illam.

IX. Notat idem Tambur., quod iudices seculares, si contra leges positivas juris communis accipiant munera, quibus non alliciantur ad injustitiam, (quod tamen raro contingit,) probabiliter non teneantur ad restitutionem, antequam damnentur ad illam; Immo probabiliter nec peccent mortaliter, præscindendo a juramento, quod emisissent; Nonnulli enim probabiliter cum Navar., & Valenz. pu-



tant leges seculares, saltem de facto, ad mortale non obstringere, nisi id expresse declarent; Immo addit, idem dicendum probabiliter de iudiciis Ecclesiasticis, quia Sacri Canones ventantes, ne munera accipiantur a iudicibus, nisi forte esculenta & poculenta, aut quæ ex mera liberalitate offeruntur, & paucis diebus consumi possunt, non utuntur alio verbo, quam *Mandamus*, quod non ostendit obligationem ad mortalem culpam, ex Cajet., Azor., Sà.

X. Dubium est, An dantes munera iudicibus peccent?

Respondeo, non peccare, si dent ea, quæ licite potest iudex accipere; immo nec peccare, si dent ea, quæ illicite accipiuntur, modo dentur, & offerantur ad redimendam vexationem injustam. Cavendum tamen, ne litigantes facile credant vexationem injustam intercedere, vel quod iudex facilius expediat causas, ob quas munera accipit. Ubi notandum, iudicum famulos peccare, si aliquibus facilem aditum ad iudicem præbeant propter munera accepta, injuste alios excludendo; quia non sine injustitia id faciunt: Licebit tamen etiam iisdem munera dare ad vexationem redimendam; Quamvis qui ad redimendam vexationem munera accipiunt, peccent, & teneantur ad restitutionem; quia inivitis absolute dominis ea accipiuntur.

## ARTICULUS IV.

### De Accusatore.

I. *Accusatio differt a denunciatione iuridica, eo quod hac fieri possit solis verbis sine aliis solemnitatibus propriis accusationis; Nec tenetur denunciator crimen probare, & poenam talionis subire; Differt etiam a denunciatione paterna, quia hac ordinatur ad emendationem, non*

*ad punitionem Rei. Quanam dicatur denunciatio Canonica?*

II. *Denunciatio paterna in foro Ecclesiastico transire potest in iudiciale. Ad paternam denunciationem præcedere debet fraterna correctio, non ad accusationem.*

III. *Licetum est accusare, vel iudicialiter denunciare reum propter injurias nobis irrogatas, & propter quodcumque crimen, licet occultum.*

IV. *Num pramissi debeat accusationi correctio fraterna? Num condonare offensas sit solum consilium, itaut licite possimus reum accusare, non ex odio erga illum, sed ex amore iustitiae?*

V. *Raro in praxi peccatur, si ob offensas occultas nobis irrogatas reum accusamus, si odium omnino absit.*

VI. *Qui omittit accusationem, vel denunciationem debitam ex charitate, peccat; sed non tenetur ad restitutionem, nisi ad illam teneatur ex iustitia.*

VII. *Plurimi sunt, qui ab accusando repelluntur.*

VIII. *In nonnullis casibus non licet reum accusare, etiam posito Superioris precepto.*

I. **A**ccusatio est Delatio criminis libello facta ad vindictam publicam; itaut scribatur nomen accusatoris, & accusati, species delicti, tempus, & locus, ac demum accusator obfiget se ad poenam talionis, si non probet crimen, quod defert: Quamvis hoc poletremum non sit amplius in usu, ut videre est apud Farinac. quæst. 16., qui late ostendit, quomodo, & quando calumniator sit puniendus. Differt itaque accusatio a Denunciatione iuridica, quod hæc potest fieri solis verbis, & sine dictis solemnitatibus; nec tenetur denunciator probare crimen, & subire poenam talionis. Differt etiam a Denunciatione

pa-

paterna, quia hæc non ordinatur ad punitionem, sicut denunciatio judicialis, sed solum ad emendationem fratris. Quod si quis superiori deferat crimen, ut pro suo munere faciat, quod judicabit expediens, sive solum corrigendo, sive puniendo delinquentem, talis denunciatio dicitur proprie canonica.

II. Notat hic Azor. part. 3. lib. 13. cap. 19. quod denunciatio paterna in foro Ecclesiastico transire possit in judicalem; Si enim reus post paternam denunciationem non corrigatur, tunc denunciatur Prælato tanquam Judici, qui procedere incipit contra illum per inquisitionem, & excommunicando, nisi intra tempus determinatum destiterit. Notat etiam idem Azor. loc. cit. contra alios, quod correctio fraterna præmitti debeat ex præcepto Christi Domini solum denunciationi paternæ, non vero accusationi, quia illa ordinatur ad emendationem, hæc vero ad punitionem; unde etiam emendatus potest accusari, non tamen paterne denunciari.

III. Quæritur nunc primo, An liceat possimus accusare, vel saltem judicialiter denunciare reum propter quancumque injuriam nobis factam, licet illa probari non possit?

Respondeo, ex genere licitam esse accusationem, si modo debito fiat, quia est actus virtutis justitiæ; unde si quis accuset non ex odio, aut animo vindictæ, sed amore justitiæ, & ut scelerati timore pœnæ cohibeantur, actum virtutis exercet.

IV. Quamvis autem ex divina institutione dicamus in Oratione dominica, *Dimitte nobis debita nostra, sicut & nos dimittimus debitoribus nostris*; hoc tamen non est præceptum dimittendi injurias nobis factas, sed consilium, quia facillimum est, ut qui injurias sibi irrogatas non vult dimittere, eas non dimittat ex odio erga of-

fensore, non vero ex amore justitiæ. Debet autem debito modo fieri accusatio, ut sit licita; nam ex Evangelio præmitti debet correctio fraterna, præcipiente Domino, *Si peccaveris in te, &c.*, quamvis, ut notavimus, Azor. putet correctionem præmittendam esse solum denunciationi paternæ, non accusationi. Sed Fagund. lib. 8. in Decalog. cap. 47. docet, quod licet delictum sit omnino occultum, adhuc teneamur accusationi præmittere monitionem fraternam, quando est spes emendationis; non tamen si delictum probari possit in judicio; etenim qui ita publice deliquit, dedit unicuique jus, ut accusaretur; & nimis durum videtur obligare ad præmittendam correctionem accusationi eum, qui atrocijuria est affectus. Lug. autem apud Tambur. hic cap. 2. §. 4. cum Suar., Molin., Filliuc. putat probabilius esse, quod crimen occultum possit etiam denunciari absque malitia detractionis, quia præponderat famæ illius bonum publicum, contra quod esset, si homines scelcrati persuaderent sibi posse peccare absque metu pœnæ, quamdiu delicta non sunt divulgata.

V. Demum Tambur. putat, raro in praxi peccari, si occultissima crimina judici deferantur ab iis, qui injuriæ passi sunt, vel ad quos injuria pertinet, ut sunt pater, frater, &c., modo absit omnino odium, aut desiderium injustæ vindictæ. Ratio est, quia fere nunquam habetur spes emendationis in criminibus, quæ adeo occulte committuntur; Et ad bonum publicum pertinet, ut corrigantur, & puniantur. Favet huic doctrinæ praxis, quam approbat Less. lib. 2. cap. 29. num. 131. contra Navar., per quam iudices sæculares nulla præcedente infamia ex simplici delatione alicujus procedunt ad specialem inquisitionem contra aliquam personam.

VI. Quæ-

VI. Queritur secundo, An peccet, & ad restitutionem teneatur, qui delinquentem non accusat?

Respondeo cum communi apud Busemb., raro homines teneri ad accusandum, ut constat ex praxi timoratorum. Vetus peccat mortaliter contra charitatem, qui non accusat, vel saltem denunciatur delictum, quod vergit in damnum publicum, aut privatum. Ratio est, quia quilibet tenetur sub gravi peccato succurrere proximo graviter indigenti, quando potest sine tuo gravi incommodo; Nam Eccles. 17. dicitur, *Unicuique mandavit Deus de proximo suo*. Non tenetur tamen ad restitutionem, qui accusationem debitam omittit, nisi quando ex iustitia tenetur accusare, ut custos, non vero quando tenetur solum ex charitate.

VII. Queritur tertio, Quinam in iudicio repellantur ab accusando?

Respondeo cum Bonac., Less., & Farinac. repelli excommunicatos, publicos concubinos, usurarios, & quoscunque iure infames, excepto casu hæresis, proditoris, & criminis læsæ Majestatis; tunc enim quilibet admittitur; Sicut etiam si quis suam, vel suorum injuriam prosequatur, ex leg. *Hi tamen omnes, ff. de Accusatione*. Secundo, repelluntur ob decentiam subditi, filii, servi relate ad suos Prælatos, parentes, dominos; nisi contrarium exposcat bonum commune. Tertio, Clerici ratione decentiæ status non possunt laicos in causa sanguinis accusare; excepto casu hæresis, criminis læsæ Majestatis, & aliis, quæ respiciunt bonum aut publicum, aut proprium, aut innocentis; & præmissa protestatione, quod non intendatur vindicta sanguinis, sed bonum commune vel proprium, vel proximi. Quarto, excluditur inimicus capitalis, quia facile calumniator potius est, quam accusator. Quinto ex Follet. apud Trull., non possunt laici accusare Sa-

cerdotes, nisi hæreticos, sacrilegos, simoniacos, bonorum Ecclesiæ dilapidatores, &c.; Nec admittitur ad accusandum femina, nec secularis, aut Clericus contra Regulares, cum sint diverſi fori.

VIII. Queritur ultimo, In quibus nam casibus nemo potest accusare, etiam posito Superioris præcepto?

Respondeo, Primo, si delinquens sit emendatus, nec subest periculo proximo relabendi, & parti læsæ satisfecerit, nec aliis imminet periculum. Secundo, si crimen sub secreto naturali quis noverit, ut consultor, advocatus, &c.; nisi tamen qui secretum commisit, Republicam, vel innocentem vexaret, nec vellet desistere. Tertio, si crimen probare cogeretur, nec posset. Quarto, si imminet periculum honoris, vitæ, vel rerum suarum; non enim cum tanto incommodo parere tenemur legi humanæ. Quinto, si crimen est occultum, unde ex delatione solum infamia proximi sequeretur sine causa; ut notat Busemb.

## ARTICULUS V.

### De Testibus, & Notariis.

- I. *Quinam testes requirantur, & sufficiant, ut possit Reus damnari? Quinam vero iure Canonico, quinam iure civili inhabiles sunt ad testandum?*
- II. *Nemo tenetur testari, nisi a charitate, aut a præcepto Superioris ad testandum adigatur. Num tenetur ad restitutionem, qui contra præceptum Superioris tenetur testari?*
- III. *In quibus casibus non datur obligatio testandi, etiam posito præcepto Superioris?*
- IV. *Non tenemur, sed possumus offerre nosmet ad testandum ad vitam innocentis salvandam, quamvis inde sequatur mors delinquentis.*

V. Te.

V. Tenetur retrahere testimonium falsum etiam cum periculo vite, qui ob illud est in causa, ut alius mortui damnetur.

VI. Qui pecuniam accipit, ut verum testetur, non tenetur illam restituere; sed ante perjuratum crimen tenetur illam restituere, si acceperit ad deponendum falsum; post crimen vero tenetur compensare damnum illatum.

VII. Num tenetur testificari posito iudicis precepto, qui novit crimen ab Accusatore, aut a Teste?

VIII. Si iudex legitime interroget, nequis testis equivocare; Secus vero si non procedat legitime; Et aliquando ad hanc equivocationem tenetur.

IX. Si testis sibi contradicat in eodem examine, standum est posteriori dicto; secus vero si sibi contradicat in diversis examinibus.

X. Si Notarius aliquid scripserit, & testis iuret se illud non dixisse, credendum est potius Notario.

I. **C**ertum est, neminem damnari posse, nisi vel ipse crimen confiteatur, vel in flagranti crimine deprehendatur a iudice cum tribus, vel quatuor aliis, vel duo testes omni exceptione majores testentur cum juramento, se sensu externo crimen percipisse, & sint contestes.

Testes autem, qui a jure excipiuntur, sunt, Primo, in causis criminalibus Mulieres jure canonico propter sexus fragilitatem; jure vero civili solum in testamento repelluntur. Secundo, in causis criminalibus, qui est minor viginti annis; quamvis in civilibus admittatur puer. Tertio, inimicus capitalis, consanguinei, domesticus actoris in causa ipsius actoris. Quarto, infames jure, vel facto, perjuri, & viles, ac inopes propter suspicionem, quod pecunia corrupti falsum deponant. Quinto, loci criminis,

excepto crimine hæresis, sodomiz, maleficii, falsificationis monetæ, &c.

II. Queritur nunc primo: An, & quando teneatur quis testari?

Respondeo, & dico primo, nemo tenetur testari, nisi charitas id exigit ad avertendum grave damnum proximi, vel iudex, aut superior habens potestatem id præcipiat. Quod si tale præceptum legitimum iudicis transgrediaris, & nolis testari in præjudicium alterius, communior sententia apud Bonac. hic docet, quod tenearis ad restitutionem, quia posito præcepto iudicis facis injuriam non testando; nam testis per mandatum iudicis applicatur parti, ac proinde pars tunc habet, jus ad tale testimonium; Probabiliter tamen ex Sayro, Lessi, Molini, Sanch. apud Trull. dub. 10. ad restitutionem non teneris, quia præceptum superioris non imponit obligationem iustitiæ, sed obedientiæ ad testandum; teneris certe ad restitutionem, si falsum testareris culpabiliter in præjudicium alterius; quia esses causa ethicax, & injusta damni proximi.

III. Dico secundo; posito præcepto Superioris legitime interrogantis, non teneris testari, quæ accepisti sub sigillo, nisi forte ad avertendum grave malum Reipublicæ, vel innocentis, etiam si juraveris, te id nulli dicturum; Nec teneris testari, quando tibi grave damnum imminet, nisi damnum publicum, vel alterius prævaleat; Unde non teneris contra consanguineos, & affines testari, nec quæ a viris non satis fide dignis accepisti; Proinde poteris in tali casu negare te aliquid scire: Nec testari teneris quæ per injuriam cognovisti, ut aperiendum literas, &c.; nec si alter probabiliter in eo facto non peccavit, vel propter invincibilem ignorantiam, vel quia aliquid in compensationem accepit, unde de furto sit accusatus, ut notat Bunsen.

femb. hic ex Azor. , Filliuc. , Laym. , & aliis.

IV. Dico tertio cum Bonac. Quilibet potest se offerre ad testandum ad salvandam vitam innocentis , etiamsi inde reus sit damnandus ad mortem . Idque verum est ex Less. cap. 9. dub. 12. , etiamsi innocens nollit defendi , quia non est dominus suæ vitæ ; unde non potest jus defensionis alteri adimere . Non tenemur tamen offerre nosmetipsos ad sic testandum ; quia nemo tenetur tueri vitam propriam , & a fortiori nec alienam cum morte alterius . Si tamen innocens vult defendi , etiamsi mors nocentis sequatur , putat Bonac. , quod nos teneamur ad testandum ; quia melior debet esse conditio innocentis , quam nocentis . Verum ad salvanda bona externa innocentis , licet non teneamur offerre nos ad testandum , si inde mors nocentis sequatur , tenemur tamen respondere , si juridice interrogemur .

V. Dico quarto . Qui falsum culpabiliter testatus est , itaut ob tale testimonium innocens ad mortem damnetur , tenetur retractare suum delictum etiam cum periculo similis pœnæ incurrendæ , si credit se profuturum per retractationem . Ratio est , quia in æquali damno potior est habenda ratio innocentis .

VI. Dico quinto . Testis , qui pecuniam pro vero testimonio ferendo accepit , non tenetur illam restituere ; quia non tenetur ex iustitia ad testandum , sed solum ex charitate , vel ex obedientia ; at si pecuniam acceperit pro falso testimonio ferendo , debet illam ante factum restituere ; post factum vero non tenetur , sed solum tenetur damnum alteri illatum compensare .

VII. Dico sexto . Si delictum sciatur solum ab accusatore , & teste , non tenetur hic testificari ; Immo Vp- racrux apud Trull. putat hunc teneri

sub mortali dicere se nihil scire ; quia ad hoc ut testis crimen teneatur , aut possit fateri , debet præcedere infamia , vel semiplena probatio , vel indicia contra reum . Multi tamen apud Dian. part. 2. tract. 3. resol. 100. probabilius tenent , testem in hoc casu obligari ad testificandum , quia iudex habet jus ad interrogandum .

VIII. Dico ultimo . Non licet testi cum juramento æquivocare , si legitime a iudice interrogetur . Ratio est , quia ob bonum publicum tenetur parere ; Si tamen iudex non procedat legitime , licitum est æquivocare , ut communiter docent apud Tambur. lib. 3. cap. 4. Unde si interrogetur testis de crimine occulto , vel quod non tenetur testificari , eo quod , verbi gratia , notabile damnum sequeretur , potest jurare se rem nescire ; sic enim non utitur restrictione pure mentali , sed respondet ad mentem boni , & iusti iudicis . Hinc non solum Clericus , sed etiam alii coram seculari iudice possunt cum æquivocatione jurare Clericum reum non deliquisse ; & qui licite aliqua bona abscondit ad vitam sustentandam , non solum ipse , sed etiam alii , quibus id constat , possunt cum æquivocatione jurando testari ipsum nihil abscondisse . Additque Sanch. lib. 3. cap. 6. , aliquando testem ad talem æquivocationem teneri ; nam si iudici peccatum omnino occultum alterius prius manifestavit , deinde tenetur cum juramento testificari reum non commisisse tale delictum , ( ita scilicet ut iudicio externo subsit , ) quando sperat ex tali retractatione reparandum damnum injuste illatum per manifestationem criminis occulti . Quæ omnia fufè explicavimus in Trutina exponendo theses 26. & 27. ab Innoc. XI. proscriptas de Amphibologiis .

IX. Quæritur secundo ; Utrum standum sit primo , an secundo dicto testis

his contraria dicentis in iudicio in diversis actibus, & examinationibus?

Respondeo, quod si testis statim in eodem examine se retractet, standum est posteriori dicto; si vero in diversis examinationibus se retractet, standum est priori dicto; dummodo aliud non dicat in articulo mortis coram iudice cum iuramento; tunc enim presumitur dicere verum, ex leg. *Ultima*, Cod. *Ad legem Juliam*. Ita Bonac.; Quamvis Sayr. apud Trull. putet talem testem repellendum, & puniendum esse tanquam perjurum.

X. Quod si Notarius unum scripsit, & testis juret se aliud dixisse, credendum est potius Notario, ex cap. *Ad audiensiam*, De *prescriptionibus*; quia cum sit persona publica, & approbata, mendacium in ipso non presumitur.

## ARTICULUS VI.

### De Reo.

I. *Reus in iudicio non tenetur respondere, nisi iudice interrogetur, ita scilicet ut praeceperit vel semiplena probatio, vel indicia clara, aut infamia, quae per duos testes probata sint. Et in nonnullis casibus iudice interrogatus potest agnoscere.*

II. *Non sufficit ad semiplenam probationem solus accusator, aut denunciator.*

III. *Probabiliter reus iudice interrogatus non tenetur veritatem faceri, si inde sibi immincat grave damnum.*

IV. *Quid si reo nulla sit spes evadendi mortem, aut aliud grave damnum? Num peccet lethaliter, si veritatem non fateatur?*

V. *Num sine mortali possit agnoscere, qui iudice interrogatur de re levi?*

Part II.

VI. *Propter opiniones utrinque probabiles saepe datur bellum utrinque iustum; Unde potest iudex iuste interrogare, quin teneatur reus veritatem faceri.*

VII. *Potest reus e carcere fugere, quamvis inde sequatur custodiae mortis a iudice illi infligenda. Nequis tamen reus ministris iustitiae vim inferre, illos percussendo, &c.*

VIII. *Cum moderamine inculpata temeraria potest Reus, ejusque advocatus propalare occulta crimina testium ad eorum auctoritatem infringendam; sed non potest iis falsa crimina ap-  
pingere.*

I. **Q**Uæritur primo, Quandonam reus teneatur aperire veritatem in iudicio?

Respondeo, & dico primo. Reus non tenetur veritatem aperire, nec jurare, si non interrogetur iudice, seu juris ordine servato, videlicet ita ut praeceperit vel semiplena probatio, aut infamia, vel manifesta indicia, ita ut infamia, vel indicia sint probata per duos testes. Immo si reo non constet, quod iudice interrogetur, nec tenetur respondere, quamvis iudex sub poena Excommunicationis interroget. Ita communiter cum Less. lib. 2. cap. 3. Unde fit, iudicem teneti aperire reo statum causae, probationes, indicia, & testes, (quamvis non nomina testium in delictis Sanctae Inquisitionis) ut videat an iudice contra se procedatur; Quamvis enim in levioribus rebus teneatur reus credere iudici prudenti, & perito, non tamen in gravioribus; Nec tenetur respondere, quamvis iudice interroget iudex, verbi gratia de homicidio, si homicidium sine culpa patratum sit; quia iudex inquit tantum de occlusionem criminosa. Immo Less., & alii apud Trull. dub. 21. docent, quod si tu non es auctor criminis, nec teneatur

C c ris

ris fateri circumstantias veras, ex quibus oriretur vehemens suspicio, quod tu sis auctor criminis; verbi gratia, hunc esse tuum pugionem, te in eodem loco fuisse, &c. Ratio est, quia quamvis iudicis interrogatio sit iuridica, procedit tamen ex falsa presumptione delicti; nam si iudex veritatem sciret, non posset interrogare de talibus circumstantiis, ut docet D. Th. 2. 2. quæst. 69. art. 1. apud Dian. part. 3. tract. 5. resol. 66.

II. Dubium est, An denunciatus faciat semiplenam probationem; ita ut reus non teneatur respondere ex defectu semiplenæ probationis, si præter denunciantem non adsit testis?

Respondeo cum Valent.; Bonac. contra Sot. requiri ad semiplenam probationem, præter denunciantem, vel accusantem, alium testem omni exceptione majorem, aut infamiam, vel indicia sufficientia. Ratio est, quia Actor non potest simul esse testis in propria causa; Denunciator autem, vel accusator, cum intendat punitionem, suscipiunt causam ut propriam.

III. Dico itaque primo. Iudice legitime interrogante communiter docent, quod reus teneatur fateri veritatem, etiamsi sibi immincat periculum vitæ, aut trirremium, exilij, gravis infamiae, excommunicationis, aut alterius gravis incommodi. Verum Delugo, & Joan. Sanch. cum viginti duobus Doctoribus apud Tambur. lib. 3. cap. 4. & Dian. part. 1. tract. 1. Miscell. resol. 27. advertentes id esse onus supra vires naturæ, docent probabilissimum esse, ac tutum, Reum non teneri ad fatendum crimen suum, quando ex confessione tantum malum sibi imminet. Ratio est, tum quia res admodum difficilis, ac moraliter impossibilis ab humana potestate non præcipitur, nisi quando intercedit bonum commune; tum etiam quia non

potest quis ab humano superiore, & iudice obligari ad concurrendum ad propriam occisionem, cum id iure naturæ nobis vetetur. Unde præceptum iudicis in tali casu non obligat; atque adeo si cum æquivocatione reus juraret, negando se commisisse delictum, non peccaret; Sicut non peccat, qui negat delictum, quando a iudice non interrogatur iudice. In utroque enim casu negatur solum delictum, quod debeat manifestari, & ideo nullum adest mendacium, nec restrictio pure mentalis, sed solum æquivocatio, respondendo ad mentem boni, & iusti iudicis: Eodem modo, ac sine mendacio, aut restrictione pure mentali Christus Dominus dixit: *De die illa, vel hora nemo scit, neque filius hominis*, ita scilicet ut expediat revelare, ut notat Trull. dub. 4., & Dian. part. 2. tract. 5. resol. 76.

IV. Hanc doctrinam aliqui admittunt, si negando delictum sit spes evadendi mortem, aut grave incommodum. Tambur. autem putat, quod etiamsi non sit spes evadendi, adhuc a mortali excusetur, qui negat delictum; quia de iure naturæ est, ut nemo concurret ad sui occisionem; & si in hoc casu offenditur potestas iudicis, non nisi leviter offenditur; quia iudex etiam sine confessione Rei potest illum sufficienter damnare.

V. Docet præterea Tambur. contra Lug., quod si iudici veritatem iudice interroganti de peccato levi, puta de illo fulto, reus cum æquivocatione illud neget, quamvis leve tantum malum sibi immincat, non nisi leviter peccet; tum quia de iure naturæ videtur esse, quod ne leve quidem vulnus sibi quis infligat; tum etiam quia cum agatur de pœna levi infligenda, non videtur rigorosum esse, & graviter obligans, præceptum superioris; unde talis æquivocatio esset tantum leviter peccaminosa.

VI. Oppones. Quando iudex iudicé interrogat, tunc iuste præcipit reo, ut veritatem aperiat; ergo tenetur reus illam aperire etiam cum vitæ periculo.

Respondéo cum Filiuc., Bonac. Sanch. negando consequentiam; non enim est novum, quod propter opinioniones utrinque probabiles deturbellum utrinque iustum: Sic qui est in periculo vitæ, potest fugere a carcere, licet iudex, & lex præcipiant, ne fugiat, & fugientes puniant: Sic servus bello captus potest fugere, quamvis dominus iuste præcipiat, ne fugiat: Sic citatus potest non comparere, si sibi grave malum imminet, quamvis iudex iuste præcipiat, ut compareat; Et eodem modo reus potest veritatem celare, cum habeat ius defendendi vitam suam, quamvis iudex iuste præcipiat, ut veritatem aperiat ex iure ad inquirendos auctores criminum occultos.

VII. Queritur secundo, An possit reus e carcere fugere?

Respondéo, posse, (nisi iuraverit ibi permanere) etiam si custos carceris grave inde malum passurus sit. Ratio est, quia hoc malum sequitur per accidens, & reus utitur iure, quod habet effugiendi carcerem; si enim potest effugere, ne capiatur a ministris iustitiæ, poterit etiam fugere, ne in carcere detineatur, nisi bonum publicum aliud postulet: Non potest tamen vim interre ministris iustitiæ, percutiendo, vulnerando, &c., sequeatur enim scandalum, & perturbatio Reipublicæ, ac boni communis, quod est præferendum privato: Præterquam quod hoc reputaretur crimen læsæ Majestatis: quamvis possit carcerem infringere, & custodes decipere citra vim, & injuriam.

VIII. Queritur tertio, An possit reus aperire crimina occulta testium ad nullam illorum testimonio-

nem, verbi gratia perjurium, excommunicationem, infamiam, &c.?

Respondéo, posse tam a reo, quam ab advocato propalari, cum moderamine tamen inculpatæ tutelæ, & quatenus ad sui defensionem est necesse, ut communiter docent; quamvis citra mortale non possint iudem falsæ criminibus appingere: Contraria enim opinio damnata est in thesi 44. ab Innoc. XI., quæ habet: *Probabile est non peccare mortaliter, qui imponit falsum crimen alteri, ut suam iustitiam, & honorem defendat*.

## ARTICULUS VII.

### De Advocato, ac Procuratore.

I. *Ad restitutionem teneatur Advocatus (sicut & Procurator) si ex sua negligentia, aut imperitia causa amittatur. Sicut etiam si causam manifeste injustam defendat, aut si partem inducat ad transactionem in causa injusta; Necnon si secreta causa alteri parti prodant.*

II. *Potest Advocatus causam minus probabilem, immo & dubiam patrocinari; non tamen causam, quæ parum habet probabilitatis, in quam fere nunquam iudices inclinant.*

III. *Vetium est Advocatis pacisci de quota litis. Id tamen ex natura rei licitum videtur pro foro interno, modo absit periculum fraudis, & iniustitia.*

I. Queritur primo, An Advocatus (sicut etiam Procurator) teneatur ad restitutionem, si ex sua imperitia, aut negligentia causam amittat?

Respondéo affirmative; tenetur enim ex officio esse saltem mediocri scientia instructus, & cognoscere sufficienter merita, & iustitiam causarum,



& diligentiam adhibere, quæ iudicio peritorum censetur sufficiens: Teneatur etiam ad restitutionem, si defendat causam manifeste injustam, cum sit injusta causa moralis damni alterius consulendo, & adjuvando: Debet autem restituere non solum parti contrariae expensas, & litem, quam perdidit, in defectum sui principalis, sed etiam Clienti expensas, si bona fide procedentem non monuit de injustitia causæ. Immo tenetur etiam ad restitutionem, si defendat articulum iustum causæ injustæ; necnon si adversarium sic vexet, aut differat; nam sic censetur causam injustam defendere. Si tamen causam iustam defendat, potest adversarium circa injuriam decipere, & cavillationibus uti, modo nulla falsitate utatur. Nec tenetur ad restitutionem, (quamvis peccaverit) si causam evidenter iustam falsis scripturis, aut testibus defenderit. Contra vero ad restitutionem tenetur, si partem inducat ad transactionem, seu compositionem, quando cognoscit causam esse omnino injustam; sicut etiam si secreta causæ alteri parti prodar; esset enim prævaricator, seu adjuvans diversam partem, prodica causa sua, ut notat Trull.

II. Quæritur secundo, An possit Advocatus causam dubiam tueri?

Respondetur cum Pal. licere Advocato causam probabilem patrocinari relicta probabiliori; quia Advocatus non est iudex, qui debeat sententiam ferre pro merito causæ, sed solum debet merita Clientis allegare; sæpe autem accidit, quod verius sit id, quod sibi minus probabile videtur, atque adeo licite potest causam minus probabilem defendere. Immo potest ex Lorca, Maldero, Merolla apud Dianam part. 4. tract. 3. resol. 47. contra Salas, patrocinari etiam causam dubiam. Verum si altera pars parum habeat probabilitatis, & in quam ra-

ro, aut nunquam iudices inclinant; puto cum Salon., quod peccet Advocatus non solum contra charitatem, sed etiam contra iustitiam defendendo talem causam; quia quod habet parum probabilitatis, non est simpliciter probabile, ut constat ex definitione Probabilis, Quod magnum pondus ingerere debet intellectui ad extorquendum assensum; Sicuti levis gravitas simpliciter non est gravitas, sed gravitas cum addito distrahente. Quamvis autem non possit Advocatus tueri causam tenuis probabilitatis, seu quæ non sit absolute probabilis, poterit tamen defendere causam dubiam, de cuius scilicet felici exitu prudenter dubitatur, ut plures docent apud Dianam part. 4. tract. 3. resol. 47., quia ad Advocatum non spectat rem definire, sed solum merita causæ sincere exponere, ut postea Iudex illa expendendo iustam sententiam ferat.

III. Quæritur tertio, An possit Advocatus de quota litis pacisci, videlicet de tertia, vel quarta parte, si vincat, quod dicitur palmarium pro victoria?

Respondetur, lege humana id prohiberi, ne scilicet per fas, aut nefas victoriam consequi nitatur; non est tamen improbabile ex Trull., quod ex natura rei in foro conscientie id liceat, si absit periculum alicuius actionis injustæ, ut Advocatus ardentiori studio ad causam incumbat, & Principalis se liberet a molestia sæpius illum adeundi. Ita etiam Navar., & Valent., apud Dian. part. 1. tract. 2. Miscel. resol. 49., ubi docent, communem contrariam opinionem loqui de foro externo, non de interno; ubi Deus veritatem perscrutatur, cui cedunt præsumptiones, super quibus fundantur leges id prohibentes. Debet tamen manifeste deesse præsumptio fraudis, & injustitiæ, ut solum pro

pro foro externo leges istæ sint obligatorie . Sit tandem hujus Opusculi de Præceptis Decalogi ( Sed ubi  
Æternitatis )

F I N I S .

A. M. D. G.,

ac Deiparæ sine labe Conceptæ.

# SYNOPSIS OMNES.

Quæ in singulis Articulis Tractatus hujusce de  
Præceptis Decalogi habentur hic colliguntur.

## QUÆSTIO I. Pag. 3.

De Prolegomenis ad Præcepta  
Decalogi.

### ARTIC. I. ibid.

De Numero, Ordine, & Dispensabi-  
litate Præceptorum Decalogi.

1. Præcepta Decalogi sunt Legum Summa, & Epiroma. Tria prima, quæ respiciunt Dei cultum, dicuntur. Prima tabula; reliqua, quæ ad homines referuntur, Secunda tabula appellantur. 11. His decem præceptis corde, ore, & opere ad Deum, & ad homines ordinamur. 111. Cur non plura enumerantur, aut pauciora? 1v. Quare duplici præcepto vetatur Adulterium, ac desiderare Uxores alienas, & non vetatur pariter duplici præcepto Homicidium, ac desiderare mortem alterius? v. Num possit Deus in præceptis Decalogi dispensare? vi. Qua ratione dicatur aliquando Deus in his præceptis dispensasse?

### ARTIC. II. 5.

Quanam via Præceptorum transgressio,  
possit de mortali in veniale  
transire, & e contra?

1. Transgressio præceptorum Decalogi secundum se, & ex genere suo est mortalis. 11. Quid importet peccatum esse ex genere suo mortale, & esse ex genere suo veniale? 111. Plures regulæ re-  
censentur ad discernendum, num pecca-

tum ex genere suo sit mortale, an veniale? 1v. Quomodo possit peccatum de se mortale per accidens in veniale transire? v. Undenam conicere poteris, quod cum imperfecta solum deliberatione, aut consensu peccatum commiseris? vi. Num peccet mortaliter, qui plene advertit ad malitiam objecti, præcindis tamen num easit gravis, an levis? vii. Non quodvis peccatum ex genere suo mortale potest ratione parvitas materia transire per accidens in veniale. viii. Undenam mensuranda sit hac in re materia parvitas, aut magnitudo? ix. Materia, quæ tam secundum se, quam relata ad finem a Legislatore intantum est levis, non est capax præcepti graviter obligantis. x. Quid si dubietur, an res præcepta levis graviter conducat ad finem? xi. Quomodo possit peccatum de se, & ex genere suo veniale per accidens in mortale transire? xii. Quando nam contemptus rei levis præcepta est mortalis? Et quando frequentia venialium est mortalis, utpote ad mortale disponens? xiii. Potest veniale in mortale transire etiam ratione conscientia erronea, aut perplexa; Nec non ratione scandali; aut per additionem materia, quæ in unam gravem coalescat.

### ARTIC. III. 11.

Quanam ad præcepta teneantur?

1. Non est idem lege non obligari, & a lege excusari. 11. Pueri nulla lege obligantur ante rationis usum; Postea vero legibus etiam Ecclesiasticis tenentur, præterquam Jejunii, & Communionis; quam-

quamvis ante pueritatem penas Ecclesiasticas non incurrant. 111. Num possint pueri Divinis assistere in loco interdicto, aut introduci in Monasteria Monialium? 114. Quid si dubitetur, an usum rationis adepti sint? 115. Quibus legibus teneantur Infideles, Amentes, Ebrii? Num amentes equiparentur infantibus? 116. Nec amentes, nec ebrii cogendi sunt ad Missam audiendam die festo: Possunt autem probabiliter amenitibus & infidelibus die festo injungi opera servilia. 117. Quibus legibus teneantur Peregrini, & Vagi? Num licitum sit recedere a loco, ubi est dies festus, ad exercenda opera servilia? Num debeat tunc mane audiri Sacrum? Num liceat egrediendi a loco, ubi jejunatur, mane sumere ientaculum? 118. Probabiliter Peregrini non tenentur, secus si scandalo, legibus loci, ubi brevi morantur; (nisi eadem sint leges in proprio domicilio) teneantur tamen usque Vagi. 119. Leges autem juris communis servare tenentur peregrini, quamvis in Patria essent abrogatae.

#### ARTICULUS IV. 15

De Intentione requisita ad observantiam praeceptorum.

1. Ad satisfaciendum praecepto requiritur intentio ponendi opus injunctum. 11. Praecepto jejunii non satisfacit, qui invitus abstinet cibo. 112. Satisfacit tamen praecepto restitutionis, qui pravo fine restituit; Et qui invitus restituit, licet praeceptum non impleat, non tenetur tamen iterum restituere. 12. Non requiritur ad satisfaciendum praecepto intentio satisfaciendi per opus, quod ponitur; Non enim imponitur obedientia formalis, sed materialis. 13. Num satisfacias debito iustitia, qui immemor debiti eleemosynam largitus? 14. Num praecepto, aut voto satisfacias ponens opus, praeceptum, sed positive volens per illud satisfacere?

15. Qui volens satisfacere per opus praeceptum, quod ponit, mutata voluntate, nolit aliud opus ponere, requiriturne, quod velit per illud opus satisfacisse? an satis est, quod sciat se satisfacisse? 16. Qui audit Sacrum praeceptum volens per illud satisfacere, nec volens aliud audire, non transgreditur praeceptum Ecclesiasticum, sed naturale.

#### ARTICULUS V. 20

De Impedimentis non apponendis observantiae Praeceptorum.

1. Diversimode quoad hoc in diversis praeceptis ratiocinandum; inspicendo num praeceptum rigidius obliget? Num impedimentum sit proximius? Num necessitas sit gravior? 2. Quanam defatigatio incompossibilis cum jejunio liceat? 3. Num jejunii, aut pridie illius dici? 4. Num tempore interdicti privilegiiarius teneatur sacrum audire? Et detentus in carcere, num teneatur uti licentia egrediendi ad sacrum audiendum? 5. Quando nam possit quis iter arripere praevidens, quod non possit deinde die festo sacrum audire? 6. Tenetur excommunicatus tollere impedimentum excommunicationis, ne possit in Paschate communicare; non tamen ut possit die festo sacrum audire. 7. Praeceptum non solum obligat ad non apponenda impedimenta, sed etiam ad ea etiam pridie removenda.

#### ARTICULUS VI. 25

De Ignorantia, Metu, & Dispensatione excusantibus a Praeceptorum transgressione, ac de Impotentia excusante.

1. Ignorantia praecepti, seu inadvertentia, si non sit graviter culpabilis, excusat a gravi culpa legis transgressorem. 2. Ignorantia vincibilis dividitur in affectualem, crassam, seu supinam, &

levem. Præter ignorantiam vincibilem, seu consequentem, & invincibilem, seu antecedentem, datur ignorantia comitans, sive ea sit juris, sive facti, sive solus pena. III. Ignorantia solius pœna excusat ab illa incurrenda, si hæc sit extraordinaria. Ab ea tamen non excusatur ignorantia crassa, supina, & affectata. IV. Eiusdem speciei est peccatum commissum ex ignorantia culpabili legis, ac scienter commissum. V. Ignorantia, quæ est graviter culpabilis respectu juris Divini, & Naturalis, aliquando non est graviter culpabilis respectu juris humani, quod non obligat adeo stricte. VI. Ignorantia etiam crassa pœna non petendi debitum excusat ab ea incurrenda, nupte imposita contra scienter operantes. VII. Meius gravis non excusat a culpa, quando prohibetur res intrinsecè mala, aut precipiuntur res ex se connexa cum vita periculo; secus vero si connectatur per accidens. VIII. Excommunicatus vitandus potest ad mortem declinandam celebrare; non tamen confessiones auare, & absolvere. IX. Num liceat ob metum gravem simulare Matrimonium, illudque consummare? X. Num Carthusiani teneantur vesci carnibus in extrema necessitate? XI. Qui non potest totum præceptum implere, teneatur ad partem, quam potest, si ea sit notabilis, & dividua, & censeatur a Legislatore intenta. XII. Quando nam dispensatio obienta excuset a præcepti transgressione? XIII. Num possit Episcopus in lege Pontificia dispensare in casu occurrenti, sive quia necessitas urget, sive quia dubitatur, an res indigeat dispensatione?

## QUESTIO II. 29

### De Primo Decalogi Præcepto.

*Unum cole Deum.*

#### ARTICULUS I. ibid.

##### De Virtute Religionis.

1. Religio est virtus inter Morales præstantissima, quæ habet pro formali objecto cultum Divinæ excellentiæ præstandum. II. In quo differant virtutes Theologales a Moralibus? III. Quinam sint actus a virtute Religionis elicitii, & quinam imperati? IV. Primum Decalogi præceptum obligat ad actus Religionis externos, inquantum conjunctos cum internis. V. Ad quos actus externos Religionis obligat lex positiva, & lex naturalis? VI. Quando nam exercendi sunt actus Religionis?

#### ARTICULUS II. 31

##### De Virtute Theologica Fidei.

1. Per fidem, quæ virtus Theologalis est, quid præcipiatur? II. Tria sunt præcepta fidei affirmativa, & duo negativa. III. Ad fidei confessionem quando nam teneamur? IV. Ad quid obliget præceptum negativum non negandi fidem exterius? V. Quando dubius in fide est infidelis? VI. Quinam dicantur Pagani? Quinam Judæi? Quinam Hæretici, Schismatici, & Apostati? VII. Quanam sit pertinacia ad hæresim requisita? VIII. Ad hæresim externam requiritur, ut signum externum de se sit significativum hæresis internæ, & ad incurrendas censuras debet esse actus exterior de se gravis. IX. Quanam communicatio cum Judæis, & Saracenis prohibeatur? X. Quid teneamur præstare erga Paganos? XI. Num liceat Catholicis de rebus fidei disputare?

## ARTICULUS III. 35

## De Spe, &amp; Charitate.

i. *Contra spem Theologalem peccat tam qui præsumpsit propriis viribus beatitudinem supernaturalem obtinere, quam qui ex sola Dei misericordia sine propriis operationibus illam expellat.* ii. *Duplex datur praeceptum Spei, alterum Negativum non desperandi, nec præsumentis; alterum positivum identidem sperandi.* iii. *Qui post peccatum omittit actus fidei, ac spei debitos, directe peccat contra virtutem Pœnitentiae, qua praevious illos actus requirit.* iv. *Charitas debet super omnia Deum amare appetitive, non inensive.* v. *Duplex pariter est praeceptum Charitatis; videlicet negativum non odio habendi, aut contemnendi Deum, & Affirmativum amandi illum identidem; Sed quanam frequentia?* vi. *Non datur materia parvitas in odio Dei; sicut nec in Infidelitate.*

## ARTIC. IV. 37

## De Oratione, qua Deum colimus.

i. *Quanam a Deo in oratione petenda, in Oratione dominica disertissime recensentur.* ii. *Oratio desinitur, Petitio de gentium a Deo. Ea nobis praecipitur tum praecepto naturali, tum etiam positivo Divino, & Ecclesiastico.* iii. *Triplex est Orationis effectus, mereri, satisfacere, & impetrare.* iv. *Etiā peccatoris oratio est impetratoria ex divina promissione, dummodo ille non petat, inquantum peccator est, videlicet aut mala, aut ad malum finem.* v. *Quid requiratur, ut Oratio impetret infallibiliter?* vi. *Oratio vocalis natura humana conformior est, quam mentalis, multis de causis.*

Pars II.

## QUÆSTIO III. 39

## De Horis Canonicis.

## ARTICULUS I. ibi.

## Quinam ad horas Canonicas obligentur?

i. *Ad horas tenentur Clerici in Sacris constituti, Beneficarii, & Regulares Professi ad Chorum deputati.* ii. *Plura requiruntur, ut Beneficiarius ad horas teneatur.* iii. *Non teneatur ad horas Beneficiarius iis annis, quibus ob sterilitatem non recipit fructus a Beneficio.* iv. *Quid si Beneficium sit tenne? Et quodnam dicatur tenne?* v. *In dubio de tenuitate Beneficii, num deobligetur Beneficiarius totaliter, an partialiter? An vero absolute obligetur?* vi. *Praeterea regularis sub mortali teneatur efficere, ne Chorus desit. Quid tamen si nonnisi quatuor, aut quinque Monachi sint in Monasterio?* vii. *Professi, & Moniales tenentur privatim officium recitare, si absint a Choro. Num sit probabilis sententia opposita?* viii. *Probabiliter satisfacit obligationi horarum, qui illas recitavit mane, antequam ordinaretur in Sacris.* ix. *Excommunicatus quamvis fructus Beneficii non percipiat, adhuc ad horas obligatur. Quid de Degradato?* x. *Probabiliter excusantur ab horarum recitatione damnati ad irremediam. Quid de inclusis in carcere tetro? Quid de Uxoratis ex dispensatione Pontificis? Quid de maximo merore affectis?*

## ARTIC. II. 43

## Quodnam officium recitandum sit?

i. *Quinam possint horas recitare, & non ex Romano Breviario?* ii. *Num recitandum sit privatim officium B. Virginis, & defunctorum, quando in Rubrica*

D d ca

ca præscribitur; præsertim die Commemorationis defunctorum? *III.* Num liceat Horas recitare idioma Græco, aut Hebræo, vel vulgari? *IV.* Peccat graviter, qui semel unum officium pro alio notabiliter diverso, necnon qui sæpius unum officium pro alio recitat. *V.* Rubrica servanda alia sunt Præceptiva, quæ obligant sub mortali; alia Directiva, quæ non obligant sub mortali. *VI.* Si per errorem officium pro officio recitatum sit, corrigatur error, ubi deprehenditur. *VII.* Qui missam celebrat de Sancto, cujus festum in aliqua Ecclesia celebratur, potest probabiliter officium de eodem Sancto recitare. *VIII.* Quilibet potest sequi ritum socii, cum quo Horas recitat.

### ARTIC. III. 46

Sub qua Culpa, & Pœna officium sit recitandum?

*I.* Etiam qui semel officium omittit, peccat graviter. *II.* Num septem peccata committat, qui septem officiis horas omittit, an vero unum dimittat? *III.* Quanam dicatur pars Officii notabilis, cuius omissio sit levis? *IV.* Qui omittit Horas, ad quas obligatur ratione Ordinis Sacri, & ratione Beneficii, probabiliter unum peccatum contra Religionem committit, cum onere restitutionis fructus. *V.* Si dubites an parvam officii omiseris, ad quid teneris? *VI.* Surdus, qui cum socio recitat, teneatur recitare, quæ ipse non audit. *VII.* Potest alter ex sociis omnes Lectiones, Capitula, & Orationes recitare. *VIII.* Quandoque Beneficiarius omittens horas ad restitutionem fructuum teneatur?

### ARTIC. IV. 49

Quo pacto recitandæ sunt horæ Canonicae?

*I.* In virtute Sanctæ Obedientia præcipi-

tur, ut studiose, & devote, atque adeo cum attentione, & intentione debita Officium recitetur. *II.* Pronunciatio debet esse de se audibilis, saltem ab ipso loquente. *III.* Debent posse audiri, quæ sociis pronunciant; non sunt tamen supplenda, quæ per accidens non audiuntur; Secus si per se. *IV.* Quanam verborum mutilatio dicatur notabilis? *V.* Interruptio horarum, aut Psalmorum num pertingere possit ad culpam gravem? *VI.* Quanam attentio, & quanam intentio requiratur in officii recitatione? Num satisfaciatur, qui solam habet attentionem externam? *VII.* Qui voluntarie distractus caret attentione debita, si sit Beneficiarius, licet graviter peccet, probabiliter tamen non teneatur fructus restituere. *VIII.* Num similis attentio, & intentio requiratur in auditione Missæ præceptæ. *IX.* Probabiliter in virtute Obedientia præcipitur solum actus studiosus externus.

### ARTICULUS V. 53

De Tempore, Loco, & Situ recitationis Horarum.

*I.* Quodnam sit tempus, quo singula hora recitari debent? *II.* Num possit officium defunctorum recitari pridie Commemorationis Defunctorum? Et num etiam Litaniam, quando debent recitari? *III.* Peccat mortaliter, qui incipit recitare officium hodiernum paulo ante mediam noctem sequentem cum animo prosequendi illud post mediam noctem. *IV.* Qui mane recitavit totum officium circa nullam obligationem, si deinde meridie ordinetur, non teneatur repetere horas vespertinas. *V.* Deprecati ad Chorum teneantur illud in Ecclesia recitare publice; alii vero possunt ubilibet privatim recitare; non tamen in locis, quæ attentionem debitam impediunt, aut in locis immundis. *VI.* Non vacat veniali culpa recitare Horas aut decumbendo

do, aut cum sit parum decenii. vii. Num sit veniale recitare stando, aut sedendo, quæ flexis genibus recitanda sunt?

## ARTIC. VI. 55

De Causis excusantibus ab Horarum recitatione.

## QUÆSTIO IV. 58

De Dei Cultu per Adorationem.

## ARTICULUS I. 59

De Adoratione Christi Domini, & Eucharistiæ.

1. Excusare solent ab Horarum recitatione Infirmas, Gravis occupatio, Impotentia, & Dispensatio. 11. Infirmas ut excuset, debet esse gravis, utant recitatio valde noceat valetudini. 111. In dubio an infirmitas sit huiusmodi, standum est iudicio Medici, aut Periti; sed quid si Medicus ipse dubitet? 1v. Quamam a Doctoribus censeatur esse infirmitas gravis? Num aliquando excusetur ratione agriudinis ab officio, qui potest missam celebrare? v. Qui excusantur a recitatione Horarum ob visum debilitatem, num peccet legendo diu Historias, & omitrendo officium? vi. Quamam dicatur occupatio gravis, quæ excuset? Num aliquando Concionatores, & Confessarii excusentur? vii. Qui prævidet se vesperi impediendum, num teneatur mane Vesperas recitare? viii. Num excusentur ob moralem impotentiam, qui in irremediis, aut in carcere detinentur? Num gravi mœore periturbati, ac scrupulosi? ix. Num teneatur cæcus, aut carens Breviario recitare Psalmos Matutini, aut Horarum, quos solum scit memoriter. x. Qui nequit sine socio officium recitare, num teneatur illum procurare, ac etiam conducere? xi. Licite niunt dispensatione, qui a suo Episcopo, aut a suo Prelato regulari dispensantur ex causa rationabili, non tamen dispensentur in perpetuum. xii. Beneficiarius non teneat fructus resistere, si Horas ob impotentiam omittat; secus vero si eas omittat ex dispensatione Episcopi.

1. Adoratione Latrice Christus Dominus adorandus; ita tamen, ut primario, & per se natura Divina adorentur, secundario vero, & concomitanter natura humana. 11. Etiam Christi corpus in sepulchro adorandum erat adoratione Latrice. 111. Christus Dominus non orat pro nobis, sed miseretur nostri; oras tamen ejus Humanitas secundum voluntatem creatam. 1v. Quamvis Humanitas Christi Domini secundum se per intellectum separata a Verbo adorari possit adoratione Hyperdulia; in praxi semper Christus Dominus adorari debet adoratione Latrice. v. Crux adoratur adoratione Latrice, non tamen adoratione absoluta, sed respectiva. Beata Virgo in praxi non adoratur adoratione Latrice respectiva, quamvis etiam Christum tetigerit, ne videatur illi tribui adoratio debita Deo. vi. Cur qualibet crux adoretur adoratione Latrice, & non qualibet spina, lancea, clavus, &c., sed solum illa, quæ Christum Dominum tetigerunt? vii. Eucharistia Sacramentum adoratur unica adoratione Latrice, utant primario Christus Dominus in eo contentus adorentur, & concomitanter species Sacramentales. viii. Non vacat culpa adorare Hostiam consecratam conditionate, videlicet si sit consecrata; cum sit imprudens talis conditio. ix. Si appareat in Eucharistia infans, non videtur adorandus adoratione Latrice; sed hac adoratione adoranda tunc est hostia consecrata.



## ARTICULUS II. 62

## De Adoratione Sanctorum, &amp; Beatorum.

1. Vocantur Sancti, etiam qui sunt in vita, si sanctam vitam vivunt. II. Debetur Sanctis Imaginibus, & Reliquiis Sanctorum, ac Sanctis Angelis cultus religiosus, & Sacer, & adorari possunt adoratione dulcia. III. Sancti canonizati adorari possunt etiam cultu publico, hoc est ab Ecclesia instituto; alii vero cultu privato etiam coram aliis. IV. Etiam cultu publico adorari possunt qui ab Ecclesia habebantur ut Sancti, antequam a Leone III. instituerentur Canonizatio. V. Juxta Ecclesia institutionem septem enumerantur cultus, quibus Sancti adorari possunt. VI. Quinam cultus beatis exhiberi potest? Et quinam defunctis cum fama Sanctitatis? VII. Quid permittatur, & quid vetetur a Sede Apostolica erga defunctos cum fama Sanctitatis exhibere?

## ARTIC. III. 64

## De Adoratione Sacrarum Reliquiarum.

1. Quenam dicantur Reliquia Sanctorum? Vermes, in quos eorum carnes conversa sunt, non dicuntur Sacra Reliquia, licet materiam Sanctorum contineant. II. Reliquia adoranda sunt eadem adoratione, qua adorantur Persona, cujus sunt reliquia. III. Cur possit adorari adoratione laica Crux, qua tetigit Christum Dominum, & non pariter Asellus, qui etiam tetigit Christum Dominum? IV. Adorari possunt Sanctorum reliquia cultu privato, si de iis moralis certitudo, aut etiam probabilis conjectura habeatur. Ut adorentur tamen cultu publico, requiruntur approbatio Pontificis, aut Episcopi. Sed quid si sint dubia? V. Quid si ali-

cujus Sancti corpus duobus in locis cum Episcoporum approbatione colatur? VI. Agni cerei adoratione laica adorandi sunt. Neque possunt minio, aut alio colore pingi; Neque circa Simoniam vendi, nisi solum ratione materia. VII. Qui reliquias furatur, peccat peccato furti, & Sacrilegii, si grave damnum, & non levis injuria irrogetur.

## ARTIC. IV. 66

## De Adoratione Sacrarum Imaginum.

1. Imagines Sacra, non secus ac Reliquia, adorantur adoratione respectiva per ordinem ad personam, quam representant. II. Sculptile, quod prohibetur a Deo, est Idololum. III. Deus, & Tres Persona representari, ac adorari non debent, nisi sub imaginibus ab Ecclesia deputatis. IV. Deus, & Angeli per quandam metaphoram sub corporis imaginibus adumbrantur. V. Sicut imagines, ita etiam Nomina Sacra honore, ac adoratione digna sunt. VI. Cur magis nonnulla eorundem Sanctorum imagines adorentur, quam alia. VII. Quomodo in VII. Synodo generali dicatur, minori adoratione colendam esse Christi imaginem, quam ipsum Christum? VIII. Magis Christus, quam ejus imago adoratur, non solum si imago adoretur secundum se, tanquam res sacra; sed etiam si adoretur adoratione respectiva, quatenus primario Christus, & concomitanter imago adoratur.

## QUÆSTIO V. 68

## De Superstitione.

## ARTICULUS I. 69

De Superstitione universim, ac in specie Primo de Idololatria.

1. Superstitio est falsa Religio, qua vel

crea-

creatura cultu divino, vel Deus cultu indebito adoratur. Utraque superstitio, siue ratione rei culta, siue ratione modi, quo Deus colitur, plures sub se species continet. II. Cultu indebito Deus adoratur, tam si colatur cultu falso, quam si cultu superstitio. III. Quando nam scinnare diebus Dominicis dicatur Dei cultus superstitiosus, aut superfluus, aut falsus? IV. Cultus superstitiosus falsus ex genere suo est mortalis; Superfluus vero secundum se est peccatum veniale. V. Idololatria proprie dicta habetur, quando quis Creatura tribuit honorem Deo debitum. VI. Censura Bulla Cœna tunc incutitur ob Idololatriam, quando baptizatus internam simul, & externam Idololatriam commisit cum errore intellectus, & pertinacia voluntatis. Ignorantia invincibilis, qua excusatur ab hæresi, nequit ab Idololatria excusare.

## ARTIC. II. 71

### De Divinatione.

I. Divinatio est prænnunciatio rerum occultarum ope demonis facta. II. Divinatio habetur vel cum expressa, vel cum tacita demonis invocatione; Eaque haberi potest, etiamsi quis protestetur se nolle demonem invocare. III. Ars inveniendi futurum occultum, vel quid simile per Astrologiam est superstitiosa. IV. Divinatio per expressam demonis invocationem est multiplex, videlicet Oraculum, Præstigiū, Necromantia, &c. : sicut est multiplex per demonis invocationem iaciam, ut Astrologia, Augurium, Omen, Chiromantia, &c. V. Sortilegium divinatorium de se est mortale. Quid de Consultorio, aut Divisorio? VI. Non datur materia parvas in Divinatione. Multipliciter tamen sæpe a mortali excusatur Divinatio, videlicet ratione ignorantia, curiositatis, ioci, &c. VII. Eiusdem speciei sunt omnes divi-

nationes, siue fiant cum tacita, siue cum expressa demonis invocatione; Sæpe tamen expressa invocatio annectitur aliis peccatis in Confessione explicandis. VIII. Quando nam liceat somnia, motus animalium, aut astra observare? IX. Physionomia quomodo liceat? Non licet tamen Egyptios consulere, ut futuros eventus predicant.

## ARTIC. III. 74

### De Vana Observatione.

I. In hoc differt Vana observatio a Divinatione, quod illa ordinetur ad aliquid obtinendum; hac vero ad aliquid cognoscendum. II. Sæpe Vana observantia habetur solum cum tacita demonis invocatione, quamvis fiat protestatio, quod demonis concursus in eam recusetur. III. Ea dividitur in Artem notoriam, in Observationem sanitatum, & Observationem eventuum. In quo hæc differat a Divinatione? IV. Plura recensentur, qua non raro ponuntur, & tamen sunt superstitiosa. V. Quonam pacto possit quis aliquando in his vanis observationibus a mortali excusari? VI. Quanam observationes non sunt vana, nec superstitiosa, sed licita? VII. Quid de unguento armario? VIII. Unde dignosci possit, quod aliqua observatio non sit superstitiosa? IX. Quid si dubiteatur num effectus aliquis sit superstitiosus, an naturalis? Aut si dubiteatur num effectus praternaturalis sit a Deo, an a demone?

## ARTIC. IV. 77

### De Magia.

I. Magia est ars operandi mira ope demonis. Differt Magia superstitiosa a Naturali; quia hæc operatur mira per causas naturales. II. In quo differat Magia a Vana observatione, a Maleficio,

ficio, & ab Incantatione? III. *Magia naturalis non est superstitiosa, sed Aulores, qui de illa pertractant, non raro plura superstitiosa permiscunt.* IV. *Naturalis a superstitiosa Magia discerni facile potest ex conditione Causarum, Operationis, & Effectus. Quonam pacto philtrea amatoria ad amorem, ac libidinem alliciant?* V. *Quonam arte demones familiares in annulis, aut phialis includantur?* VI. *Num vis fascinant di sit naturalis, an superstitiosa?*

## ARTICULUS V. 79

### De Maleficio.

1. *Maleficium est ars nocendi aliis ope demonis. Dividitur in Amatorium, & Veneficum; quod appellatur Veneficum.* II. *Remedia adversus maleficium alia sunt naturalia, alia Supernaturalia, alia Moralia.* III. *Num liceat a Malefico petere, ut Maleficium dissolvat, si non constet, quod sine novo maleficio possit illud dissolvere?* IV. *Quid si constet posse illum quidem sine novo maleficio maleficium dissolvere, sed non esse illud dissolutorum sine novo maleficio?* V. *Licetum est dissolvere maleficium ponendo signa contraria, quibus positus expiret pactum cum damone.* VI. *Idque verum est, etiamsi per accidens inde sequatur alteri damnum; dummodo illud non sequatur ex actione demonis positiva.* Sed quid si de hoc dubitetur? VII. *Quomodo gerere se debeat Confessaricus cum Maleficis, Magis, & Incantatoribus?*

## QUÆSTIO VI. 83

De Irreligiositate, & in specie de Sacrilegio, Blasphemia, & Tentatione Dei.

### ARTIC. I. ibid.

#### De Sacrilegio.

1. *Sacrilegium est rei Sacra laeso. Triplex autem est, Personale, Locale, & Reale: Specialiter autem in Confessione aperienda sunt Sacrilegii species.* II. *Probabiliter tres ista Sacrilegii species sunt atomæ, non subalterna; itaque de consilio, non de precepto explicandus sit in confessione modus Sacrilegii, tanquam circumstantia aggravans.* III. *Quonam Persona dicatur Sacra, itane eam ledens Sacrilegium committat?* IV. *Per lesionem Persona Sacra quadrupliciter committitur Sacrilegium; injiciendo manus violentas, perducendo ad tribunal saculare, subijciendo oneribus venetigalium, & per actiones venereas.* V. *Novitius non habens votum castitatis non est sacrilegus, si carnaliter peccet. Quid de habente hoc votum, si alios inducat ad peccandum carnaliter?* Quid de Sacerdote Greco, si peccet contra castitatem? VI. *Communius docent contra nonnullos, fractionem cuiuscunque voti esse sacrilegam.* VII. *Quare non sint sacrilega omnia peccata Persona Sacra, sed solum peccatum contra castitatem?* VIII. *Quare percussio Clerici habentis primam Tonsuram, & Novitii sit sacrilega; & non sit sacrilegum peccatum istorum contra castitatem?* IX. *Quonam dicatur locus sacer, cuius violatio sit Sacrilegium?* X. *Latius patet locus sacer relate ad effectum gaudendi immunitate, quam relate ad effectum constituendi furum, verbi gratia, sacrilegum.* XI. *Locus sacer violatur per illas dumtaxat actiones, quæ in locis Sacris iniunctæ Religionis prohibentur, puta per effusionem sanguinis, vel seminis, si delicta sint publica, per*  
ex.

extractionem violentam e loco Sacro ; per mercatus, convivium, furta, &c. XII. Est sacrilegium furtum sacri de sacro, Sacri de non Sacro, & non sacri de Sacro, si res non sacra sit in Ecclesia custodia causa, aut illi commodata. XIII. Num sit Sacrilegium furari aliquid e Sacrificia ? Non est sacrilegium furari aliquid e Claustri Religiosorum, aut ex Oratorii privatis. Quid de furto in Oratorii Xenodochiorum, & Eremitiorum ? XIV. Nomine rei Sacra veniunt Sacramenta, ornamenta Ecclesie benedicta, bona Ecclesie, & similia. Non tamen Tempus, & locus ; unde de se non est Sacrilegium peccare die festo, aut in Ecclesia. XV. Est Sacrilegium concupiscere copulam habendam in Ecclesia ; sed non est Sacrilegium in Ecclesia concupiscere copulam habendam extra Ecclesiam. Actus turpes si in Ecclesia committantur, explicandum est in Confessione. XVI. Multipliciter Sacrilegium reale committi potest ; praesertim si quis abutatur aut rebus, aut verbis sacris, si irreverenter officium recitetur, si imagines Sacra, vel Reliquia male habeantur, &c.

## ARTICULUS II

### De Blasphemia.

1. Blasphemia proprie solis verbis, non vero factis concumiosis exhibetur contra Deum, aut Sanctos, seu mente, seu ore, seu scripto. II. Non datur materia parvas in blasphemia, etiam si joci gratia proferatur. III. Ex consuetudine sine plena advertentia blasphemare non vacat culpa levis. IV. Blasphemia hereticalis continet haeresim, seu quod articulo fidei directe opponitur ; secus vero Blasphemia simplex. Hareticalis aut tollit a Deo quod habet, aut per contumeliam tribuit Deo, quod non habet. V. Simplex Blasphemia est quadruplicis generis, Enunciativa, De-

testativa, Irrisoria, & Juratoria. VI. Probabiliter non differunt specie Blasphemia in Deum, & Blasphemia in Beatos Virginem, & in Sanctos ; nisi proferrantur in Sanctos ob propria eorum excellentiam. VII. Qui maledicti creaturis, inquam Creatura Dei sunt, profecto blasphemant ; sicut qui rebus sacris maledicit : Quid si quis creaturis irrationabilibus maledicat ? Et quid si tempori, pluvia, ventis ? VIII. Discutiantur plures formulae, quae frequenter usurpantur, num sint Blasphemia. IX. Quid de formula illa conditionata, Deum abneget, si res non ita se habet ? Quid de illa, Per viam Dei aut de illa alia, Corpe di Dio con voi ? X. In dubio, an formula aliqua sit blasphema, non est talis censenda. XI. Blasphemi denunciandi sunt (si Blasphemia sit hereticalis) intra sex dies a novitia, sub poena Excommunicationis lata sententia.

## ARTIC. III. 91

### De Tentatione Dei.

1. Tentatio secundum se alia est Probationis, alia Inductionis. Ad primum genus spectat tentatio Dei, quippe quae est Probatio alicujus divini attributi modis indebitis. II. Expressa Dei tentatio habetur, si directe intenditur experimentum de aliqua Dei perfectione. Tacita vero habetur, quando sine tali expressa intentione aliquid ad id ordinatur. III. Tentatio Dei ex genere suo est peccatum levis ; cum gravem irreverentiam erga Deum importet. IV. In lege veteri praecipiebantur a Deo nonnullae purificationes, ita ut miraculis innocentia alicujus detegeretur ; At in nova lege prohibentur. V. Tentat Deum, qui miraculum ab eo petit citra necessitatem, aut Dei impulsu ; Sicut etiam qui excusiositate vult experiri opus aliquod supernaturale. VI. Poterit aliquando Tenta-

*tio Dei a mortali excusari, si aut desit plena deliberatio, aut desit materia parvitas.*

## QUÆSTIO VII. 94

### De Secundo Decalogi Præcepto

*Non assumendi in vanum Dei Nomen.*

## ARTIC. I. 94

Quid, & Quotuplex sit Juramentum?

1. *Juramentum est Divini testimonii invocatio ad fidem faciendam; seu Invocatio Dei in testem. Invocatur autem Deus in testem vel explicite, vel implicite; ut quando juratur per Creaturas, quatenus in iis Deus relucet. II. Juramentum fieri potest verbo, nudo, facto, scriptura, & mentaliter. III. Jurans per falsos Deos vere non jurat. IV. Num sint iuratoria hac verba, Per fidem meam, Per conscientiam meam, Per fidem boni Christiani, Sacerdotis, &c. V. In dubio num formula sit iuratoria, quid in foro externo judicandum, & quid in interno? VI. Jurans per suam barbam, vestem, aut alias res viles, in quibus divinitas specialiter non relucet, vere non jurat. VII. Quid si quis usurpet formulas iuratorias, nesciat tamen, quid sit juramentum, ut pueri, rudes, & muliercula? Quomodo Confessarii cum istis se gerere debent? VIII. Hac verba, Coram Deo loquor, Deus videt meam conscientiam, enunciative prolata non sunt juramentum; secus vero prolata invocative. IX. Rustici passim dicentes, Per Deum, Per Corpus Christi, raro jurant, sed vel blasphemant, si adversus Deum indignentur, vel peccant contra charitatem, si adversus homines indignentur. X. Jurans, Per hanc Crucem, nullam signando Crucem, vere non jurat. XI. Iura-*

*mentum aliud Assertorium; aliud Promissorium, quod vel est Absolutum; vel Conditionatum, vel Penale. XII. Per Juramentum Invocatorium, seu Consecrativum Deus invocatur ut testis; Per Execratorium, seu Imprecativum invocatur etiam ut Vindex: Omnia autem juramenta censentur esse ejusdem speciei. XIII. Juramentum Comminatorium (puta, Per Deum te occidam) vel reduciuntur ad Promissorium, vel ad Execratorium.*

## ARTIC. II. 97

De Conditionibus requisitis ad licite jurandum.

1. *Tres sunt iuramenti liciti comites, Veritas, Justitia, & Judicium; jurari enim nequit, nisi de re, quæ satis probabiliter putatur vera; item de re honesta, & ex necessitate. Si quis juret se venialiter peccaturum, num peccet mortaliter? II. Gravius peccatum est jurare se mentiturum sine animo ponendi mendacium, quam jurare cum tali animo. III. Pejerat, qui rem dubiam asserit cum juramento. IV. Ad licite jurandum privatum satis est certitudo moralis de rei veritate; at ad jurandum in iudicio requiritur notitia de visu, & presentia. V. Quamvis jurans se positurum rem levem graviter peccet, si tunc non habeat animum illam ponendi, non peccat tamen graviter, si deinde illam non ponat. VI. Mater, quæ juramento comminatorio jurat se puniaturam filium, peccat graviter, si non puniat, quando punio est iusta, & gravis. VII. Non dicitur esse universum juramentum falsum, sed temerarium, quando quis jurat se positurum rem illicitam, puta homicidium: Sicut etiam quando quis jurat se, verbi gratia, parasse homicidium, ordinando hoc peccatum instantia ad alios scandalizandos. VIII. Si Sortes pueri aliquid esse verum, quod in scis esse*

esse falsum, non poteris inducere illum ad jurandum hoc, quod materialiter est falsum.

### ARTIC. III. 100

#### • De Materia Juramenti.

1. Juramenti promissorii materia debet esse res licita, possibilis, honesta, & non indifferens, nec impeditiva majoris boni. 11. Si jures in obsequium Dei te ducturum Uxorem, ad id non teneris; Secus vero si id jures in gratiam faminae, quam vis ducere. 111. Qui rem bonam, puta jejunium, jurat ob finem malum, ad illam non tenetur; Secus vero si illam jurat ob finem bonum, quamvis hic per peccatum assequendus sit. IV. Secunda sponsalia jurata, etiam dissolutis prioribus sponsalibus, non obligant. V. Promissio facta pro turpitudine patrando, num eo patrato obliget? VI. Promissio prodiga num obliget ad totum? num ad partem, in qua non sit prodigalitas? Num simpliciter non obliget? VII. Juramentum non obligat ad ponendum, quod lege etiam civili vetatur; obligat tamen ad id, quod lege civilis non prohibetur, sed permittitur in favorem jurantis. VIII. Juramentum de non accipiendo Episcopatum, si fiat ex affectu humilitatis, validum est; secus vero si fiat ad declinandam curam Episcopales.

### ARTIC. IV. 102

#### De Juramenti Obligatione.

1. Qui jurat sine animo jurandi, secundum se peccat graviter: sicut etiam qui jurat sine intentione se obligandi. 11. Quandoam possit sine mendacio, & perjurio quis jurare, utendoquivocatione, aut restrictione non pure mentali, sive locutione materiali? 111. Juramentum, sicut & votum, non obligat, si do-

Part II.

lus, aut error dant illi causam veretur circa substantiam rei, aut circa circumstantias notabiles, qua in ipsam rei substantiam redundent; secus vero si veretur circa circumstantias parvi ponderis. IV. Est pariter invalidum juramentum, & votum, si error dant causam contrarii veretur circa causam finalem, (quod verum est, etiamsi error sit concomitans,) non tamen si error incidat in contrarium, & veretur circa causam impulsivam. V. Error tamen circa qualitates magni ponderis, & circa causam finalem non invalidat Professionem Religiosam; sicut nec matrimonium, aut susceptionem Ordinis Sacri, nisi exprimitur. VI. Qui juravit, vel vovit, & dubitat an habuerit animum se obligandi, probabilis obligatur. Qui tamen juravit se non iuratum, praescindendo a lusu moderato, vel immoderato, poterit lusu moderato ludere. VII. Juramentum meum extorsum obligat pro foro interno, non pro externo. Et nisi a Pralato ex justa causa relaxetur, poni debet, quantumvis arduum sit, quod juratum est, si circa culpam poni potest. VIII. Matrimonium, & votum extorta meum gravi iniusto ideo sunt irrita, quia jure Ecclesiastico irritantur; Juramentum tamen hujusmodi ab Ecclesia non irritatur.

### ARTICULUS V.

Quomodo quaedam celebriora Juramenta interpretanda sint.

1. Prima regula servanda, quod juramentum, quantum fieri potest, minus obliget servata verborum proprietate. Altera, quod cadens supra promissionem, hujus naturam sequatur. 11. Juramentum de non ludendo secundum se intelligitur de ludo illicito. 111. Qui jurat se solviturum debita intra mensem, prorogato tempore de consensu creditoris, non tenetur amplius vi juramenti. IV. Juramen-

E c tunc

ium Medicorum de non visitandis post tertium diem infirmis, nisi confessionem premiserint, quomodo intelligendum est? v. Si quis iurat se ducendum Beriam divitem, & sanam, non tenetur eam ducere, si incidat in gravem agriundinem, & pauperiorem. vi. Qui promittit aliquid Tizio cum iuramento, non tenetur, si ille fiat ingratus, aut frangat fidem datam. vii. Si quis iurans promittat aliquid absenti, potest promissionem revocare, antequam acceptetur. Pariformiter discurrendum de pluribus aliis iuramentis, quae passim fiunt.

## ARTIC. VI. 108

### Quomodo tollatur iuramenti obligatio?

i. Iuramenti obligatio impeditur aut per legem irritantem contrarium, aut per legem prohibentem contrarium iurati executionem. ii. Tollitur vero iuramenti obligatio aut per cessationem causa principalis, aut per mutationem materiae, aut per irritationem, aut per commutationem, aut per relaxationem. Et eadem est ratio de Voto. iii. Cessat iuramenti, & voti obligatio, si superveniat notabilis mutatio, quae praevisa non iurasses, aut votiisses. Sed quid si dubitetur, an sit huiusmodi mutatio, quae supervenit? iv. Quanam possint, & quomodo iuramenta, ac vota irritare? v. Quid intersit inter irritationem, & dispensationem voti, ac relaxationem iuramenti? vi. Quanam vota, aut iuramenta filiorum possit Pater irritare? Num etiam id possit mater? Quanam servorum iuramenta possit Dominus irritare? vii. Quanam possit Uxor iuramenta Maritus irritare, aut Uxor Maritus? viii. Superiores Regulares quanam vota, & iuramenta subditorum irritare possint? Pontifex Regularium vota potest irritare, secularium vero potest solum dispensare. Quid hac in re possint Ab-

batisse? Quid de novitiis? ix. Quanam possit iuramenta relaxare, ac vota dispensare? Et quanam causa ad id requiratur? x. Voti vinculum est fortius vinculo iuramenti; unde reservato voto, verbi gratia castitatis, non eatenus reservatur tale iuramentum. xi. Qui potest vota, & iuramenta commutare, non eatenus potest dispensare in illis; quavis e converso qui potest dispensare, potest etiam vota iurata commutare. xii. Ipse vovens, & iurans potest votum, & iuramentum, si non sint reservata, commutare in melius, & probabiliter etiam in evidenter aequale; iurans tamen, aut vovens in favorem alterius nequit ea, si sint acceptata, commutare.

## ARTIC. VII. 116

### De Perjuriò, ac de assueto ad iurandum.

i. Perjurium presse sumptum est iuramentum, cui deest veritas; late vero sumptum est, cui deest iudicium, & iustitia, seu necessitas, & honestas. Est perjurius peccatum gravius homicidio. ii. Estque pariter peccatum gravius homicidio, nullum tempus velle dicere dextero cultui. iii. Consuetudo coniungendi iuramentum cum mendacio sub mortali tollenda est. Immo mortaliter peccat, qui cum hac consuetudine inadvertenter iurat cum proximo periculo pejerandi; etiam si tunc iuret verum. iv. Quanam remedia adhiberi possint ad evellendam iurandi consuetudinem? v. Ut mortaliter peccet, qui assuetus iuramenti hic, & nunc iurat, debet advertere ad obligationem, quam habet evellendi talem consuetudinem, aut ad periculum proximum pejerandi. Quanam pacto haec peccata in confessione aperienda? Et quando negari debet absolutio?

## ARTIC. VIII. 117

## De Adjuratione.

1. Adjuratio vel est Imperativa, ut erga demones, vel Obsecrativa, ut erga Deum. 11. Obsecrativa est actus laicis, si fiat invocatione Dei; Est actus Dulia, si fiat invocatione Sanctorum; Et Hyperdulia, si Beata Virginis. Quando autem fit per alias creaturas, non est actus Religionis. 111. Creatura irrationales adjurantur improprie, quatenus obediunt Creatori. 1v. Per orationem perimus aliquid a Deo; Per Adjurationem perimus aliquid propter Deum. v. Differt Adjuratio a Juramento; quia per illam adducitur Deus non ut testis, sed ut ejus amore, vel timore aliquid obtineatur. Requirit tamen Adjuratio tres illos juramenti Comites, Veritatem, Justitiam, & Judicium. vi. Quibus liceat demones adjurare adjuratione imperativa. Num etiam laicus possit exorcizare publice citra mortale? vii. Vis expellendi demones per exorcismos est ex opere operato. viii. Privata Adjuratio adversus demones cuilibet est licita. ix. Quid possint, aut non possint Exorcista a demone interrogare? x. Videtur mortale creaturas irrationales exorcizare directe. Indirecte adjurari possunt, vel adjuratione deprecativa, prout moventur a Deo, vel imperativa, prout moventur a demone.

## QUÆSTIO VIII. 102

## De Voto.

## ARTIC. I. 120

## Quid, &amp; Quotuplex sit Votum?

1. Votum est promissio deliberata facta Deo de meliori bono. 11. Differt a proposito,

quippe quod non est obligatorium, saltem sub gravi. 111. Si votum fiat cum semiplena deliberatione, non obligat. Quid si dubitetur, an deliberatio fuerit plena? 1v. Ad votum sufficit voluntas implicita illud emittendi; ut in suscipiente Ordines Sacros; Qui si nolis votare castitatem, adhuc ad illam obligatur, saltem ex statuto Ecclesia. & est sacrilegus, si adversus illam peccet. v. Qui invalide suscipit Ordines Sacros, ad castitatem non tenetur: Secus vero qui invalide in Religione proficetur. vi. Soli Deo votum fieri potest, Deipara vero, & Sanctis, quatenus Deus in iis inhabitat. vii. In quo sensu votum est de meliori bono? viii. Vinculum voti est fortius vinculo juramenti promissorii. ix. Votum invalidum per ratificationem non revalidatur, si-jus invaliditas ignoretur. Quid si quis dubitet, an voluerit per ratificationem novum votum emittere? x. Multipliciter dividitur votum; præsertim in Solemne, & Simplex: Solemne emittitur in susceptione Ordinis Sacri, & in Professione Religiosa, & irritat matrimonium; Quod pariter irritat Votum simplex in Societate Jesu. xi. Per votum pœnale, puta non blasphemandi sub pœna jejunandi, ut plurimum duo promittuntur Deo; Id tamen pendet ex intentione votantis.

## ARTIC. II. 123

## De Materia, &amp; Obligatione Voti.

1. Quando materia voti partim est apta, partim inepta, votans ad nihil tenetur, si utramque materiam votis per modum unius; secus si per modum plurium. 11. Quamdiu differri possit voti adimplerio, præsertim si sit de Religione ingredienda? 111. Num possit emitti votum cum intentione, quod solum obliget sub levi in materia gravi, & sub gravi in materia levi? 1v. Quandonam materia levis ex circumstantia evadit gravis? v. Num pec-



et gravior, qui sapè violat votum in materia levi? VI. Peccatne mortaliter, qui eodem die violat plurima vota diversa, quorum singula sunt de re levi? VII. Cessat voti obligatio, facta, aut deprehensa notabilis mutatione, qua si fuisset prævisa, votum non fuisset emissum.

## ARTIC. III.

123

Quonam pacto tolli possit obligatio Voti per dispensationem?

I. Potest Episcopus in omnibus votis suorum subditorum dispensare, nisi expresse a Pontifice nonnulla reserventur; ut de facto quinque reservantur Pontifici. II. In dubio an votum sit Pontifici reservatum, potest dispensare Episcopus; sicut etiam in dubio an egeat dispensatione. III. Pariter potest Episcopus in votis Pontifici reservatis dispensare in casu necessitatis, quando periculum gravis damni esset in mora. IV. Sicut etiam probabiliter id potest, si votum reservatum sit emissum ex metu levi; Aut si votum castitatis sit ad tempus, aut non sit perfecta castitatis. V. Potest Episcopus dispensare in voto panali castitatis relaxare ad penam, qua est accessoria; Et in voto suscipiendi Ordines Sacros. VI. Facta a Pontifice commutatione Voti sibi reservati, potest Episcopus dispensare in materia subrogata. VII. Si votum sit disjunctivum, antequam eligatur pars reservata, potest in illo Episcopus dispensare. VIII. Potest etiam dispensare in differenda executione voti Religionis; & in voto ingrediendi Ordinem Militarem, dempto Ordine Sancti Joannis Hierosolymitani. IX. Pariter dispensare potest in votis factis in favorem alterius, si nondum sunt acceptata; Si tamen sint acceptata, tunc solum probabiliter potest dispensare, quando emissi sunt principaliter in honorem Dei, & secundaria in favorem alterius. X. Ibidem

vota reservata, si sint conditionata, (& probabiliter etiam post conditionem purificatam) dispensari possunt ab Episcopo. XI. Habens potestatem commutandi vota, aut in iis dispensandi, potest illam secum exercere. XII. Habens facultatem dispensandi in Votis num possit eatenus iuramenta relaxare? XIII. Quanam dicatur causa iusta ad dispensandum in Votis?

## QUÆSTIO IX. 129

De tertio Decalogi Præcepto.

Diem Sabbati sanctifices.

## ARTICULUS I. 130

De Abstinencia ab operibus servilibus die festo.

I. Non est speciale peccatum die festo peccare, & diabolo inservire; sed est peccatum opera servilia exercere. Sine autem servilia operantur solum qua a servis communiter exerceri solent, sed etiam qua servis, & liberis solent esse communia, itant usus, & consuetudo habeat pro servilibus. II. Prohibentur servilia, etiam si gratis, & sine labore exerceantur; & permittuntur liberalia, etiam si ob stipendium, & cum labore fiant. III. Permittitur transcribere etiam notas musicas, non tamen lineas his notis subjectas ducere. Licet etiam est Typographo characteres ordinare, rationes dari, & accepti facere, & transcribere. IV. Probabiliter licet etiam delinquare, & sine magno apparatu pingere; Immo etiam acu pingere. V. Permittitur etiam probabiliter piscari, & venari sine magno apparatu, ac labore. VI. Pariter permittuntur prædicationes, artes militares, & ars digladiandi. VII. Ars sculptoria censetur servilis, si in ligno, si in marmore, aut creta sculptatur. VIII. Licet etiam iter facere etiam in

lœlica; quæ portetur ab hominibus. IX. Non licet ducere iumenta, aut currus onustos, si cum magno labore onera iis imponenda sunt. Qui vero comitantur iumenta onusta, raro peccant mortaliter; quia raro ultra spatium duarum horarum in imponendis oneribus laborant. X. Idem dicendum de iis, qui ducunt animalia, quæ in pistrino molunt, ac de iis, qui exercent opus distillandi; aut frumentum cribro evencilatum manibus purgant. XI. Num liceat Infidelibus injungere die festo opera servilia?

## ARTIC. II. 132

### De Operibus forensibus vetitis die festo.

1. Prohibetur die festo *Mercatus*, *Judicium forense*, & *Juramentum*. II. Nomine *mercatus* veniunt *Nundinae* universales, & *particulares*, necnon *actus mercandi*. Quid tamen permittitur ex consuetudine? III. Nomine *Judicii forensis* venit *strepitus judicialis*; itaque *actus judiciales* sint invalidi, nisi necessitas, aut pietas aliud suadeat. IV. *Sententia excommunicationis* nec irritatur, nec prohibetur; Sicut neque *alia sententia*, & *actiones*, quæ *strepitum judicalem* non requirunt: Probabilis tamen licita est *Appellatio*. V. Nomine *Juramenti*, quod prohibetur die festo, venit *juramentum judiciale*, quod fit pro rebus temporalibus. VI. Pluribus de causis aut licent opera forensia, ac servilia die festo, aut non est mortale ea exercere; Præsertim ratione necessitatis, consuetudinis, dispensationis, aut parvitas materia. VII. Quid de *sutoribus* laborantibus die festo? VIII. In dubio an detur necessitas, aut consuetudo approbata, petenda est dispensatio: Secus tamen si probabile sit dari necessitatem, aut consuetudinem, & scandalum vitetur. IX. Est sufficiens causa excusans timor gravis damni, & amissio ingentis lucri. X. Num possit quis

ad orium vitandum laborare, saltem ad sublevandam alicujus gravem necessitatem? Num possint ea fieri die festo, quæ ad cultum divinum spectant? XI. Quanam sit parvitas materia in operibus servilibus; quanam in forensibus, quæ a mortali excuset? XII. Plurimi ex consuetudine a *Doctoribus* excusantur. Quid de *barbitoribus*, & *sutoribus*? Quid si de consuetudine dubitetur? XIII. Demum excusat dispensatio, quam data iusta causa potest etiam *Vicarius Generalis* ex speciali mandato concedere; Immo etiam *Parochus*; qui potest etiam in *jejunii* dispensare. *Praelati* *Regulares* dispensare possunt cum *subditis* suis, non cum *famulis secularibus*.

## ARTIC. III. 137

### De Missa die festo audienda.

1. Probabiliter satisfactio præcepto de missa audienda, qui successive duas missa partes audit, quamvis ordine inverso: II. Num pariem missa notabilem omittat, qui incipit illam audire post *Euanagium*? Aut qui per breve tempus abest, dum fit aut *Consecratio*, aut *Communio*? III. Quanam dicatur *presentia moralis* requisita ad satisfaciendum præcepto audiendi missam? IV. Non satisfactio, qui toto tempore missa conficitur peccata sua. V. *Presentia moralis* haberi potest aliquando, etiam si audiens missam sit extra Ecclesiam; & potest non haberi, etiam si sit intra Ecclesiam. Quid si inter fenestram domus, e qua auditur Missa, & Ecclesiam intercedat via publica? VI. Missa in *Oratorii* privatis *Magnatum* a quibusdam *familiaribus* die festo auditri potest, ita ut non teneantur illam in Ecclesia audire? VII. Excusat ab audienda missa *Impotentia*, *Censura*, *Consuetudo*, & *dispensatio*. *Impotentia* habetur ab eo, qui sine gravi incommodo illam audire non potest. Quid

si lucrum ingens amitteret? VIIII. Num excusetur puella, qua credit se ab adolescente lascivo concupiscendam, si domo egrediamur? IX. Num teneatur privilegiarius missam audire tempore Interdicti? Et quid de detento in carcere, si facile potest facultatem egrediendi obtinere? X. Excusantur vidua, & similes, ubi est consueudo, quod per aliquod tempus domo non egrediantur post mortem mariti: Sic etiam nobiles, pauperes, &c. XI. Num peregrinus teneatur missam audire, ubi est festum municipale, si per viginti dies circiter ibi sit commoraturus? XII. Num possit quis die Sabbati ire venatum, si die dominico non possit audire Sacrum?

## QUÆSTIO X 43

De Jejunio.

### ARTICULUS I.

A quibus cibis abstinendum die jejunii? Et an etiam a potu?

I. Quenam animalia, qua extra aquam vivunt, non prohibeantur? II. Num laridum, & sagimen inter lacticia numerentur? Quid de intestinis animalium? III. Num lacticia, qua ex evidenti totius Ecclesie consuetudine obligatoria prohibentur in Quadragesima, pariter in aliis vigiliis prohibeantur? IV. Dispensatus ad carnes, & non ob virum imbecillitatem, num teneatur ad unicam comestionem die jejunii? V. Num dispensatus ad carnes, quo die ab iis abstinet, ad unicam comestionem teneatur? VI. Utrum die jejunii liceat vinum bibere in frandem jejunii ad vires reficiendas? VII. Num liceat comedere, & bibere ob delectationem, & non ad satietatem? VIII. Quenam universim dicatur potus usualis, a quo jejunium non frangatur? Num cervisia, num a-

qua saccharo, & aromatibus condita? Num Chocolata?

## ARTICULUS II. 148

De unica Refectione, ac de ejus Hora.

I. Ex consuetudine, non ex lege scripta tenemur die jejunii ad unicam dumtaxat refectionem? Et ex consuetudine etiam permittuntur refectiuncula. II. Qui bis comedit die jejunii, si iterum comedat, non peccat amplius? At si comederet carnes, peccat toties, quoties iterum illas comedit. III. Qui inculpabiliter bis comedit, num teneatur non amplius comedere? IV. Ut refectio dicatur moraliter unica, quantum temporis intercedere potest inter plures refectiões? Num possit vespere comedere, qui mane carnis notabili parte refectiões? V. Hora refectiões, qua olim erat ad Solis occasum, & deinde ad Tertiam post meridiem, nunc temporis est ad meridiem. VI. Quid si anticipetur hora comestioni sine causa, aut privilegio per horam ante meridiem?

## ARTIC. III. 150

De Refectiuncula.

I. Varie opinantur Doctores circa quantitatem cibi in Refectiuncula; Omnium benignissima, & usa recepta opinio est, quod ea sit octo unciarum. II. In pervigilio Nativitatis Domini refectiuncula potest esse duplo major; & in iis Regionibus, ubi est consueudo sumendi triplo majorem, immo etiam in vigilia Paschatis, & Pentecostes servari illa licite potest. III. Num possit in refectiuncula sumi exigua pars piscis majoris? IV. Licetne sex uncias panis cum duabus uncias liquoris amygdalini coquere, & sumere pro sententia? V. Num liceat sine causa cancellam sumere mane, refecta in Vesperas

vas cana? VI. Non licet diluculo jentaculum sumere, & ad meridiem, seu ad Vesperas canare.

#### ARTIC. IV. 152

De Obligatione Jejunii, & non cooperandi cum aliis in illius fractione.

I. Jejunium Quadragesimale non est de jure divino, sed jam inde ab Apostolis in Ecclesia preceptum. II. Consuetudine plura jejunia in Ecclesia introducta sunt, & plura abrogata. Num Regulares teneantur ad jejunia consuetudine alicubi introducta? III. Quando nam frangens jejunium, ad quod ex pluribus titulis obligatur, plura peccata committat? IV. Num Franciscanus ad jejunia sue Regule obligetur ante vigesimum primum aetatis annum? V. Lex jejunii obligat etiam ad non cooperandum cum aliis in ejus fractione. VI. Num liceat invitare, ac offerre carnes parvo jejunium frangere, non quidem absolute, sed sub conditione, quod velit omnino carnibus vesci? VII. An peccent Canones ministrando omnibus indiscriminatum carnes esurialibus? VIII. Licite carnes ministrantur Infidelibus die jejunii, sicut pueris ante rationis usum.

#### ARTICULUS V. 155

De Infirmitate, & Paupertate a Jejunio excusantibus.

I. Excusant Dispensatio, & Impotentia saepe orta ex infirmitate, paupertate, labore, aetate. II. Infirmitas excusans debet esse notabilis, puta si timeatur ex jejunio capitis vertigo, aut stomachi dolor; Aut si ex illo impediantur consueti uniuscujusque operationes. III. Praegnantibus, & nutrices, etsi valida, ad jejunium non tenentur,

sed tenentur secundum se a carnibus abstinere. Qui absque cana nequit nocte calefieri sufficienter, non tenentur mane jentare, ut vespere coeet. IV. In dubio an jejunium sit graviter nocivum, standum iudicio Medici docti, & timorati; vel petenda est dispensatio; Quae probabiliter dari potest, etiamsi dubitetur, an detur iusta causa ad dispensandum. V. Nec Medicus, nec Confessarius dispensare potest in jejniis, sed solus Superior; etiam Parochus; non tamen Abbatissa. VI. Excusatur pauper, si careat sufficienti cibo. Sed quinam dicitur cibus sufficiens? VII. Num liceat messoribus, ac iter agentibus vesci lacticiis, si desit sufficiens aliud alimentum?

#### ARTICULUS VI. 157

De Labore, & Aetate, quae a Jejunio excusant.

I. Excusantur a jejunio, qui exercent artem de se laboriosam, quamvis possent commodè jejunare. II. Quanam dicatur ars de se laboriosa impossibilis cum jejunio? III. Non videntur artes de se laboriosae, Ars Sutoris, qui pannos sut, & Ars Barbitonforis; unde solum per accidens excusari possunt. IV. Quanam reputentur exercitia de se non laboriosa? Num Cantoris, Advocati, Concionatoris? Et quid de iter agentibus? V. Qui arti laboriosa operam navant, si uno, aut altero die a labore desistant, num teneantur iis diebus jejunare? VI. Quando nam Coniux a jejunio excusatur, si non possit aliter debitum reddere? VII. Non licet in fraudem jejunii opus laboriosum assumere, aut longum iter. Quomodo liceat aliquando ire venatum, quamvis non sit compossibile jejunium cum ea venatione? VIII. Probabiliter senes etiam robusti ad jejunium non obligantur inchoato anno sexagesimo; Et foemina juxta nonnullos inchoato quinquagesimo.

quagesimo: Quid si dubitetur de tali aetate?

## QUÆSTIO XL 161

### De quarto Decalogi Præcepto

*Honorandi Parentes.*

## ARTICULUS I.

### De Obligatione filiorum erga parentes.

1. Filii Parentibus debent Amorem, Reverentiam, Obedientiam, & Subventionem. II. Amor Parentibus debitus consistit in fuga odii, & in exhibitione signorum amoris; necnon in dilectione interna, & formali. III. Reverentia Parentibus debita quid ferat? Et quando ab ea filii deobligentur? IV. Quando graviter peccent filii non obtemperando Parentibus? V. In iis, qua pertinent ad vitam æternam, tenentur filii consulere Parentes, quamvis non teneantur deinde eorum consilium sequi. VI. Tenentur filii Parentibus subvenire tam in necessitatibus spiritualibus, quam in temporalibus. VII. In gravi necessitate Parentum tenentur filii abstinere ab ingressu in Religionem; necnon in extrema fratrium, aut sororum. At egredi e Religione tenentur solum in extrema Parentum necessitate. VIII. Eodem modo Parentes tenentur ab ingressu in Religionem abstinere in gravi necessitate filiorum, & in extrema egredi.

## ARTICULUS II. 164

### De Obligatione Parentum erga filios.

1. Tenentur parentes bono spirituali, & temporalis filiorum multipliciter prospicere; & si ad eorum emendationem est necessarium, possunt percutere etiam in Sacris constitutis. II. Mater solum te-

nentur lactare, & educare filium usque ad tertium annum, nisi pater sit impotens ad alendum filium. In defectum parentum tenentur Avi, deinde Avia. Si divites exponant filios Hospitali, tenentur huic expensas compensare. III. Plurima causa a Doctoribus assignantur, ob quas potest Pater filium exheredare. IV. Si filia contra voluntatem Patris nubas indigno, non potest exheredari. V. Num Pater filio, quem exheredare potest, teneatur alimenta prestare ad vitam sustentandam? VI. Quid veniat nomine alimentorum, qua Pater tenetur filio prestare? Num teneatur etiam alere uxores filiorum, & filia spuria dotem constituere? VII. Obligatio, quam habent parentes alendi filios, transit ad heredes; Sicut etiam si bona parentis donentur Monasterio, aut addicantur fisco. VIII. Quinam debet filium alere, si dubitetur num sit filius Perri, an Pauli? Et Paterpatratus a Patre, an a filiis alendus est?

## ARTIC. III. 166

### De Obligatione Conjugum ad invicem.

1. Etiam vir debet uxori præter amorem, obedientiam in iis, in quibus est subiectus, & honorem. II. Potest vir objurgare, & leviter percutere uxorem, si sit spes emendationis; at nequis sine gravi culpa illam graviter percutere. III. Secundum se tenetur vir alere uxorem, quamvis illam duxerit indotatam. IV. Num teneatur illam alere, quando ob utriusque culpam ab eo recessit? V. Aliquando tamen uxor tenetur virum alere. VI. Majorem debet amorem, reverentiam, & obedientiam uxor viro, quam uxor Vir, quippe qui est caput mulieris; unde tenetur uxor virum sequi: Sed quid si partum intercedat non mutandi locum?

## ARTICULUS IV. 163

De Obligatione Dominorum, Superiorum, & Principum relate ad subditos, & ad invicem.

*I. Mancipia tenentur cum periculo vite dominum defendere. II. Servus in bello iusto captis licitum est fugere, si non dederint fidem non fugiendi. III. Quicquid servus acquirit, domino acquirit, si de consensu domini non habeat peculium. IV. Famuli non tenentur, sicut tenentur servi, dominum defendere cum vita discrimine. Num debeatur famulo salarium, si diu egrotat? V. Num Superiores, Magistri, Parentes possint moderate ad correctionem verberare etiam in Sacris constitutos? VI. Quomodo se gerere debet Herus erga famulos? Num possit illos egrotantes mittere ad Hospitale subtrahendo mercedem? Ecclesia Clericis egrotantibus non denegat distributiones. VII. Religiosi non tenentur obedire Prælati suis in iis, quæ sunt anti supra regulam, aut præter regulam. VIII. Prælati tenentur ad residentiam, & ad dispensandos redditus Ecclesiasticos superfluos congrua sustentationis in usus pios. IX. Parochus quomodo debeat providere de Vicario, si non resideat ex iusta causa? X. Subditi erga Principes laicos ad quid tenentur? XI. Ad quid vero Principes laici erga Vassallos? XII. Peccat Princeps, & ad restitutionem damni secuti tenentur, si ad Officium Gubernatoris, vel Iudicis promoveat ineptos. XIII. Peccat etiam plerumque graviter, & contra fidelitatem erga Rempublicam, & contra iustitiam distributivam, si ad hæc Officia promoveat dignos, omittis dignioribus, seu Republica utilioribus. XIV. Officia secularia solus Princeps supremus potest aliquando moderate vendere, idque propter Republica utilitatem, non ob privatum commodum.*

*Pars II.*

## ARTIC. V. 173

De obligatione diligendi proximum.

*I. Tenemur proximum diligere etiam actum interno, & formali. II. Etiam peccatores diligendi sunt, ac etiam inimici actum interno, & formali amore prosequendi. Non tenemur tamen per se loquendo illos salutare, si scandalum absit. III. Non tenemur actionem coram Iudice omittere, ut offensar satisfactio nem prabeat pro injuria, & damnis illatis. Quid si sponte exhibeat ipse satisfactio nem? IV. Quenam ordinem proximus diligendus est? Diversus ordo servandus in necessitate extrema, vel gravi, ac extra necessitatem. V. Quenam sint peccata omissionis, & commissionis, quæ charitati erga proximum adversantur? VI. Explicanda est in confessione species mali, quod vis proximo inferre, non tamen species mali, quam proximo desideres. VII. Adversantur charitati erga proximum non solum Odium, sed etiam Indignatio, & Ira; qui tamen actus licite cum moderatione debita exerceri possunt. VIII. Adversantur etiam Discordia, Consensio, Rixa, Seditio, (quæ a Bello, & a Schismate differi) & Scandalum. IX. Non est peccatum contra charitatem scandalum acceptum, sed Scandalum datum. X. Scandalum Activum aliud est directum, aliud indirectum; Scandalum passivum aliud est Pusillorum, aliud Pharisaicum. XI. Scandalum directum semper est peccaminosum; at non semper scandalum indirectum; quod cum nonnullis limitationibus permitti potest. XII. Quanam dicantur actiones licite, quæcumque cum iis materialiter cooperemur cum peccato proximi? XIII. Sine causa permitti non potest scandalum acceptum, ne pharisaicum quidem. XIV. Ad vitandum scandalum Pusillorum omitti aliquando potest nonnullorum præceptorum observantia.*

*F f XV.*

xv. In pluribus casibus abesse potest peccatum scandalum, quamvis coram aliis peccetur. xvi. Num aperienda sit in confessione species peccati, ad quod induciuntur proximus, qui scandalizatur.

## ARTICULUS VI. 189

De Obligatione subveniendi proximo in suis necessitatibus.

1. In extrema necessitate spirituali proximi tenemur illi, etiam cum visa discrimine, succurrere. 11. In necessitate non extrema, sed gravi alicujus particularis non tenemur cum visa periculo succurrere; tenemur tamen in necessitate gravi alicujus Communitatis. 111. Pastor, etiam in gravi necessitate suarum animarum, tenetur opem illis ferre cum visa discrimine. 1v. Non tenemur, sed possumus periculo exponere vitam propriam pro visa temporali proximi. v. Divitibus precipitur facile tribuere elemosinam indigentibus. vi. In extrema proximi necessitate tenemur ad elemosinam ex necessariis statui proprio, sed natura superfluis. vii. Num satis sit extreme indigenti mutare? viii. Num in gravi necessitate proximi tenemur illi succurrere ex necessariis ad statum? Tenemur certe ex statui superfluis. ix. Ad quid tenemur in communibus pauperum necessitatibus? x. Beneficarii magis, quam alii obligantur ad succurrendum pauperibus. Quoniam pacto possint de redditibus Beneficii disponere? xi. Quandonam tenemur proximum fraternaliter corrigere, & Quomodo? Quid si dubitetur, an correctio sit profutura? xii. Num etiam cum gravi incommodo fieri debeat aliquando fraterna correctio? Et num premissa debeat semper, antequam delictum denuncietur?

## QUÆSTIO XII. 186

De Octavo Decalogi Præcepto.

*Non loqueris falsum testimonium.*

## ARTICULUS I. ibid.

De Forma Juris a Judice servanda.

1. Forma juris, seu Legum dispositio a Judice servanda est, tum in modo procedendi, tum in ferenda sententia. 11. Modus procedendi juxta formam juris est triplex, per Accusationem, per Denunciationem, & per Inquisitionem: Hac autem triplex est, Generalis, Particularis, & Mixta. 111. Ut per Inquisitionem generalem procedat Judex, non prærequiritur Infamia, nec Accusatio. Debent tunc manifestari delicta, si delinquentes laborent infamia. 1v. Ad Inquisitionem specialem prærequiritur accusatio, qua sufficienter habeatur per infamiam, aut per publicum rumorem. v. Infamia habeatur per vocem multorum, quin taxetur numerus, sed arbitrio Judicis relinquendus. vi. Num sufficiant indicia certa, ut possit fieri specialis Inquisitio? vii. Quid præquiratur ad Inquisitionem Mixtam? viii. In quibusnam casibus fieri potest Inquisitio specialis, nulla infamia præcunte? ix. Quoniam forma debet procedere Judex post accusationem, aut denunciationem Rei? x. Num licite procedat Judex propter meram querelam, aut denunciationem sine pravia infamia?

## ARTICULUS II. 190

De Jurisdictione in Judice requisita.

1. Requiritur Jurisdictio in Judice, ne valide sententiam ferat, sive ea sit ordinaria, sive delegata, sive Arbitraria, sive Accessoria. 11. Indices sacculares

Num possint vi consuetudinis immemorable aliquam sententiam ferre adversus Ecclesiasticos? *III.* In pluribus casibus permittitur Iudicibus laicis de Clericis cognoscere. *IV.* Qui patrato delicto assumpsit habitum Clericalem, aut Religiosum, poteritne a Iudice laico puniri? *V.* Clerici turbantes Rempublicam possunt a Iudice laico reprimi, capi, & illico Superiori Ecclesiastico tradi, ut puniantur.

## ARTICULUS III. 192

### De Iudice in ferenda sententia.

*I.* Iudici non licet in ferenda sententia sequi opinionem minus probabilem, omissa probabiliore. Cur id liceat Confessariis? *II.* In causis civilibus, in quibus opiniones circa ius sunt aequae probabiles, universim potest iudex causam adjudicare, cui magis, favendo tamen Reo, prout fieri potest. At si opiniones sunt aequae probabiles circa factum, debet dividere, aut pretium rei. *III.* In causis vero criminalibus, quando opiniones circa factum sunt aequae probabiles, sequenda est opinio magis favens Reo. *IV.* Iudex inferior nequit damnare Reum, si solum privata scientia sciat illum esse reum. Potest tamen debiorem huiusmodi cogere ad solvendum. *V.* Iudex supremus regulariter non potest Reum condemnare, nisi citatum, & auditum. *VI.* Num possit Iudex damnare iuridice Reum, si privata scientia sciat illum esse innocentem? Probabilius id non licet in causis capitalibus, sed solum in civilibus, ac levis momenti. *VII.* Quanam munera accipi possunt a Iudice, praefixo iuramento de non acceptandis muneribus a partibus, & praefixis legibus ad vetantibus? *VIII.* Pretium acceptum pro ferenda sententia iniusta, post illum non est restituendum; sicut restitui debet pre-

tium pro ferenda sententia iusta. *IX.* Leges positiva vetantes munus accceptionem non allicientium ad injustitiam probabiliter non obligant sub mortali; sed iuramento quod a Iudicibus praestatur de iis non acceptandis. *X.* Dari possunt Iudici munera ad vexationem injustam redimendam. Sed non est de facili credendum, quod ea intercedat; nec quod propter munera diligentius merita causa ille sit discussurus.

## ARTICULUS IV. 196

### De Accusatore.

*I.* Accusatio differt a denunciatione iuridica, eo quod hac fieri possit solis verbis sine aliis solemnitatibus propriis accusationis; Nec tenetur denunciator crimen probare, & penam talionis subire; Differt etiam a denunciatione paterna, quia hac ordinatur ad emendationem, non ad punitionem Rei. Quanam dicatur denunciatio Canonica? *II.* Denunciatio paterna in foro Ecclesiastico transire potest in iudicalem. Ad paternam denunciationem procedere debet fraternam correctio, non ad accusationem. *III.* Licetum est accusare, vel iudicialiter denunciare reum propter injurias nobis irrogatas, & propter quodcumque crimen, licet occultum. *IV.* Num praemitti debeat accusationi correctio fraternam? Num condonare offensas sit solum consilium, ita ut licite possimus reum accusare, non ex odio erga illum, sed ex amore iustitiae? *V.* Raro in praxi peccatur, si ob offensas occultas nobis irrogatas reum accusamus, si odium omnino absit. *VI.* Qui omittit accusationem, vel denunciationem debitam ex charitate, peccat; sed non tenetur ad restitutionem, nisi ad illam teneatur ex iustitia. *VII.* Plurimi sunt, qui ab accusando repelluntur. *VIII.* In nonnullis



*casibus non licet reum accusare, etiam  
posito Superioris precepto.*

## ARTICULUS V. 198

### De Testibus, & Notariis.

*I. Quinam testes requirantur, & sufficiant, ut possit Reus damnari? Quinam vero jure Canonico, quinam jure civili inhabiles sunt ad testandum? II. Nemo tenetur testari, nisi a charitate, aut a precepto superioris ad testandum adigatur. Num teneatur ad restitutionem, qui contra preceptum superioris renuit testari? III. In quibus casibus non datur obligatio testandi, etiam posito precepto Superioris? IV. Non tenemur, sed possumus offerre nomen ad testandum ad vitam innocentis salvandam, quamvis inde sequatur mors delinquentis. V. Teneatur retrahere testimonium falsum etiam cum periculo vite, qui ob illud est in causa, ut alius mortis damnetur. VI. Qui pecuniam accipit, ut verum testetur, non tenetur illam restituere; sed ante patratum crimen tenetur illam restituere, si acceperis ad deponendum falsum; post crimen vero tenetur compensare. damnum illatum. VII. Num teneatur testificari, posito iudicis precepto, qui movit crimen ab Accusatore, aut a Teste? VIII. Si iudex legitime interroget, nequit testis equivocare; Secus vero si non procedat legitime; Et aliquando ad hanc equivocationem tenetur. IX. Si testis sibi contradicat in eodem examine, standum est posteriori dicto; secus vero si sibi contradicat in diversis examinationibus. X. Si Notarius aliquid scripserit, & testis juret se illud non dixisse, credendum est potius Notario.*

## ARTICULUS VI. 201

### De Reo.

*I. Reus in iudicio non tenetur respondere, nisi iuridice interrogetur, ita scilicet ut praeceperis vel semiplena probatio, vel indicia clara, aut infamia, quae per duos testes probata sint. Et in nonnullis casibus iuridice interrogatus potest equivocare. II. Non sufficit ad semiplenam probationem solus accusator, aut denunciator. III. Probabiliter reus iuridice interrogatus non tenetur veritatem fateri, si inde sibi imminet grave damnum. IV. Quid si reo nulla sit spes evadendi mortem, aut aliud grave damnum? Num peccet lethaliter, si veritatem non fateatur? V. Num sine mortali possit equivocare, qui iuridice interrogatur de re levi? VI. Propter opiniones utrinque probabiles saepe datur bellum utrinque iustum; Unde potest iudex iuste interrogare, quin teneatur reus veritatem fateri. VII. Potest reus e carcere fugere, quamvis inde sequatur custodis mors a iudice illi infligenda. Ne quis tamen reus ministris iustitia vim inferre, illos percutiendo, &c. VIII. Cum moderamine inculpata timela potest Reus, ejusque advocatus propalare occultam crimina testium ad eorum auctoritatem infringendam; sed non potest in falsa crimina appingere.*

## ARTICULUS VII. 203

### De Advocato, ac Procuratore.

*I. Ad restitutionem tenetur Advocatus, (sicut & Procurator) si ex sua negligentia, aut imperitia causa amittatur. Sicut etiam si causam manifeste injustam defendat; aut si pacem inducat ad transactionem in causa injusta; Necnon*

non si secreta causa alicui parti pro-  
dat. 11. Potest Advocatus causam mi-  
nus probabilem, immo & dubiam pa-  
trocinari; non tamen causam, qua pa-  
trum habet probabilitatis, in quam fe-

re nunquam iudices inclinant. 111. Ve-  
ritum est Advocatis pacisci de quota li-  
tis. Id tamen ex natura rei licitum vi-  
detur pro foro interno, modo absit pe-  
riculum fraudis, & iniustitiae.

F I N I S.



# I N D E X

## RERUM NOTABILIMUM,

Quæ in hac Secunda Parte de Præceptis Decalogi  
continentur.

Prior numerus Quæstionem; Alter Articulum; Tertius  
numerum marginalem designat.

### A

- A**bbatissa quid possit relate ad vota  
Monialium? 7. 6. 8. Nequit in jeju-  
niis dispensare. 11. 5. 5
- Accusatio** in quo differat a juridica de-  
nunciatione? 12. 4. 1. Necnon a denun-  
ciatione paterna, & canonica? ibid.  
Licetumne sit Reum accusare etiam ob  
crimen occultum? 12. 4. 3. Num præ-  
mitti debeat accusationi correctio fra-  
terna? 12. 4. 4. Quinam ab accusando  
repelluntur? 12. 4. 7. Clericus quan-  
do, & quomodo accusare possit? ibid.  
In quibus casibus non est licita accusa-  
tio, etiam posito Superioris præcepto?  
12. 4. 8.
- Accusator** solus, aut denunciator non sa-  
tis est ad semiplenam probationem.  
12. 6. 2.
- Adjuratio** alia est Imperativa erga dæ-  
mones, alia Obscetrativa erga Deum.  
7. 8. 1. Creaturæ irrationales adjuran-  
tur improprie, quatenus obediunt  
Creatori. 7. 8. 3. In quo differat adju-  
ratio a Juramento? 7. 8. 5. Quibus li-  
ceat dæmones adjurare, & publice  
exorcizare? 7. 8. 6
- Adoratione** latriæ Christus Dominus ad-  
orandus est; primario tamen natura  
divina, & concomitanter humana. 4.  
1. 1. Quomodo in praxi ejus Humanitas  
adoranda? 4. 1. 4. Adoratur Crux  
adoratione latriæ respectiva. 4. 1. 5.  
Quomodo Eucharistiæ Sacramentum  
adorandum sit? 4. 1. 7. Quomodo Bea-  
ta Virgo? 4. 1. 5. Quomodo Sancti?
4. 2. 12. Quonam pacto Beati, ac de-  
functi cum fama Sanctitatis? 4. 2. 6.  
Septem enumerantur cultus, quibus  
juxta Ecclesiæ institutionem Sancti ad-  
orari possunt. 4. 2. 5. V. *Reliquia San-  
ctorum, & Imagines Sanctorum.*
- Advocatus** nequit patrocinari causam,  
quæ parum habet probabilitatis. 12. 7.  
2. Vetitum est illi pacisci de quota li-  
tis, non tamen jure naturali. 12. 7. 3.  
Ad restitutionem tenetur, si causam  
injustam defendat, aut si ex sua negli-  
gentia, aut imperitia causa amittatur.  
Idemque dicas de Procuratore. 12. 7. 3
- Editiuus** debet pridie festi templum ver-  
rere, & ornare, ne die festo laboret.  
1. 5. 6.
- Æquivocatio**, & restrictio pure menta-  
lis num liceant aliquando? 7. 4. 2
- Agni cerei** adorantur adoratione latriæ.  
4. 3. 3. Non possunt pingi, nec vendi.  
ibid.
- Alimentorum** nomine, quæ Pater filiis  
præstare tenetur, quid veniat? 11. 2.  
6. Quibus de causis possint Parentes fi-  
liis alimenta denegare, eosque exhe-  
redare? 11. 2. 3
- Amentes** relate ad leges servandas num  
æquiparentur infantibus? 1. 3. 5. Num  
possint illis opera servilia injungi die  
festis? 1. 3. 6
- Attentio** requisita in Horarum recitatio-  
ne quænam sit? 3. 4. 5. Et quænam in-  
tentio? ibid. Num similis attentio, &  
intentio requiratur in auditione Missæ  
præceptæ? 3. 4. 8
- Attentio** requisita in auditione Missæ.  
9. 3. 4.

Bene-

**B**

**B**eneficarii magis quam alii tenentur ad stipem pauperibus erogandam . 11. 5. 10. Quomodo possint de redditibus Beneficii disponere? *ibid.*  
**B**eneficarii ad Horas Canonicas tenentur . 3. 1. 1. Quando eximuntur ab hac obligatione? *ibid.*  
**B**eneficarius quando tenetur ad restitutionem fructuum ob Horarum omissionem? 3. 3. 8. Ad restitutionem non tenetur, si eas omittat ob impotentiam; secus vero si omittat ex dispensatione Episcopi . 3. 6. 12  
**B**eneficium quodnam dicatur tenue? 2. 4. 4. Quid si dubitetur an sit tenue? 2. 4. 5.  
**B**lasphemia quid sit, & quodplex? 6. 2. 1. Non datur in ea materię parvitas . 6. 2. 2. Ex consuetudine blasphemare sine plena advertentia hic, & nunc, non vacat culpa lethali . 6. 2. 3. Blasphemia hæreticis vel tollit a Deo, quod habet, vel per contumeliam tribuit illi, quod non habet . 6. 2. 4. Simplex blasphemia quadruplex est, Enunciativa, Detestativa, Irrisoria, & Juratoria . 6. 2. 5. Num specie differant Blasphemię in Deum, & in Sanctos? 6. 2. 6. Num blasphemet, qui Creaturis irrationabilibus, tempori, pluvię, ventis maledicit? 6. 1. 7. Disceuntur nonnullę formulę frequenter usurpate num sint blasphemę? 6. 1. 8. Quid de illa, Per vitam Dei, aut de alia, Corpo di Dio con voi? 6. 2. 10. Qui hæreticales blasphemias proferrunt, denunciandi sunt . 6. 2. 11

**C**

**C**æcus obligatus ad Horas num teneatur memoriter recitare psalmos, quos potest? 3. 6. 9  
**C**anonizatio Sanctorum quandonam fuerit instituta? 4. 2. 4  
**C**arnes comedere diebus vetitis ad mortem declinandam non licet, si id præcipiatur in contemptum nostrę Religionis . 1. 6. 7  
**C**arnium humanarum comessio num liceat aliquando? 1. 6. 9  
**C**arthusiani num teneantur carnibus ve-

sci in extrema necessitate? 1. 6. 10  
**C**astitatis votum reservatum est, non vero juramentum servandi castitatem . 7. 6. 10.  
**C**haritatis præceptum ad quid obliget? 2. 3. 4. Quandonam tenemur elicere actum charitatis? 2. 3. 5  
**C**horus num possit omitti, si Communitas solum constet ex quatuor, vel quinque religiosis? 3. 1. 7. Moniales, quę absunt a Choro, num teneantur privatim Horas recitare? *ibid.*  
**C**hristi Humanitas quomodo in praxi adoranda? 4. 1. 4  
**C**hristus Dominus non orat pro nobis, sed miseretur nostri; orat tamen ejus Humanitas . 4. 1. 3  
**C**lerici quando, & quonam pacto accusare alios possunt in judicio? 12. 4. 7  
**C**lerici turbantes Rempublicam quonam pacto possint a laica potestate coerceri? 12. 2. 5. In pluribus casibus possunt a laicis iudicibus recognosci . 12. 2. 3. Num possint a laica potestate puniri, qui patrato delicto assumpsit habitum Clericalem? 12. 2. 4  
**C**omedere, & bibere ob delectationem, sed non ad satietatem, num vacet culpa veniali? 10. 1. 7  
**C**onfessarius quomodo gerere se debeat cum Magis, Maleficis, & Incantatoribus? 5. 5. 7  
**C**onscientia perplexa num semper eximat a culpa operantem cum illa? 1. 2. 14.  
**C**onsuetudo pejerandi sine advertentia sub mortali tollenda est . 7. 7. 3. Quibus remediis evellatur? 7. 7. 4  
**C**ontemptus rei levis præceptę num sit mortalis? 1. 2. 12. Quandonam peccatum de se veniale ratione contemptus evadit mortale? *ibid.*  
**C**orrectio fraterna qualiter facienda sit? 11. 5. 11. Quid si dubitetur, an ea sit profutura? *ibid.* An ea semper præmitti debeat, antequam delictum denunciatur? 11. 5. 12  
**C**ruce, quę Christum tetigit, adoratione latrię adoratur, non tamen Beata Virgo, nec quęcumque alia Christum tetigerunt . 4. 3. 3

## D

- D**ecreta Sacrae Congregationis circa cultum erga defunctos cum fama Sanctitatis. [4.2.7](#)  
 Dæmones quam arte in anulis, aut in phialis includantur? [5.4.5](#)  
 Denuncians, aut Accusator non satis est ad semiplenam probationem. [12.6.3](#)  
 Dispensare num possit Deus in præceptis Decalogi, & quomodo? [1.1.5](#)  
 Dispensare qui potest generaliter in votis Subditorum, potest eandem facultatem secummet exercere. [8.2.11](#)  
 Dispensatio obtenta quandonam excuset a legis transgressionem? [1.6.12](#) Dispensatione valide, sed illicite data qui utitur, num peccet venialiter? [1.6.12](#)  
 Divinatio haberi potest & cum expressa, & cum tacita Dæmonis invocatione; etiam si quis protestetur se nolle Dæmonem invocare. [5.2.2](#) Utraque multiplex est. [5.2.4](#) Sortilegium divinatorium de se est mortale. Quid de consultorio, aut divisorio? [4.2.5](#)  
 Num ratione curiositatis, aut joci possit quis a mortali excusari? [4.2.6](#)  
 Quandonam liceat somnia, & motus animalium observare? [4.2.7](#) Non licet Aegyptias consulere. [4.2.8](#)  
 Domicilium in quo differat a quasi domicilio? [1.3.7](#)  
 Dubitans an res præcepta levis graviter conducatur ad finem, ad quid tenetur? [1.2.10](#) Quid si dubitetur, an puer adeptus sit usum rationis? [1.3.4](#) Quid in dubio num motus fuerint secundo primi, an perfecte deliberati? [1.2.6](#)  
 Quid in dubio an res indigeat dispensatione? [1.6.13](#) Quid si dubitetur, an infirmitas sit gravis, ita ut excuset ab Horarum recitatione? [3.6.3](#) Quid in dubio num effectus aliquis sit superfluitosus, an naturalis? [5.3.9](#) Aut si dubitetur, num effectus præternaturalis sit a Deo, an a Dæmone? ibid. Quid si dubitetur an Maleficio novo maleficio sit dissoluturus prius maleficio, quamvis possit illud sine novo maleficio dissolvere? [5.5.4](#) Quid si vovens dubitet num habuerit animum se obligandi? [6.4.6](#) Quid si dubitetur an voto, seu juramento super venerit notabilis rerum mutatio? [7.6.3](#) Quid in dubio an quis voverit cum

plena deliberatione? [8.1.3](#) Quid si quis dubitet an voluerit per ratificationem voti invalidi de novo votum emittere? [8.1.9](#) Quid in dubio, an detur aliqua consuetudo laborandi die festo? [9.2.8](#) Quid in dubio an detur causa sufficiens ad non jejunandum, aut ad dispensandum in jejunio? [12.5.4](#) Quid si dubitetur, num aliquid ad cibum, an ad potum pertineat? [10.1.8](#) Quid si dubitetur, an pertineat ad carnes? ibid. Quid in dubio, an Ars sit de se laboriosa, & excusans a jejunio? [10.6.2](#) In dubio num quis sit genitus a Petro, an a Paulo, uter tenetur illum alere? [11.2.8](#) Si dubitetur an correctio fraterna sit profutura, num ad illam teneamur? [11.5.11](#)

## E

- E**piscopatum non acceptandi juramentum quando obliget? [6.3.8](#)  
 Episcopus potest vota omnia subditorum dispensare, nisi sint reservata. [8.3.1](#) Etiam in dubio an sint reservata, & in dubio an indigeant dispensatione. [8.3.2](#) Potest etiam si votum castitatis sit poenale, dispensare illud relate ad poenam. [8.3.5](#) Necnon in voto suscipiendi Ordines Sacros, ibid. Quid si votum castitatis sit emissum ex metu levi? [8.3.4](#) Quid in casu necessitatis? [8.3.3](#) Quid de votis factis in favorem alterius? [8.3.9](#) Quid de conditionatis purificata conditione? [8.3.10](#) Quoniam sit causa justa ad dispensandum in votis? [8.3.13](#)  
 Episcopus quandonam possit in lege Pontificia dispensare? [1.6.13](#)  
 Error, & dolus quando reddunt irritum contractum, & invalidum juramentum superadditum? [7.3.4](#)  
 Esculentia, & poculenta num possint a Iudice accipi? [12.3.7](#)  
 Excommunicatus quomodo officium recitare debeat? [3.1.9](#) Quando fructibus beneficii privetur? ibid.  
 Exheredari potest filius pluribus de causis. [11.2.3](#) Sed filia non potest exheredari per hoc, quod contravoluntatem Patris nubat indigno. [11.2.4](#)  
 Exorcizare quisnam possit privatim; quoniam publice? [7.8.6](#) Exorcista quid possunt a Dæmone interrogare? [7.8.9](#) Famu-

**F**amuli non tenentur cum discrimine vitæ dominum defendere; Sed tenentur mancipia. 11. 4. 4. Num debeatur iis salarium, si diu ægrotent? ibid. Num possint ad Hospitale mitti, quando ægrotant, subtrahendo mercedem? 11. 4. 6.

Fascinandī vis num sit naturalis, an superstitiosa? 5. 4. 6

Festis diebus peccare non est speciale peccatum. 9. 1. 1. Opera servilia, quæ iis diebus prohibentur, quænam sint? ibid. Num pingere liceat, aut etiam acu pingere? 8. 1. 4. Num liceat venari? 9. 1. 5. Num liceat ducere jumenta, & currus onustos? 8. 1. 9. Num liceat infidelibus injungere die festo opera servilia? 8. 1. 11

Festis diebus prohibetur etiam Mercatus, Judicium forense, & Juramentum. 9. 2. 1. Quid veniat nomine Mercatus? 9. 2. 2. Judicium forense quodnam dicatur? 9. 2. 3. Sententia excommunicationis non prohibetur. 9. 2. 4. Juramentum, quod prohibetur, est illud, quod fit in iudicio propter res temporales. 9. 2. 5. Quid dicendum de futuris laborantibus die festo? 9. 2. 7. Num liceat laborare ad otium vitandum? 9. 2. 10. Quænam hac in re sit materiæ parvitas? 9. 2. 11. Quinam ex consuetudine excusentur? 9. 2. 12. Quid si de tali consuetudine dubitetur? ibid. Potest Parochus ex iusta causa dispensare; & Prælati Regularis solum cum subditis suis, non vero cum famulis sæcularibus. 9. 2. 13

Fides est virtus Theologalis, vi cuius tria habentur præcepta affirmativa, & duo negativa. 2. 2. 1. Quandonam teneamur fidem confiteri? 2. 2. 3. Quandonam tenemur solum fidem non negare? 2. 2. 4. Num semper dubius in fide sit infidelis? 2. 2. 5

Filiæ spurix num teneatur Pater dotem constituere? 11. 2. 6

Filii debent Parentibus Amorem, Reverentiam, Obedientiam, & Subventionem. 11. 1. 1. In quo consistat hic amor debitus? 11. 1. 2. Quando tenentur ab ingressu Religionis abstinere? 11. 1. 7. Quando possunt a Patre ex-

*Part II.*

hæredari? 11. 2. 3. In iis, quæ pertinent ad vitæ statum, tenentur filii consulere Parentes, esto non teneantur eorum consilium sequi. 11. 1. 5

Franciscanus num obligetur ad jejunia suæ Regulæ ante vigesimum primum annum suæ ætatis? 10. 4. 4

Frequenter violare votum in materia levi num sit lethale? 8. 2. 5

H

**H**æresis sine errore in intellectu, & pertinacia in voluntate non habetur. 2. 2. 7. Quænam sit isthæc pertinacia? ibid. Ad incurrendas pœnas hæreseos debet signum externum manifestativum hæreseos internæ esse de se grave. 2. 2. 8

Homicidium est peccatum minus grave, quam perjurium. 7. 7. 1

Horæ Canonicæ cur ita dicantur; & cur etiam vocentur Officium Divinum? 3. 1. 1. Quinam ad eas teneantur? ibid. Num excusentur damnati ad trimeres, inclusi in carcere tetro, maximo merore affecti? 3. 1. 10. Quid de Uxoratis? ibid. Quid de captis ab infidelibus? ibid.

Horæ in virtute Sanctæ Obedientiæ studiosæ, ac devote recitandæ sunt. 3. 4. 1. Num pronuntiatio debeat esse audibilis? 3. 4. 2. Quænam attentione, & intentione recitari debent? 3. 4. 5. Quonam pacto recitandæ sint? 3. 4. 1. Quonam tempore? 3. 5. 1. Quonam loco, & quonam situ? 3. 5. 5. Excusant ab iis Infirmitas, Gravis occupatio, Impotentia, & Dispensatio. 3. 6. 1.

Horæ quonam idiomate recitari possint? 4. 2. 3. Quinam possint illas recitare ex alio Breviario, quam ex Romano? 4. 2. 1. Num possit aliquando officium pro officio recitari? 4. 2. 4. Potest quilibet sequi ritum Socii, cum quo officium recitat. 4. 2. 8. Rubricæ quænam dicantur præceptivæ, quænam directivæ? 4. 2. 5. Unumne, an septem peccata committat, qui integrum officium omittit? 4. 3. 2. Quænam dicatur pars officii notabilis, cuius omissio sit lethalis? 4. 3. 3

**I**dololatria preſſe dicta quid ferat ? 5. 1. 5. Quando ob illam incurruntur cenſurę in Bulla *Cœnx* ? 4. 1. 6

Jejunii tempore quam animantia prohibentur ? 10. 1. 1. Num laridum, & ſagimen inter lacticia numerentur ? 10. 1. 2. Num lacticia vetentur etiam in vigiliis extra Quadrageſimam ? 10. 1. 3. Diſpenſatus ad carnes num teneatur jejunare, ſi poſſit ? 10. 1. 4. Aut ſi aliquo die a carnibus abſtineat ? 10. 1. 5. Num cerviſia, aqua ſaccharo, & aromatibus condita, aut chocolata jejunium frangant ? 10. 1. 8

Jejunii die ex conſuetudine obligamur ad unicam coeſtioneſ, & reſectiunculam permittitur. 10. 2. 1. Quid requiritur, ut reſectio dicatur moraliter unica ? 10. 2. 4. Quenam ſit hora reſectioſis ? 10. 2. 5. Reſectiunculę quantitas, & qualitas. 10. 3. 1. Num liceat cœnulam ſumere mane ? 10. 3. 2. Quenam excuſent a jejunio ? 10. 5. 1. Quales debeat eſſe infirmitas ? 10. 5. 2. Quid in dubio ? 10. 5. 4. Quinam dicatur cibus ſufficiens ? 10. 5. 6. Pręgnantes, & Nutrices non tenentur jejunare, ſed debent a carnibus abſtinere. 10. 5. 3. Parochus poteſt ex cauſa diſpenſare, non tamen Abbatiffa. 10. 5. 5. Qui per totam Quadrageſimam vult comedere carnes, quot peccata committit ? 10. 4. 3. Senes quando excuſantur ? 10. 6. 8. Quid de navantibus operam arti laborioſę ? Quid de iter agentibus ? 10. 6. 1. 3. & 10. 6. 4.

Ignorantia, ac inadvertentia leviter culpabilis excuſat a gravi culpa transgreſſorem præcepti. 1. 6. 1. Ignorantia multiplex eſt, præſertim antecedens, conſequens, & comitans. 1. 6. 2. Quenam ignorantia ſolius poenę excuſat ab ea incurrenda ? 1. 6. 3. Num ſit ejuſdem ſpeciei peccatum conuſſum ex ignorantia culpabili, & commiſſum ſcienter ? 1. 6. 4.

Imagines Sacrę quonam pacto adorari poſſunt ? 4. 4. 1. Deus, ac tres Divinę perſonę ſolum ſub imaginibus ab Eccleſia deputatis adorari poſſunt. 4. 4. 3. Quomodo Deus, & Angeli per corporeas imagines adumbrentur ? 4.

4. 4. Quomodo dicatur magis Chriſtus, quam ejus imago adorari ? 4. 4. 8. Etiam Nomina Sacra, non ſecus ac imagines, adorantur. 4. 4. 5

Impedimenta ad obſervantiam præcepti, ſi ſint proxima, ſunt removenda. Quid ſi ſint remota ? 1. 5. 1. Cur peccet, qui non tollit impedimentum excommunicationis in ordine ad communicandum in Paſchate, non vero in ordine ad audiendum Sacrum die feſto ? 1. 5. 5. Num liceat deſatigare, ne detur obligatio jejunandi ? 1. 5. 2. Num poſſit quis die feſto iter arripere prævidens, quod non poſſit deinde Sacrum audire ? 1. 5. 4

Impedimenta apponere executioni præcepti quandonam liceat ? 2. 3. 12

Infamia quid ſit ? Et quot homines ad infamiam requirantur ? 12. 1. 5. Infamia prærequiritur univerſim, ut poſſit Judex per inquisitionem ſpecialeſ procedere. 12. 1. 4. Quid ſi procedat per inquisitionem mixtam ? 12. 1. 7

Infidelibus num poſſint injungi opera ſervilia die feſto ? 1. 3. 6. Quibus legibus tenentur ? 1. 3. 5. Num poſſint iis carnes miniſtrari die jejunii ? 2. 4. 8

Infidelium ſectę varię ſunt. 2. 2. 6. Quinam dicantur Pagani, quinam judæi, quinam Hæretici, & ſimiles ? ibid. Quenam communicatio cum Hebræis ſit nobis prohibita ? 2. 2. 9. Laicis inhibetur de rebus fidei diſputare cum Infidelibus. 2. 2. 11

Infirmitas, ut excuſet ab Horarum recitatione, debet eſſe gravis. 3. 6. 2. Quid ſi de hoc dubitetur ? 3. 2. 7

Incantatio in quo differat a Maleſicio, & a Magia ? 5. 4. 2

Infirmitas ſumulus num debeatur ſalarium ? 11. 4. 4. Clericis infirmis Eccleſia non denegat diſtributiones. 11. 4. 6

Interdicti tempore num teneatur Privilegiarius audire Sacrum die feſto ? 1. 5. 3.

Irę actus cum moderatione debita licite exercetur. 11. 4. 7

Judex formam juris, ſeu legum diſpoſitionem ſervare debet tum in modo procedendi, tum in ferenda ſententia. 12. 1. 1. Triplex eſt modus procedendi, per Accuſationem, per Denunciationem, & per Inquisitionem. 12. 1. 2. Num licite Judex procedat per me-

ram



- ram querelam, sine prævia infamia? 11. **L. 10.**
- Judex in ferenda sententia non potest sequi opinionem probabilem, relicta probabiliori; quamvis id possit Confessarius in foro Sacramentali. **12. 3. 1.** Quid si utraque opposita sententia sit æque probabilis? **12. 3. 2.** Num possit damnare juridice reum, quem privata notitia scit esse innocentem? **12. 3. 6.** Num viceversa possit damnare juridice innocentem, si sciat illum privata notitia esse reum? **12. 3. 4.** Restituere debet pretium acceptum pro ferenda sententia justa, non vero pro injusta, patratro scelere. **12. 3. 8.** Munera vi legum, & juramenti præstiti accipere non potest a partibus. **12. 3. 7.** Num possint illi dari munera ad redimendam vexationem, vel ut diligentius merita causæ discutiat. **12. 3. 8.**
- Judex quandomam possit reum inauditum damnare? **12. 3. 5.**
- Juramentum est Dei in testem invocatio; quæ potest esse expressa, & tacita. **7. 1. 1.** Jurans per falsos deos vere non jurat. **7. 1. 3.** Num sit formula juratoria, Per fidem meam, & similes? **7. 1. 4.** Quid in dubio an aliqua formula sit juratoria, necne? **7. 1. 5.** Rustici dicentes passim, Per Deum, non solent jurare. **7. 1. 9.**
- Juramentum dividitur in Assertorium, Promissorium, Invocatorium, Excratorium, seu Imprecativum, Comminatorium, &c. Omnia autem juramenta censentur esse ejusdem speciei. **7. 1. 12.**
- Juramentum metu extortum obligat pro foro interno. **7. 3. 2.** Matrimonium tamen, & votum extorta gravi metu injusto ab Ecclesia irritantur. **7. 3. 8.**
- Juramenta quædam frequentiora quomodo interpretanda sint? **7. 5. 1.** Quid de juramento Medicorum de monendis infirmis, ut consuecantur? **7. 5. 4.**
- Juramenti obligatio multis viis tolli potest. **7. 6. 12.** Cessat talis obligatio, si superveniat notabilis rerum mutatio. **7. 1. 3.** Quid si de ea dubitetur? ibid. Quinam possit juramenta irritare? Quinam relaxare? **8. 1. 4.** Quid de juramentis filiorum, Uxoris, & Servorum? **8. 1. 6.** Pontifex potest juramenta Sæcularium relaxare; Regularium vero etiam irritare. **8. 1. 8.** Fortius est voti vinculum, quam juramenti. **8. 1. 9.** Jurans potest juramentum commutare in inelius, aut in evidenter æquale, si illud non sit in favorem alterius, aut reservatum. Idemque dicas de voto. **8. 1. 12.** V. *Votum.* V. *Perjurium.*
- Juramenti promissorii materia quænam sit? **7. 3. 1.** Qui jurat se ducturum uxorem, num ad id teneatur? **7. 3. 2.** Qui jurat rem bonam ad finem malum, ad illam non tenetur. **7. 3. 3.** Secunda Sponsalia jurata, etiam prioribus dissolutis, non obligant. **7. 3. 4.** Promissio prodiga jurata num, & ad quid obliget? **7. 3. 5.** Juramentum de non acceptando Episcopatu quando obliget? **7. 3. 8.**
- Juramenti comites debent esse Veritas, Justitia, & Judicium. **7. 2. 1.** Ad jurandum privatum requiritur certitudo moralis; In judicio requiritur notitia de visu. **7. 2. 4.** Nequit induci aliquis ad jurandum quod est materialiter falsum. **7. 2. 8.**
- Jurans sine animo jurandi, aut sine intentione se obligandi secundum se peccat lethaliter. **7. 4. 1.** Jurans cum æquivocatione, aut cum restrictione non pure mentali, num semper sit perjurus? **7. 4. 2.** Juramentum, ac votum non obligant, si dolus, aut error versentur circa causam finalem, quando dant causam contractui. **7. 4. 4.** Sicut etiam si sint circa substantiam rei, aut circa circumstantias notabiles, quæ in ipsam substantiam redundant. **7. 4. 3.** Error tamen circa qualitates notabiles non invalidat Professionem Religiosam, nec Matrimonium, nec susceptionem Ordinis Sacri, nisi id exprimat. **7. 3. 5.**
- Jurans se non lusum secundum se intelligit de lusu immoderato. **7. 3. 6.**
- Jurisdiclio vel ordinaria, vel delegata requiritur in Judice, ut possit sententiam ferre. **12. 2. 1.** Adversus Ecclesiasticos num possint vi consuetudinis Laici ferre sententiam? **12. 2. 2.** Quid si Clerici Rempubicam turbent? **12. 2. 5.**



**L**

**L** Aborioſæ artes excuſantes a jejuni-  
o quænam dicantur ? 10. 6. 2. Quæ-  
nam exercitia laborioſa ? Num Canto-  
ris, Advocati, Concionatoriſ ? 10. 6.  
4. Quilibet laborioſæ arti operam navat,  
num teneatur jejunare, ſi uno, aut  
altero die non labore ? 10. 6. 5  
**Lege** non obligari, non eſt idem ac a le-  
ge excuſari. 1. 3. 1  
**Leges** vetantes Judiciis, ne munera ac-  
cipiant, num obligent ſub mortali ?  
12. 3. 9.  
**Locus** facer quibus actionibus viole-  
tur, ita ut actiones hujusmodi ſint ſacrile-  
gæ ? 6. 1. 11. Sacrilegium eſt furtum  
ſacri de ſacro, & ſacri de non ſacro,  
imo etiam non ſacri de ſacro, ſed quo-  
modo ? 6. 1. 12. Quid ſi furtum fiat  
in Sacriſtia, aut in Clauſtris Religio-  
ſorum, vel in Oratoriis domus priva-  
tæ ? 6. 1. 13

**M**

**M**agia ſuperſtitioſa in quo differat  
a naturali ? 5. 4. 1. Differt a va-  
na Obſervatione, a Maleficio, & ab  
Incantatione. 5. 4. 2  
**Magiſtri** num poſſint ad correptionem  
moderate verberare in ſacris conſti-  
tutos ? 11. 4. 5  
**Maleficium** differt a Magia. 5. 4. 2. Di-  
viditur in Amatorium, & Veneficum.  
5. 1. 1. Occurritur illi remediis natu-  
ralibus, ſupernaturalibus, & morali-  
bus. 5. 5. 2. Quandoque liceat a Ma-  
leficio petere Maleficii diſſolutionem ?  
5. 5. 3.  
**Mancia** tenentur dominum defendere  
etiam cum vitæ diſcrimine. 11. 4. 1.  
Fugere poſſunt, ſi non dederint fidem  
non fugiendi. 11. 4. 2  
**Mater** tenetur alere, & educare filium  
uſque ad tertium annum. 11. 2. 2  
**Materiæ** parvitas non ſemper a mortali  
excufa. 1. 2. 7. Imperfecta delibera-  
tio, & conſenſus excuſant ſemper. 1.  
2. 5. Materia, quæ etiam relate ad fi-  
nem eſt parva, non eſt capax præce-  
pti graviter obligantis. 1. 2. 9. Quid ſi  
de hoc dubitetur ? 1. 2. 10  
**Matrimonium** licetne ob urgentem me-

tum gravem celebrare, ac conſum-  
mare ? 1. 7. 8  
**Medicorum** juramentum de monendis in-  
firmis, ut conſiteantur, quomodo in-  
terpretandum ſit ? 7. 5. 4  
**Metus** mortis, aut gravis damni quan-  
donam excuſet a legis tranſgreſſione ?  
1. 6. 7. Ob metum mortis nequit Sacer-  
dos excommunicatus vitandus abſol-  
vere, poteſt tamen celebrare. 1. 6.  
7. Num liceat ob talem metum cele-  
brare matrimonium, illudque conſum-  
mare ? 1. 7. 8  
**Miſſæ** præcepto num ſatisfaciat, qui au-  
dit ſucceſſive duas Miſſæ partes ordi-  
ne inverſo ? 5. 3. 1. Quænam ſit pars  
Miſſæ notabilis ? 5. 3. 2. Quænam ſit  
præſentia moraliſ requiſita ? 5. 3. 3  
**Miſſa** in Oratoriis privatis Magnatum a  
quibus familiaribus audiri poſſit, ita-  
ut præcepto ſatisfiat ? 9. 3. 6  
**Miſſam** audire quinam dicatur impotens ?  
9. 3. 7. Quandoque viduæ, nobiles,  
& puellæ excuſentur ? 9. 3. 10. Num  
excuſet amiſſio lucri ingentis ? 9. 3. 7.  
Quænam alia excuſent ? ibid.  
**Montales**, quæ abſunt a Choro, num  
teneantur privatim Horas recitare ? 3.  
1. 7.  
**Motus** primo primi nullatenus ſunt libe-  
ri ; at motus ſecundo primi ſunt ſo-  
lum ſemiplene deliberati, & ideo uni-  
verſim venialiter peccaminofi, ſi ſint  
circa objectum pravum. 1. 2. 5. Quid  
ſi dubitas, num motus fuerint ſecundo  
primi, an perfectè deliberati ? 1. 2. 6  
**Munera** a Judiciis accipi non poſſunt  
tum vi juramenti præſtiti, tum vi le-  
gum id vetantium. 12. 3. 7. Num le-  
ges iſtæ obligent ſub mortali ? 12. 3. 9

**N**

**N**otario potius, quam teſti creden-  
dum, ſi hic juret ſe aliquid non  
dixiſſe. 12. 5. 10  
**Novitiorum** vota non poſſunt a Supe-  
rioribus irritari. 7. 6. 8. Eorum tamen  
vota commutari poſſunt in Profeſſio-  
nem Religioſam. ibid.

**O**

**O**ccupatio gravis, quæ excuſat ab  
Horarum recitatione, quænam ſit ?  
3. 6.

**3. 6. 6.** Num aliquando Concionatores, & Confessarii excusentur? *ibid.*  
**Odiū Dei** non patitur materiæ parvitatē. **2. 3. 6**  
**Officia secularia** num possint aliquando vendi a Principe supremo? **11. 4. 14.**  
 Num possint ea conferri dignis omīssis, dignioribus, seu Reipublicæ utilioribus? **11. 4. 13**  
**Officiales in Republica** corporaliter laborantes quando a jejuniis excusentur? **10. 6. 3.**  
**Officiū Beatæ Virginis**, & defunctorum in Rubrica præscriptum quando recitandum est? **3. 2. 2**  
**Oratoria privata Magnatum . V. Missa.**  
**Oratio** est actus Religionis, quæ a Deo petimus decētia. **2. 4. 1.** Oratio dominica præferret debitum orandi modum. *ibid.* Orationis Justī effectus triplex est, mereri, impetrare, & satisficere. **2. 4. 3.** Etiam peccatoris oratio est impetratoria, si non petant mala, aut ad malum finem. **2. 4. 4.** Num oratio ex divina promissione impetret infallibiliter? **2. 4. 5.** Conditiones Orationis sunt, ut petantur bona, a Bonis, Bene, & cum perseverantia. **2. 4. 4**  
**Oratio vocalis humanæ naturæ** conformior est, quam mentalis. **2. 4. 6**  
**Ordinatus in Sacris** si expresse nolit vovere castitatem, adhuc ad illam obligatur ex præcepto Ecclesiæ, & est sacrilegus, si adversus illam peccet. **8. 1. 4.** Invalide suscipiens Ordines Sacros ad Castitatem non tenetur; secus vero si invalide emittat Professionem Religiosam. **8. 1. 5**  
**Ovorum, & lacticianorum esus** num prohibeatur etiam in Vigiliis extra Quadragesimam? **10. 1. 3**

**P**

**Paratō** jejunium frangere num liceat offerre carnes? **10. 4. 6.** Num peccent Caupones ministrando omnibus carnes die jejunii? **10. 4. 7.** Num Infidelibus liceat eas offerre? **10. 4. 8**  
**Parentes divites**, qui ad infamiam vitandam exponunt infantes Hospitali, num teneantur huic expensas compensare? **11. 2. 3**  
**Parentes** ad quid teneantur erga filios?

**11. 2. 1.** Num possint aliquando illos etiam in Sacris constitutos percutere? *ibid.* Quenam alimenta illis præstare debent? **11. 2. 6.** Num possint illos exhæredare? **11. 2. 3.** Num teneantur alere uxores filiorum, & dotem constituere filiæ spurie? **11. 2. 6.** Filius a quonam est alendus in dubio num sit genitus a Petro, an a Paulo? **11. 2. 8**  
**Parochus** quandiu possit sine licentia Episcopi non residere? **11. 3. 9**  
**Paterparatus** a Patre ne, an a filiis alendus est? **11. 2. 8**  
**Peccator** orando impetrat, si non oret inquantum peccator est, videlicet aut mala petendo, aut ad malum finem. **2. 4. 4.**  
**Peccatum** quando dicitur esse ex genere suo mortale, & quando veniale?  
**1. 2. 2.** Quomodo possit per accidens mortale in veniale transire? **1. 2. 4.** Quotupliciter potest veniale transire in mortale? **1. 2. 12.** Quomodo peccet, venialiterne, an lethaliter, qui advertit ad malitiam objecti, præscindendo num ea sit gravis, an levis? **1. 2. 6.**  
**Peccatum commissum ex ignorantia culpabili** num sit ejusdem speciei, ac commissum scienter? **1. 6. 4**  
**Pænæ ignorantia** num excuset ab ea incurrenda? **1. 6. 3.** Quid de pœna non petenti debitum? **1. 5. 6**  
**Perjurium** dicitur Juramentum, cui desit veritas. **7. 7. 1.** Dicitur late perjurium, si desit justitia, aut necessitas. *ibid.* Est gravius peccatum, quam sit homicidium. *ibid.* Pejerandi consuetudo, quamvis cum inadvententia, sub mortali tollenda. **7. 7. 3.** Quibus remediis ea evellatur? **7. 7. 4**  
**Percussio Clerici**, & Novitii est sacrilega, quamvis non habeant votum castitatis; at istorum peccatum contra castitatem non est sacrilegum. **6. 1. 8**  
**Peregrini** quibus legibus teneantur? **1. 3. 7.** Num possint inane jentaculum sumere, si velint egredi e loco, ubi jejunatur? *ibid.* Tenentur legibus juris communis, quamvis illæ in Patria sint abrogatæ. **1. 3. 9**  
**Peregrinus** num teneatur legibus Municipalibus, si per viginti dies sit alicubi commoraturus? **8. 3. 11**  
**Pœnitentiæ Sacramentum** cum periculo mor-

mortis non teneretur suscipere, qui potest sibi per contritionem consulere. **1. 6. 8.**  
 Pontifex potest Sæcularium vota dispensare, Regularium vero etiam irritare. **7. 1. 8.**  
 Præceptum si nequeat impleri totum, quandonam datur obligatio ponendi partem, quæ poni potest. **1. 6. 11**  
 Præcepta Decalogi cur decem enumerentur? **1. 1. 3.** Tria prima spectant ad primam tabulam, reliqua ad secundam. **1. 1. 1.** Num, & quomodo possit Deus in his præceptis dispensare? **1. 1. 5.**  
 Præceptum primum Decalogi quos actus externos, & quos internos Religionis præcipiat? **2. 1. 4.**  
 Præceptum num satisfiat sine intentione ponendi opus inunctum? **1. 4. 1. Num** requiratur intentio satisfaciendi præcepto, quando ponitur opus inunctum? **1. 4. 4.** Num satisfiat præcepto jejunii, qui invitus jejunat? **1. 4. 2.** Num satisfiat præcepto, qui ponit opus inunctum nolens per illud satisfacere? **1. 4. 6.**  
 Prælati tenentur ad residentiam, & ad dispensandos redditus congruæ sustentationi superfluos in usus pios. **11. 4. 8.**  
 Principes laici ad quid teneantur erga Vassallos? **11. 4. 11.** Promovendo inepios ad Officium Gubernatoris, vel Judicis peccant, & tenentur ad restitutionem. **11. 4. 12.** Quid si promoveant dignos, omisiss dignioribus? **11. 4. 13.** Num possint vendere officia secularia? **11. 4. 14.**  
 Procurator. *V. Advocatus.*  
 Promissio prodiga num, & ad quid obliget? **6. 3. 6.**  
 Proximo in gravi necessitate constituto qualiter subvenire teneamur? **11. 5. 1.** Divitibus præcipitur facile stipem indigentibus erogare. **11. 5. 5.** Num satis sit extreme indigenti mutare? **11. 5. 7.** In extrema proximi necessitate tenemur illi subvenire de necessariis proprio statui; in gravi vero ex statui superfluis. **11. 5. 8.** Ad quid teneamur in communibus proximi necessitatibus? **11. 5. 9.**  
 Proximum diligere tenemur etiam actu interno, & formali. **11. 5. 1.** Quomodo peccatores, & inimicos dilige-

re teneamur? **11. 5. 2.** Num teneamur salutare inimicos? *ibid.* Quonam ordine proximus diligendus est? **11. 5. 4.** Quænam peccata charitati erga proximum adversantur? **11. 5. 5.** Explicanda in confessione est species mali, quod vis proximo inferre, non tamen quod illi desideras. **11. 5. 6. V. Scandalum.**  
 Proximum corrigere fraternaliter quando, & quomodo teneamur? **11. 5. 11.**  
 Pueri post usum rationis tenentur legibus Ecclesiasticis, sed ante pubertatem pœnas Ecclesiasticas non incurrunt. **1. 3. 2.** Num possint ante usum rationis introduci in Monasteria Monialium? **1. 3. 3.**

## R

**R**atificatio voti illud non revalidat, si fuerat invalidum. **8. 1. 2.** Quid si quis dubitet, an voluerit per ratificationem emittere de novo votum? *ibid.*  
 Religionis virtus non est Theologalis, sed principem obtinet locum inter Morales. **2. 1. 1.** Quinam sint ejus actus elicit? *Quinam imperati?* **2. 1. 3.** Ad quos actus externos, & internos Religionis obligemur, & quando? **2. 1. 5.** Religionis actus externi quinam sint? **2. 1. 6.**  
 Religionem ingredi non possunt filii in gravi necessitate Parentum, aut Sororum; Et in extrema Parentum necessitate tenentur egredi. **11. 1. 7.** Et similiter Parentes in necessitate filiorum. *ibid.*  
 Religiosi non tenentur obedire Prælati suis in iis, quæ sunt aut supra, aut præter regulam. **11. 4. 7.**  
 Reliquiæ Sanctorum quænam dicantur? **4. 3. 1.** Quomodo adorandæ? **4. 3. 2.** Qui reliquias furatur, peccat peccato furti, & sacrilegii. **4. 3. 7.**  
 Restitutio an sit iteranda ab eo, qui immemor debiti donat æquivalentes creditori? **1. 4. 5.**  
 Restitutio quando, & quomodo facienda a Beneficiariis omittentibus Horas? **3. 3. 8.**  
 Restituere debet Judex pretium pro ferenda sententia justa; non vero pro injusta, patrato scelere. **12. 3. 8.**  
 Reus

Reus non legitime interrogatus in iudicio non tenetur respondere . 12. 6. 1.  
 Num possit aliquando equivocare , quamvis interrogetur iudice ? *ibid.*  
 Quid si sibi grave damnum imminet ? 12. 6. 3.  
 Num peccet graviter , si in re levi interrogatus legitime non respondeat ? 12. 6. 5.  
 Potest reus e carcere fugere ; sed non potest Ministris iustitiæ vim inferre . 12. 6. 7  
 Rubricæ Missalis , ac Breviarii quænam dicantur Præceptivæ , quænam Directive ? 3. 2. 5

**S**

**S**acriligium , seu Sacræ rei læsio dividitur in Personale , Locale , & Reale . 6. 1. 1.  
 Tres istæ species probabiliter sunt atome , non subalternæ ; unde modus sacrilegii non est in confessione de necessitate explicandus . 6. 1. 2.  
 Quænam Persona dicitur sacra ? 6. 1. 3.  
 Quadrupliciter per læsionem Personæ Sacræ sacrilegium committitur . 6. 1. 4.  
 Num Novitius peccans contra castitatem sit sacrilegus ? 6. 1. 5.  
 Num sit sacrilegus , qui habens votum castitatis alios inducit ad peccandum carnaliter ? *ibid.*  
 Fractio cuiuscumque voti est sacrilega . 6. 1. 6.  
 Non omnia peccata personæ sacre sunt sacrilegia , sed quæ sunt contra castitatem . 6. 1. 7.  
 Sacrilegium quando habetur per violationem loci Sacri ? 6. 1. 9.  
 Est sacrilegium furtum sacri de sacro , Sacri de non sacro , & non Sacri de sacro , si res non sacra sit in Ecclesia custodiæ causa , aut illi commodata . 6. 1. 12.  
 Quid de furto in sacristia , aut similibus locis ? 6. 1. 13.  
 Quid veniat nomine rei Sacræ ? *ibid.*  
 Sacrilegium non est concupiscere in Ecclesia copulam habendam extra Ecclesiam . 6. 1. 15.  
 Quid de actibus turpibus in Ecclesia patris ? *ibid.*  
 Sacrilegium reale multipliciter haberi potest ; præsertim si quis rebus , aut verbis sacris abutatur . 6. 1. 16.  
 Servilia opera diebus festis prohibita quænam sint ? 9. 1. 1.  
 Num liceat infidelibus ea opera injungere ? 9. 1. 11  
 Scandalum multiplex est . 11. 4. 8.  
 Non est peccatum scandalum acceptum , sed datum . 11. 4. 9.  
 Activum aliud est di-

rectum , aliud indirectum ; Passivum vero aliud Pusillorum , aliud Pharisaicum . 11. 4. 10.  
 Scandalum activum indirectum non semper est peccaminosum . 11. 4. 11.  
 Quandonam possimus materialiter cooperari cum peccato proximi ? 11. 4. 12.  
 Num sit in confessione aperienda species peccati , ad quod inducitur , qui scandalizatur ? 11. 4. 16  
 Senes quando a jejuniis excusentur ? 10. 6. 8.  
 Somnia quandonam liceat observare ? 4. 2. 8.  
 Spei Theologicæ opponitur tam Præsumptio , quam Desperatio . 2. 3. 2.  
 Quodnam præceptum spei negativum , quodnam positivum ? *ibid.*  
 Superstitio quid sit , & quotuplex ? 5. 1. 1.  
 Indebito cultu Deus adoratur , sive adoretur cultu falso , sive superfluo . 5. 1. 2.  
 Jejunare diebus dominicis num sit cultus Dei superstitiosus ? 5. 2. 3.

**T**

**T**entatio alia est Probationis , alia Inductionis . 6. 3. 1.  
 Quandonam habetur expressa , quando vero tacita Dei tentatio ? 6. 3. 2.  
 Prohibentur in lege Evangelica purgationes , quibus in lege veteri miraculis alicujus innocentia innotescebat . 6. 3. 4.  
 Num possit tentatio Dei a mortali excusari ? 6. 3. 6.  
 Testes quinam requirantur , ut possit Reus damnari ? 12. 5. 1.  
 Quinam sint inhabiles ad testandum ? *ibid.*  
 Num teneatur ad restitutionem , qui contra præceptum Superioris renuit testari ? 12. 5. 2.  
 Num possimus sponte testari ad salvandam vitam innocentis , si inde alterius mors sequatur ? 12. 5. 4.  
 Non semper datur obligatio testandi , posito Superioris præcepto . 12. 5. 3.  
 Iudice legitime interrogante , non potest testis equivocare . 12. 5. 8.  
 Teneatur tamen aliquando equivocare . 12. 5. 8.  
 Quid si testis sibi contradicat , aut in eodem , aut in diverso examine ? 12. 5. 9.  
 Notario potius , quam testi credendum est , si hic juret se aliquid non dixisse . 12. 5. 10  
 Theologales virtutes in quo differant a Moralibus ? 2. 1. 2  
 Va-

**V**ana observantia in quo differat a Divinatione? *5. 3. 1.* Sæpe fit cum tacita Dæmonis invocatione, quamvis protestatio fiat in oppositum. *5. 3. 2.* Quanam observationes communiter a Doctoribus reputentur vanæ, & superstitiosæ? *5. 3. 4.* Recensentur aliæ, quæ non sunt vanæ, sed licitæ. *5. 3. 6.* Quid de unguento armario? *5. 3. 7.* Vassalli erga Principes laicos ad quid teneantur? *11. 4. 10.* Et ad quid Principes erga illos? *11. 4. 11.* Vicarii Generales Episcoporum non possunt ex officio in votis dispensare. *7. 6. 10.* Vigiliæ ex consuetudine quænam sint? *10. 4. 5.* Vir quid debeat Uxori? *11. 3. 1.* Num possit illam percutere ad correctionem? *11. 3. 2.* Num teneatur illam alere, quando ob utriusque culpam ab ea recessit? *11. 3. 4.* Virtutes Theologales in quo differant a Moralibus? *2. 1. 2.* Unguentum armarium num sit superstitiosum? *5. 3. 7.* Voti materia si partim sit apta, partim inepta, ad quid vovens obligatur? *8. 2. 1.* Quantum differri possit voti adimpletio? *8. 2. 2.* Num possit votum obligare sub levi in materia gravi? *8. 1. 3.* Num graviter peccet, qui sæpe violat votum in materia levi? *8. 2. 5.* Num votum obliget, facta nota-

bili rerum mutatione? *8. 2. 7.* Voto jejunandi num satisfaciatur, qui jejunit, sed non vult per tale jejunium voto satisfacere? *1. 4. 6.* Votum extortum gravi metu injusto ab Ecclesia irritatur; non tamen juramentum. *7. 3. 7.* V. *Juramentum.* Vota filiorum, uxoris, servorum, subditorum a quonam irritari possint? *7. 6. 7.* Quænam causa requiratur ad voti dispensationem, & juramenti relaxationem? *ibid.* Voti vinculum fortius est vinculo juramenti. *7. 6. 10.* Qui potest vota commutare, non potest catenus illa dispensare. *7. 6. 11.* Potest vovens commutare sibi votum in evidenter melius, & probabiliter in evidenter æquale. *7. 6. 12.* Votum pœnale non obligat ad pœnam, quando quis immemor pœnæ votum transgreditur. *1. 6. 6.* Votum sine plena deliberatione non obligat. *8. 1. 3.* Quid si vovens de hoc dubitet? *ibid.* Votum solenne irritat Matrimonium; Sicut etiam votum simplex in Societate JESU. *8. 1. 9.* In quo sensu votum est de meliori bono? *8. 1. 7.* Votum pœnale unumne, an duo vota complectatur? *8. 1. 11.* Votum ut dispensetur, quænam causa requiritur, & sufficit? *8. 3. 13.* Quisnam possit in votis dispensare? V. *Episcopus.* Uxor debet Viro amorem, reverentiam, & obedientiam. *11. 3. 6.* Tenetur sequi Virum. *ibid.* Quid si pactum intercedat non mutandi locum? *ibid.*

FINIS.



**V**ana observantia in quo differat a Divinatione? 5. 3. 1. Sæpe fit cum tacita Dæmonis invocatione, quamvis protestatio fiat in oppositum. 5. 3. 2. Quænam observationes communiter a Doctoribus reputentur vanæ, & superstitiosæ? 5. 3. 4. Recensentur aliæ, quæ non sunt vanæ, sed licitæ. 5. 3. 6. Quid de unguento armario? 5. 3. 7. Vassalli erga Principes laicos ad quid teneantur? 11. 4. 10. Et ad quid Principes erga illos? 11. 4. 11. Vicarii Generales Episcoporum non possunt ex officio in votis dispensare. 7. 6. 10. Vigiliæ ex consuetudine quænam sint? 10. 4. 5. Vir quid debeat Uxori? 11. 3. 1. Num possit illam percutere ad correctionem? 11. 3. 2. Num teneatur illam alere, quando ob utriusque culpam ab ea recessit? 11. 3. 4. Virtutes Theologales in quo differant a Moralibus? 2. 1. 2. Unguentum armarium num sit superstitiosum? 5. 3. 7. Voti materia si partim sit apta, partim inepta, ad quid vovens obligatur? 8. 2. 1. Quantum differri possit voti adimpletio? 8. 2. 2. Num possit votum obligare sub levi in materia gravi? 8. 1. 3. Num graviter peccet, qui sæpe violat votum in materia levi? 8. 2. 5. Num votum obliget, facta nota-

bili rerum mutatione? 8. 2. 7. Voto jejunandi num satisfaciatur, qui jejunit, sed non vult per tale jejunium voto satisfacere? 1. 4. 6. Votum extortum gravi metu injusto ab Ecclesia irritatur; non tamen juramentum. 7. 3. 7. V. *Juramentum*. Vota filiorum, uxoris, servorum, subditorum a quonam irritari possint? 7. 6. 7. Quænam causa requiratur ad voti dispensationem, & juramenti relaxationem? ibid. Voti vinculum fortius est vinculo juramenti. 7. 6. 12. Qui potest vota commutare, non potest eatenus illa dispensare. 7. 6. 11. Potest vovens commutare sibi votum in evidenter melius, & probabiliter in evidenter æquale. 7. 6. 13. Votum pœnale non obligat ad pœnam, quando quis immemor pœnæ votum transgreditur. 1. 6. 6. Votum sine plena deliberatione non obligat. 8. 1. 3. Quid si vovens de hoc dubitet? ibid. Votum solemne irritat Matrimonium; Sicut etiam votum simplex in Societate JESU. 8. 1. 9. In quo sensu votum est de meliori bono? 8. 1. 7. Votum pœnale unumne, an duo vota complectatur? 8. 1. 11. Votum ut dispensetur, quænam causa requiritur, & sufficit? 8. 3. 13. Quinam possit in votis dispensare? V. *Episcopus*. Uxor debet Viro amorem, reverentiam, & obedientiam. 11. 3. 6. Tenetur sequi Virum. ibid. Quid si pactum intercedat non mutandi locum? ibid.

FINIS.